

中華
大書局

NORTH CHINA UNION LANGUAGE
SCHOOL LIBRARY

C
8986
11

#

4

D

A18
H322
202

八

續

大

全

中華書局印行

NORTH CHINA UNION LANGUAGE
SCHOOL LIBRARY



3 2173 4408 8

編輯大意

一 新出尺牘。名類繁多。然皆偏於一隅。如政界學界各適其用。本編則彙各方面於一冊。閱者得此一書。往來通候。俯拾即是。可以無假他求。

一 各種尺牘。僅有格式模擬之作。而無詞藻應用之方。臨池時恆苦其不便。本編共上下二卷。上卷分政界學界軍警界實業界婦女界普通社會界六類。下卷分尺牘類。腋尺牘。選粹尺牘。摘錦尺牘。稱謂四類。兼容并包。應有盡有。顏曰大全。庶乎名副其實。

編輯大意



NORTH CHINA UNION LANGUAGE
SCHOOL LIBRARY

一時局日新。卽如官制名稱。亦時多更易。舊出尺牘。或多不適其用。本編所作。皆取各界最近情形。篇中子目。亦一再斟酌。務求普通合宜。無復明日黃花之誚。

一舊時尺牘。崇尚四六。而新出各種。屏除詞藻。意取率真。似各失之一偏。本編皆詞明意達之作。至遇慶賀唁慰處。則復因題布置。略加點染。庶幾華實相稱。雅俗共賞。

一本編雖條分縷晰。各歸各類。以便檢查。然其中事實。頗有可互相採取者。觸類旁通。是在閱者。

尺牘大全總目

上卷

政界九十二首

學界九十五首

軍警界六十四首

實業界八十八首

婦女界五十三首

普通社會界九十一首

下卷

總目

尺牘大全

尺牘類腋

尺牘選粹

尺牘摘錦

尺牘稱謂

尺牘大全 目次

卷一

政界 通用類

上大總統辭勳位

上大總統辭年金

上大總統辭嘉禾章

上大總統辭職務

上大總統舉賢才

上大總統請遊學

賀督軍到任

賀省長到任

賀縣知事到任

通候京官

通候外官

稟父母就職情形

目次

一

尺牘大全

二

稟伯叔就職情形

就職後與兄弟書

稟^父代聘幕僚

託親友代招佐治員

邀某君贊助

省長到任通候鄰省

道尹到任通候同官

縣知事到任通候鄰縣

官廳通候士紳

請某君任祕書

請某君任統計

請某君任調查

薦某君有政治經驗

薦某君任科員

薦友人充稅局稽征員

託友轉求吹噓

答復允爲設法

託友說項

託友推薦人才

謝上官委任

謝友人推薦

承推薦未往謝罪

謝代策畫

謝代轉圜

謝代任職務

詢問地方情形

奉委後詢問職務情形

詢問有無委任消息

託代探消息

內務類

賀內務部總次長到任

答復賀函並告就職情形

與友人論政見以慎選知事爲入手

上總次長請求因荒發賑

請某君籌辦清鄉事宜

請於某處開闢商埠

請添設貧民習藝所

目次

三

尺牘大全

四

請革除迷信提倡善舉

外交類

賀外交部總次長到任

答復賀函並告就職情形

囑縣知事保護教士

僑商請保護

勸僑商投資

答復允許投資

薦某君諳外交

函辭出使

請調查外情

函告遊歷團到埠請招待保護

邀請譯員

財政類

賀財政部總次長到任

答復賀函並告就職情形

謝委任銀行監督

請求撥款維持公益

商論稅則

請切實提倡印花稅

函陳稅收短絀懇請另委接替

謝委任稅捐局長

上書條陳財政

商請就近截撥餉項

邀友人襄辦鹽政

司法類

賀司法部總次長到任

謝委審檢廳長

請某爲幫審員

薦某君可任律師

答復賀函並告就職情形

薦舉法學人才

託延律師

請作訴訟代理人

目次

五

尺牘大全

六

函請嚴查煙賭

函囑改良監獄

延某君編纂法制請代介紹

函復某君處已代爲勸駕

交通類

賀交通部總次長到任

答復賀函並告就職情形

謝委任郵電局

請某君招集礦股

辭路局職務

請某君測勘路綫

函允擔任測勘路綫

函商借款築路辦法

函請推廣郵電鐵路

卷二

學界

校務類

上教育部商論事件

上教育司商請事件

上縣知事辭校長職務

請視學員到校視察

因校舍事致官廳

請某君充某科教習

教習辭聘再行敦請

薦某君充某科教習

請某君充監學

辭某校聘充教員

託聘外國教員

詢某教員人品如何

催請教員到校

請友人代任教科

請教員暫攝校事

教員向校中請假

教員向校中續假

學生向校中請假

校中畢業約友觀禮

託詢某校章程

目次

七

尺牘大全

八

詢問某校投考插班情形

開運動會致送入場券

校中開紀念會請友襄助

商論推廣教育

商論推廣學額

薦某君充校中庶務

薦校僕

請某君到校演說

請某君捐助經費

請友人選擇最適用之教科書

答復友人詢問教科書

請友人代辦儀器

致家屬催某生到校

學業類

稟告到校情形

稟告考試成績

稟告暑假歸期

稟告畢業名次

稟告轉學

稟告假期內借居學友處

稟告校中遊藝會情形

稟告組織校友會

致弟述畢業後升校情形

致弟述到東遊學情形

諭子在校勤業

諭子謹守校規

諭子善遇同學

致兄長請寄書籍費

致兄長請續寄遊學費

詢友近日學詣

託探某校內容

託友人代購書籍

託同學代領講義

約同學轉校

約同學出外就學

約友人出洋就學

約同學投考

勸人注重家庭教育

目次

九

尺牘大全

一〇

勸人勿以戀家而荒學業

有疑義函詢某教員

託同學介紹於某教員

約同學參觀某校

請教員點正詩文稿

酬應類

學生通候教員

學生通候同學

教員通候同事

校長通候教員

教員問候學生

約同學旅行

約星期遊公園

約借赴展覽會

約觀運動會

向同學借書

還同學書

因病向同學借款

託同學帶物

託教員薦事

詢同學婚期

賀出洋留學生畢業回國

謝同學贈物

送同學遠行

教員留別學生

教員問學生疾

唁同學悼亡

慰投考未取

託同學謀事

詢同學病狀

賀同學結婚

賀出洋學生得博士學位

謝同學慰問

送教員遠行

代同學乞情轉圜

學生問教員疾

謝慰喪偶

贈友人最新出版品

目次

謝友人贈小說

謝教員贈寄獎勵品

卷三

軍警界 酬應類

賀^軍師長到任

賀旅長升任

賀警察廳到任

賀得勳位

賀得文虎章

答復何日到任請勿遠迎

餞別開會請臨蒞以留紀念

覆謝開紀念會

別後致謝僚屬

約人同往迎謁上官

請同官宴飲

謝招待

初受職問候本地紳士

初受職問候本地同官

致送酒肉犒勞

答謝犒勞

同官調往別處致函送別

承人報告情形復函道謝

擬謁先行致書

失迓約晤

約人同往聽演說

函謝上官照拂

致謝同官代辦職務

職務類

上參謀部條陳軍事

辭某處參謀長職務

就職後致紳界徵求意見

詢問轄境匪情

答覆轄境匪情

致團長囑其勤操練

述待餉孔急請速籌撥

飭某到前領餉請照發

目次

尺牘大全

一四

函覆餉需爲難先放一月

請飭撥營隊協剿

報告剿匪情形

報告出防情形

商論整頓巡警辦法

請隨時約束巡士

請推廣警額

請派警保護

辭某處巡官職務

挽留辭職

因病辭軍界委任

申報斥革巡長

某人虧餉潛逃請協緝

請派隊赴某處彈壓

催詢某人到差

因有家事耽擱請展緩到差

懇託類

薦書記員

薦軍需員

託轉薦錄事

託代訪請教練員

託代聘顧問

託代調停軍警衝突

託謀位置

懇求他調請從速說項

懇勿他調請將下情代達

某某現隸屬下懇推情照拂

託代採辦服裝

託代帶公件至某處

託代探訪情形

某人前往參觀請妥爲接待

因病懇請暫代職務

因事回籍懇求准假

某事請人前往代表

卷四

實業界 職業類

目次

一五

託覓生意

答允留意

催速到店

託人訂訪店友

保薦店友

却人薦友

保薦學生

力辭公司董事

挽留公司董事

致友報告已被舉爲公司稽查員

辭謝公司稽查員事

致東翁請續假

致東家辭職

薦鑛局中稽查員

薦紗廠探辦員

詢願否墊款充洋行買辦

聘請店中經理

勸人營商業

集股已成催請速回籌辦

招會議店務

請來店料理

覆有事不能來店暫請備勞

詢問某廠是否有招工消息

銀錢賬目類

催索貨款

寄還賬款

催繳股銀

勸人合股盤貨

報告東家一年之賬略

詢問店中賬目

報告購貨並請匯銀

收銀後寄賬單

代收之款請由銀行匯寄

因折閱商請添股

覆函不允添股

付定銀並寄合同

請將貨銀代劃某處

請賠保險銀

目次

尺牘大全

一八

貨款先付若干餘陸續再寄

託做押款

押款到期催詢速還

貨款請緩

不允抵借

賬單有誤請查對另寄

繳銀催貨

收到存銀奉上存銀簿據

請將貨款暫存銀行

託交銀行儲蓄

請到店結算賬目

囑謹慎放賬

賬已付清請核銷

商貨類

請友人寄貨樣

來貨與貨樣不符不能收受

請寄貨不可疎失

退還損傷之貨

答覆損傷之貨須各半分認

託詢貨物價值及進貨情形

覆勸暫緩進貨

招徠辦貨

託代銷貨

答允代銷

論東西洋之銷路

報告銷貨情形

商議減價出售

論告白之利益

詢問運貨之方法

勸人經營煤礦

知照某店消息不好從緩發貨

友人前往辦貨懇託介紹

勸人保水火險

貨滯銷當改良

交往類

述辭退某友之原因

述店務分手之故

尺牘大全

二〇

致謝夥友在店出力

謝東家加薪水

店務糾葛懇爲理楚

約同出洋貿易

請辦貨客人宴飲

約辦貨客人住宿本店

懇行家照料辦貨客

函謝行家招待

送行託帶物件

賀商店開張

賀公司開張

賀人得利

慰人虧折

約同往看拍賣

覆告不能借往

約入會館議事

卷五

婦女界 家庭類

稟候祖父母(入校後)

稟候父母(入校後)

稟候君姑(入校後)

稟候姑母

致姊函

致兄函

訓子

學校類

稟告考試升級情形

勸姊妹入學

稟候祖父母(出嫁後)

稟候父母(出嫁後)

稟候君姑(歸寧後)

致夫函

答妹

致弟函

訓女

託詢校中招考插班章程

學費不敷請家中籌寄

詢問東洋遊學情形

答詢東洋遊學情形

校中開遊藝會敬贈入場券

約放假後結伴回家

約觀某校成績展覽會

賀人畢業

勸人勿中途輟業

勸人勿中途轉學

託購參考書

請人充任教員

答允充任教員

問候同學患病

答謝同學問病

送別同學出洋

約人偕往問候同學

託人介紹教職員

勸人子女入幼稚園

致同學借書籍

社會交際類

託人購縫衣機器

託照顧家事

答允代爲照顧家事

贈送新小說

贈送幼稚恩物

託詢某醫院章程

答覆並勸入院養病

勸人儉樸

勸人注意慈善事業

勸人注重女子職業

勸人無作無謂之迷信

託代辦結婚贈品

約參觀文明結婚

約同伴出門

懇人書畫

託人購帶物件

招學友下榻

卷六

目次

一三三

普通社會界 問候類

問候祖父母

問候父母

問候伯叔

問候師長

問候姻世伯

問候岳父母

問候兄長

問候朋友

問候東家

問候出洋友人

問候未晤面者

問候久別者

慶慰類

祝人父壽

祝人母壽

祝尊長壽

祝同輩壽

賀人新歲

賀人嫁女

賀人娶媳

賀人新婚

賀人娶妾

賀遷居

賀人生子

賀生孫

唁人丁祖父憂

唁人丁祖母憂

唁人丁父憂

唁人丁母憂

慰人喪兄

慰人喪弟

慰喪偶

慰人喪子

慰人喪女

慰人被盜

慰人失火

慰人遭謗

目次

尺牘大全

二六

慰人失業

餽遺類

外出餽人土儀

遠歸餽物

餽物代餞

餽銀酬勞

餽酒食酬勞

送程儀

送鄉味

送古玩

送花卉

送小說

謝人送土儀

謝人餽物

謝人餽古玩

謝人送花卉

謝人送程儀

謝人送小說

借索類

借銀

借器具

借陳設品

借報

借衣

借僕

借米

借屋

疊次稱借

乞爲轉借

爲他人乞借

催詢借款

借款以物作抵

爲友人擔保借款

索欠款

索經手之款

索舊欠

迭催逾期不償之款

目次

二七

尺牘大全

二八

向保證人追問借款

請展緩償期

請免息還本

先償若干餘請寬限

懇託類

懇人薦事

懇人緩頰

懇人辨誣

託人調和意見

託人調停訟事

懇爲親友謀事

懇爲子謀事

託買物

託帶函

爲友告幫

請捐資成善舉

託人照料家事

託人襄理喜事

託人探聽信息

託人爲子作伐

託人爲女擇婿

託人說項借款

子弟遠出託人照料

託代售田產

託人覓屋

規戒類

勸擇交

勸改過

勸夫婦和諧

勸兄弟和睦

勸勤謹職業

勸久客當歸

戒冶遊

戒賭博

戒嗜飲

戒爭訟

戒惑風水

戒迷信

目次

尺牘大全

戒懶惰

戒吝嗇

戒奢侈

三〇

卷七

尺牘類腋

酬應類

一 恭維

二 自謙

三 思念

四 邀約

五 宴會

名稱類

一 譽詞 屬於人倫者

二 譽詞 屬於各界者

慶賀類

一 賀壽

二 賀婚嫁

三 慶人添丁

四 賀得利

五 賀升轉

六 賀畢業或考試獲雋

唁慰類

一 慰人疾病

二 慰人失意

被譏受屈及遭意外之災難均附

三 唁人遭故

懇託類轉薦附

一 託薦事

二 懇人招呼援助

三 專誠延聘

四 婉謝謀事者

五 感激

尺牘大全

三三

借索類

一 索還

二 告借 響追附

餽遺類

一 餽物

二 餽書畫古物

雜用類凡通用典實無類可入者歸之

卷八

尺牘選粹 家庭類

馬援誡兄子嚴敦書

陶潛與子儼等疏

魏禧與季弟書

魏禧寄兒子世侃書

李兆洛誡子書

張可大示子

徐繼恩與子汾等

吳柏寄父書

諸匡鼎與君簡三叔父

孫枝蔚與弟

楊鳴示兒意

汪淇示長孫惟宸

蔣漢升與申先兄

汪開楚柬檐涵叔

趙時揖寄子

吳正亨寄茂先兄

高永清將歸與仲弟

顧自俊與內子

方孟式讀徐媛詩與妹維儀

朱氏寄母

葉觀與外

懷紋類

魏文帝與吳質書

陳後主與詹事江總書

尺牘大全

三四

王士正致汪蒼文書

蘇軾與王元直

張重華與弟

凌約言與秦文橋

張國綬與陳爾毅

曾確菴寄梁乾吉

許風答嚴方貽書

宗觀與丁固菴

毛先舒與李東琪

汪淇復錢牧齋書

顧自俊與姚代人書

陸信徵柬馬與權

蔡方炳與汪澹漪

韋人鳳與徐野君

陸鴻勳與蔡龍文

袁名世與屠松廬

查相如寄朱凱生

汪開楚寄查于周

嚴沆與計甫草

嚴沆與丘子廩

嚴沆與劉子延

嚴沆復顧顯若

張右民與陳際叔書

沈宏遠寄朱藉千

紀映鍾與徐野君

邀約類

王維山中與裴迪秀才書

蘇軾與姜庭儀

虞邦譽招黃震宇送春

陸德龍中秋前一夕招友

劉景心上巳招友

袁中朗與邱長孺

俞紹與友

王世貞與沈茂才

孔願之與友

宋琬約王仲昭張鄴仙觀梅

汪洪與李舒章

周荃招樸園飲

目次

尺牘大全

三六

釋濟義與呂翊令居士

張起巽招友人

汪世臯招友人賞月

蔣漢紀簡吳須兮

陸雲龍午節訂友人

馮鼎招同學諸友

李鏌約顧扶搖

余守淳招李顧諸友

程鳴與友人

陸雲龍生子招友人

查望與葉又生

葉又生覆查于周

汪垣與劉我平

王廷璋與次轅師

餞別類

王羲之問行帖

獨孤及送李太白

任華送李秀才

王世貞與王元馭

劉大受與戴君肇

吳應秋與范貞宇

胡文煥寄友

汪有朋答楊長公

徐汾報王西樵

徐士俊與余體崖鍊師

周綽送鄔松將之江南

沈允璧與宿東弟

查相如與金甥

越闔與陸蠡思

周禹吉與徐武令

董以寧與弟季友

慶賀類

權德輿賀崔相國書

周亮工東汪舟次

王嗣槐寄天雄友人

張泰與陳雲起

陸鴻圖與蔡龍文

邵德延賀及門查秦望涖仕平遠

尺牘大全

三八

陸敏樹寄祝李廷尉壽

汪淇賀虞景明北上

徐士俊賀黃九烟

汪淇賀趙又呂

汪淇柬朱端逸

汪淇賀黃九烟

慰勸類

柳宗元賀進士王參元失火書

蘇軾與李方叔書

李舟與齊相國書

林嗣環與陸蓋思高仲

江思令與婿諸虎男

孫汧如慰劉伯宗下第

吳昉慰查澹原

嚴沆與徐世臣

鄧漢儀與袁籜菴

顧陞楫答張麗天

王袞與王定宇

查望與葉麗清

徐士俊寄周仔會

朱一新復梁節庵編修書

張裕釗與張煦棠大令書

陶模寄楊利叔書

請求類

李白與韓荊州書

吳保安與郭仲翔書

韓愈後十九日復上宰相書

李翱答獨孤舍人書

蘇軾與陳天侔乞果木

祝無功與何吾御乞書

顧汝紳與談雨懷乞犬

王百穀與程仲權乞詩

謝糧齡與嚴存庵太史

徐汾與陸蓋思

張資孫上龔周兩先生乞葬胡彥遠書

柳葵上徐野君師

顧自俊與陳胤倩

目次

三九

尺牘大全

四〇

高遇與友乞筆

顧澄簡曹子夜

杜振與汪憐漪

錢士賁與計無能業師

陸敏樹託友人卜居

顧澄簡余體崖煉師乞竹

計東與宋牧仲書

陸敏樹東柴浣修乞花

饋遺類

蘇軾與鞠持正

朱長春與瑣東慈

許君信送友筆

華銑贈友硯

汪南溟送友硯

許君信贈劉孝廉

朱彝尊報周青士書

嚴沆與陳孺子

李沛餽陸蕙晦墨

陸敏樹致朱天乳河豚

汪洪餽黃君一魚

許風與陳而閔同年

凌如恆與許德遠

薦舉類

孔融論盛孝章書

蘇軾與錢仲玉

王世貞與吳明卿

錢繼章與梁公狄書

汪如與葉又生

鄒祗謨與趙潛夫

顧澄送吳李如朱橋

沈辛柳東婦祖錢塞菴

韓愈與汝州盧郎中論薦侯喜狀

邱時可與張大理

程守與金靜思

陳杲與友人

趙昕與武水周同門

陸敏樹寄李竹西

目次

復謝類

劉禹錫謝門下武相公啟

朱仕琇答鄧副使梅菴書

王世貞與汪惟一

毛仲章謝王有毅

曹師建謝喬二丈

丁文策答錢生一僉憲

尤侗謝人餽藥書

朱遠答陸蕙晦

陳孝逸答家伯璣惠茗墨

陸嗣衡謝姚錫九憲筆

馬文燦謝餽鮮荔枝

汪垣與程孝先

劉世奇覆汪元亮

查望謝蕭素青

林時對謝李應五學憲

陸雲龍謝潘參戎惠筆鏡

卷九

尺牘摘錦

時令類

春 正月

二月

三月

夏 四月

五月

六月

秋 七月

八月

九月

冬 十月

十一月

十二月

年禧

官職類

國務總理 外交總長

內務總長 財政總長

陸軍總長 海軍總長

教育總長 農商總長

交通總長 參謀總長

司法總長 參議院

目次

尺牘大全

四四

督軍

省長

道尹

縣知事

順天府府尹

駐使

鎮守使

軍長

師長

秘書

慶賀類

男壽

女壽

雙壽

五十壽

六十壽

七十壽

八十九十壽

百歲壽

賀人父壽

賀人母壽

賀人祖父壽

賀人祖母壽

賀人父母雙壽

賀人祖父母雙壽

賀政界壽

賀商界壽

賀軍界壽

賀農家壽

賀婚嫁

賀續娶

賀娶妾

賀娶媳

賀娶孫媳

賀娶姪媳

賀嫁女

賀嫁孫女

賀嫁姪女

賀嫁妹

賀畢業結婚男

賀畢業結婚女

賀生男

賀生女

賀生孫

賀雙生

賀出洋學生畢業

賀學生畢業

賀文官考試及格

賀商家得利

賀商店開張

賀新屋落成

唁慰類

老年男

老年女

中年男

中年女

目次

四五

尺牘大全

唁喪父

唁喪母

慰喪妻

唁喪祖父

唁喪祖母

慰人喪兄

慰人喪弟

慰人喪子

慰人喪女

慰人被議

慰人虧折

慰人遭謗

慰人被盜

慰人失火

薦舉類

薦友

薦官

託故人子弟

薦醫

薦畫師

薦篆刻

薦僕

薦歌者

借索類

告借

借資遊學

借資還里

借資營業

借款就醫

函復借款不能如數

函復無從籌措

爲已故之友告幫

索欠

懇展期歸還

函謝歸款逾期

卷十

尺牘稱謂 第一 家庭之稱謂

祖父母

父母

伯叔父母

姑母

兄弟

姊妹

兄弟之妻

姪

夫妻

妾

子女

宗兄弟

第二 親戚之稱謂

外祖父母

姨母

舅父母

妻之父母

表兄弟

妻之兄弟

姊壻妹壻

襟兄弟

目次

四七

尺牘大全

親家

婿

第二 交遊之稱謂

朋友

世兄

如兄弟

師長

先生

西賓

僕

貴

敵

尺牘大全 卷一

政界

通用類

上大總統辭勳位

大總統鈞鑒。某月某日接准國務院知會。內開某日奉

大總統命令。某某授以勳幾位等因。聞

命之下。感悚莫名。某何人斯。膺茲

寵錫。伏念我

大總統本賢賢之誼。從善善之長。設好爵以待有功。錄微勞以

政界 通用類

一

勸天下千金市駿。靡非導始之心。五等酬庸。原無過情之賞。惟某自慚魯鈍。謬備馳驅。未答涓埃。遽叨非分。在私心雖捐糜不足報。在公義恐名實有未符。苟其一日濫竽竊。恐盈廷藉口。思維再四。惟有披瀝下忱。仰懇

收回成命。俾某去蛟負之重。安鳩拙之常。以後圖報方長。如能建有微勞。再當叩求。

恩典言出至誠。決非矯飾。萬望

俯如所請。以免隕越貽羞。不勝悚切待

命之至。繕肅寸稟。虔請

鈞安。某某謹稟

千金市駿

燕昭王以千金市千里馬之骨而四方之有良馬者相率而至矣

捐糜

捐頂糜踵猶言粉骨碎身也

上大總統辭年金

大總統鈞座。敬稟者。竊某久隔

樽輝。時殷葵向。瞻依徒切。報稱未能。伏惟

名滿寰瀛。

功高海岱。萬方覆幬。孺慕深之。某一介庸愚。謬蒙賞拔。

縻以好爵。

頒以厚糈。非分妄叨。寸心滋悚。自來無功受祿。君子所譏。況

某以一日之微勞。獲長年之坐食。虛糜公帑。愧對同官。

鈞座雖高解衣推食之恩。在下實懷每飯不忘之隱。慚非卜式。能輸財以助邊。敢學原思。乃上書而辭祿。爲此瀝陳微悃。懇將年金一項。

飭部卽予停發。俾某撫衷自問。食粟稍安。則後此有生。莫非戴

德矣。肅稟仰懇。虔叩

鈞安。伏希

恩准。某某謹稟

解衣推食

漢書解衣我相待之優也

上大總統辭嘉禾章

大總統鈞鑒。竊某猥以非材。上承

驅策。疊邀

寵命。

錫予勳章。感激之餘。益深悚歎。伏念雙歧誌瑞。

盛世嘉符。五采章身。

酬庸令典。必德與服稱。始實至名歸。若尋常小善微勞。遽荷褒揚表異。身榮心辱。

賞重勞輕。況某苗而不秀。斷難如瑞麥之宜人。弱不禁風。必至若祥桑之易萎。虛榮苟竊。

名器難誣。因是兢兢。未敢拜

命。謹將原章繳還國務院。繕稟瀝陳下情。懇求

鈞座鑒其寅畏之心。出於至誠。而非矯飾。因遂

俯如所請。留爲異日賞功勸士之需。則某葵藿私衷。益深傾

向。由此感奮圖報。或不致以荒莊爲

鈞座樹人缺憾也。肅稟上瀆。虔請

崇安。某某謹稟

苗而不秀論語苗而不秀者有矣夫謂如苗之不開花不結實也

上大總統辭職務

大總統鈞鑒。敬稟者。竊某一介庸愚。謬邀

知遇。駑驅蚊負。顛墜時虞。前曾恭肅寸丹。懇

大總統人惟求舊。未獲邀。

俞並蒙

訓勉有加。彌深慚感。竊念當今之世。百度維新。華夏觀瞻。喁喁望治。固宜使朝無曠職。野無遺賢。若明罰勅法之時。而猶有不才如某者。濫廁其間。素餐尸位。縱恬不自恥。而於鈞座知人之鑑。亦未免有損清光。比來竭蹶從公。憂懼交并。體益虧弱。少壯尙恐不勝。老病胡能戀棧。思維再四。與其貽誤於事後。何如乞退於當前。用敢再瀝下忱。續申前請。伏求

恩予批准。俾某暫釋重負。回里養疴。一俟精力稍強。再當趨

謁

鈞前。求賞派相當之職務。決不敢妄貪安逸。自外
生成也。悚切待

命。虔請

鈞安。某某謹稟

上大總統舉賢才

大總統均鑒。敬稟者。竊惟以人事上。史美其忠。舉爾所知。聖有
明訓。某乏知人之哲。懷好善之誠。自昧疎庸。願附斯義。況
大總統就任以後。求才若渴。立賢無方。既激濁而揚清。復巖搜
而谷選。某躬逢

盛明之治。仰體

吐握之懷。用敢卽平日所知。開列姓名。註明行誼。並將某人宜於某事。某士短於某才。一一夾敘聲明。俾

鈞座儲袋書屏。一覽可曉。他日有相需之地。明試以功。儻能建績圖勳。某亦與有光寵。雖不敢邀進賢之賞。而後此山濤坐上。庶幾遇之。聊堪自壯矣。大抵真才實學。決不急功近名。稱道偶有未周。或者拂袖而去。笙醴之所難致。豈其不召自來。

鈞座垂意於茲。幸甚幸甚。肅稟。虔叩

崇安。伏惟

賜察。某某謹稟

吐握

周公一飯三吐哺一沐三握髮言其求賢之勤也

儲袋書屏

或儲之於夾袋書之於屏風以備遺忘皆古人求材之典實

山濤座中

山濤字巨源晉武帝時為吏部尚書甄別人物各為題目時稱山公啓事

上大總統請遊學

大總統鈞鑒。敬稟者。竊聞桑弧蓬矢。男兒志在四方。問老師囊。君子學期致用。今者舟車所至。寰海大通。負笈之倫。後先接踵。惟是家珍未識。入寶山者空回。短駕未嫻。騁千里者中蹶。以故留學日衆。而得才甚難。某以為非舊學植有薄基。庶政稍具閱歷者。未可躡等而幾。大抵風俗習慣。國各

不同。雖原理無歧。而行之各有其道。彼貿然規倣者。削足就履。方鑿圓柄。豈有當乎。某嚮學有年。乘風無自。自問於吾國。舊有學術及各項現行政治。尙略有所窺。儻能萬里壯遊。稍資印證。則他日學成歸國。所以圖報於我。

大總統者。正未有艾。用特開具志願書一紙。附稟上陳。伏乞准予批定。並

飭部立案。撥給所需。以成其志。不勝感禱。肅此敬懇。虔請

崇安。某某謹稟

問老師襄

孔子曾問學老
聃師事師襄

賀督軍到任

督軍麾下。京華于役。會奉

音塵。睽侍積時。依馳徒切。乃日昨傳來吉語。

槩載遙臨。萬里雲霓。歡深雀躍。敬維

新猷克壯。

令望咸孚。

作南服之屏藩。

固北門之鎖鑰。

福星載道。一路謳歌。固不獨壇下弓刀。慶依

良將也。近日匪氛雖靖。而人心浮動。鎮攝撫綏。在在均關。擘

畫我

公威名夙著。輕裘緩帶。坐鎮巖疆。必能消患無形。栽培元氣。

此邦人士。何慶如之。某久欽

威望。幸託旃幃。瞻睇

鈴轅。軒然起舞。肅此恭賀。順叩

勛安。某某謹啟

萬里雲霓

孟子若大早之望雲霓言盼其速來也

輕裘緩帶

羊叔子輕裘緩帶言武將而有儒者氣象也

賀省長到任

省長鈞座。前讀公報。欣悉

榮膺簡命。

政界 通用類

出長會垣引企

吉暉曷勝忭頌。昔漢以三公出守。唐以宰相刺州。良以國家由地方集合而成。必根本得人。政治乃臻上理。我

公令聞夙著。四方借寇。數月前卽有此佳音。而雲霓久望。甘雨遲來。今果如願以償。從此

闔澤汪波。當隨

有腳之春。以俱至。某叨在

宇下。當亦距躍三百。願偕此邦父老。作

萬家生佛之歌。近來本省情形。以理財爲第一難事。契稅已成弩末。印花尙待推行。仰屋躊躇。苦無良策。以善其後。某

前襄省務。備知此中甘苦。稍緩當以閱歷所得。略抒管見。以佐

高深逢

下車之初。不敢循舊貢諛。而歡迎傾慕之至誠。又未甘默爾而息。謹修寸柬。借達微誠。尙希

鑒察。肅此代賀。敬請

勛安。某某謹啟

借寇

寇恂去時。百姓競遮留之。喻四方盼望之意。

有腳之春

唐宋儂所至。有德政。時人謂之有腳陽春。

距躍三百

左傳。距躍三百。言喜極而躍也。

政界通用類

賀縣知事到任

某某先生台鑒。前讀公報。欣知

出宰巨邑。

藉展長才。

生佛萬家。想已

鐫銘衆口矣。邇維

花庭訟簡。

棠舍陰多。引領

新猷。至殷私祝。某依然守拙。無補時艱。每念近日措置之難。

以地方官爲最甚。舉新而舊不能廢。用官而紳復加多。一

國三公處處掣肘。而況俸薪微薄。展布爲難。右絀左支。如日行荆棘叢中。若不稟明長官。少假便宜。恐無一事之可爲也。某鉛刀曾試一割。已乖解職歸來。差藏鳩拙。得執事出展驥足。爲吾黨光。某當率部下兒童。歡歌竹馬矣。專

此布賀。順頌。

台祺。某某鞠躬。

鉛刀一割。

言刀之鈍滯不堪久用也。

通候京官。

某某先生閣下。久違。

談塵思與日并。遙想。

政界 通用類

冠蓋京華。雍容樽俎。

聲華日茂。景福時申。以

執事之長才。而又久居清要。見聞閱歷。自必高出時流。引企

台暉。莫名忭頌。某浮沉外吏。將及十年。每思

天上瓊樓。便發子瞻乘風之想。惟才命並絀。聊復鳩安耳。

執事訐謨。擘畫。倘有新猷。足以維持時局者。尙望

時惠數行。以開茅塞。專此布候。順請

台安。不盡覲縷。某某鞠躬

通候外官

某某先生閣下。久疎良覲。渴慕

鴻儀。每有人至長安。輒道。

使君善政。

在山霖雨。一出而被蒼生。

入手將邪。歷久彌成利器。翹瞻

棠蔭。莫罄棻鋪。某郎署趨公。如恆粟六。自念隨班旅食。辰出

西歸。但治簿書。殊無實際。以視

執事福星一路。

實惠及人。直有上下牀之別。顧因才力所限。祇可鳩拙自安。
近日地方。想均安靖。秋稔如何。民情尙易措手否。均在念
中。伏乞

公餘惠復。以慰遠廬。是所切盼。專肅布候。敬請

台安。某某鞠躬

將邪

謂干將莫邪
古之利器

稟父母就職情形

母父 親大人膝下。敬稟者。叩別

慈顏。匆匆就道。一路安適。於某月某日。行抵任所。男仰遵

訓誨。各事不敢張皇。分內應辦職務。皆虛心請教。於舊令尹。

前任某君。人甚老練。以男誠懇。彼亦傾懷相教。初到三日。

酬應外事。接洽同人。尙覺茫無頭緒。近日專心治事。稍覺

有塗轍可尋。按步就班。勉盡心力。至男每日起居飲食。均

有定時。除辦公時間以外。或與同人閒話。或偶步外間。借以吸換空氣。期於治事養身。兩無偏廢。無負

大人之諄諄誥誡。在外一切。自知謹慎。敬請

放心。恭叩

福安。男某某謹稟

稟叔伯就職情形

叔伯父大人尊右。敬稟者。遠隔

慈顏。時深孺慕。前得家報。敬諭

順時納祐。

福體增綏。良深慶忭。姪自某日叩別後。匆匆就道。於某日到

省任事。此職事務尙簡。惟前任年老廢弛。未治文書。積盈箱篋。姪到後。逐漸清釐。半月以來。漸有頭緒。此後當以清慎勤三字。隨時惕勵。以冀免於咎戾。

大人春秋已高。務祈善自頤養。倘有

清興。來此一遊。姪既可稟承

訓誨。又得稍盡奉侍之忱。私衷至深。默禱。肅稟。敬請

禔安。姪某某謹稟

就職後與兄弟書

某哥大人
某弟手足。前發第幾號家函。計當入

覽。某於月之某日。接任視事。初到茫無頭緒。祇得先從清查

入手。卷牘繁重。恐非一月後。不能得其要領。好在天下事。皆一理。地異情同。某惟抱平日所定之主見。力任其難。或不致過形差忒也。家中自

父母親大人以次。想均安吉。日前

來諭。頗以某事繁食減爲憂。昨上稟中。亦未敢過於欺飾。然自問體力夙健。任勞似不足慮。然日間之繁。夜間之寂寞。實有前稟所不敢陳者。近已各事粗安。一心暇豫。故敢補述一二。望吾

兄弟於承歡之暇。代爲稟述。以慰

老人之懸望也。餘俟後詳。此請

近

安

弟

某某

謹上

稟

父

代聘幕僚

母

父

親大人膝下。敬稟者。男前於某日曾上一稟。當蒙

慈鑒。計男到任。將滿一月。各項應行政務。皆已稍具頭緒。尙

稱順手。惟衙門公事。主之者。雖只當官一人。治之者。實賴

羣策羣力。得人則不勞而理。不得人則諸務叢脞。一身實

有日不暇給之勢。此間各科員。皆係前任論薦。碌碌無所

短長。耗俸有餘。分勞不足。男念工欲善事。必先利器。擬分

別更易數人。稍收臂助。

父親大人作宦多年。夙操人倫之鑑。吾鄉亦人物淵藪。倘得一

二可信之人。來此襄助。必能日起有功。若於

頤養之餘。物色有得。卽請治裝遣來。不必俟男覆稟也。署中

均好。入春以來。

福躬想均健勝。闔家大小。一一平安否。至以爲念。肅此具稟。

敬叩

慈安。男某某謹稟

託親友代招佐治員

某某^姻兄大鑒。久違

光霽。時切傾馳。前以駑駕初膺。遠蒙

惠書加勉。

政界 通用類

用情良厚。感何可言。就維

潭第多麻。

履祺延祐。慰如私祝。茲有懇者。自來千鈞之鼎。非獨力所能扛。百里之封。非一人所能治。今之縣署。分設各科。受一人之指揮。得分擎之効力。與漢人自辟幕僚。意義相同。敝處本不缺員。惟某自到任以來。勤加考驗。闕冗不稱職者。酌予淘汰。未敢以不知底蘊之人。漫爲充任。是以某某等科。

刻尙虛懸。夙仰吾

兄具人倫鑑。夾袋應自有人。倘不以祿薄爲譏。擬請

擇賢勸駕。卽意中一時難得。亦乞

費神代爲延訪。務得可信之人。古人云。士視其所友。倘論薦出之。

大雅。其才可。知他日同升。某當讓步也。餘容續布。不盡欲言。

此請

台安。某某拜上

夾袋

呂蒙正爲相。每得士。則儲之夾袋中。以備遺忘。

同升

論語。公叔文子之臣。大夫饒與文子。同升。諸公子聞之曰。可以爲文矣。

邀某君贊助

某某先生有道。違

教久矣。每念

交界 通用類

在山之雲。一旦觸石而出。必能普化甘霖。涵育萬物。翹瞻
榘範。無任欽遲。某自履新任。條已月餘。佐治乏人。時虞隕越。

前於捧檄之際。曾過某君。託其道意。不審已達。

聰聽否。刻下諸務待理。非有長才如。

執事者。時加教益。必難了此盤錯。倘蒙

惠然肯來。定當掃榻以待。彈丸之地。得

大賢相助爲理。行見措之裕如。某但拱手受成而已。專此速

駕。卽頌

道安。某某拜上

盤錯

盤根錯節謂處
艱難之際也

彈丸之地

言地小如彈丸也

省長到任通候鄰省

某某先生大人閣下。川途間隔。恆企

汪陂疎候

興居彌深。歎仄。祇惟

升祺晉鬯。

鼎祉咸庥。

作重鎮於巖疆。祖述功在社稷。

著聲威於裘帶。叔子氣自雍容。引領

鴻儀。傾心鷺祝。某猥以菲材。驟膺重寄。下車伊始。凡百未諳。

政界 通用類

二九

所幸

取法有資。典型不遠。隨時錫

教。勿吝珠玉之言。削牘抒忱。用表

斗山之仰。專泐敬請

勛安。諸祈

荃照。某某鞠躬

裘帶

羊叔子輕裘緩帶氣度雍容

道尹到任通候同官

某某先生大人閣下。程間朔南。恆疎箋記。瞻言

台曜。馳企爲勞。辰維

景福駢蕃。

宏猷彪炳。

負保障繭絲之任。頌生佛者萬家。

展厚生利用之規。歌福星於一路。

典型在望。彌切欽遲。某以譴陋之材。忝受重寄。下車伊始。民

情風俗。諸多扞格。寸心慄慄。時以覆餗爲虞。所喜近接

德鄰。取資有自。深望

教言時錫。用啟蓬衷。肅請

勛安。諸惟

愛照。愚弟某某鞠躬

保障繭絲

國語趙簡子使尹鐸為晉陽請曰為繭絲乎抑為保障乎略與催科撫字同意

覆餗

易經鼎折足覆公餗言器小任重將有傾覆之患

縣知事到任通候鄰縣

某某先生大人閣下。會垣趨走。夙仰

丰裁。箋牘雖疎。心馳已久。敬維

榮問日昭。

政祺篤祐。

民歌衆母。惠澤早遍於花封。

邑頌賢侯。考績定膺夫上賞。

牛刀小試。已見一斑。仰跂

台暉。莫名忭頌。某捧檄而來。勉逐

諸君之後。錦慚學製。鳩拙難藏。所望

俯念同舟。南針時錫。庶幾取資有自。不以隕越貽羞耳。肅箋

奉候敬頌

台安。諸祈

愛照。愚弟某某鞠躬

牛刀小試論語割雞焉用牛
刀大材小用也

官廳通候士紳

某某先生閣下。南北奔馳。久仰

大名之貫耳。一官匏繫。適接

政界 通用類

枌榆。此後

光霽親承。得以時叨

教益。私衷歡躍。莫罄言宣。卽維

道履。沖和動定。叶吉。瞻懷公益。

盡力梓鄉。

劉杜長才。早已同聲稱許。

高山仰企。蓋有自矣。某才具旣愧疎庸。情形復多隔膜。他日

卸裝入境。首當登

門造謁。求示南針。倘不見拒於

高賢。至深榮幸。臨風削牘。先以抒誠。敬請

台安不既。愚弟某某鞠躬

請某君任祕書

某某先生閣下。前接

清輝。備聆

偉論。

鴻才碩學。無任心欽。某任重一肩。時深兢惕。事機輒多更變。頭緒益苦繁多。積弱之軀。支持數閱月。情見勢絀。漸不能堪。意欲奉屈。

高賢。代司箋記。

文成倚馬。兼馬工枚速之長。行見案牘一清。某但拱手承

教而已。道周秋杜。切望

音塵。掃榻以須。佇候

惠降。肅請

近安。惟

照不備。某某鞠躬

馬工枚速

馬謂司馬相如枚謂枚舉司馬文最工枚文最速故當日有馬工枚速之喻

道周秋杜

詩經有秋之杜生於道周彼君子兮噬肯來遊

請某君任統計

某某先生閣下。天雁河魚。久疎傳簡。緬懷

光霽。積思成癖。前於 某君到浙。曾託代詢

起居。並致拳拳之意。迄未接復。不知已達。

尊聽否。敝處綜持財政。案牘本繁。而各處預算決算報告。沓來紛至。檢查檔冊。編製年鑑。凡關於統計上之事項。非才長心細者。不能措之裕如。

執事深於法學。又係箇中熟手。倘不以祿薄爲嫌。當以一席相屈。

翩然戾止。助我良多。敬候復音。順頌。

台祉。弟某某鞠躬

請某君任調查

某某先生閣下。久違。

光霽。正切馳思。接展。

惠書。藉知近狀。康吉。深爲歡慰。吾輩交誼。本非泛常。

執事。又係有用之才。暫爾蠖屈。不久必復飛騰。乃因親老家貧。遽思小就。

手書下逮。屬在故舊。有不倒屣爭迎者哉。惟某就職之時。各機關概仍其舊。後雖稍稍更易。而一時布置已定。未能得當以迓。

高賢。現惟某某一事。須派員分赴調查。尙有缺額。倘急思外出。自當先行。

借重。徐作後圖。祿薄事煩。未知能
不嫌。輜褻否。專肅奉商。佇候
環復。順頌。

台祺。弟某某鞠躬。

雙屈

易經尺蠖之
屈以求伸也

輜褻

即輕褻
之意

薦某君有政治經驗

某某先生閣下。頻年梗汎。久隔

祥輝。鞅掌風塵。致疎音敬。側聞

先生宏開東閣。博採南金。求賢若渴之情。惟日不足。茲有某

君某某在某省多年。歷充某項重要職務。迴翔政海。卓卓有聲。才具開張。經驗閱富。倘

羅歸珊瑚網。明試以功。必能翊贊

高深。從容建樹。某非相知有素。何敢貿然紹介。致累藻鑑之明。想

膺門杜廈。宏獎風流。苟有專長。無不

儲之夾袋也。某君現正在京。某當函囑其趨謁

崇階。藉備甄探。專泐敬請

勛安。弟某某鞠躬

南金

東箭南金喻一時特別之材也

膺門杜廈登李膺之門者如登龍門杜少陵詩願得廣廈千萬間大庇寒士盡歡顏

薦某君任科員

某某先生執事。別來甚念。頃傳

吉報。知

閣下榮膺任命。出宰花封。以

槃槃大材。作牛刀之小試。行見其

指揮若定。措置裕如。署中佐理各員。需材較衆。茲有舊友某

君。在敝處先後五年。深資臂助。於一切案牘。均極嫻熟。人

亦穩練老成。絲毫不苟。現因賦閒無事。雅慕

荊州登

政界 通用類

龍有願。囑予紹介。倘蒙

延致幕中。辟為從事。決不致以羊公不舞之鶴。貽羞座下也。

可否之處。敬俟

環雲肅請

勛安並賀

任禧。愚弟某某鞠躬

羊公不舞之鶴。羊叔子有鶴嘗對客譽之召使來前鶴忽斃斃不舞故人之名不稱實者謂之

羊公鶴

薦友人充稅局稽征員

某某先生閣下。小別經旬。思如山積。昨從某處返省。知

執事已得某局稅差。亟思趨賀。牽於俗冗。尙未登堂。歉甚。茲懇者聞。

貴處分局十餘處。局面開拓。稽征司牘。需才必多。友人某君。本係稅務熟手。歷就某某等處之事。人既幹練。性復誠謹。實爲有用之材。迫於家計寒貧。急思得一枝棲。以資餬口。某與相交有素。用敢奉薦。

台端務乞

推愛屋烏。位置一席。卽或人材擁擠。亦望

設法優容。感荷

雲情。實同身受。肅此奉懇。祇請

勛安並希

惠復。恐弟某某鞠躬

屋烏。謂愛屋及鳥
推愛之意

託友轉求吹噓

某某仁兄閣下。燕雲江樹。兩地睽違。瞻望

音塵。寸心菀結。比維

旅祉吉羊。爲頌。某領照到省。已及三月。上峯處雖屢次晉謁。而差委消息。至今闕然。大抵宦海茫茫。人浮於鯽。若無要津推挽。則浮沉逐隊。終無脫穎之時。聞極峯與某公交誼密切。得聲應氣。求之雅次。則某某部某公。亦係姻戚。情非

泛泛。

執事太邱道廣。務懇代爲設法。求一說項之書。若能雙管齊下。固爲多多益善。某非敢躁進。實因迫於境遇。不能久支。執事熟悉宦情。疊承

垂愛。無不可言之隱。用敢掬誠奉贖。能否達到目的。或另有妥捷之策。均乞

斟酌進行。從速賜示。至爲盼禱。手肅。敬請
台安。時候

惠復。弟某某鞠躬

人浮於鯽古詩過江名士多於鯽極言其衆也

脫穎

史記如錐處囊中脫穎而出言翹然表異於衆也

太邱道廣

漢陳寔爲太邱長鄉里皆服其評斷

答復允爲設法

某某仁兄閣下。別來正深馳念。接奉

惠書。藉悉近狀。

閣下懷抱清才。羈遲數月。猶未能受知當道。得有藉手。足見仕途壅塞。雖賢者亦未由表見。正古人所謂莫爲之前。雖美勿彰也。某某部某公。素乏淵源。若轉輾相託。即使目的能達。亦恐不能得力。此中分際。

明眼自知。至某老本係熟人。感情尙厚。前次見面時。曾以

尊事諄諄相懇。得其許可。此老事忙。俟過數日。再爲婉催。并求其措詞之間。切實懇至。期有效果。得函後當由此間逕寄。似較遞由。

尊處轉呈。不著痕跡。此外有可設法之處。亦當隨時留意。彼此多年至好。

兄事卽如弟事。無不竭力爲之也。弟浮沉此間。味同雞肋。頗思另作他圖。未知機遇何如耳。先此奉復。敬請

升安。弟某某鞠躬

味同雞肋

謂食之無味棄之可惜也

託友說項

某某仁兄閣下。上月寄奉一書。諒已早塵。

籤閣公務忙碌。未得復音。爲念。比維

長才綜覈。肆應咸宜。式符頌臆。弟在省近狀。備詳前函。荏苒月餘。一無可恃之消息。轅駒久困。勢已不支。務懇

鑒其爲難。函致某公切實說項。

一言九鼎。獲益無形。弟非情迫勢窮。何敢爲不情之請。好在執事與某公交誼。殊非泛泛。畀以尺一。必能推愛屋烏。略垂青眼也。恃

愛奉瀆。卽希

鑒諒爲幸。肅請

台安。弟某某鞠躬。

一言九鼎

極言其言之有效
力如九鼎之重也

青眼

晉阮籍爲青白眼故世俗
之言看得起者謂之垂青

託友推薦人才

某某先生執事。露白葭蒼。

音輝在望。寸心菀結。我勞如何。吾

兄道高德重。嘯傲林泉。享天然之幸福。某則終年鞅掌。奔走

風塵。清俗懸殊。自慚形穢。前曾一再致其拳拳。而

空谷足音。悠然高蹈。末由承

教。徒恨緣慳。但某秉性庸愚。忝膺艱巨。苟無匡弼之人。當有

顛危之懼。吾

兄雲中鸞鳳。既未肯下集塵。凡或者門下莘莘。東箭南金。不
乏軼塵之士。

開示一二。某當虛衷延訪。羅致幕中。冀收臂助。幸勿以為不
足與言。屏而遠之。使某皇然失望也。肅泐敬請

道安。某某鞠躬

東箭南金 晉顧衆虞澤二人共起義兵討
蘇峻贊曰顧實南金虞惟東箭

謝上官委任

敬肅者。會垣小住。晉謁

崇階。

鈞誨親承。私衷傾仰。日昨忽奉

手札。並附委任狀一紙。孤寒下士。樗櫟庸材。乃荷

不棄葑菲。謬加賞拔。牛溲馬勃。得入

藥籠。榮幸何如。稍有人心。自無不感激涕零。願效馳驅於萬

一。現已將此間事。急速摒擋。月內交接清楚。順途回里。略

作勾留。大約荷風送爽之期。當可趨侍

鈞顏。勉竭庸誠。方圖報稱矣。知關

廬注。謹此奉聞。肅叩

勛安。惟希

垂察。某某謹上

葑菲

詩經采葑采菲無遺下體
言一節之長亦蒙見采也

牛溲馬勃

韓文牛溲馬勃敗鼓之皮溲即溲
溺勃即馬糞謂雖穢細皆有用也

謝友人推薦

某某先生閣下頃接

賜書知

眷注逾恆不棄故人

竭誠獎借其為感激莫可名言某侘傺經年枯魚欲泣自分

疎材薄植長棄溝渠乃

先生嘘以春風使小草離披亦復欣然有生意倘得迴旋之

餘地莫非

大德所留貽。現擬於望後束裝。晉謁某公。藉聆消息。
一言九鼎。後望無窮。屆時當以所得情形。隨時馳告。以慰
拳拳之雅。秋風多厲。

爲道自珍。臨穎神馳。肅先鳴謝。敬請

台安不一。某某鞠躬

枯魚欲泣

莊子不如早索我於枯魚之肆。言窘迫待斃也。

一言九鼎

極言其言之有效。力如九鼎之重也。

承推薦未往謝罪

某某先生閣下。頃奉

惠緘。敬聆種切。並誌

政界 通用類

聲華篤懋。道履康綏。以忭以慰。某驚駘下乘。久已無人拂拭。乃辱

鼎言獎借。遽獲枝棲。在

先生垂愛之深。與某公相知之雅。兩俱可感。揆之情理。不宜稍有依違。顧某於軍事夙未考求。若以不學之身。進參帷幄。素餐猶可。倘或因以僨事。何以自解。再三審度。寧蹈迂拙。方

命之譏。此不得已之苦衷。伏求

鑒諒。并懇於某公處。代爲婉謝。此後若蒙

不棄。能於教育財政方面。得參一席。實所深願。恃

愛直陳。勿責爲禱。肅復敬請。

鈞安。某某鞠躬。

謝代策畫。

某某先生閣下。奉展

手書。備承

指示。循環雜誦。感佩交并。某學術空疎。一遇盤錯之來。卽覺

茫無措手。自讀

偉論。四面八方。規畫周妥。雖茫昧如某。亦覺昭若發矇。自當

遵此布置。以謀對付。

公才勝我十倍。傾倒何如。嗣後求

政界 通用類

五五

教之端。方將源源而至。勿笑其得隴望蜀。貪欲無厭也。

台從秋間。倘能乞假南旋。面圖良晤。尤所歡迎。肅謝敬請

台安。諸維

恆照不既。某某鞠躬

盤錯盤根錯節指事之困難者而言

昭若發矇謂如盲人之驟然開朗也

謝代轉圜

某某先生閣下。頃接

復函。知前寄寸緘。已登

籤記。所事已承

婉轉設法。補救於無形。甚感甚感。某於此事之初起。率直而行。本無容心於其間。故於他方面之抵觸。毫無所知。事後追思。粗忽之咎。容有難免。而某公疑某爲故與爲難。著著進行。意圖抵制。實亦出於誤會。積之既久。必成爲無形之爭鬪。幸

執事從中疏通。略更前議。不著痕跡。某公既知此中原委。心亦釋然。此皆仰仗

鼎力。受賜不淺。某經此一番挫折。方識辦事之爲難。不敢掉以輕心。率然出之矣。肅此鳴謝。敬請

台安。諸維

心照。某某鞠躬

謝代任職務

某某仁兄閣下。匆匆揖別。倏已兼旬。維

政社履祺皆吉。爲頌。某上道以後。一路心急如焚。某日抵家。其時家慈病勢正劇。懸盼遊子。望眼欲穿。病榻牽衣。且喜且泣。連日訪醫服藥。稍有轉機。敝事久煩

庖代。心實不安。當時迫切思歸。躊躇無策。吾

兄慨然擔任。血誠一片。尤屬可欽。俟家慈病體稍痊。當卽銷假供職。

雲情厚誼。銘感寸中。屆時再爲面謝。肅泐奉布。敬請

台安。弟某某鞠躬

詢問地方情形

某某仁兄閣下。闊別

音塵。時勞夢轂。涼風天末。渺渺蒼波。惟

政祺篤祐。動靜攸宜。爲頌。敝邑僻處萬山。風氣閉塞。極思誘掖之。以漸進於文明。而舌敝唇焦。收效殊鮮。

尊處民情如何。實業以何爲大宗。地方教育。頗發達否。大才整理。必有因地制宜之策。不憚煩勞。

詳示一切。以爲先機之導。而備借鑑之資。實深企望。鱗鴻有便。佇候。

德音敬請

勛安諸維

荃照 某某鞠躬

奉委後詢問職務情形

某某先生閣下。別久思深。正擬肅箋致候。乃先奉

惠教。備承

獎飾。且慰且慚。某此番捧檄。得繼

高賢之後。成規宛在。模範有資。但能

蕭規曹隨。已覺事半功倍。究竟職務繁簡如何。地方情形如

何。對內對外。有無爲難之點。

先生經驗已熟。措置裕如。務乞綜其大綱。

開誠見示。某得備聞端緒。下車入境。不致茫無著手。拜賜多矣。竭誠求教。竚盼

德音。順頌。

勛安不既。弟某某鞠躬

蕭規曹隨

漢蕭何爲相。曹參繼之一遵。前人之法。寧靜而治。故稱蕭規曹隨。

詢問有無委任消息。

某某先生閣下。一從睽

教。月瑄載更維。

履祉清嘉。榮問休鬯。爲頌。

政界 通用類

執事。昕夕從公。賢勞卓著。揆諸懋官懋賞之例。宜有

酬庸獎進之文。究竟機會如何。一兩月中。能否得一善地。稍

資展布。敬煩

密示。以慰懸懸。某鉛鈍之質。一割猶艱。逸足在前。瞠乎其後。

引瞻

喬采。日盼傳來吉語。爲同輩揚眉吐氣。一身蹭蹬。則希望屬

於

故人。聲應氣求。理宜如是也。肅泐順頌。

升安。某某鞠躬

懋官懋賞

書經德懋官功懋賞
言有助勞宜膺爵祿也

託代探消息

某某先生閣下。違

教積時。殊深馳系。維

動定綏吉。慰愜頌忱。某爲貧而仕。原不必故作矯情之語。自
詡清高。前以 某公尺一。投謁當途。進見時垂問殷拳。意
甚關切。似非一無希望者。乃奉差奔走。數月於茲。消息杳
然。吾

兄近水樓臺。可否從種種方面。代爲探聽。倘一時尙乏動機。
或大叩大鳴。小叩小鳴。尙須他山借助。則當盡其在我。竭
力謀之。肺腑之談。屬在

心交。當不見晒也。專肅奉懇。敬請

台安。並希

復示。某某鞠躬

尺一 指書函而言

大叩大鳴小叩小鳴 言如懸鐘叩之則鳴也

他山借助 詩經他山之石可以攻玉言須求助於人也

內務類

賀內務部 總次 長到任

某某先生大人閣下。京華于役。曾侍

德輝。匆促南旋。莫名翹企。一昨得披公報。敬悉

榮膺簡命。內務宣勤。

以經天緯地之宏才。綜除暴安良之善政。行見

百廢具舉。萬彙昭蘇。

風俗淳良。枹鼓息鳴於五夜。

紀綱整飭。苞桑永奠於百年。驥首

台衡傾心軒祝。某散材薄植。忝邀

知遇之私。雖睽隔

膺門。而仰止

高山。久而彌篤。所冀不遺在遠。時錫

誨言。弦佩有資。蓬衷藉啟。肅箋奉賀。敬叩

勛安惟祈

垂譽。某某謹啟

枹鼓

漢書張敞傳敞視事窮治所犯由是枹鼓稀鳴盜賊斂迹

苞桑

易經其亡其亡繫于苞桑言國本之鞏固也

答復賀函並告就職情形

某某先生閣下。驚郵迢遞。正切心翹。

華東傳來披誦一過。既荷

關垂之切。復多溢美之辭。且慚且感。某疎懶性成。本無情於

用世。感承

總統知遇。一再敦迫。祇得暫時承乏。然內務職掌重要。利用

厚生。關繫國本。斷非衰殘之軀。所能勝任。連日綜理舊牘。千頭萬緒。尙無轍迹可循。深冀舊日故人。糾謬繩愆。時相督責。聆

藥石之良言。作晨鐘之警省。補救萬一。稍免愆尤。遠望

德音。彌增馳戀。肅復鳴謝。祇請

台安。某某鞠躬

糾謬繩愆

謂匡正其謬誤也

與友人論政見以慎選知事爲入手

某某先生閣下。昨接

華函。於整理庶政之方。規畫詳盡。無任欽佩。乃復

虛懷若谷。下徵意見。以備施行。該省得此。

賢長官。洵可爲地方之幸福。某意光復以後。秩序紊亂。元氣未復。目前第一要著。在慎選循良之縣知事。分布各屬。教養生息。隱培國脈。以寧靜爲治。而不以鋪張揚厲爲能。所謂日計不足。月計有餘也。

先生熱心求治。務望堅持宗旨。破除情面。於闕冗不職之徒。去之惟恐不力。於悃悞無華之吏。求之惟恐不周。行之數年。政治必煥然改觀。蒸蒸日上。芻蕘之見。因

來函殷殷垂詢。縱論及之。未知有裨。

高深否。手此肅復。敬請

勛安。某某鞠躬。

闕冗。謂猥瑣無能也。

悃悃。安靜之吏。悃悃無華。謂實心任事。有內美而不務外觀者也。

上總次長請求因荒發賑。

某某先生大人閣下。遙睽

音采。頻企

風猷。維

政祉翔華。蓋勞篤著。為頌。茲啟者。敝省自入秋以來。霪雨兼旬。河流漫溢。不特秋收無望。田廬牲畜。一概漂沒。為數年來。未有之奇災。據查勘之員回報。流民遍道。十室九空。慘

政界 內務類

狀不堪入目。現已分頭出發。籌辦急賑。惟本省庫藏支絀。車薪杯水。萬難普及災區。理宜據情入告。籲請發棠。先生已飢已溺。胞與為懷。久昭義聞。況職務所在。必有

盡籌碩畫。力拯災黎。除正式具呈達國務院外。謹再備函奉

布乞予

主持。不勝叩禱。肅請

鈞安。某某鞠躬

車薪杯水。孟子猶以一杯水救一與薪之火。謂多寡懸殊。無濟於事也。

發棠。棠齊邑名。見孟子謂發棠邑之粟以救飢民也。

請某君籌辦清鄉事宜

某某先生閣下。前致書奉候

起居計邀

青睞。兼葭秋水。彌切溯洄。維

道履休嘉。爲頌。現在某某一帶。雖暫形安謐。而萑苻遍地。伏

莽未清。皆由某德化未周之所致。撫綏乏術。殊切悚惶。治

標之計。惟有舉辦清鄉。調查戶口。使奸宄無從託足。

先生才德兼具。鄉望素隆。意欲奉屈

高軒。擔任此事。想梓鄉義務所迫。不忍固辭。某得仰望

音塵。從容受教。尤所欣幸。肅泐奉懇。敬候

台安。跚希

惠復。某某鞠躬

崔苻

謂蘆葦深處盜所隱伏之地也

請於某處開闢商埠

某某先生大人閣下。睽侍

德輝。頻更奠序。翹瞻

吉座。倍切葵傾。邇維

泰履延鴻。

鼎祺安燕。爲頌。敝省自

節靡蒞止。宜民善政。次第舉行。固已

載道口碑。仁聲洋溢矣。更何容草茅下士。妄爲借箸。冒瀆

鈞聰。然正惟河海不擇細流。故芻蕘無憚。上獻竊以爲某地。居水陸要衝。商貨駢闐。舟車絡繹。若相度形勢。闢爲商埠。市面必可振興。費帑無多。而爲益滋大。

大君子關心民事。倘亦有意及之乎。如以所言爲不謬。當詳細規畫。條列辦法。以備轉咨。內部察酌施行。肅稟敬叩。崇安惟希。

荃鑒。某某謹上

借箸

史記臣請爲王借箸而籌之謂代爲策畫也

駢闐

即繁多之意

請添設貧民習藝所

政界 內務類

某某仁兄閣下。前接

復書。備承

獎借。虛懷若谷。慚感交縈。

執事聲光照灼。能者多勞。而於利民福國之端。知無不爲。尤足使人傾倒。敵省頻經匪亂。田野荒蕪。閭閻失業之徒。遍處皆是。妥籌安插。莫如開辦貧民習藝所。使各習一業。得以自謀生計。遊民日少。地方經濟。必逐漸發展。

先生痼疾在抱。用敢貢其芻蕘。以備採擇。翹瞻

德化。不盡欽遲。肅請

勛安。伏候

裁示。某某鞠躬

痼瘵在抱

謂民間疾苦皆
時時留意也

請革除迷信提倡善舉

某某先生閣下。不奉

罄歎。數月於茲。側耳

閤聲。彌形雀躍。某伏處山鄉。里中人士之過從者。語及

惠澤及人。同聲交響。且聞廣徵意見。次第施行。故下懷偶有

所知。不敢安於緘默。吾邑交通阻滯。風氣閉塞。每年無益

之款。如迎神賽會。消耗於迷信中者。不知凡幾。若能移作

某某等公益之用。化無益爲有益。實爲最善之舉。惟須提

倡自上。寬嚴互用。庶可逐漸轉移。一得之愚。未知我

公以爲何如。肅泐布達。敬頌

勛安。某某鞠躬

外交類

賀外交部

總次

長到任

某某先生大人閣下。遠隔重洋。久疎音敬。

高山仰止。矢之寸心。日昨

吉語傳來。知綜外交重任。

折衝樽俎。

輯睦敦繫。

慎重交鄰。久爲東西各國所稱許。

維持時局。不愧二十世紀之偉才。

輿望欽遲。聲聞洋溢。某羈遲海外。翹企

德音。嚮往之私。匪伊朝夕。總擬春明鴻雪。重續前緣。載聆

讜論。未識縣縣此願。何日能償耳。肅修寸牘。恭達賀忱。敬請

勛安。諸祈

亮鑑。某某鞠躬

春明鴻雪

春明指京師而言鴻雪即雪泥鴻爪之意

答復賀函並告就職情形

某某先生閣下。日前展讀

惠教。獎借逾恆。名實難孚。寸心滋愧。就諭。

修途孟晉。履祉清嘉。式符下頌。某本非肆應之才。忝荷折衝之任。際此列強環視。雄心勃勃。皆欲擴張其勢力。應付稍一不慎。即將陷入漩渦。非具靈銳之眼光。敏捷之手腕。不足維持時局。輯睦邦交。某何人斯。能無綆短汲深之懼。以總統敦迫。不獲固辭。暫上舞臺。徐謀引讓。

執事跡遍寰瀛。學優識卓。如有聞見之關於國際者。深冀不

棄疎庸。

隨時密示。海天鴻影。企望深之。肅此布復。順頌。

偉安不既。某某鞠躬。

綆短汲深

綆汲水之繩也。繩短井深，即力小任重之意。

引讓

引退讓賢也。

囑縣知事保護教士

逕啟者。昨奉 外交部訓令。各省土匪蠢動。時有擾及教士之舉。不得不先事預防。妥爲保護。以重邦交等因。查外人旅居吾國。地方官本有保護之責。教堂散布各處。尤宜平時留意。毋稍疎失。致啟責言。

貴縣教堂幾處。教士幾人。籍隸何國。希即切實調查。列冊呈報。事關國際。毋得掉以輕心。有乖職守。而干咎戾。專此布達。順頌

台綏。某某手啟

僑商請保護

某某先生大人閣下。地隔重瀛。常聞

惠頌。

鴻儀霄漢。葵藿心傾。敬維

景福時中。

勛華日茂。引瞻

吉曜。愛戴同生。某等僑寓外洋。胼手胝足。以謀生計。近來外

人設爲種種苛例。對待吾曹。權利受虧。自由被束。俯首聽命。有呼籲無門之慨。某等雖一塵遙託。而熱誠愛國。萬衆

一心每愧國力之不張。致含冤而莫白。今幸

先生綜挈外交。關懷民瘼。僑氓疾苦。或有撥雲見日之時。用

敢披瀝上陳。懇求

援據公理。改正條約。拯某等於水火之中。而登之衽席之上。

皆拜

仁人之賜矣。迫切上懇。敬請

崇安。惟希

垂照。某某等謹啓

胼手胝足

胼胝卽手足生繭之意。謂勞苦也。

民瘼

瘼疾苦也。

政界 外交類

勸僑商投資

某某先生閣下。海天萬里。久企

鴻名維

旅社增綏。因時篤祐。爲頌。吾國近來經濟窘迫。每欲興辦一事。輒以款無從籌。因而中輟。利源阻塞。實業彫疲。興念及茲。不勝扼腕。同人等雖無致富之術。尙有興業之心。現已集合基金。擬設某某等廠於某處。規畫組織。粗有端倪。茲事若成。則挽回漏卮。擴張國貨。獲利可操左券。惟創始之際。非有鉅大之資本。不足以資周轉。

先生海外經商。久推巨擘。而又

熱誠愛國。故鄉公益之事。知無不爲。是用繕印章程。寄呈
台察。倘荷同情贊助。允許投資。無任歡迎之至。如有
卓見。亦望不吝賜教。爲幸。肅請
台安。某某等鞠躬

附上章程幾本

左券

券據也。謂後獲
利可有憑據。

巨擘

孟子於齊國之士。吾必以仲子
爲巨擘焉。卽首屈一指之意。

答復允許投資

某某先生閣下。瀛寰間隔。想望

音輝。辱荷

政界 外交類

惠函敬承種切。

執事熱心壯志。見夫外貨輸入。日益增加。慨然以振興國貨。爲己任。挽回利權。抑塞漏卮。用意甚盛。所訂章程。亦復悉合公司條例。甚爲完美。某雖僑寓外洋。而瞻望宗邦。惓惓莫釋。苟有裨於祖國。無不願竭愚誠。況此事組織既成。獲利必厚。又無不樂從之理。擬卽認定若干股。熟人中并當廣爲勸集。俟有成數。再當布聞。肅復敬請。

財安。某某鞠躬

漏卮

卮。杯也。如杯之無底。注入卽漏。

薦某君諳外交

某某先生閣下。昨奉

手教。發抒

政見。世界大勢。國內現狀。瞭如指掌。

使君於此不凡。至爲欽佩。承

囑留意人才。而於外交一方面。尤爲兢兢注意。足見

虛衷延攬。識量闊深。某局促驥駒。浮沈人海。何敢論列天下

士。然中心所傾寫。如某某輩者。似皆一時之傑。折衝

樽俎。專對四方。悉能不亢不卑。恰如分際。已過之經驗。昭

然在耳目間。

先生如側席求賢。似可備夾袋之選。未識

汝南月旦。以爲何如。肅復敬請。

勛安。某某鞠躬。

夾袋

呂蒙正爲相。每得士。則儲之夾袋中。以備遺忘也。

汝南月旦

許劭字子將。好臧否人物。人謂之月旦之評。

函辭出使

某某先生大人閣下。日昨。某君來。轉致

尊命云。

大總統求賢若渴。商榷使才。曾及下走。用先探詢意見。以備

發表聞。

命之下。惶愧莫勝。某衰病日增。頻年戢影山林。久矣無情用。

世況時局翻新。外交界之風雲。瞬息千變。尤非迂拘常識者。所可輕於一試。辱承

總統暨執事謬探虛聲。敢披瀝真誠。謹謝不敏。圖報有日。善爲我辭。肅請

崇安。伏希

原鑒。某某鞠躬

戢影山林即銷聲匿跡之意

謬探虛聲謂以虛名而探用也

請調查外情

某某先生閣下。重洋間隔。莫接

光儀。回溯。

朋簪。時榮夢。穀比維。

勛勞懋著。榮問聿宣。爲頌。某材質鶩下。謬當交涉之衝。際茲

時局顛危。強鄰環伺。問題棘手。應付爲難。必事前預作籌

謀。庶幾應變臨時。無憂竭蹶。然外情隱秘。真相難求。

執事久處歐洲。見聞廣博。彼中政策。以及對我方針。倘有變

遷。敬乞隨時密探。

不吝指示。藉資印證。

鱗鴻在望。企禱深之。肅請

偉安。某某鞠躬。

朋簪

易經朋盍簪盍聚也卽指昔時簪裾聚處而言

函告遊歷團到埠擬招待保護

某某先生閣下

德音在望。延跂爲勞。維

政祉翔華。式如私頌。茲啟者。某國遊歷團。結隊來華。沿途訪問風俗。考查實業。在此旬留一星期。現已遵陸前行。大約月半前後。可到

尊處。特先致函關照。望妥爲招待指引。以盡保護之責。而敦兩國睦誼。倘有意外問題發生。應卽相機拒絕。總之以遵守條約行事。爲吾輩之職分也。專此布達。順頌

政界 外交類

台綏。某某鞠躬

邀請譯員

某某仁兄閣下。頻年契闊。馳企爲勞。昨聞

台從返自歐洲。至深欣喜。某牽於職務。未獲把臂暢談。一罄積愆。歉悵無似。

執事學成歸國。自當出其蘊蓄。以濟時艱。敝處交涉紛繁。深苦乏材襄贊。如不嫌屈就。某當虛左以待。一切東西文牘。

均可

借重長才。代爲因應。不特對於外交。多所裨益。某亦得時時承

教。稍啟蓬衷。專牘奉邀。敬候

進止。勿棄是幸。此請

台安。某某鞠躬

蓬衷

莊子然則夫子猶有蓬之心也夫
謂未能了然於中與茅塞之意相仿

財政類

賀財政部

總次

長到任

某某先生大人閣下。頻年奔走。莫侍

音塵。方馳企夫

鴻儀。適喧傳於鵲報。敬悉

才長經濟。職綜度支。

政界 財政類

利用厚生。中外咸欽偉略。

富民足國。朝野仰望丰裁。當茲財政竭蹶之秋。益見

綜覈精能之效。

左宜右有。措置裕如。某計學未諳。治生無術。前曾經營實業。

小試其端。而前路茫茫。成敗尙難逆料。以視

鴻規碩畫。不啻有霄壤之殊。側耳

新猷。下風額誦。倘蒙

渠誨。林歧尤深。肅泐恭賀。敬請

崇安。某某謹上

計學

財政之學
謂之計學

答復賀函並告就職情形

某某先生閣下。正跂

光儀奉牽

惠畢。獎詞溢美。愧汗交并。就論
聞譽恢張。起居休鬯。慰甚。某承

大總統知遇之感。明知國用支絀。財政艱難。不得不出爲擔
任。然外債既不可久恃。實業尤驟難振興。補瘡則挹注無
方。減政則羣情多阻。楚歌四面。身陷重圍。應付幾窮。焦愁
徹旦。所冀

四方賢達。錫之高論。指示迷途。苟有

心得之談。匪惟鄙人拜嘉。抑國家實受其賜。企予望之。手肅
布復敬請

道安。某某鞠躬

楚歌四面

項羽困於垓下四面皆楚
歌以喻陷入重圍之意

謝委任銀行監督

某某先生大人閣下。頻年供差部務。久荷

甄陶。方以駑下自慚。乃荷

知音謬賞。昨於南京旅次。接奉

電示。委任某爲某某銀行監督。自維某於財政一方面。雖略

有一知半解。而經驗未富。應付無才。平日隨侍

鈞衡事事稟承。差得免於隕越。驟令別張一幟。經營布置。何能悉協機宜。綆短汲深。殊恐負

台座知人之譽。擬俟此間事竣。入都銷差。面聆訓誨。後再定進止。先肅叩謝。敬請

崇安。某某鞠躬

別張一幟

幟旗也。別樹一旗。猶言獨當一面。

綆短汲深

綆汲水之繩也。繩短汲深。猶力小任重之意。

謝委任稅捐局長

某某先生大人鈞座。昨上一稟。備述調查情形。計已仰邀

慈鑒。頃奉

飭知委任。某爲某處稅捐局長。自慚讓陋。猥荷

甄拔於風塵之內。明試以功。涕零感激。現在稅局。羣視爲優

差。奔逐恐後。某驟邀物賞。見信於

上官。敢不潔身奉職。稍盡涓埃之報。仰答

知遇之私耶。此間事約一星期可竣。屆時晉省銷差。面承

鈞誨。再當前往任事。肅此叩謝。敬請

勛安。某某謹上

涓埃

唐詩未有涓埃答聖
明極言微末之意

請求撥款維持公益

某某先生閣下。里門伏處。逖聽

循聲引領

台輝時深嚮往。伏維

鼎祺安燕。

秦履延鴻爲頌。某家食自甘。本不欲與聞外事。而故鄉戚友。羣以大義相督責。公益所在。不敢不勉。竭駑駘計。自擔任某事以來。其始空拳獨張。銳意前進。歷至今日。規模粗具。然而無米之炊。萬不能支持久遠。

先生仁風廣被。關於地方善舉。無不竭力維持。可否於某款中。酌撥若干。爲常年經費。勿使已成之局。廢爲半途。某當代表衆人躬拜。

嘉惠惶悚上請伏候

主裁敬叩

勛安不既 某某鞠躬

空拳獨張

漢書張空拳冒白刃謂手無寸矢以空拳相向也

上書條陳財政

某某先生大人閣下月前省垣晉謁快瞻

光采乃荷

虛懷若谷垂詢殷殷倉卒間未能報

命歉悚實深比維

展布益闋聲華篤著為頌吾省財政出入相懸若不早謀整

理之方。勢必江河日下。

先生綜攬全綱。足國裕民。雙方兼顧。而又

旁諮博採。以冀擇善而從。某雖於計學略有所得。書生之見。

何足仰裨。

高深。願以一再相商。重違

雅命。歸後搜索鄙見。繕成節略。伏候

察裁爲幸。肅泐敬請

勛安。某某鞠躬

商論稅則

某某先生閣下。別久晤稀。時勞懷想。維

籌祺佳鬯。爲頌。本省稅則。根據舊章。歷久相沿。不無畸輕畸重之處。現在察看情勢。擬重加釐訂。以歸畫一。請就

尊處過往各物。約計市價若干。注明稅率多寡。有應增應減者。一一開具意見。以便彙齊核辦。鄙意非欲加重稅捐。但以市情今昔不同。貨物亦銷滯各異。重爲釐定。實當務之急。而亦經理財政者。應有之事也。附去表格幾紙。希速

照行。如有

高見卓論。亦望不吝

賜教。是幸。此頌

權安。某某鞠躬

商請就近截撥餉項

某某先生大人閣下。遠違

大教。時切遐思。雖文牘往還。未能盡抒軫結。比維

宏猷彪炳。

景福駢蕃。式如私祝。敝處餉項。疊承

關懷大局。按期籌撥。仰勞

盡畫。心感何涯。顧駐在地點。距省窳遠。往返需時。不無窒礙。

鄙意若能指定縣署稅局兩處。於解款內。就近劃撥。既免
跋涉之勞。亦無愆期之慮。且一解一領。省此手續。似覺雙
方俱便。昨已備文咨商。用再具函奉懇。倘得

通融照准。倍級公誼矣。事關變通前例。可否之處。佇候

卓裁。肅泐敬請

勛安。某某鞠躬

寫遠

與遠之意同

講切實提倡印花稅

某某先生閣下久別

光霽。時切心儀。維

政履聿綏。爲頌。茲啟者。昨接奉 財政部來電。印花稅頒行

已久。收解尙屬寥寥。其原因在僻壤窮鄉。尙未周悉。須由各縣知事。廣爲勸諭。使人民曉然樂從。以裕稅源。查印花

稅所取極微。不病於民。有裨於國。且又簡便易行。無苛擾之弊。吾國創辦伊始。性質規例。或未能一律通曉。請

執事切實曉示。逐漸推行。將來當以收數之多寡。定考成之殿最。慎毋忽視爲幸。此頌。

公安。某某鞠躬。

殿最

漢書課其殿最謂考其成績之高下也

邀友人襄辦鹽政

某某仁兄閣下。前披

惠翰。深紉

注存。裁答久稽。至深歉仄。邇維

政界 財政類

道履綏吉。爲頌無量。某就職以來。胸經三月。鈎稽案牘。覺鹽務積弊之深。非改絃更張。莫能整理。苦於調查未徧。計畫未精。不敢貿然下手。吾

兄山左之行。聞作罷論。倘肯

惠然下賁。暫作迴旋。某得接席承詞。朝夕商榷。獲

益多矣。屬在知己。用敢直接相邀。

勿責其冒昧。是幸。肅請

台安。並候

惠復。某某鞠躬

迴旋

地小不足以迴旋
卽暫時屈留之意

函陳稅收短絀懇請另委接替

某某先生大人閣下久叨

懋蔭備切葵傾伏維

景福駢臻式符額誦某渥邀

知遇委權稅釐感激之私迴逾常格是以到差以後督率員

司掃除積弊冀以上裕國課下答

鴻慈不圖力與願違近數月間河道乾涸上流貨物一切停

滯稅收頓絀於前自顧考成焦愁萬狀固由天時相厄抑

亦某供職無才伏乞

政界 財政類

另簡賢能。迅予接替。俾得仔肩早卸。待罪

轅前。靜候懲處。幸

恩。溺職。何以爲情。臨牘悚惶。迫候

明示。肅叩

勛安。某某謹上

考成 考其成績也

仔肩 即指負之意

司法類

賀司法部 總次 長到任

某某先生大人閣下。停雲在望。尺簡久疎。忽聽

吉音。躡躡起舞。

先生以法學專家。綜秋官重任。

三審四級。振法治之精神。

彌教明刑。佐盛時之德化。

參中西而各成其是。

劑新舊而不失其平。翹企

鈞衡。良殷忭頌。某故我依然。壯遊徒爾。一身萍寄。三斗塵生。

會於夏末秋初。亦擬整裝北上。屆時親瞻

光霽。藉罄衷懷。削札扁函。先此馳賀。敬候

台祉。惟

照不宣。某某鞠躬

秋官

昔之刑部曰秋官今司法部即由刑部改組也

三審四級

近時法律分初級地方高等大理院為四級而上訴之程序限於三審

三斗塵生

世說會當撲去俗塵三斗喻其多而已矣

答復賀函並告就職情形

某某先生閣下。別來甚念。昨奉

手教。猥以宦海升沈。辱蒙

殷勤獎飾。寵逾其分。汗下霑襟。即維

餐衛咸宜。式符私頌。某以法部缺人。暫時承乏。到部以後。留

心考察。雖頻年依據西律。編纂法典。稍稍成書。而中西風

教各殊。習俗互異。削足就屨。終難適合。是以舊律既未便盡廢。新律又勢難强行。必如何參酌情形。始足以推行盡利。

執事法理既熟。經驗尤深。惟望不棄故人。時錫教言。藉匡不逮。

暮雲江樹。瞻企爲勞。肅此奉復。並頌

台祺。某某鞠躬

削足就屨

謂強此就彼。如削其足以合於屨也。

謝委審檢廳長

某某先生大人閣下。頃奉

手教。並委任狀一紙。以某充任某處審判檢察廳長。竹頭木屑。咸

登

大匠之門。榮幸何如。法律爲保障人民之具。職權行使。尤當以審慎出之。某學淺才疎。遽邀

寵任。惟有奉公守職。竭智盡忠。仰圖報稱。現擬卽日肅裝晉省。面聆

訓諭。請示

機宜。得有方針。然後就任視事。私衷縉綬。引瞻

台座。不盡依馳。專肅寸稟。叩請

勛安。諸祈

垂照。某某謹上

竹頭木屑

喻廢棄之物一經大匠得之皆能各當其用也

薦舉法字人才

某某先生閣下。遠侍

鈞顏。已逾數月。聞

德聲之洋溢。每望遠而心欽。自

台端綜任司法機關組織。氣象一新。而又

留意人材。殷勤延攬。一時才俊之士。莫不奔走後先。及時自

効。竊見舊日同學如某某等輩。皆粹於法理。學力深醇。實

爲司法界不可多得之材。如某之駑鈍空疎。猶邀

賞拔其賢於某者可知。用敢妄爲論列。附於舉爾所知之義。先生虛懷下士。或亦所樂聞也。某某等經驗。另紙開呈。如有相需之處。某可代爲紹介。肅此布達。

勿以冒昧責之。是爲至幸。敬請

勛安。某某鞠躬

請某爲幫審員

某某仁兄閣下。達

教以來。時深懷想。月前接誦

手畢。藉悉

起居佳勝。甚慰。某到此三月。職務繁冗。疲形勞神。日不暇給。

加以兼理司法。此間訴訟事件。又較他處爲多。一身支柱。其間精力漸苦不繼。援例稟設幫審員。擬以尊名上達。未識

槃槃大才。願甘小就。否。倘不嫌祿薄。

惠然肯來。不特公務上獲益良多。而故鄉舊友。聚處盤桓。私際亦增樂境。欣忭無似。先此商懇。敬候

環雲。卽希

愛照。某某鞠躬

託延律師

某某仁兄閣下。日前 某君來。遞到

手書敬悉

起居佳勝。爲慰。敵處與某某之交涉。

來函以喫虧退步相勸。並囑早日和平了結。誠爲至當不易之論。乃前途愈逼愈緊。不留餘地。不受商量。聞已提起訴訟。實逼處此。祇得延聘律師。與之對壘。靜候法庭之裁判而已。現在律師中穩健而有經驗者何人。吾

兄情形較熟。敬懇卽速

代爲擇聘一人。以便接洽一切。預備出庭。苟有成議。請先電示。至盼至囑。此請

台安。某某鞠躬

出庭

現時訴訟由律師出
為辯護者謂之出庭

薦某君可任律師

某某仁兄閣下頃接

復函。知某事已提起訴訟。業無商量之餘地。祇得趕延律師。以謀對待。所謂水來土掩。兵來將擋。無可如何之事也。律師懸牌者。儻指難數。某亦不甚熟悉。惟上年舍親某因田產事。與人涉訟。係延某某律師。為之辯護。頗能得力。據說此公學識既好。辦案之經驗亦富。名噪一時。尊事或即延彼充任。俟

復到即為定奪。並請趕速前來。面與接洽可也。此上。即頌

近安。某某鞠躬

僕指

與屈指同

請作訴訟代理人

某某先生閣下。日前面承

教益。開示手續原委。詳晰無遺。至爲欽佩。此事決計委託。仰
費

清心。全權代理。好在

智珠在握。必能預操勝算。何日開庭。前途之措置如何。當時
之辯論如何。或應另爲籌備之處。均乞

隨時飛示。某約須月底。方能脫身前來。一切

代爲主張。決無異議也。手此奉託。敬請

公安。某某鞠躬

智珠在握

謂胸有智珠
預操勝算也

函請嚴查煙賭

德輝在望。馳系爲勞。維

履祉因時。適如私頌。昨有人來云及

貴縣地面。煙賭尙未淨絕。雖傳者之言。未能盡信。而吾輩當

官之耳目。百密不免一疎。擬請

執事格外注意。加派調查。如得踪跡。務卽嚴拿懲治。毋令奸
宄。得以漏網。然亦不可牽連騷擾。累及良善。此中操縱。想

台端自有權衡。毋煩諄諄致囑也。專此布達。卽頌

台安。某某鞠躬

函囑改良監獄

某某先生閣下。近隔

清塵。時勞懷想。維

政履休嘉。爲頌。

貴縣監獄。尙係舊式。因一時經費無著。未能組織完善。自是
實情。然著手改良。可以逐步爲之。第一獄舍。首求清潔。以
重衛生。管獄吏役。嚴禁虐待。罰款稍積。則設習藝所。就其
性之所近。各授以技藝。既可變化氣質。日後釋出。亦各有

恆業。不致流蕩無歸。重蹈法網。蓋監獄於懲戒主義外。兼
當有感化主義。全在

主持其事者。盡力爲之耳。

執事慈祥愷惻。關心民瘼。略貢所懷。務希
留意及之。此布。卽頌

台安。某某鞠躬

民瘼 瘼疾也卽留心
民之疾苦也

延某君編纂法制請代介紹

某某先生執事久違

眉宇恆切心藏惟

政界 司法類

榮問日昭。道履休譽。爲頌。某碌碌因時。羌無表見。日前忽被
任命。簡爲法制局局長。屢辭不獲。茲事體大。以輕材當此。何
能稱職。然轅駒就駕。祇能勉極駑駘。冀免覆轍而已。夙聞
某某先生。殫見洽聞。爲當今法學鉅子。近年留心著述。息
影邱園。意欲以禮相延。充任編纂。藉承教益。而緣疎一面。
未敢率然冒瀆。

執事與某先生。交甚密切。敬懇

先爲紹介。代致拳拳。倘蒙不棄。疎庸再當專函敦請。匡予不
逮。賁然來思。繫惟

先生勸駕之力。手此奉託。敬候

德音順頌

台社。某某鞠躬

殫見洽聞

言見聞之廣博也

函復某君處已代爲勸駕

某某先生大人閣下。雲山間阻。違

教積時。

吉語飛來。私衷歡躍。

先生以法學專家。綜法制之重任。

貫通新舊。融會中西。行見民國法規。煥然大備。乃復

虛衷延攬。囑於某君處。代爲介紹。延充編纂。以資臂助。日昨

承

命往訪。某君邇來本無情於用世。經某一再勸駕。又感於尊意之敦篤。漸露轉機。可由

台端逕函專請。或能得其允諾。欣然命駕也。手此馳復。敬請
勛安。某某鞠躬

交通類

賀交通部

總次

長到任

某某先生大人閣下。驚候遙際。

樽輝在望。心儀正切。

吉報遙傳。

展拓殖之新猷。

掌交通之重任。一切

擘畫。大矩丕張。

閱國家久遠之規。

溥水陸轉輸之利。

同文同軌。

盛治可期。跂望

籤衡。莫名忭頌。某遠寄滇南。羌無建樹。笑榆枋之自局。憶泥

雪而神馳。何時載酒春明。重尋

舊雨。備聞

政策。一擴塵襟。露白葭蒼。願言曷既。肅先馳賀。敬請
勛安。某某鞠躬

拓殖 拓邊殖民也

榆枋自局 見莊子謂局於尺寸之地也

泥雪神馳 雪泥鴻爪以喻舊日之事歷歷可尋

露白葭蒼 伊詩經兼葭蒼白露為霜所謂伊人在水一方悵望之辭也

答復賀函並告就職情形

某某先生大人閣下。滇南冀北。引耳

政聲。想望

光儀。我心蘊結。正擬修箋致候。乃蒙

瑤札先頒。猥以就職交通。詞多獎借。自維譴陋。何以克當。某年力就邁。初非擊楫之祖生。而事勢相乘。竟作下車之馮婦。迫於公義。勉竭駑駘。到部以來。略爲檢點。已覺千頭萬緒。著手無從。綆短汲深。日虞覆餗。

先生鴻才蓋世。關於部務。必有

觥觥高論。啟我蓬衷。幸

惠箴言。藉資韋佩。下風引領。至切傾遲。肅復敬請
大安不既。某某鞠躬

擊楫祖生

祖遜擊楫渡江慨然有澄清之志以喻自欲用於世也

下車馮婦

馮婦善搏虎改行爲善後也

綆短汲深

綆汲水之繩。繩短而汲深。喻才力不及之意。

覆餗

易經鼎折足覆公餗。言力小不堪任重也。

謝委任郵電局

某某先生大人閣下。昨在粵東行次。接奉

電示。委任某爲某處某某局總理。猥以菲材。荷邀

甄拔。私衷感激。莫罄言宣。某奔走十年。雖於某事粗具知識。

然才非肆應。驟當一面。恐未能措置裕如。在

先生節取寸長。量材器使。自具權衡之妙用。某亦何敢畏難

自阻。辜負

裁成。會當勉竭駑駘。力圖報稱。并擬卽日便道入都。面領

教言得有方針。然後赴東任事。先此肅謝。敬請

崇安。某某謹啟

請某君招集礦股

某某先生閣下。某君來述及

執事垂注甚殷。詢及礦中近狀。

厚意可感。某自某年經營此礦。苦心孤詣。歷時五載。費款數萬。至今始略具基礎。開出礦苗。據化驗家集驗。質地極佳。爲吾國所僅見。同人挾此希望。格外踴躍。吾國公共事業。若路若礦。從未有良果。一則於進行之方。不肯著意研究。二則經理其事者。率存一自私自利之心。不能見信於

股東股款不繼。半途輟。以前之資本辛苦。概歸虛擲。某
任事之初。自矢力矯此弊。犧牲一身。以爲吾國。此後辦理
實業者之激勸。區區苦衷。當能見信於

執事。目下股款雖足。資周轉。而多多益善。源流長則根本益
固。

執事商場領袖。信用素孚。如能代爲提倡。分任招收。尤所感
激。因承

眷注。故敢縱論及之。鱗鴻有便。祈惠

德音。順頌

財安不一。某某鞠躬

犧牲一身

以一身爲犧牲即屏絕私利之意

辭路局職務

某某先生大人閣下。朔南間隔。遙企

祥輝。疎敬

起居。至深歉仄。伏維

勳猷。聿駿。

履祉延鴻。式如下頌。某供差路局。久荷

鈞陶。遇事稟受。機宜用得。無憂隕越。然年來精力衰耗。事繁

職重。漸苦不支。與其貽誤將來。辜負

裁成之德。不如知難而退。免遭覆餗之譏。伏祈

俯鑒下忱。准予辭職。此間車務路務。在事諸君。均皆富於經驗。熟悉情形。但得繼任有人。自能相助爲理。請紓

塵注。除正式具呈外。謹此函稟。靜候

督照施行。不勝惶迫待

命之至。敬叩

崇安。某某鞠躬

鈞陶

謂受其陶鎔也

請某君測勘路綫

某某仁兄閣下。睽隔積年。頻勞夢轂。日昨接披

手簡。欣悉

台旆返自東瀛。把晤有期。歡慰無量。吾

兄壯志閎才。乘風破浪。憤國家之貧弱。慨然以振興實業爲

己任。埋頭攻苦。學成而歸。出其蘊蓄以展布於時。行見

名滿當途。爭迎恐後。某綜持路政。深苦才難。前此測勘路線

之英工程師。已於某月底期滿解約。意欲奉邀

大駕。暫任此席。屬在素好。冒昧直陳。惟恐地小不足迴旋。爲

高賢所鄙棄。倘承

垂諾。翩然來思。杖杜道周。曷勝引領。肅此布達。敬請

道安。並希

玉復。某某鞠躬

杖杜道周

詩經有杖之杜生於道周彼君子兮噬肯來遊

函允擔任測勘路線

某某先生閣下奉支

華翰深荷

注存就諗

動履攸宜。甚善甚慰。某頻年遊學。雖於實業一道。粗有研求。第恐閉門造車。未必出而合轍。私衷懍懍。自信未能。乃荷謬采虛聲。委肩重任。一再揆度。進既不敢。退又不安。好在山水相達。擬乘間趨叩

台端。就聆

教言再商進止。

先生知我必不責其依違兩可也。相晤有期。至深馳系。先此

肅復順頌。

勛安。某某鞠躬。

閉門造車出而合轍。

謂恐理想未必能實行
即所學非所用之意

依違兩可。

謂無確定
之主張也

函商借款築路辦法。

某某先生閣下。咫尺。

光儀積冗有疏晤。

教。歉甚。某某路事。昨經全體開會集議。僉以股款招集無期。

目前急進之方。惟有借款興築。早日告成。似較延擱不辦。坐耗鉅利爲愈。惟借款築路。稍一不慎。勢必授權外族。太阿倒持。其害不堪設想。

先生經驗閱富。對於此事。素有研究。且梓鄉利害所關。尤不忍袖手旁觀。默爾而息。務望

錫之高論。藉作南針。某身當衝要。惟有藉衆意爲指歸。著手進行。庶免錯誤。佇候

明教。順頌

台祺。某某鞠躬

太阿倒持。龍泉太古之利劍。倒持則以劍鋒向己。其危可想。

函請推廣郵電鐵路

某某先生閣下。比來俗冗羈纏。久未承

教。懷思之切。想有同情。

執事職掌交通。聲聞照灼。企羨何似。吾國郵電鐵路。創始已二十餘年。遐陬僻壤。尙未遍及。此固著手之難。抑亦歷來進行。不無遲鈍。今幸交通重任。出自

大賢主持。必能急起直追。力謀推廣。饜海內喁喁之望。

建國家久遠之規。蓋自寰宇大通。疆域接錯。斷不宜因陋就簡。故步自封。爲輸入文明之障礙。

先生視事日久。擘畫指揮。必已全盤在握。倘有

政見可以發表者。便乞示知。無任引領。肅請

勛安。某某鞠躬

喁喁

漢書海內
喁喁望治

故步自封

謂限於舊日之地
步停滯不進也

尺牘大全卷二

學界

校務類

上教育部商論事件

大部鈞鑒。教育爲立國之本。萬事之母。無本則枝葉無所附麗。無母則子姓無自繁殖。理之固然也。恭讀

大部歷來教令。計畫周密。指示精詳。凡所以促進教育者。固已無微不至。凡屬學界。自宜一體遵守。冀收一道同風之效。某學識淺薄。顧自從事教育。十年於茲。頗欲以身所經

學界 校務類

一

驗者。參以泰東西之學說。而推究其義。以貢獻於世。茲對
於某事。略有意見。繕爲條說。恭呈

鈞覽。明知一得之愚。無裨高深。深願

大部一爲披閱。繩其疎謬。而

辱教之。臨啟不勝惶悚待

命之至。專肅敬請

鈞安。伏希

垂鑒。某某鞠躬謹上

附呈某書一本

一道同風

謂教化大行
風俗純一也

一得智者千慮必有一失愚者千慮必有一得言雖愚人之說或有可探也

繩其疎謬

繩卽匡正之意

上教育司商請事件

某某司長先生鈞鑒。溯自省垣晉謁。

渠訓親承。旋返征輪。馳懷積歲。伏承

榮問日昭。

鼎祺雲集。翹瞻

階。卬無任鑿軒。某淺才末學。本擬杜門藏拙。乃以里中同人
之敦迫。擔任本處校務。碌碌半載。一無表見。而耳目所接
觸。藏之既久。迫欲一吐。竊思各地學務之不發達。原因複

雜。而其犖犖大者。厥有數端。不揣庸愚。條列所具意見。奉呈。

鈞覽。

先生主持全省教育。莘莘學子。胥賴陶成。倘或采及芻蕘。抉擇而措施之。似於

移易風俗。作育人材之意旨。不無裨益。干瀆

清聰。惶悚無似。肅請

勛安。統希

澄察。某某鞠躬謹上。

附上條陳一件

鷺軒鼓舞歡欣之意

上縣知事辭校長職務

某某先生座右日昨趨謁

崇階適值

車駕外出未親

訓誨。悵惘何如。某承乏校務。知識淺短。無裨教育。近來年老多病。精力就衰。任重事繁。斷難稱職。伏乞

鑒其誠悃。准予開去職務。稍息仔肩。另選賢能。卽日到校接替。庶幾庸劣下駟。不致有躐駕之虞。感荷

恩慈。實無旣極。除另文呈請外。肅泐奉懇。敬請

勛安。佇候。

明命。某某謹啟

馱駕

馱音捧。漢書馱駕之馬。謂馬力不勝致於覆轍也。

請視學員到校視察

某某先生執事久耳

鴻名未親

塵教。

泰山北斗。仰企徒殷。

執事爲國宣勞。不遑寧處。聞

轍迹所經之處。調查考察。皆於教育精神上注意。揚清激濁。

氣象一新。主持得人。此吾省學界之福也。敝校開辦已屆七年。畢業五次。雖不敢謂辦有成效。而某以獨力經營。歷年來備嘗困阻。勉強支拄。實具苦心。敢請

台從便道一臨。詳加指示。則對於校務上種種設備。皆得有所稟承。不勝歡迎盼禱之至。專此候

駕敬請

勛安。某某謹肅

因校舍事致官廳

某某先生閣下。久欽

名德。積有歲時。側聽

學界 校務類

風猷彌殷嚮往敬維

禔祺涑第

政祉翔華。慰符心祝。茲啟者。敝校開辦至今。來學者日衆。計新舊學生已達三百人以上。校址逼仄。不能容納。欲圖建築。一時又無此財力。茲調查某處房屋。空無居人。可否暫准借用。以公地辦公。益例本相符。

先生提倡教育。夙具熱心。或能

極力維持。俯如所請也。專肅奉達。敬候

明教。順叩

勛安。某某謹肅

請某君充某科教習

某某先生閣下。自睽

道範。彌切心儀。比維

著作等身。沉酣典籍。爲佩爲仰。敝校開辦計畫。業已粗就。學生報名者。極其踴躍。已達百人以上。各科教員。皆訪延名宿。充任。而歷史地理一席。尤爲重要。素仰

先生學貫中西。溝通新舊。意欲

屈秉教鞭。想

先生平素以樂育爲懷。或不峻其門牆。使莘莘學子羣懷缺望也。可否之處。敬候

裁示。再當呈送合同。祇迎

台駕。肅此敬候

撰安。惟希

激察。某某鞠躬

溝通 即貫通之意

教習辭聘。再行敦請

某某先生閣下。前修寸簡。肅主教壇。頃間展讀

賜書。乃以

搗謙見卻。望塵莫及。五內回皇。伏維

先生學問淹通。品行敦篤。久爲吾鄉泰斗。際此舉世滔滔。文

學衰敝之際。深望

提攜後進。宏我春風。既以造就人才。亦以保存國粹。萬勿存

獨善之見。使願沾

化雨者。致慨於門牆高峻也。某爲教育前途起見。再肅奉瀆。

伏乞

鑒其誠悃。俯允所請。敝校幸甚。學生幸甚。祇泐敬請

道安。佇盼

金諾不既。某某鞠躬

五內回皇猶言私衷
回惑也

獨善之見孟子窮則獨善其
身達則兼善天下

薦某君充某科教習

某某先生閣下。不奉

教者久矣。深以爲念。昨友人來。述及

執事熱心教育。籌備經費。創設某某學堂於某處。爲鄉里培植人材。甚善甚善。惟開辦之始。教習自必需人。茲有某君。

以某處完全師範畢業。久主講席。學界翕然稱服。倘蒙

尊處延致。俾執教鞭。必能輸進文明。日新月盛。某非相知有

素。決不敢濫爲推轂。如愜

尊意。可由某代爲紹介。敬希

裁示爲盼。順頌

台安不既。某某鞠躬。

請某君充監學

某某先生閣下。俗冗紛集。久未接奉。

音塵想。

道履清嘉。

著述宏富。慰符下頌。敝校自開辦至今。來學者日漸加增。尙形發達。惟管理一方面。不宜過於寬縱。亦不宜過於嚴厲。難在恰得其宜。前監學某君。因事辭職。現在此席虛懸。久

欽

執事長材熟手。意欲奉屈。並請擔任某科教務。倘荷

匡其不逮。惠然肯來。不勝歡迎感慰之至。專此奉約。敬候
還章。想素承

關愛。或能不我遐棄也。此上。順候

台安不備。某某鞠躬

辭某校聘充教員

某某先生閣下。昨奉

手書。猥蒙

不棄孤陋。招爲某科教員。聞

命之餘。且慚且感。某知識短淺。各項科學。均係浮泛涉獵。絕
無心領神悟之處。加以頻年奔走。身弱多病。腦力異常衰

薄。旋得旋忘。自審已成廢物。何敢濫竽講席。以自誤者轉而誤人。且

貴校爲名宿薈萃之地。驚駘如某。而欲追隨其後。不償則蹶

耳。既承

知愛。不敢不據實直陳。希

察諒之。專泐布復。敬請

台安。諸惟

涵照。某某鞠躬

償蹶

償即敗壞之意
蹶即顛覆之意

託聘外國教員

學界 校務類

某某先生賜鑒。在滬時。暢聆

台教。蒙鄙頓驅。歸後匆匆。奔走校務。日無暇晷。開辦計畫。業已漸有端緒。各科教員。亦次第聘定。惟理化一科。注重實驗。擬以外人之學識深邃。熟諳華情者任之。

執事留學日久。師友中如有其人。敬乞

代爲介紹。薪金以每月若干金爲率。不能過豐。授課鐘點。應聽教務長之配置。倘能合格。可卽通函商訂。再外人之在吾國充教員者。每喜以宗教語參入教授。實與教育宗旨有礙。延訪時。尤祈注意。手此奉懇。敬候

道安。某某鞠躬

詢某教員人品如何

某某先生閣下。日前趨詣

高齋。未克承

教。旋荷

台從枉顧。又復彼此相左。悵何可言。某因秋季開學在卽。布置校務。殊爲忙碌。英算一科。舊教員因事他往。現經友人介紹某君充任。某君畢業某某大學。程度甚高。惟未知品行性情何若。

執事前在某處。與之同事。必熟悉其爲人。敬懇

據實相告。某素性涇涇。凡百交接。寧願慎之於始。勿訝其多

所顧慮也。肅泐敬請

撰安。順希

復示。某某鞠躬

催請教員到校

某某先生閣下。別來匝月。馳系爲勞。比想

清恙。日卽痊可。動定多吉。爲頌。

閣下離校以後。教科鐘點。雖由某先生代爲擔任。惟季考在

邇。事務繁多。某先生深慮難於兼顧。如

尊體業已復元。敬懇卽日來校。主持一切。同人。不勝盼禱之

至。再中華書局新出某書。極便參考。來時請

代購一部帶下。手此布肅順頌

大安。某某鞠躬

請友人代任教科

連宵風雨。殊悶損人。遙想

高齋著述益富。羨甚企甚。茲懇者。下月中舍間有事。某擬請假旋里。計算耽擱時日。必須兩旬。校中功課。擬懇

執事代爲擔任。好在此間學生均係

執事舊時弟子。每星期鐘點亦不過多。惟兩校兼顧。稍形辛苦耳。彼此知交。必蒙

俯允也。先此奉商。星期日再當走訪。面爲接洽。此頌

道安。某某鞠躬

請教員暫攝校事

某某先生閣下。別後於某日抵里。一路安好。勿念。惟初意擬作三五日勾留。現察看家慈病體。一時未易告痊。不得不留侍湯藥。稍盡子職。校中各事。擬請

閣下代爲主持。好在管理教授上一切情形。

閣下均所深悉。無難對付。暑假以前。某必可以到校。費神之處。容後面自致謝。專此奉託。敬請

台安。惟希

察照。某某鞠躬

教員向校中請假

某某先生閣下。別久思深。惟

文祉吉羊。爲頌。某因感冒風寒。於前數日起。頓患單癰。遷延未愈。屈計開校在即。恐不能如期到校。至爲焦灼。茲特專函奉達。請假一星期。至某所擔任之教科。或由某先生暫代。已另函商懇。請

執事再面商之。某一俟病體稍愈。當即日束裝。不敢久稽也。此請

道安。某某鞠躬

教員向校中續假

學界 校務類

某某先生閣下。昨奉

手書。承詢某之病狀。

殷勤雅意。溢於言表。深感

注存。某病由瘧而起。遷延日久。變爲溫症。近雖略見痊愈。據

醫家云。久病體虧。尙須息心靜養。祇得具函奉懇。續假數

天。久曠職務。靜中思及。惴然不安。惟希

先生有以諒之耳。先此布達。餘容後詳。敬請

台安。某某鞠躬

學生向校中請假

某某先生大鑒。昨接

通告單。知校中定於某日開學。學生本當負笈前來。隨班受教。乃家慈近患喘嗽之症。日益增劇。門祚單薄。既無昆弟姊妹。可分子職。學生侍奉湯藥。勢難暫離。用特肅函上達。懇

賜假兩星期。一俟母病稍痊。當卽日到校上課。區區下情。伏希

照准爲荷。敬請

道安。學生某某謹肅

校中畢業約友觀禮

某某先生執事久違

叔度鄙吝復生。比想

優游藝圃。著述日宏。爲頌。某濫竽講席。一知半解。深恐貽誤。青年。惟有懃懃懇懇。勉盡心力。以爲之而已。茲屆某月某日。爲本校舉行第三次畢業之期。兼開成績展覽會。數年辛苦。未知效果何若。急欲得正確之評論。以資考鏡。

執事爲學界鉅子。敬盼翩然臨蒞。

錫以教言。不勝歡迎企禱之至。附上證券四張。希

察入爲幸。順頌

撰安。某某鞠躬

不見叔度鄙吝復生

出世說叔度指黃叔度謂三日不見胸中鄙吝之念又起推重之也

託詢某校章程

某某先生閣下。判袂以來。瞬經半載。兼葭秋水。想望爲勞。徒以碌碌如恆。不欲以無謂浮詞。瀆陳

清聽。尙望

知交鑒諒。勿以疎嬾相譏。聞令親某君出其私財。創辦某某實業學校。嘉惠學子。殊非淺鮮。族中子姪輩。頗有欲負笈受業者。敬懇

代索章程數分。以便分散。各科教員何人。能略示一二。尤感手此布瀆。順候

大安。某某鞠躬

負笈

笈書
篋也

詢問某校投考插班情形

某某先生執事。不奉

音書。瞬經匝月。予懷軫結。莫罄言宣。比維

講壇隆盛。

道履清嘉。定如臆頌。小兒前在此間某中學讀書。三月間隨

侍其母返里。青年學業。未便久拋。擬令其附列

門牆。未諭

貴校尙有餘額。可容納否。何時招考。如能

收錄。插班肄業。使鶩駘之質。備受

薰陶。在遠故人。感德無量。專肅奉懇。便望

賜示敬頌

台祺。某某鞠躬

駑駘

凡馬下駟之意

開運動會致送入場券

某某先生閣下。前次趨詣

高齋備聞

偉論於教育之原理。闡發無遺。令某頓開茅塞。佩甚佩甚。月之某日。敝校擬聯合某某數校開運動大會。以競爭舉動。寓激勵觀摩之意。似亦研求體育之一端。

執事倘值公餘。敬盼

不吝教誨。惠然蒞止。俾增光寵。附上入場券五張。卽希
察入爲幸。肅請

台安不旣。某某鞠躬

茅塞

孟子今茅塞
子之心矣

校中開紀念會請友襄助

數日不晤。未諗

起居何如。至念月之某日。敝校開紀念會。屈計自開辦至今。
已屆六稔。名譽尙好。學生時復逾額。而歷年來財力之缺
乏。管理之困難。苦心孤詣。以有今日之現狀。不敢謂成績

昭著。然同人一片心血。胥在於是。開紀念會者。一以追溯
往昔。一以勸勉將來也。屆日招待布置。手續煩多。敬懇
執事前來。襄助一切。爲禱。肅泐奉懇。順頌

著安。某某鞠躬

商論推廣教育

某某先生閣下。溯自往年負笈。風雨聯牀。

賞奇析疑。此樂何極。匆匆一別。如水分馳。某則奔走風塵。倉
皇衣食。

閣下則主持教育。

造福鄉閭。樹藝雖同。結果各異。賢不肖之相去。爲何如耶。吾

鄉風氣開通雖早。而限於財力。學校未能遍設。鄉曲子弟。因貧失學者。比比皆是。雖不能驟言普及。亦宜漸謀推廣。收得尺得寸之效。處有爲之地。

發抒宏願。以造就人才。實所望於

執事耳。目下學務情形如何。入手之方法如何。鱗鴻有便。乞

將

大才所規畫者。詳晰見示。慰故人惓惓之懷。削札扁函。心神

飛越。敬承

勤定。不盡欲言。某某鞠躬

賞奇析疑

奇則賞之。疑則析之。言友朋共處之益。

得尺得寸

得尺則尺得寸則寸
言到一步是一步也

商論推廣學額

某某先生閣下不奉

箋示。數月於茲。傾耳

盛名。馳情遠道。比維

絳壇揮塵。造就日宏。當如臆祝。友人之研求教育者。爲述鄂

中學校教科之完備。規則之妥善。首推

貴校。各方之負笈而至者。絡繹不絕。徒以學額有定。屏諸門
外。懷喪而歸。竊聞

貴校經費。尙不竭蹶。各科教員。亦皆一時名宿。似宜推有教

無類之意。增添名額。以廣陶成。為地方多造人才。亦為貴校擴張名譽。莘莘學子。望風而趨。蔚然稱盛。亦主持教育

者之大樂也。愚見如此。

執事夙具熱心。當蒙嘉納。肅敬候

道安。不盡縷縷。某某鞠躬

揮塵

塵拂帚也。晉謝安揮塵談玄。娓娓不倦。

有教無類

論語有教無類。言設教廣博。不拘一類也。

薦某君充校中庶務

某某先生閣下。俗塵鞅掌。未接

塵談。想日來

著述閎深。又積得案頭幾許矣。昨某友來言。

貴校庶務某君。因病辭職。此席繁雜。未便久虛。如尙未延聘得人。有舊友某某。前在敝校任事。一載有餘。極爲諳練。品行又誠篤。絕無時下陋習。倘荷

延攬。必能布置秩然。爲

執事增一臂助也。有意與否。敬盼

復音。以便轉致。此上。卽頌

著安。某某鞠躬

薦校僕

某某先生閣下。日前辱承

枉過暢談衷曲。歡愜平生。又聞

崇論觥觥。使某茅塞頓開。胸襟爲之一爽。校事想已經營就緒。得大才規畫。自必舉重若輕。規模恢廓。僕人某勤謹耐勞。在某處數載。安分盡力。一無過誤。

貴校如需人驅策。則該僕者似尙爲可用之材。且前曾服役某校。於規則等等。亦俱熟習。能否

推情收錄。敬希

示及。以便令其叩謁。專肅敬候

啓祺。某某鞠躬

請某君到校演說

某某先生閣下。經旬阻雨。未接

音塵。維

道履休嘉。爲頌。某偕同志數輩。創辦某某實業學校。經營布置。竭半年之力。始得粗具規模。擇於某日行開校禮。屆時廣邀衆賓。蒞校演說。俾知實業教育。迫待振興。

執事爲學界斗山。衆望所屬。務乞

不吝玉趾。錫以教言。實爲敝校光寵。企甚禱甚。肅泐敬請
台安。時候

文駕。某某鞠躬

請某君捐助經費

學界 校務類

某某先生閣下。不親

警歎。數月於茲。引企

鴻暉。時深蟻慕。敬維

興居增望。

望實交隆。欽遲无量。茲啟者。敝校開辦至今。綿歷三載。毫無
的款。同人迫於義務。苦心支柱。力盡筋疲。若因款絀。遽停
不惟莘莘學子。半途失學。而數年來心血。盡付東流。已成
之基。毀於一旦。情亦有所不忍。

執事熱心教育。有口同聲。用敢呼籲於前。倘荷

力任維持。助以經費。使敝校保存於將墜之頃。他年人才蔚

起。皆拜

大君子之嘉惠矣。臨穎惶悚。佇候

德音。敬請

台安。惟祈

激察。某某鞠躬

繇歷

與經歷
同意

請友人選擇最適用之教科書

某某先生閣下。積時魚鹿。削簡未遑。企望

清塵。予懷曷既。

執事主持教育。提倡文明。

學界 校務類

言論風裁。一時仰爲泰斗。現在國體變更。舊日所出教科書。難適於用。雖外間新編之本。層見疊出。求其表裏完善。程度恰合者。亦不多覩。敝校同人。深以此爲困難。

執事學識既深。經驗亦富。請將

調查所及。何項教科適用。何書開單見示。俾敝校得所取舍。南鍼之錫。拜賜實多。肅泐奉懇。敬請

道安。某某鞠躬

南鍼

指南鍼也。謂人之賜教。如畀我以指南鍼。

答復友人詢問教科書

某某先生閣下。落月停雲。正深懷想。忽爾

瑤章遠逮。備承

獎飾。愧不敢當。

執事盡心教育。研究進行。不遺餘力。願復

虛懷若谷。問道於盲。敢不盡舉所知。用相商榷。自共和成立。

國本既已變更。教科自宜另選。而坊間各本。大率沿襲舊書。略加改竄。便以新教科書相號召。誤人非淺。惟中華書局所編各書。取材既新。內容亦極完備。故教育部審定及各省圖書會審查。羣相推許。各校教授。實以此爲最適於用。鄙意如此。未知

尊見以爲如何。肅復。順請

台安某某鞠躬

虛懷若谷

谷中空虛極
言其謙也

問道於盲

問路於盲人喻
其無所得也

請友人代辦儀器

某某先生閣下。昨奉

瑤章。快紓蘊結。就論

動履。翔機。

閱聲揮綽。甚善甚歧。某插足學界。數年於茲。貽誤青年。問心

每多增愧。茲因校中所用儀器。急需添購。聞滬上中華書

局所儲最富。價亦相宜。特開單肅函。敬煩

執事前往。代爲配購。需值若干。可向某處照數劃付。某已函

致某處接洽矣。瑣瀆

清神。不安之至。專泐奉懇。敬請

大安。某某鞠躬

致家屬催某生到校

同在一方。未親

教益爲歉。茲啟者。世兄某某於某日請假。時逾兩星期。尙

未到校。脫課太久。補授最爲困難。請速

飭令來校。如有特別事故。須續假者。亦請開明理由。具函接

洽。敝校定章如此。用特奉詢也。專此布告。順頌

大安 某某謹啟

學業類

稟告到校情形

母父 親大人膝下。敬稟者。日前肅寄稟函。諒邀

慈鑒。遙想

福躬康勝。至爲頌慕。男於某日到校。受試國文題一。算學題

一。男草草畢事。幸蒙錄取。現已於某日入校上課。校中教
習六位。同學一百餘人。校規極嚴。起居飲食。均極慣適。男

遵奉

明訓。以謹守校規。勤修學業八字爲主旨。不敢稍涉荒嬉。專

頁

大人期望之意。睽離

膝下。惟盼

慈諭時頒。以慰遠念。肅稟。恭叩

福安。男某某謹稟

稟告考試成績

母父 親大人膝下。敬稟者。男前寄稟函。計蒙

垂鑒。多日未奉

復訓。翹企殊深。近維

福體康寧。合家安好。爲頌。男到校以來。朏已半載。前日校中

舉行學期考試。所授功課。均須分門受試。男逐日所答。尙無謬誤。故各科分數。均在七十分以上。堪慰。

慈注。謹另錄一單呈。

鑒。校中何日放假。尙未定期。容再稟告。肅此敬叩。

福安。男某某謹稟。

稟告暑假歸期。

母父親大人膝下。敬稟者。日前接奉。

手諭。敬悉一切。校中暑假。已定某日。男上星期至。某某表叔處。蒙其厚意。令於放假後。搬至彼處居住。情實可感。但。

男久離。

膝下。急思歸省。以盡子職。遂婉言辭謝。茲與同學數輩。約定於某日結伴返里。衣服不用者。暫留校中。惟各科書籍。到家後尙須溫理。不得不全行帶歸。

命購某物。亦已遵照購妥矣。餘俟到家面稟。敬叩

福安。 男某某謹稟

稟告畢業名次

母父 親大人膝下。敬稟者。前奉

慈諭。藉諭

福躬康勝。合宅平安。慰符孺慕。因校中畢業考試在卽。不得不專心溫課。未行稟復。罪甚。現已連日試畢。男各科總分

數平均七十五分。列入優等第二。國文分數九十分以上。惟理科圖畫兩門。成績較遜。校長頗加溫勉。男嗣後當於分數稍減之科目上。格外注意。校中現定於某日行畢業給憑之禮。一俟事畢。卽當結伴回家。先此稟告敬請

福安 男某某叩稟

稟告轉學

母父

親大人膝下。敬稟者。日昨某世伯來校。面述

慈諭。祇領一切。男來校已及半載。此間課程情形。英算兩科。程度甚高。而於國文歷史地理等。不甚注重。男舊日稟承庭訓。粗有所知。到此後殊難獲益。若欲升入甲班。則英算程

度尤嫌不及。生爲國民。本國之文學。最關重要。久處於此。似不相宜。同學數人。有與男意見符合者。決計於下期。轉入某校。蓋吾國自辦學堂。各科皆實事求是。不比西人設校。有所偏重也。未諗。

大人意見以爲何如。俟奉

明訓。卽當前往報名。肅此稟告。敬請

福安。男某某叩稟

庭訓

謂趨庭之訓
猶言家教也

稟告假期內借居學友處

伯父大人尊前。敬稟者。疊奉

學界 學業類

慈諭敬悉

台履康強。弟妹均吉。曷勝慰念。姪校中修業。日課如常。自知質性庸愚。不敢不格外奮勉。以副

大人自幼撫育期許之意。此次春假。姪本應回家定省。以假期祇有十日。舟車往返。既費光陰。又耗資斧。姪爲節省經費計。擬借居學友某君處。且可一同溫習。於學業不致拋荒。特先稟告。屆時祈勿

盼望爲禱。二弟在校。想漸有進步。念甚。肅稟敬請

鈞安。姪某某謹稟

稟告校中遊藝會情形

叔母大人尊前敬稟者久隔

慈顏良深孺慕昨奉

手諭敬悉

履祺康吉慰如所頌。姪修業情形。疊詳前次稟牘。隨班受課。不敢謂有進步。幸免於不及格而已。本月某日。校中開遊藝會。來賓參觀者甚衆。由校長選擇優級各生。當場試驗。姪所作圖畫算術各題。頗蒙讚許。跳高及障目競走等。亦尙不落人後。聞巴拿馬賽會。校中擬選送成績品。未知姪所作者。能有一二入選否。暑假在卽。屆時束裝旋里。容再面陳。敬請

康安。姪某某謹稟

稟告組織校友會

叔父大人尊前敬稟者前寄稟函想蒙

鈞覽辰維

福躬康健慰如所頌。姪在校三年學無心得。此次循例畢業。排日試驗各科分數尙多。幸列優等。校長教員均皆獎許。

吾

叔父聞之必爲一笑也。校中畢業學生向有校友會之設。日

後分散亦得以聯絡感情。研求學術。意至良善。是以姪亦

附名其間。知蒙

廬念。并以附陳。餘俟續稟。肅請

金安。姪某某謹稟

致弟述畢業後升校情形

某弟如晤。昨接

來書。備悉近狀。畢業在卽。吾

弟宜專心致志。溫習功課。以爲試驗地步。須知家境非裕。歷
來學費。均係張羅借貸而來。籌之非易。且數年辛苦。得屆
畢業年限。雖不可謂學有成就。總算一步進境。此後升入
中學。更求遠大之學問。惟賴立志堅定。勿畏難。勿欲速。而
已。學費無論如何艱窘。兄當力任之。吾

弟亦宜體兄此心。終始勤勉。以慰

母親大人之屬望。家中均平安。勿念。試竣後速寄信來。此頌

近佳。兄某某手泐

致弟述到東遊學情形

某弟如面。海隅分袂。計已數旬。遙望鄉關。羈愁疊疊。抵東後。先已修寄一書。想早收入。昨偕同學某君。至使館報到。隨蒙送入某某學校。各種科目。均由教習口授。幸兄於日文日語。均已通曉。故能直接聽講。否則到此預備。耗時糜財。必多。此間飲食起居。崇尚儉樸。兄固不畏吃苦。安之若素也。堂上身體如何。除另繕稟外。望於趨侍之餘。時時寬慰。勿以遠

客爲念。隻身海外。急盼家書。兄固每星期必作一函。望吾弟亦依此期。約將家中瑣事。一一詳告。以當面覲。此頌。

刻佳。兄某某手泐

諭子在校勤業

某兒收閱。接來稟。知汝在校安好。甚慰。汝舊日所讀之書。荒疎已久。現在入校。一面受新課。一面須兼溫舊業。家境如此。汝當體我期望於汝之意。格外勤奮。學有一藝之長。庶日後可於社會上。自謀生計。校中課程。皆國民應具之常識。人生必需之技能。古人云。業精於勤。荒於嬉。凡百事業。無有不從勤苦中得來者。汝謹識之。慎勿嬉遊自誤。每

星期寄一稟回家。將所讀何書。所授何課。詳晰告我。以慰遠念。藉以考察汝之勤惰。某月某日父諭。

諭子謹守校規

某兒收閱。接汝來稟。知能遵予之告誡。勤勉向學。予心甚慰。然尚有一事。必須諄諄囑汝者。則汝在校起居行動。務必謹守校規是也。做學生之日。純乎服從時代。不但關於品性。且以覘其人之一生有無自治能力。近來求學子弟。不明自由之界說。每喜放言高論。以意氣相期許。即使姿質如何聰穎。成績如何優美。而一染此習。則日後決非大成之器。已可預料。予素性嚴正。決不願汝有偏越規矩之

舉動使人譏。予家教不謹也。識之母忘。某月某日父諭

備越規矩

備越卽違背之意

諭子善遇同學

某兒收覽。昨某某來。予面詢汝在校中情狀。知汝修業尙勤。星期日亦不出外嬉遊。甚慰。據某某言。校生互分團體。無論上課自修。均各存畛域。不相聯絡。予甚不以爲然。須知同在一校。當養成親愛之情。爲異日合羣之模範。卽間有一二臭味差池者。亦祇宜束身自愛。少與徵逐。禮貌周旋之間。不宜明示區別。以傷情感。社會交際。最爲難事。汝當於求學時。練習處世之道。勿詭隨。勿傲岸。聖人所謂和

而不同是也。切囑切囑。家中均好。勿念。某月某日父諭

詭隨

謂曲意取悅於人

傲岸

謂岸然自大

致兄長請寄書籍費

大哥大人尊鑒。到校後曾寄一書。連日因校課甚忙。以致久未

續稟。想

家中以次均吉。甚念。此校課程規則。極爲完備。弟於國文英文兩門。頗蒙教員嘉許。而理化算學。程度不及。不得不於課餘補習。需用參考書。同學中有可假者。假之。然亦不能不添購一二。以資應用。帶來之款。除繳付學膳費外。已無

所餘請即日由郵局匯寄數元。弟深知甘苦。決不敢無端浪費也。

父親大人有無信回。姪輩已送入校。否。望

來函詳細示及肅請

近安。弟某某謹上

致兄長請續寄遊學費

大哥大人尊鑒。在滬放洋時。曾肅一函。想邀

鑒及登舟後。一路風平浪靜。航行極速。海天寥廓。扣舷擊楫。胸襟爲之一爽。某日行抵東京。暫寓神田町旅館。連日訪察。皆云某某學校課程極好。吾國人之在彼者最多。決計

於下月初報名入校。弟出洋遊學。懷抱此願。業已數年。此次適有同學數輩。慫慂同行。深恐時機難得。故不及函商。遽隨之東渡。所需學費。從最省處計算。亦須年得四百元。吾

哥友愛夙敦。平日期望於弟至深。且切務懇

代任半數。源源籌寄。弟嗣後察看情形。或從事譯述。或向友朋暫移。再得其半。便可勉遂吾志。作苦學生。當亦吾

哥所心許也。行裝甫卸。匆匆未及詳稟。肅泐順頌。

秋安。弟某某謹上

慫慂

猶力勸也

詢友近日學詣

某某先生惠鑒。一別經年。未通尺素。

停雲落月。結想良殷。昨某某自都中歸。始悉

閣下已入大學肄業。扶搖直上。既羨且佩。記得往歲同在某校。風雨聯床。互談志趣。

執事滔滔陳說。頗以大教育家大學問家自命。分袂以後。弟則奔走風塵。依然故我。

閣下則研心鍊志。孟晉不羣。賢不肖之相去。豈可以道里計。想比來

甄綜羣籍。融貫中西。造詣之優。未可限量。能

不棄謫陋。惠示一二否。臨穎馳仰。不盡欲言。敬承
起居並頌。

進步。某某手上

扶搖直上

猶言升騰
直上也

孟晉不羣

孟晉與
猛進同

託探某校內容

某某先生閣下。南北紛馳。

音塵久隔。雖郵筒往復。軫結未紓。比惟

聞望日隆。著述宏富。慰符心祝。某事繁才繼。頗欲抽身引退。
藉掩鳩庸。小兒某畢業中學以後。據其志願。欲入北京某

校情殷嚮學。未便遽爲遏阻。惟該校內容辦法。未識如何。校風整飭否。某平素對於子弟。深懼其沾染時習。諄諄誥誡。必以謹守規則。爲求學之根本。

執事久處都下。學界聲氣。自必廣通。敬煩於

便中代爲調查。詳細賜示。不勝感禱之至。專此布懇。敬頌
旅祺。某某鞠躬

託友人代購書籍

某某吾兄惠鑒。河干送別。悒悒不歡。嗣奉

手書。知乘風破浪。業已安抵東瀛。奮力修途。定必日增進步。

引瞻

學界 學業類

偉業。羨愧交并。某空疎不學。忝執教鞭。每念及綆短汲深。貽誤青年。厥咎甚重。則心驚神悸。惕然不寧。雖復東翻西閱。獯祭簡編。而中歲出家。根行終慚薄弱。

高明何以教之。茲需用東文書籍數種。以資參考。另單開列。敬乞

代購付郵。該價若干。或寄上。或送交

尊府。當候示及照辦。費

神感感。專此奉瀆。順頌

著安不既。某某鞠躬

乘風破浪

南史宗懋言願乘
長風破浪萬里浪

獼祭簡編

禮記獼祭魚獼食魚之獸
言勦取書籍中之糟粕也

託同學代領講義

某某吾兄閣下。別來忽忽。倏已兼旬。惟

修途孟晉。彊識博聞。爲慰爲頌。某回念校中聯床共話。賞奇

析異。

良朋之貺我實多。急思載筆來前。重尋舊樂。而牽於家事。莫能

如願。請

代爲續假一月。所刷講義。亦煩按期代領。交郵寄下。某雖未
能到校。寂處家中。正可藉此研究。吾

兄聽講時。遇有心得。能錄示之。尤感專肅奉託。順候

台祺。某某鞠躬

賞奇析異

謂遇有奇處則互相欣賞之
遇有異處則互相剖析之

約同學轉校

某某吾兄惠鑒。別甫經旬。思潮蘊結。此中情況。想彼此同之。比
來

起居如何。某回里後。本欲即日來校。而屈計距離。暑假不及
一月。無庸多此往返。且家兄考察校課。謂每星期鐘點。英
算兩科。幾及其半。似失國民教育之原理。大抵教會所設
學堂。都不免有所偏重。故家兄之意。決令某改入某某學
校。吾兩人在校。最爲投契。失此良友。心殊黯然。竊計吾

兄何不商之家庭。一同舍此而就彼。仍共筆硯。於學業交誼。兩俱得之。歡幸無量矣。專肅布達。敬候進止。並頌。

時祺。某某鞠躬

投契 即彼此契合之意

約同學出外就學

某某吾兄英鑒。判袂以來。瞬逾半月。引企

光采。莫罄神馳。比想

閉戶潛修。竿頭日進。視弟之拋荒書卷。虛擲居諸者。不可同

日語也。畢業升學。前在校時。吾兩人早有成約。務須同在

一處以收切磋之效。現聞家兄言蘇垣某某中學校目完備。教授管理均極認真。已函託友人報名。請吾

兄速稟商家庭。整理書篋。俟秋季始業時。一同負笈前往。踐宿諾而續舊歡。踴躍之忱。定卜兩心如一也。專此通告。卽候

惠復。順頌

文祺。某某鞠躬

竿頭日進

言學業之進步。比諸曉日之漸上竿頭也。

約友人出洋就學

某某吾兄閣下。睽違數月。思念同深。昨奉

手書。歡難言喻。承

詢此時學業及日後行止如何。足徵

相愛之殷。盥誦一周。恍如在校時夜雨聯牀依依情話也。弟

承乏某校數月。自愧知識淺薄。何敢忝執教鞭。誤人而兼

自誤。現已籌措資斧。擬於秋末。負笈東遊。

執事夙具此心。如能結伴同行。以符曩昔之志願。尤所欣躍。

專函奉約。敬待

報章。倘需略事摒擋。則暫緩行期。亦無不可。肅泐。敬請

台安。某某鞠躬

約同學投考

某某吾兄惠鑑。前寄一函。正以未接。

復音爲念。頃從郵局遞到。

惠教。就諭。

端居多暇。閉戶自修。好學忘劬。令人欽佩。某離校以後。心志
既紛。加以人事牽率。一暴十寒。新知無可言。而舊得亦漸
歸荒棄。自念長此優游。後將伊於胡底。爰擬於下月束裝
赴津。投考陸軍學校。

執事夙具尙武之志。又復胸襟闊大。素以國事爲己任者。胡
不同往一行。某得長途叨。

教。獲益滋多。雖爲執鞭。亦所欣慕。專此奉約。

行止如何。敬希

復示。順頌。

文祺不備。某某鞠躬。

一暴十寒

孟子一日暴之十日寒之譬言所作少而所輟多也

勸人注重家庭教育

某某先生閣下。前承

枉顧。失迓爲歉。昨復接展

手教。詢問

令世姪某生在校情形。某生姿質。本在中人以

上。而家庭拘束不嚴。遂難免略沾陋習。大約少年時代。學

校教育。居十之四。家庭教育。居十之六。平時言規行矩。周

旋動作。在在以禮法相繩。則默化漸移。較之教師之僅於講堂指示者。收效自當倍蓰。否則一暴十寒。提撕所及。不敵其習染之移。勢有固然。不待智者而知其不可也。務乞將此意轉達某生家屬爲幸。肅復卽頌。

台安。某某謹啟

勸人勿以戀家而荒學業

某某同學惠鑒。日昨到校。未接

音塵。詢之同班。知又已請假旋里。在

執事今日。

堂上健全。閨中靜好。家庭幸福。固已獨占其全。化日優游。自不

免多所依戀。然吾人求學。亦惟此少年時代。一刻千金。光陰至爲可寶。幼時玩忽。日後長成。必有悔不十年讀書者。執事在校。成績素優。往往以請假扣分。名次落後。思之可惜。況校課本有一定。多一日之曠誤。卽多一日之補習。嗣後雖兼程並進。亦苦爲難。某素性質直。兼之彼此交誼。非等泛常。用敢冒昧進言。尙希

高明亮察爲幸。肅泐順請
侍安。某某謹上

有疑義函詢某教員

夫子大人賜鑒。敬肅者。違侍

講壇。脩逾半載。每懷
槩訓。莫罄神馳。比維

道履康綏。

著述宏富。慰符所頌。受業自畢業回里。在某校擔任歷史地
理兩科。學殖淺薄。深懼勿勝。所幸課程簡單。暇時尙可自
行研究。補讀未竟之書。以資策勵耳。茲因某局新出之某
書第幾冊內。所述某國事實。與吾

師講義不同之處甚多。未知何以謬誤。抑或另有所本。茲謹
另紙摘出。務乞吾

師不吝教言。詳爲指示。俾得一開茅塞。無任企叩。肅泐。敬請

撰安。 受業某某謹稟

託同學介紹於某教員

某某同學閣下。別經數月。思慕云勞。比聞

矻矻修途。孟晉不怠。成績必有可觀。某自畢業回里。牽於家務。不能負笈就學。閉戶作自修之計。泛覽羣籍。鶩博不專。日久而一無所成。近始幡然變計。專治輿地之學。然寂處寡聞。讓陋滋愧。亟思就正有道。啟我蓬心。聞

貴校教習某先生。爲地理專家。所著地文學教科書。風行一時。各校爭推爲善本。可否將某嚮慕之忱。

代爲道達。懇求附列門牆。隨時請益。則某得遇名師。他日猶

有成就。皆出自吾

兄介紹之力。永矢勿諼矣。專此奉託。敬煩
轉詢賜示。至爲企禱。此請

台安。某某鞠躬

蓬心

莊子然則夫子猶有蓬
之心也。夫卽茅塞之意。

約同學參觀某校

不晤數日。甚念甚念。頃間某友來言。此間新設某某單級
小學。設備完全。教授管理諸法。亦極整密。洵爲一時之冠。
約某前往參觀。以擴眼界。竊思吾

兄熱心教育。久有組織單級小學之議。倘能

撥冗同往。考察一周。似足以增經驗而備參考。何日得暇。請
卽

示及。以便通知某君。訂期前去。不勝盼企。專此奉約。順頌

刻安。某某手上

請教員點正詩文稿

夫子大人函丈自別

師門無任瞻戀。祇以行蹤遷徙。遂致牋牘久疎。罪甚。近維
撰述日宏。

春風廣被。爲頌。受業近來筆墨餘閒。時從事於詩古文詞之
學。隨筆塗鴉。積有歲時。居然成帙。而根力淺薄。謬戾必多。

謹繕寫寄呈。伏乞吾

師念其嚮學之誠。一爲點定。詳晰指示。庶嗣後得有方針。不

致誤拋心力。想亦吾

師所樂許也。專肅寸稟。敬請

鈞安。並盼

明教。受業 某某謹稟

酬應類

學生通候教員

夫子大人函丈。自違

絳帳。三月於茲。瞻企

師門時深神往。伏審

撰著宏富。道履綏和。慰符所頌。受業隨侍南還。中途輟學。致

不克長受

教育。私衷馳戀。自恨緣慳。現雖承 嚴命。就近入此間中學。

而一樣

春風。兩般情感。師弟依依之誼。歷久愈摯。不自知其何心也。

臨別慰勉數語。謹當終身服膺。不背

師訓。尙希

鑒其誠悃。時錫教之。肅稟恭叩

道安。受業某某謹上

學界 酬應類

七七

學生通候同學

某某同學惠覽。闊別數月。想念同深。比維

履候清嘉。定符臆祝。弟自吾

兄行後。忽忽如有所失。雖復隨班上課。而風瀟雨晦之夕。追

念舊時。吾兩人起居相共。出入必偕。此樂何能多得。況吾

兄學業品行。超出儕輩。隨時就正。友而兼師。益我又復不淺。

此間同學。課餘談話。均有座無

車公之感。倘

尊府各事料理就竣。甚盼

文駕重來。一堂聚首。以消渴念。

風便先惠數行。尤所欣感。肅此敬問
起居。並頌。

潭社。某某鞠躬。

座無車公。

世說座無車公不
樂車謂車武子也

教員通候同事

某某先生閣下。聚首一堂。諸叨

教益。忽然判袂。鄙吝復生。比維

潭社文祺。諸凡佳勝。爲頌。此間自

台旌行後。同事諸君。莫不想望

音塵。興嗟離索。而某與

學界 酬應類

執事交誼。又出尋常。落月停雲。觸目皆增別緒。未知西窗翦燭。何日重話前游。偷回念故人。

時頒尺素。則雖未能面覲。而警歎遙通。亦覺調飢頓慰。耳專肅奉。候敬頌。

撰安。惟希

愛照。某某鞠躬

鄙吝復生。不見黃叔度
鄙吝復生

校長通候教員

某某先生閣下。睽晤多時。復疎通問。每懷

丰采。彌益調飢。辰維

視祉綏和。爲無量頌。某承乏校務。歷年以來。稍見信於社會者。皆賴

諸君相助爲理。熱心教授之所致。卽如執事辭職遠行。而校中生徒。至今追念

甄陶。猶翕然有去思之感也。現在甲班。將於下學期畢業。乙班添招新生。報名者甚爲踴躍。課程規則。一如舊時。

執事經驗學識。歷久愈增。如有心得。尙希時錫教之。不勝企禱。專肅奉候。敬請

著安。某某鞠躬

教員問候學生

某某仁弟如晤。別來瞬逾半載。想

專心修業。所詣較前當更有進步也。某應某君之招。風塵鞅
掌。敝神於車轍馬足間。近始得安視休息。天涯回首。每憶
及舊時諸君子。質疑問難。聚處一堂。此樂渺難多得。而如
吾

弟之勤敏好學。穎悟絕倫。尤爲一時所僅見。尙望持以毅力。
潛修勿怠。日後之成就。正未可量。勉之而已。課餘之暇。深
盼時通音問。以慰拳拳爲幸。手泐卽頌。

近佳。某某手啟

鞅掌 卽鞍馬勞
頓之意

約同學旅行

某某吾兄閣下。懊儂天氣。風雨連朝。把卷孤吟。杜門謝客。悶損極矣。幸日來大放晴曦。旭日當空。陰霾之氣一掃而箇人胸次亦覺豁然開朗。別有一天。頃某君過我。談次豪情勃發。遂擬結合同輩數人。旅行某處。往返約計三日。探幽討勝。藉以開拓眼界。歷練身體。吾

兄素有遊癖。諒表同情。用特專函奉約。詰朝七句鐘。即希枉顧。以便齊集偕行。竚立以俟。勿遲爲禱。肅泐順頌。台祺並盼。

復示。某某鞠躬

詰朝

卽次日
早晨也

約星期遊公園

雨絲風片滑滑春泥。連日小齋獨坐。殊苦岑寂。想

幽居地僻。座鮮良朋。正復同茲清況。明日如能開霽。則名花
含露。好鳥弄晴。公園中遊屐必多。美景良辰。未可漫然孤
負。況埋頭案牘。胸膈不舒。趁此開放襟期。吸換空氣。亦衛
生之一法。如得

同意。擬攜手偕行。清遊永日。明晨八句鐘。俟我於

高齋可也。手泐奉約。佇盼

惠答。順候

時祺不一。某某鞠躬

約偕赴展覽會

某某同學大鑒。昨自

高齋歸後。適某君來談。及某校於下星期開成績展覽會。品物布置。均煞意經營。具一種優美性質。竊謂辦理學校。必注重於研究比較。然後始有進步。而吾人求學。亦宜周觀博覽。廣聞見以拓胸襟。埋頭案牘。久則枯寂無生趣。不特孤陋貽譏也。吾

兄如有參觀之興。可於是日八句鐘過我。一同前往。入場券索到甚多。同學中有願往者。多約數人。尤所歡企。手此布

達順頌

道安 某某鞠躬

約觀運動會

俗冗紛投致疎

良觀甚念頃接某學校來柬。月之某日。開聯合運動會。人材濟濟。必有可觀。體育與智德並重。南中士子。久苦孱弱。提倡尙武。似於國勢校風。均爲不可緩之著。吾

兄體育專家。於此道素深研究。倘肯

撥冗偕往。某不特可擴眼界。且備聞

高論。亦得粗知梗概。以爲自修之階梯。不勝企禱。肅泐奉約。

祇候

著安並希

裁答。某某鞠躬

向同學借書

昨某君來作竟日之談。甚佩其賅洽。後復述及哲學大要。趣味淵永。義理精深。弟於此學。向鮮研究。自愧門外漢。未能審其途徑。自聞某君言。不覺悠然神往。欲一涉獵之。以爲快。吾

兄是項書籍極多。且亦素有心得。敢懇

代檢淺明者數種。假我一閱。能略爲指示。使蒙昧如弟者。得

學界 酬應類

八七

有入手致力之途。尤所感企。星期停課。再當趨就

大教。手肅奉。懇敬請

研安。某某鞠躬

還同學書

某某吾兄閣下。昨校役來。送到

手柬。並哲學書七冊。窮日夜之力。繙閱一遍。粗知梗概。未能
得其精蘊也。竊意西人所論哲學。合之吾國古籍。頗有相
通之處。如能融洽一爐。以比較的發明而溝通之。嘉惠學
子。良非淺鮮。新出各書中。有無此類。敬乞

示知。以便購取研究。至此數冊內。某有一時未克了解之處。

另紙開列。及原書一并附上。能

賜教之。以開茅塞否。此上順頌。

撰安不既。某某鞠躬。

溝通

即融洽一氣之意

因病向同學借款

某某吾兄惠鑒。昨荷

過存。殷殷

垂注。愛我之篤。感泐五中。弟恙雖較前略見輕減。而據今晨
醫生之言。療治調護。非兩三星期。不能奏效。病榻淹滯。囊
金將盡。家書不來。既焦且悚。旅中苦況。至此極矣。務懇

假我若干番。以濟一時之用。某先生處。亦望便中將弟之
病狀。代爲回明。以免眷注。種種費
神。俟痊癒後。一並面謝。手泐。敬請

台安。並盼

回玉。某某謹啟

託同學帶物

某某同學愛鑑。小別兩旬。而眷念

風儀。無日不神馳左右。開學之期將屆。想

文旆遄發。把晤卽在目前。慰甚企甚。弟前日函致家中。需用

單。裕衣各種。言明檢齊後。交吾

兄帶下。務懇於

臨行前。枉顧舍間。索取函件。大約包裹一小方。尙不致過於

累墜。某某同行否。卽代致意。不另作函費。

神統俟面謝。手此奉懇。順頌

行安。某某鞠躬

託同學謀事

某某吾兄閣下。遠睽

音采。心轂頻馳。春樹暮雲。

起居何似。念念弟自出校以後。迫於家境。亟思謀得一事。以
供菽水。且資歷練。顧交遊素鮮。硜硜之性。又不欲妄干。因

是益增困頓。吾

兄在里主持教育。各校中不拘教職員。但爲弟之材力所能

勉強勝任者。懇

代留意。修羊肥瘠不較。

相知素深。當不責其冒瀆也。專函奉託。不盡欲言。敬請

台安。惟希

愛照。某某鞠躬

託教員薦事

夫子大人著席。違侍

講壇。兩更寒暑。祇以四方奔走。行路靡定。致疎稟牘。正切悚

惶。月前得某君來函。述及吾

師眷注情深。垂詢近狀。寸衷感戴。莫罄言宣。比維

敷席談經。

甄陶益廣。慰如下頌。受業自畢業以後。友人約往某處襄辦校務。支持一載。內部經費既絀。外界責言尤多。遂相率辭職。今春二月。友人之在某校者。因省親回里。函請庖代。暫往擔任。終非久計。吾

師爲省中學界所信仰。如有相當之事。爲受業材力所能擔任者。懇

鑒其窘乏。量予栽培。決當勤懇將事。不敢以荒嬉失職。貽玷

師門也。專肅上瀆敬請

鈞安。伏惟

愛鑒。受業某某謹啟

詢同學病狀

某某吾兄閣下。涼風天末。正切神馳。某君書來。述及

執事近抱清恙。請假回家。系念無似。某君書語焉不詳。未諗所謂吐血之症。是新發抑係舊恙。醫生診斷如何。近來能

否。輕減。弟相處有年。深知吾

兄體質羸弱。而又好學深思。遇有難解之題。徹夜研求不輟。用腦過度。心血虧耗。此其總因。務望

清心寡慮。善自調攝。以冀早日痊復。吾輩青年。擔當之事。正多。似宜爲道自愛。

書來能詳悉告我。實所企盼。或病後不能握管。倩旁人爲之。弟急欲得

君近狀。稍釋懸懸也。手泐敬請

元安。某某鞠躬

詢同學婚期

風清日麗。正爾懷人。忽覩

一朵祥雲。自天而下。欣悉吾

兄於某月某日。與某某女士訂成婚約。

嘉耦一雙。珠聯璧合。固

才人之幸福。亦當時之佳話也。吾

兄遊學之計已定。開歲後卽載筆出洋。則

天上雙星。鵲橋引渡。爲期當自不遠。未知已諛吉何日。敬乞

飛函示知。弟無論如何。屆時必買權來前。引滿一觥。祝

賢伉儷之同德同心。百年偕老也。翹瞻

吉宇。載頌載欣。敬請

台安。並賀

大喜。某某鞠躬

諛吉

與擇吉
意同

賀同學結婚

半年闊別。夢想爲勞。一陣薰風。

好音送到。欣悉吾

兄以某月某日。與某某女士。行文明結婚禮於某某公園。

想裙屐如雲。花香載道。

璧人一對。攜手同行。羨煞道旁觀聽矣。某遠隔郵程。未能

附

賓筵。同伸燕賀。深以爲歉。

嘉耦曰配。卜鴻案之相莊。

則百斯男。謹臨風而獻頌。附上菲敬。敢乞

晒存祇頌

履祺並賀

大禧。某某鞠躬

賀出洋留學生畢業回國

某某先生閣下。遠隔

芝儀。常懷

塵教。近披

華簡。喜聽

鵬搏。以數載之苦心。磨一時之上考。

榮增祖國。

譽滿寰球。從此輸入新知。商量舊學。

出其蘊蓄。以貢獻於社會。

前程宏遠。曷勝忭頌。某蓬飄萍轉。乏淑可陳。憶昔時共硯會。垣已慚駑後。際此日。

蜚聲海外。更愧望塵。專肅布賀。敬請

台安。惟希

藹照。某某鞠躬

駑後

如駑馬之在後
言其不及也

賀出洋學生得博士學位

某某先生閣下。數年闊別。彌切懷思。忽接

學界 酬應類

好音。

榮膺學位。

以博學而稱博士。譽滿寰球。

由兼科以入專科。藝通中外。此後束裝歸國。出其抱負。効用於時。不特社會蒙庥。抑亦故交增寵。某并蛙籬鷄。伏處自

慚。引颺。

青雲。曷勝神往。

錦旋何日。敬乞先期示知。以圖把晤。肅修寸簡。恭賀

大喜。祇請

台安。某某鞠躬

謝同學贈物

某某吾兄閣下。昨聞

台駕遙臨。以俗冗紛纏。尙未趨候。乃倅來齎到
手書。附以

嘉珍數種。受之滋愧。祇因遠道傳將。未敢過拂
盛意。敬謹拜領。闊別多時。迫欲一訴離悰。兼悉鄉間近事。俟

校務料量稍畢。當登

堂握手。作竟日長談也。先此布謝。順頌

文祺 某某鞠躬

謝同學慰問

學界 酬應類

某某吾兄閣下。昨接

手書。猥以弟處境。迺遭疊遭不幸。

殷殷慰問。情深文至。足徵

故人愛我。迥異尋常。曷勝感激。弟俯仰無聊。不免間作憤激之語。得

大示爲之敷陳解釋。譬慰百端。胸膈間豁然開朗。始知前之悻悻者。不惟學識之不深。抑亦襟期之不廣也。此後當將金玉之言。服膺書紳。藉以警惕自奮。肅泐布復。順頌

台祺。某某手啟

服膺書紳

服膺謂識之於心胸間。書紳謂記之於佩帶上。

送同學遠行

某某吾兄閣下。數年聚處。叨

益良多。一旦分襟。銷魂曷既。此次

文旌遄發。在箇人私誼。不無依依惜別之忱。而吾

兄橐筆壯遊。破浪乘風。正

長才發軔之始。扶搖直上。傾聽眉軒。弟因家事所羈。局促里

閩。未能聯鑣附

驥。一恢眼界。彌用自惋。送

君南浦。情如之何。長路波濤。惟祝萬千珍重而已。附呈微物。以備道中不時之需。紙短情長。不盡縷縷。傍晚尙當躬送。

肅請

行安。諸惟

愛照。某某鞠躬

眉軒

軒舉也開顏羨慕之意

聯鑣附驥

聯鑣即並駕之意附驥謂附驥尾一同前往也

送教員遠行

夫子大人函丈。頻年追隨

杖履。渥受

薰陶。駑鈍凡材。粗獲一知半解。皆吾

師朝夕訓誨之力。一旦睽離

絳帳。如失所依。馳戀私忱。曷其有既。自恨人事牽掣。不能執

鞭隨侍。長坐

春風。惟冀吾

師旌旆所臨。不遺在遠。時頒

書教。則受業服膺

明訓。千里一堂。不殊親炙也。謹具微物數種。佐

先生饌。翹瞻

鞭鐙。心與俱馳。詰朝再當趨前叩送。肅泐。祇請

台安。受業某某謹稟

春風。謂被先生之教化如春風時雨也

學界 酬應類

千里一堂

謂雖在千里猶如聚處一堂

教員留別學生

一堂聚首。荏苒數年。蒙

諸君子不鄙迂疎。切磋琢磨。以石攻玉。甚覺朋簪之可樂。而硯席之難忘也。人事牽掣。鄙人於下月。將有某處之行。驪駒就道。黯然於中。拳拳之忱。惟冀

諸君子勤修學業。日知其所無。月無忘其所能。瞬屆畢業。成績優美。爲各校冠。不獨學校增光。鄙人在遠。遜聽亦當踴躍三百也。大抵治事就學。不外有恆二字。能恆則跬步千里。無恆則爲山九仞。功虧一簣。幾微之辨。得失判然。匆匆

束裝不及遍別。削牘陳詞。謹附於贈言之義。願諸君子勗之而已。情長紙短。不盡所云。藉候

起居。諸惟

愛照。某某留白

朋簪

易經朋盍簪盍聚也即冠裳會集之意

跬步千里

言跬步不息終致千里也

代同學乞情轉圜

敬啟者。聞某先生言及同學某君。近來不守校規。恐須

照章令其退學。仰見吾

師整飭校風懲勸兼施之至意。惟受業與某君同學多年。深

學界 酬應類

知其性情。此次違犯規則。實出一時之誤。彼已竭情悔悟。

再三引咎。望吾

師寬其既往。予以自新。且某君老母在堂。責望甚切。遽令退學。恐其無以慰親心。此委曲難言之隱。不得不冀吾

師矜憐而曲全之也。冒昧上瀆。倘荷

垂俞。受業亦感同身受。肅請

鈞安。伏惟

亮鑒。受業某某鞠躬

教員問學生疾

頃間某生來。代爲續假。詢知

清恙尙未全愈。甚念。天時不正。寒煖無常。

足下體質又素虧弱。調護一不周密。卽難免爲病魔所侵。目下。有無輕減。請何醫診治。未病之初。宜注意衛生。既病之後。則須注重服藥。既不可遷延貽誤。亦不可方藥亂投。校中。某先生素明醫理。某前患寒疾。經其一藥而愈。如欲就診。卽希

示悉。某可代爲邀約也。近日眠食如何。至以爲系。手此奉達。就詢

痊吉。某某手白。

學生問教員疾

學界 酬應類

夫子大人函丈送別

文旌。瞬將旬日。引瞻遠道。莫罄懷思。昨聞 某先生述及

先生病體尚未復元。因而續假兩星期。比來

道履如何。詳情莫悉。至爲馳戀。伏念

先生熱心教育。終歲勤劬。不免因腦力過勞。致妨體育。所望

順時調攝。早占勿藥之爻。某等長坐

春風。續承訓誨。欣幸何如。道途間隔。削牘將忱。敬叩

起居。惟希

鑒察。 某某鞠躬

唁同學悼亡

某某吾兄閣下。自

台從請假還鄉。兩星期中。未通音問。正深馳系。日昨接到
手示。知

嫂夫人偶撻微疾。遽爾仙遊。以

琴耽瑟好之年。竟抱別鵠離鸞之痛。鏡奩依舊。遺挂空留。對
此空幃。能勿淒然心痛。然吾輩青年求學之志。方冀學成
以後。効力社會。稍盡國民之義務。倘因室家情重。奉倩神
傷。遂致英年有用之身。稍乖葆攝。非惟同人所不取。卽

嫂氏泉下有知。恐亦愀然不願也。馳書奉慰。尙希
勉作達觀。爲道自愛。幸甚禱甚。附呈祭幃。至乞

代懸順候

起居不一。某某謹啟

奉倩神傷

荀奉倩喪妻後鬱鬱不樂故謂之奉倩神傷

謝慰喪偶

日昨接展

賜書。猥以室人之喪。過蒙

厚賻。並辱殷殷慰勉。情深義正。

故人高誼。敢不拜嘉。弟授室以來。伉儷素篤。爲時未幾。遽賦

分離。瞻對空幃。情難自抑。然一身寥落。學業未成。處境既

艱。家事之負擔復重。揆時度勢。不得不勉作達觀。強爲排

遺耳。

來書所云。足徵愛我之深。無任銘佩。現在料量瑣務。一時不克到校。敬煩

代爲續假兩星期。同學中有詢及鄙情者。統懇約略轉告爲荷。勿泐奉復。卽頌

時祺。某某手復

慰投考未取

某某吾兄閣下。小別經旬。寸心已如菀結。頃接

惠翰。知此次派送。出洋。考案揭曉。

尊名竟爾珠遺。一日短長。文字無據。昔人已屢言之。正不必

因此小蹉。遽灰

壯心。吾輩求學。但長抱此勇往之志。日征月邁。不得於此。必得於彼。某處高等實業。課程校規。聞均妥善。或就之以暫息。

驥足何如。某在此擔任教務。自知學識未足。苟且因循於人。已兩無所益。故明歲決當另作他圖也。風便時惠數行。告知近狀。爲盼。勿泐。卽頌

時綏。某某鞠躬

日征月邁

邁往也卽日
日進行之意

贈友人最新出版品

某某吾兄閣下。久隔

芳標。載飢。載渴。昨在某處見

執事新譯某書一冊。學理深邃。文筆軒暢。欽佩無已。想比來
下帷攻苦。甄綜羣籍。所詣益精。敝處營業如常。近日編輯教
科。刊印新著。爲推廣之地。如

不見鄙棄。肯以

大作賜教。無任歡迎。茲寄奉某書數種。爲敝處最新出版之
品。謹以就正。

高賢著述之餘。能略加瀏覽。而

表示意見。錫以正當之評論。則幸甚矣。手泐。祇頌

台安。某某鞠躬

謝友人贈小說

某某吾兄閣下。蒹葭秋水。正切溯洄。忽接

瑤緘。歡如面覲。就諗

勝遊裙屐。卽事多欣。以羨以慰。某僻處山城。知交旣鮮。近日
偶染微恙。杜門養疴。藥鼎茶鐙。荒齋益復岑寂。承

贈中華小說界數冊。用以遣悶。恰爲相宜。乃披閱一周。五光
十色。興趣淋漓。頓覺愛不忍釋。弟向日對於小說。不甚注
意。以爲應讀之書正多。何必以有用之精神。消磨於無謂
之筆墨。今始窺見一斑。心胸意志。豁然開朗。深悟昔時持

論之謬。附去英洋兩元。請

代定全年小說界一分。該局如出有他種。亦懇一并代購。以廣眼界。專此復謝。敬請

台安。某某鞠躬

謝教員贈寄獎勵品

夫子大人講席。敬稟者。前接家函。以慈親抱恙。急於回家省

視。未能守候。畢業給憑。面聆

訓誨。瞻望

師門。正深依戀。乃頃間接奉

手諭。以受業名列優等。

學界 酬應類

殷殷獎勵且

頒賜獎品多種。拜領之下。感愧交并。伏念在校數載。承吾師諄諄訓誨。不厭不倦。使鶩下之質。亦得於各種科學。粗知門徑。

春風時雨。沾溉良多。嗣後惟有益加勤奮。勉求進步。以無負吾

師之熱心期望而已。肅稟叩謝。祇請

鈞安。伏希

垂察。受業某某謹稟

尺牘大全 卷三

軍警界

酬應類

賀軍師長到任

軍師長麾下久仰

虎威未遂瞻

韓之願。頃傳鵲報。頓愜借寇之忱。

領百戰雄師。威增荼火。

作一方保障。氣掃欃槍。際茲

軍警界 酬應類

旌節遙臨。懸揣帳下健兒。莫不翹望雲霓。歡聲雷動也。近來
軍事。雖就救平。而拊循訓練。振作士氣。端賴有
老成宿將。雍容坐鎮。爲

國干城。某幸託

旃幪。頌福星之載道。願隨

鞭鐙。磨盾墨以書勳。引睇

桴輝。至深雀躍。肅修蕪簡。藉達蟻忱。敬請

崇安。諸希

鑒。某某鞠躬

借寇

寇指寇恂謂軍心愛
戴遮道乞留之意

盾墨謂磨墨於盾也

賀旅長升任

旅長台座遠阻鷗程。致疎雁訊。頃傳

鵲語喜聽

驚遷以

執事久歷戎行。熟諳韜略。宜乎上台器重倚

道濟爲長城。而帳下健兒聞

節麾之榮蒞。亦無不荷戈執戟。願效馳驅也。某忝緝邑符。際

茲民氣囂張。萑苻未靖。每有綆短汲深之懼。茲幸一方共

事。得以時接

軍警界 酬應類

音塵。此後除莠安良。正多

借箸。翹瞻

虎帳。不勝歡迎。先此馳賀。順頌

台祺。某某鞠躬

道濟

謂檀道濟五代時人

借箸

史記是代請為王借箸之意

綆短汲深

汲深為策畫之意。短汲喻力小而任重之意。

賀警察廳到任

某某先生台席。溯違

鈞侍。歲瑄載更。馳戀微忱。與時俱永。日昨傳來

吉語敬諭

榮膺簡任。綜持會垣警政。想視事以來。

碩畫盡籌。良法美意。必有使彼都人士耳目一新之處。引瞻
桀範。莫罄茶鋪。某偏隅寄跡。鹿鹿無聞。往年於役金陵。一接
膺門之席。今更

德輝在望。棠蔭方濃。會當叩謁

台階。上承

訓誨。庶幾遵循。有自。弦佩勿緩。端牘玆詞。先伸賀悃。敬請

勳安。惟希

垂照。某某謹啟

軍警界 酬應類

膺門之席膺謂李膺當時有一登龍門聲價十倍之說

賀得勳位

地隔

茵馮恆疎箋記瞻言

台曜久切葵傾恭維

軍長大人以不世之勳

受非常之賞

一方保障聆衆口之皆碑

五等酬庸垂盛名於奕世

瀛寰交頌

帶礪毋忘。非有偉烈豐功。昭然如
麾下者。未易當之。而無愧也。某風前引領。欣聞
異數之膺。

雲路遙瞻。慚乏銘勳之筆。肅修賀柬。上達典籤。聊以抒忱。惟

希

察照敬叩

榮禧並請

鈞安。某某謹啟

茵馮

漢書同車未嘗敢均茵
馮即未敢並坐之意

賀得文虎章

軍警界 酬應類

某某先生偉鑒。葵藿久傾。

旌旗在望。運籌決勝。欣聞

捷報之傳來。實至名歸。宜獲

酬庸之令典。

章身有耀。

異數頻叨。所謂德懋懋官。功懋懋賞。非

麾下曷克當之。某投筆從戎。濫竽逐隊。雖據鞍顧盼。猶有雄

心。而驅馬悠游。未能殺賊。雲霄仰睇。快覩

鸞翔。簡牘遙伸。藉抒蟻悃。肅泐恭賀。祇請

勳安。惟希

朗照。某某鞠躬

德懋懋官功懋懋賞

謂德懋則官亦懋
功懋則賞亦懋也

答覆何日到任請勿遠迎

某某先生閣下。昨披

華函辱荷

寵辭。獎飾逾恆。悚慚無地。伏諭

榮問休咍。

政履清嘉。式如下頌。某戎間奔走。本無寸功。一時忝竊虛榮。
濫叨異數。日夜凜惕。深以覆餗爲虞。所喜近接
德鄰。得以就正。

軍警界 酬應類

高賢。下匡不逮。此後地方公益。叨

教正多。擬於某日束裝。輕車就任。萬勿

遠勞玉趾。出境相迎。重增咎戾。良晤不遠。慶幸何如。先此答

復。順頌

台綏不既。某某鞠躬

覆餗

易經鼎折足覆公餗言器小勿勝任重致招顛覆也

餞別開會請臨蒞以留紀念

台旌戒道。即日南移。眷念

德輝。末由攀挽。予懷蘊結。楮墨難宣。溯自我

公就任以來。擘畫經營。百端就理。此邦人士。被

澤已久。一聞

福星他徙。莫不情殷借寇。有攀轅臥轍之思。況某等久隸

仁幘。親沾

化雨。驪歌忽唱。能不依依。茲謹擇於某日。假座某處。以竟日

之清談。留一時之紀念。恭請

大駕惠蒞。勿辜衆望。而順輿情。詠甘棠蔽芾之章。不覺穆然

意遠矣。肅此奉約。佇候

行旌。某某等謹啟

甘棠蔽芾

詩經蔽芾甘棠勿剪勿伐
言召公之遺愛長留也

覆謝開紀念會

軍警界 酬應類

頃奉

華簡。猥以鄙人去職遠行。辱荷

寵招。並擬開會以留紀念。聆悉之下。惶愧不勝。伏念鄙人視
事此間。胸逾兩載。力小而任重。志大而才疎。職守多虧。百
無成就。撫衷自問。寢饋難安。方引過之不遑。又復何德何
能。敢辱

諸君之眷顧。顧頻年聚處。誼重情深。遽爾睽違。亦自有依依
莫釋者。會當應

命來前。敬聆

諸君之雅教。至鄙人區區之酌款。亦得藉此一傾寫之。手此

奉復順頌

公安。某某鞠躬

別後致謝僚屬

長亭揖別

誼重情深。一路追思。覺

諸君愛我之殷。雖潭水悠悠。未足方其繇遠。辰維

動定增綏。

因時納祐。翹瞻

雲樹。不盡依馳。某別後車塵馬足。跋涉長途。漸於某月某日。行抵此間。受職視事。諸務紛集。茫無端緒。而又人地生疎。

軍警界 酬應類

無可引與商榷者。回憶前此。與

諸君晨夕盤桓辱承

不棄疎庸。推誠布腹。獲

益良多。眷念前塵。良用悵惘。惟盼

時頒尺一。以辱教之。幸甚。肅泐敬頌

台祺。某某鞠躬

潭水悠悠唐詩桃花潭水深千尺不及汪倫送我情

約人同往迎謁上官

某某先生閣下。幸接

德鄰。時承

雅教。想輕裘緩帶。坐鎮雍容。

履祉因時。勳勞篤著。爲頌。茲啟者。接友人來函。知鎮撫使某

公於某日由京起行。約計某日可抵某處。弟以某公節麾

新蒞。進行方略。事事均待稟商。擬卽束裝前往迎謁。想

尊處亦得有探報。如須晉見。不妨到此同行。弟旣得附

驥前趨。一切情形。亦可互相接洽。叨

益多矣。手此奉約。敬候

惠復。順頌

台祺。某某鞠躬

請同官宴飲

軍警界 酬應類

某某先生閣下。日昨趨詣

鈴轅。得親

光采。霏珠屑玉。傾倒不勝。鄙人久飮

盛名。一朝邂逅。促膝把臂。頓慰飢渴之私。此後共事一方。布

置經營。在在須叨

教益。茲謹於翌日午刻。假座某處。略備杯酌。以便談心。務望

大駕寵臨。勿棄是幸。專此奉約。敬請

勳安。某某鞠躬

謝招待

某某先生閣下。揖別回防。一路托

庇平善勿勞

錦注。比維

威望允孚。動定協吉。爲無量頌。某此次因公到郡。人地生疎。

方嗟悵悵無之。乃荷

執事適館授餐。殷勤招待。不特起居一切。諸形便利。而於辦

事之方法條理。亦無不

指示周詳。使某循分趨公。免憂隕越。備承

嘉惠。感佩難忘。削簡陳詞。謹抒謝悃。圖報有日。不盡依依。敬

請

台安。諸惟

軍警界 酬應類

愛照。某某鞠躬

初受職問候本地紳士

某某先生閣下。久耳

英名未承

雅教。私衷傾慕。楮墨難宣。比維

榮問休嘉。履祺篤祐。爲無量頌。某一介武夫。謬膺重寄。就職以後。

珂鄉人士之過從者。語及我

公。莫不同聲交譽。知歷年

主持公益。望實交孚。

麟角鳳毛。歸然表異。嗣後倘有

高見。尙祈不棄。麤庸。以質直之言。推誠相告。爲幸滋甚。專肅
布臆。敬候

台安不備。某某鞠躬

麟角鳳毛喻其罕異也

初受職問候本地同官

某某先生閣下久思御

李未遂瞻

韓仰止

高山彌深神往比維

軍警界 酬應類

勳猷卓越。動定綏和。為頌為慰。某以樗散之材。辱承
 總統知遇。畀以艱鉅。力小任重。時懷覆餗之虞。
 執事久處巖疆。於當地情形。久已瞭如指掌。所望
 同心協力。共濟時艱。以歷練之名言。
 作馳驅之先導。引瞻

光采。不盡欽遲。相晤匪遙。先此布臆。敬問

台安。某某鞠躬

覆餗易經鼎折足覆公餗言器小而任重必致傾覆也

欽遲即欽仰之意

致送酒肉犒勞

某某旅長麾下得瞻

虎範快慰。輶飢。邇維

坐鎮雍容。師貞協吉。至以爲頌。敝邑瀕湖阻海。伏莽甚多。此

次匪氛告警。仰賴

不分畛域。移旆南來。遂得

建威銷萌。遽安反側。保全元氣。弭患無形。且復

紀律嚴明。車轍所經。秋毫無擾。固士卒之用命。亦

麾下之善於將將也。地方士庶感戴

鴻慈。生佛萬家。口碑載道。某忝爲東道之主。自宜代表輿情。

藉陳愛慕。謹具牛酒若干品。另單開列。用以犒

軍警界 酬應類

師。伏望

賞納轉頒。是所至幸。肅函將意。願頌

捷安。某某鞠躬

反側

與反叛之意相同

將將

史記將將兵易將將難

答謝犒勞

某某先生閣下。頃奉

手教。附以

隆儀。既

獎借之過情。復

恩施之逾格。受之滋愧。卻之不恭。謹已拜

嘉。至深感謝。此次奉調出防。勉効馳驅。本爲吾輩軍人應盡
之天職。遭逢幸運。不及旬日。萌孽漸消。無功可言。安敢受
賞。然

先生之厚愛。邦人士之盛情。浹髓淪肌。至優極渥。謹以分賜
部曲。莫不醉飽歡呼。願効微勞。以仰酬於萬一也。肅復鳴

謝。敬請

勳安。統希

愛照。某某鞠躬

同官調往別處致函送別

軍警界 酬應類

某某先生閣下。傳來鵲語喜報。

鶯遷言念

伊人。從此秋水蒹葭。彌增洄溯矣。比維

景福時申。

勳華日懋。

德輝近接。同舟方殷共濟之心。

偉略遙傳。異地復來借材之電。寸心耿耿。不盡依馳。某頻年

聚首。遇事得以商榷。叨

益正多。一旦分張。心滋於邑。又以牽於職務。未能走餞。略罄

離衷。削牘將忱。惟希

愛照爲幸順頌

台安。某某鞠躬

承人報告情形復函道謝

某某先生閣下。前接

惠函。承將某事原委詳悉見告。俾某得知此中真相。預籌辦法。心感之至。比維

卽事多欣。百凡順適。爲頌。某下車伊始。事務叢集。頭緒紛繁。幾於墮埴索塗。莫從措手。所賴

地方賢達。不棄疎庸。以真知灼見之情形。爲推誠布公之報告。庶得集思廣益。措置因應。不失機宜。瞻望

德音良深歡躍。肅泐布謝。順頌。

台綏。某某鞠躬。

擿埴索塗。

揚子擿埴索塗冥行而已。謂盲人以杖擿地尋途也。

擬謁先行致書

某某先生閣下。夙耳。

鴻聲。祇以浪跡四方。不獲承

顏接教。高山仰止。徒切懷思。辰維

鼎祉延釐。

政躬納福。

令聞遠播。望實交孚。某就職海隅。胸將一載。限於才力。布置

多疎。此後捍衛防禦之方。有關更革者。亟欲親謁
台端。躬承

指示。俟事務稍定。卽當策騎趨前。冀遂摠衣之願。先此肅達。

敬請

勛安。諸維

垂察。某某鞠躬

失迓約晤

某某先生閣下。頃自郡中歸。知

台從過存。有失迎迓。歉甚。數年闊別。急欲一親
芝宇。稍慰輻飢。且關於職務上一切情形。待

軍警界 酬應類

二七

商之處甚夥。幸值

德輝遙賁。萬不可交臂失之也。

大駕想尙須小作勾留。明日上午十句鐘擬造

尊寓奉訪。幸勿他出爲荷。肅請

台安。某某鞠躬

約人同往聽演說

某某先生閣下。日昨造謁。適值

台駕公出。未能把晤。悵甚。聞某公發起軍警聯合會。聯絡兩

方感情。消弭彼此意見。實爲最善之舉。於某日開成立大

會。集衆演說。

尊處諒已接有通告。某公道高望重。久爲一方所信仰。提創
斯舉。必有明效。屆時演說。亦必有切實中肯之談。某亟擬
前往參觀。

閣下如表同情。請先時過我。以便同行。至盼。手此奉約。順頌
大安。某某鞠躬

函謝上官照拂

某某先生鈞鑒。日前趨謁

崇階。面聆

清誨。忱紓渴慕。感切中藏。辰維

節座。耕釐。

軍警界 酬應類

尺牘大全 卷三

鈞樞曼祉。慰符下頌。某一官濩落。幸託

仁幘。自顧庸愚。何足仰邀

青睞。乃

膺門列坐。既欽

量宇之高深。復荷

情文之稠疊。寵叨非分。感極涕零。嗣後惟有矢慎矢勤。倍加

勉奮。以答

關垂之盛意。

雲天在望。不盡依馳。肅泐布懷。敬請

勛安。伏惟

荃照。某某謹啟

濩落

即浮沉之意

膺門

膺指李膺人之破李膺延接者如登龍門

致謝同官代辦職務

某某先生閣下。揖別以來。時殷懷想。維

履綦綏吉。為頌。某此次因家慈抱恙。請假南旋。有曠職務。

乃荷

雅愛殷拳。允為代攝。

雲天高誼。迴越等倫。現於某日抵家。慈親病體。雖較前略

減。尙未霍然。無術分身。至為焦灼。擬再留旬日。俟侍奉之

軍警界 酬應類

事稍簡。卽當尅日來前。面罄謝忱。久瀆

清神。抱歉無狀。愛我如

閣下。或能終始鑒原也。先此布達。敬請

台安。某某鞠躬

職務類

上參謀部條陳軍事

大部鈞鑒。竊惟戰勝攻取。固在器械之精利。尤貴謀略之優長。所謂運籌於帷幄之中。決勝於廟堂之上。知彼知己。百戰百勝也。某供職邊陲。歷年來防邊勦匪。種種布置。仰賴大部指示周詳。遵率而行。得毋隕越。顧對於某事。竊有意見。

數端不敢自安緘默。明知妄參末議。無當。

高深。然泰山不讓土壤。河海不擇細流。閱歷所經。敢以蠡管之談。作芻蕘之獻。另紙繕具條陳。一扣。是否可採。伏候

批示遵行。臨稟悚惶。敬希

垂察。某某謹肅

蠡管

以管窺天。以蠡測海。極言所見之小。

辭某處參謀長職務

大總統鈞座。某月某日。接准國務院照會。某日奉

大總統命令。某省參謀長。以某某充任等因。聞

命之下。惶悚莫名。竊某才具既疎。學識尤短。平時以微員散

秩勉效馳驅。已有竭蹶難勝之象。一旦投艱置大。被以非分之榮。在某雖感激涕零。上圖報稱。而器小任重。決不免覆餗之虞。覲顏苟安。勢且累

鈞座知人之譽。思維再四。不得不披瀝下忱。仰懇收回成命。才力天限。非敢矯飾。萬望

鑒其悃誠。勉如所請。俾某安分守拙。食粟較安。餘生戴德矣。迫切上瀆。恭叩

崇安。某某謹稟

覆餗

易經鼎折足覆公餗
言器小難勝重任也

就職後致紳界徵求意見

某某先生閣下。夙耳。

鴻名未承

塵教。五中企慕。莫罄言宣。比維

蓋履延綏。爲頌。某任事以來。端緒紛繁。莫得要領。所賴地方

賢達。不棄疎庸。錫以教言。開其茅塞。我

公通才碩學。久爲一鄉人望所歸。公益主持。多歷年所。必有

獨到之見。精闢之論。足以示我南針。珂鄉利弊所關。萬勿

引嫌守默。金玉爾音也。瞻望

德輝。佇候

明教。肅請

軍警界 職務類

台安。某某鞠躬

詢問轄境匪情

某某先生閣下。違

教積時。至殷懷想。比維

禔祺。洵第。

政祉翔華。爲頌爲慰。昨閱某報內載某處匪類。近頗有蠢動之勢。是否報紙謠傳。抑或略有踪影。道途遙隔。不勝懸系。盡畫如何。布置調遣之方。想早已胸有成竹。乞卽密示一二。敝處誼同袍澤。倘有借箸之處。自當不分畛域。策

騎相從。然以鄙意測之。

麾下威望夙著。雄師坐鎮。不難消患於無形。小醜跳梁。正無庸鯁鯁過慮也。專肅奉詢。敬頌

捷安。竚盼

惠復。某某鞠躬

袍澤

詩經與子同袍與子同澤即共事一方之意

借箸

史記臣請為王借箸而籌之即代為籌畫之意

答復轄境匪情

某某先生閣下。昨辱

惠書。猥以境內匪勢蠢動。重勞

眷注。並

軍警界 職務類

允遣師相助。同仇敵愾。情意肫然。五中感篆。此次某匪倉卒起事。幸敵處先有風聞。急電請援。預定兩面兜捕之策。不及十日。一律撲除。自幸辦理尙速。不致蔓延貽禍。差免罪戾耳。外間輿論如何。倘有所聞。尙乞

隨時關照。至紉公誼。肅泐奉復。謹謝

注存並頌

台綏不盡縷縷。某某鞠躬

致團長囑其勤操練

某某先生閣下。久違

音采。渴念殊深。邇維

勳祺懋介。爲頌。某處地處咽喉。爲浙中重鎮。應卽撥隊駐紮。以資鎮攝。前曾有公文遞至。

台端。想已接洽。目下匪氛雖已掃除。地方安謐。然軍心士氣。久則生懈。宜勤加訓練。其出防在外者。亦宜隨時抽調。會合操演。俾成節制之師。

執事久歷戎行。威名夙著。必能整軍經武。爲國干城也。

畫畫如何。便希示及。肅泐敬頌。

大安。某某鞠躬。

述待餉孔急。請速籌撥。

某某先生閣下。前發一電。想已上達。

典籤。尙未接復。盼甚。比維

籌祺迪吉。式如下頌。茲懇者。敵營薪餉積欠。已達三月。庚癸

頻呼。竭蹶萬狀。現屆防務吃緊之際。若不速籌散放。不足

以安軍心。明知

尊處綜籌全局。庫藏支絀。出入不敷。自有爲難之隱况。尙懇
移緩就急。挹彼注茲。或先放一關。或電致縣署稅局。就近撥
給若干。以資救急。情同望澤。迫待

垂俞。再肅請

命敬頌

台安。某某鞠躬

庚癸頻呼

左傳若登首山以呼曰庚癸乎則諾注庚西方主穀癸北方主水軍中糧絕故作此隱語也

垂俞

俞允也

飭某到前領餉請照發

某某先生閣下。違侍

音塵。頻勞夢轂。想軍需旁午。

綜顧兼籌。賢勞倍著矣。敝營待餉情形。萬分激切。前已肅函

奉布。諒邀

朗鑒。茲因出防在即。迫不及待。特差某員齎帶公文印據。前

往請領。務懇

軍警界 職務類

驗明撥放。餉項爲行軍命脈。必士飽馬騰。然後能殺敵致果。尊處綜持全局。容有不能得心應手之時。尙望

揆度情形。先爲挹彼注茲之計。

顧全公誼。感禱同深。專肅奉懇。敬請

勳安。諸惟

荃照。某某鞠躬

旁午

猶日昃不遑之意。喻忙碌也。

函復餉需爲難。先放一月

某某師長麾下。翹望

虎威。時深燕賀。接奉

兩次大札。敬悉種因。某才具淺短。謬掌軍儲。未能先事預籌。轉輸無缺。理財之拙。愧對

同人。然出入相權。根本上距離已遠。徒爲剜肉補瘡之計。宜有左支右絀之形。

尊處待餉孔殷。茲於迫不得已之中。先籌一月餉款。暫備散放。餘俟陸續籌畫。隨後匯撥。

執事公忠體國。當能

曲諒其難。好在部下健兒。無不

懷德畏威。相依有素。一經開誠勸告。亦必共體時艱。翕然悅服也。專此布復。敬希

原鑒。順請

勳安。某某鞠躬

請飭撥營隊協剿

敬啟者。頃接探報某某等處。匪類嘯聚。黨羽衆多。時出擾掠。居民頗以爲患。萑苻不靖。實吾輩武人之恥。擬卽督隊前進。相機剿捕。惟該處地居衝要。此擊彼竄。勢所必至。若不布置周密。而輕於一擊。則狼突豕奔。地方必遭蹂躪。爲此專函奉達。懇求

不分畛域。飭撥營隊若干。約期會剿。以絕根株。幸甚幸甚。一切辦法。俟得

復後再行會商。專此馳達。敬請

勳安。立盼

惠復。某某鞠躬

萑苻即蘆葦深處盜所託足之地

報告剿匪情形

軍長麾下。日前接奉

鈞諭。以某處伏匪。頗有蠢動之勢。當即星夜拔隊。馳往剿捕。乃大兵到後。該匪猶敢恃衆抗拒。某督率弁勇。迎頭痛擊。相持四小時。勢不能支。餘衆四散奔竄。某深恐其潰散後。擾及他方。爰即派隊跟踪追襲。務絕根株。一面親入山內。

拆毀寨柵。搜捕餘孽。所有格斃人犯及奪獲槍枝馬匹等。
另行開具清冊。呈報。

核奪餘俟辦理就緒。再行稟陳。肅此馳報。恭請
崇安伏候。

訓示 某某謹肅

報告出防情形

師長麾下。日前到省。趨謁

鈞座。當蒙

指示周詳。曷勝欽佩。承

諭謂某處地屬要衝。應即移隊駐紮。以資鎮攝。回營後督隊

出發。以某日行抵該處。山勢險峻。林密水深。誠爲行軍所必爭之地。目下已察度形勢。妥爲布置。勸諭當地民戶。舉辦團練。幫同捍衛。一面多派偵探。四出探訪。如得有匪中確實消息。當卽隨時馳稟。取示。

機宜。惟軍械子彈。尙不敷用。前已面陳。懇

速爲籌撥。派員護解前來。無任盼叩。先此馳稟。恭請

勳安。某某謹肅

商論整頓巡警辦法

某某先生閣下披誦

手書感荷

軍警界 職務類

錦注復承

虛懷若谷。以整頓巡警辦法。

詢及芻蕘。足見實事求是。不自滿假之心。無任欽佩。某前此供職警務。雖歷數年。然成績毫無。何敢以迂疎不切事理之談。撓瀆

清聽。大抵無論何事。患在循私敷衍。若真能持以實心實力。處處考求。決無不煥然改色者。至警政頭緒雖繁。而對於巡士。取其樸實而無習氣。對於巡官。取其勤慎而有學識。某昔日之宗旨。不外此二語也。老馬豈真識途。承一再

垂詢。勉書塞責。

高明諒之。泐復。卽頌。

台綏。某某鞠躬。

請隨時約束巡士。

某某先生閣下。不晤甚念。比想。

督率稽查。勤勞倍著。爲頌。近日地方人士。對於巡士之舉動。頗有不慊之談。而尤以某案爲其集矢之的。大抵此輩不學無術。履行職務。急於邀功。遂不免興風作浪。借端生事之處。務請。

諄諄誥諭。嚴爲約束。勿令節外生枝。多所牽涉。以實行保衛爲宗旨。庶可融洽地方之感情。明知辦事困難。每有求全。

之毀。吾輩惟有盡其在我。格外慎勉而已。質直之談。尙希
鑒諒爲幸。手此卽頌

時祺。某某鞠躬

不慊

卽不滿
意之謂

集矢之的

謂致謗之由如羣
矢之集於一的也

請推廣警額

某某先生閣下仰託

仁憚得以時承

明誨。欣幸何如。外間物議。偶有不慊於巡士者。因前此募充
時。就地招集。未具普通知識。故某就職以後。亟亟設立教

練所授以警政上淺近之學術。嗣後缺額。概以畢業生充補。爲整頓入手之法。惟敝處轄區甚廣。站崗人數。不敷分布。前已將此情上陳。可否酌量推廣名額。庶可達保衛之目的。而畢業各生。亦得乘時效用矣。據實陳請。伏乞

察酌施行。恭請

崇安不備。某某謹啟

請派警保護

某某先生閣下。久違

駿範。彌切馳思。邇維

履祉。因時式孚。下頌。時屆清和。

軍警界 職務類

貴處蠶汎正旺之際。昨據絲繭各商函稱開秤收繭。絡繹裝運現洋。地面遼闊。疎失宜防。懇飭派警妥爲保護等語。

已由敝處復准。望卽

查照情形。酌撥警士分駐。以盡保商之義。無稍疎虞。是爲至要。專此奉達。順頌

大安。某某鞠躬

辭某處巡官職務

某某先生台座。遙頌

音采。頻企

勳猷。祇維

鼎祉休和。政躬安吉。爲頌无量。某一官匏繫。幸依

仁宇。遇事稟承而行。故雖禱昧之材。亦得免於覆餗。乃昨接家信。以離鄉日久。慈母衰年。彌切倚闥之望。白雲親舍。思之黯黯。用敢剖達下情。懇卽

准予開去職務。俾得回鄉定省。稍遂烏私。圖報有期。伏求鑒察。惶切待命。敬請

勳安。某某鞠躬

禱昧

與暗昧之意同

烏私

言戀戀於親如鳥。烏亦有私情也。

挽留辭職

軍警界 職務類

某某先生閣下。日昨披誦

來書。以乞假省親。遽行辭職。

孝思不匱。固未便強爲維繫。致拂人情。然此間事務繁重。

執事久於其職。措之裕如。正擬借重

長才。藉資臂助。某在官言官。固不願

從者之飄然竟去也。謬爲借箸。或者

板輿迎養。花縣優游。實足以公私兩盡。否則暫時歸省。假滿

言旋。無庸逕開職務。不情之商懇。

執事以爲何如。復頌

大安。惟希

亮察。某某鞠躬。

維繫

即挽留之意

板輿

潘安仁以板輿將母謂迎養外出也

因病辭軍界委任

軍長台座。昨接

鈞札。知蒙委任某職。以某之疎拙。乃辱邀

賞拔。自應感激奮發。上効

馳驅。然此席任重事繁。非才具開展學識宏深者。不足以勝

任愉快。某何人斯。而敢當此。且近來舊疾觸發。精力衰殆。

已無復少年時之意氣。策駑駘以歷峻坂。必有要駕之虞。

軍警界 職務類

五五

言出至誠。毫無假飾。伏望

收回前命。另選賢能。苟遇相當之事。爲某力所能勝。尙當求
庇

仁幘。力圖報稱也。據實上瀆。敬懇

垂照。恭叩

崇安。某某謹啟

要駕謂馬之顛蹶而覆轍也

申報斥革巡長

某某先生台座叩謁

鈞顏備承

訓示。歸後遵此布置。頓覺有條不紊。昭若發矇矣。巡長某某於警政知識。甚爲缺乏。現經地方稟託。某派人澈查。其辦事誠不無操躬鹵莽。足招物議者。業已革除另補。呈報

備案。某嗣後對於警務之意見。惟在慎重用人。勤加考察。以不廢事而又不多事者爲上。庶與保衛人民之責任。不相背馳。敬乞

隨時教誨。俾可率循。幸甚幸甚。肅泐敬請

勛安。某某謹啟

某人虧餉潛逃請協緝

某某先生閣下。自隔

軍警界 職務類

汪波恆懷

芝采祇惟

履祺安燕

鼎社延鴻爲頌。某一官匏繫碌碌頻年。建樹毫無。因循滋媿。茲懇者。敝處軍需某某。虧餉潛逃。已呈報上官。行文嚴緝。茲特將該員年歲履歷。另單開明。並附相片。懇請

尊處飭下所屬一體協拿。毋任漏網。備緝

公誼。肅布。順頌

台安。某某鞠躬

請派隊赴某處彈壓

某某先生麾下。前次

旌旄過境。雄談抵掌。備聞

偉略。傾佩莫名。比維

坐鎮雍容。師貞協吉。昨據地方。幸某某等處。匪蹤出沒。時

爲閭閻之患。敝處察度情勢。惟

貴部距離較近。請卽酌撥營隊若干。前往駐紮。以資鎮懾。在

符小醜聞

大樹威名。當必瓦解冰消。望風奔竄。事關公誼。望切

同袍。駐節後如何情形。尙望隨時

見示。專此布達。頌頌

軍警界 職務類

捷安。某某鞠躬

大樹 漢馮異人稱
爲大樹將軍

催詢某人到差

某某先生閣下久隔

鴻暉。時深苑結。忽傳

喜報。知

執事榮任來寧。從此共事一方。得以朝夕承

教。何快如之。乃翹企

行旌。遲遲未至。望風引領。彌用懷疑。此間諸務紛乘。急賴

大才相助爲理。用敢專函速駕。務懇

早日惠臨。俾慰飢渴之私。而遂寤言之願。能於啟行前。先賜一書。尤所深禱。肅泐卽頌。

台安。某某鞠躬

因有家事耽擱請展緩到差

某某先生鈞座。歷年仰企

台暉。彌殷嚮往。一旦託隸

仁宇。幸遂瞻依。乃箋記未申。而

琅函忽賁。殷殷垂愛。感激難言。就諗

提履凝綏。

台樞篤祐。式符頌祝。某自邀任命以後。本當即日束裝趨承

鈞誨。因奔馳日久。不得不紆道還鄉。省視老母。乃堂上衰年
多病。侍奉湯藥。一時未便遠離。因私廢公。有羈職守。殊深
惶悚。伏乞

鑒其下悃。賞假一月。嗣後銷假就職。圖報之日正長。懇切上

陳。至求。

垂允。敬叩。

崇安。某某謹上。

懇託類

薦書記員

某某先生閣下。歷祿公私。久未趨

教。傾馳之願。與日俱深。頃間某君過存述及

貴廳中缺乏書記。未諗延攬所及。已得相當之材否。茲有舊友某某。品性忼爽。文辭華瞻。翩翩掌記。久已蜚聲。且於公牘文字。尤爲嫻熟。近因倦遊歸里。欲得一席。就便寧家。倘

荷

招邀入幕。必能左宜右有。勝任愉快也。附呈某君舊稿一本。

以備

察閱。可否之處。敬希

示及。爲荷。手肅。敬頌

政祺。某某鞠躬

軍警界 懇託類

翩翩掌記

古有翩翩書記之才之語掌記即掌籤記也

寧家

即照料家事之意

薦軍需員

某某先生閣下。睽隔

芝輝。時懷渴想。忽傳吉報。喜聽

鶩遷。

執事以絕特之材。總師干之任。

英名偉略。焜耀當時。際此

戟帳宏開。奔走後先。需材必衆。茲有至友某某。才識開展。在

軍隊中供職有年。故於營制餉章。極爲熟習。

尊處軍需一職。如尙未任定。某君似極相宜。倘荷

禮延。必能就熟駕輕。爲

公臂助。某非相知有素。不敢貿然介紹也。可否之處。敬乞

裁定。專肅。祇請

勳安。某某鞠躬

就熟駕輕

駕輕車就熟路
言措之裕如也

託轉薦錄事

某某先生閣下。日前匆匆一晤。未及暢談。爲悵。比想

道履休嘉。因時篤祐。茲啟者。舍親某君某某。前在法政學堂

別科畢業後。又歷在軍警界就事。邇來賦閒家居。急思謀

軍警界 懇託類

得一席爲餽口計。昨聞某某機關需用錄事。敬附上名條。

懇卽

轉爲紹介某君於普通法學。頗具門徑。資格亦甚相當。倘荷吹噓。決不至以羊公不舞之鶴。貽羞門下也。專此奉託。敬請

台安。諸希

愛照。某某鞠躬

羊公不舞之鶴

昔羊叔子有鶴善舞嘗向客稱之後客至鶴不肯舞以喻薦而不稱職者

託代訪請教練員

某某先生閣下。久稽箋候。自愧塵勞。維

紳佩翔華。

履綸叶吉。爲無量頌。某忝綜警政。視事以後。頗思振勵精神。有所表見。乃考察此間巡士。前由招募而來。程度不一。竊意警察關係治安。識務至爲重要。雖不能具完全學問。亦當有普通知識。現在整頓方法。當先設立教練所。輪番抽調。使之習練。庶幾出而服務於職守所在。不致茫然。擬請執事代爲延訪。如有熟悉警務之學願充是職者。可代聘訂。每月薪金五十元。合同以一年爲期。專此懇託。幸代

留意。順頌。

台安。某某鞠躬

託代聘顧問

軍警界 懇託類

某某先生閣下。溯睽

鈞侍。兩易蟾圓。瞻望

雲霄。時增神往。伏維

禔躬納祐。

茵鼎延釐。式符逖頌。某畿疆承乏。任重才疎。非得匡贊之才。

必有顛危之懼。夙聞某某先生。才識淵深。意欲延致。幕

中。藉收臂助。第恐無因而至。或不見許於高賢。久荷

鈞座關垂。可否鑒其悃誠。代爲紹介。至某先生如有若何

之意見。但請表示。某無不惟命是從也。肅稟冒瀆。伏希

鑒察。敬請

勳安。某某鞠躬

無因而至

謂是然而來也

託代調停軍警衝突

某某先生閣下。葭水蒼蒼。

德輝在望。欽遲景仰。我勞如何。比維

杖履優游。主持公論。爲慰爲頌。此次軍警衝突。原因複雜。

台端想早有所聞。兩方各執一詞。無從判決。且推求過甚。轉

恐旁生枝節。傷觸感情。

先生以旁觀局外之人。作鑑空衡平之舉。出而調護。較易爲功。今之

仲連非

先生莫屬矣。素諗對於鄉里。抱具熱心。用敢奉陳。卽希

察奪爲荷。肅請

道安不備。某某鞠躬

今之仲連

魯仲連戰國時人善爲人排難解紛

託謀位置

某某先生閣下。昨奉

手書。備承

拳注。舊交篤誼。迴越尋常。感感荷

垂詢近狀。本急欲修箋。貢達一二。某前在鄂垣。供職某事。鷄暫息。未始非計。乃某公解組歸田。後之視事者。各機關紛紛更動。某亦不安於位。上書辭職。回里蹠伏。將及一載。家無十畝之桑。未能優游終老。

閣下關垂舊雨。倘有相當之事。爲某力所能勝者。乞與提攜。甚願執鞭以從。作下車之馮婦也。

新猷如何。便乞

賜示。藉廣聽聞。肅復敬請

勳安不既。某某鞠躬

下車馮婦
馮婦攘臂下車喻
再出任事之意

軍警界 懇託類

懇求他調請從速說項

某某先生閣下。前奉書敬問

起居。諒達

籤掌。涼風天末。滄波渺然。維

聞望日隆。慰符下頌。某受上台知遇。承乏此間。而誠信未孚。前以某事。與當地士紳。稍有衝激。雖經派委查明銷案。問心無愧。然感情稍損。竊恐此後辦事。有所窒礙。前於晉謁上台時。已將此意陳明。懇求他調。並非敢畏難自阻。或者因遷地而良。

執事垂愛素深。尙望

便中說項。倘償素願。則

曲成之德。永矢勿護矣。肅泐奉懇。敬請

勳安。某某鞠躬

籤掌

謂掌典籤之事。即記室也。

懇勿他調。請將下情代達

某某先生閣下。瞻言

道範積歲。神傾翰素。互馳未抒。菀結比想。

贊畫宣勤。聲華日耀。忭跂之至。某昨奉公署訓令。調防某處。

馳驅國事。本不敢以私廢公。意存引避。然其中實有爲難

隱況。謹以披露於

軍警界 懇託類

台端。一則老母年高。奉以前行。恐不勝舟車之勞頓。隻身就道。迹近絕裾。又復愀然不忍。一則供職此邦。先後五載。經手未完之件。非旦夕間所能清結。該處事機。迫不及待。斷難假以時日。使事畢而後成行。轉輾思維。諸多窒礙。而此中委曲。又未便形諸稟牘。轉蹈畏難苟安之嫌。用敢懇請台端。於面談時。委婉出之。倘荷

轉圜。感銘心版。恃

愛忘瀆。諸希

鑒諒。爲幸。肅請

台安。某某鞠躬

絕裾

晉溫嶠被徵母留止
之嶠不願絕裾而去

某某現隸屬下懇推情照拂

某某先生台座。頻年蓬梗。久隔

祥輝。遙望雲山。徒增馳戀。比維

履絢輯祉。

鼎佩翔華。爲頌。某渡海歸來。勞人自笑。聞

政聲之遠播。益念鴻雪之前緣。茲值舊友某君。新邀任命。東

裝東下。幸隸

仁幘。託其附致一箋。藉承

動定。某君志趣不凡。才華發越。某與相知有素。敬乞

軍警界 懇託類

七五

推愛辱教之幸甚。肅此奉候。祇請

勳安。某某鞠躬

鴻雪

雪泥鴻爪喻已往之陳迹也

託代採辦服裝

某某先生閣下奉誦

惠簡知

從者將有滬上之行。承詢有無委託事件。具紉

關注。感感。敝處前奉上官訓令。添招新軍一營。約下月中可

以成立。其服裝及軍需用品。急應備製。

執事歷經承辦。於品物之良窳。價格之高低。均所諗悉。敢乞

上費

清神代爲採辦。另單開列附上。一切詳情。明日當趨詣接洽。事屬因公。恕不

見却也。先此奉懇。順頌

行安。某某鞠躬

託代帶公件至某處

某某先生閣下。昨荷

惠存。暢承

大教。清言妙緒。豁我塵襟。甚佩甚佩。

台從此番奉命。在他人視之。其中紛紜糾錯。頗難處理。然以

軍警界 懇託類

大才前往。必能批卻導窾。游刃有餘。茲有公件一包。敬煩

吉便代攜。飭送某處。又致某君信一封。亦已遵

命繕就。懇即面交為幸。餘俟明後日走送時。面罄一一。手此

布達。即請

行安。某某鞠躬

批卻導窾。游刃有餘。屠牛坦一朝解十二牛。批卻導窾。銛刃不鈍。言其循序以進。得心應

也手

託代探訪情形

某某先生閣下。京華于役。曾侍

清塵。旋返征輪。馳懷積歲。伏維

宏猷不著。

景福駢蕃。引企

德輝。莫名忭頌。某邊隅僻處。忝執戎機。一介武夫。固不足與
言國家大計。然寡聞鮮見。竊恐昧於大勢。以偏執遲緩之
故。貽誤事機。

執事迴翔禁近。得月較先。敢乞將有關時局諸端。隨時探示。
俾資因應。而免叢脞。

南針之錫。感篆靡窮矣。肅此奉託。敬請

台安。某某鞠躬

得月較先

古詩近水樓臺先得月
借喻消息較靈捷之意

軍警界 懇託類

叢脞

脞猶失
敗也

某人前往參觀請妥爲接待

某某先生麾下咫尺

芝輝積冗有疎晤

教歉甚某君自閩中來聞知

細柳營前軍容整肅亟欲一瞻

榮戟藉識

教練之成規囑某修函介紹敬懇

示訂一期以便轉復某君屆期并乞妥爲招待是荷匆匆布

達卽頌

大安並候

惠復。某某鞠躬

細柳

漢周亞夫營於
細柳甚有威名

因病懇請暫代職務

某某先生閣下。昨承

枉顧深感

注存病體支離。未能迎送。爲歉。今日賤恙較前更劇。遍體發熱。頭涿涿欲裂。據醫者言。恐非數日間能愈。擬函達署長。請假半月。急急調治。此間職務。意欲求執事暫爲兼理。以免曠誤。想

軍警界 懇託類

誼篤愛深。必不見卻。如承

俞允。當於請假函內聲明之。先此奉商。敬候

裁答。順頌

台安。某某鞠躬

因事回籍懇求准假

敬啟者。昨接家書。今秋霖雨兼旬。溪流暴漲。以致先塋被
水冲塌。聞信之下。愀然不安。某背井離鄉。已逾十稔。先人
廬墓。久當回籍展視。徒以飢驅奔走。未克如願。致遭此變。
悔何可追。此間現正料理出防需人之際。本不當遽爾言
去。然某神志已昏。即勉強羈留。而寸心無主。亦難收贊助

之益。伏乞

體諒下情。給假兩月。俾得回籍修墓。一俟摒擋就緒。再當趨

隸

仁幘。勉圖後報。臨穎悚迫。佇候

尊裁。敬請

勳安。諸祈

垂鑒。某某謹上

某事請人前往代表

某某先生閣下。會垣

舊雨。別久思深。瞻望

軍警界 懇託類

德音。睠懷曷既。比維

興居多豫。動定罄宜。以忻以頌。此次某事開會。某本欲親自
來前與

諸君子周旋討論。乃因職務羈束。不克分身。謹委託某君。爲
臨時代表。一切已與接洽。如有商榷之件。儘可就近由某
君代爲解決。

諸君子前統希轉致爲荷。肅泐奉布。順頌
大安。某某鞠躬

尺牘大全 卷四

實業界

職業類

託覓生意

某某仁兄大人閣下。許久未奉

賜書。深以爲念。遙維

財祺茂盛。百事順手。爲頌。某賦閒在家。將及一載。生計日窘。

大有支持不住之勢。

閣下在申有年。交遊旣廣。情形亦熟。如有可介紹之處。望

實業界 職業類

隨時代爲留意。某急思得一枝棲。暫時立足。事之肥瘠。不敢計也。恃

愛奉懇敬請

籌安。某某謹啟

答允留意

某某仁兄大人閣下。別來正深馳念。忽接

賜書。備悉

起居無恙。爲慰。承

囑代謀位置一節。此間雖四達之區。職務極多。而人才亦衆。

一時尙難報

命好在吾

兄誠篤幹練之譽。久著於商界。居中說項。易於爲力。謹當隨時留意。一有機緣。卽行專函布達。敝處店務尙平穩。惟市面清淡。不及上年矣。此復。順請

大安。某某鞠躬

說項

唐詩到處逢人說
項斯卽譽揚之意

催速到店

某某仁翁先生閣下。連日盼望

大駕。迄未見到。正深馳念。頃接

手書。知

實業界 職業類

潭府有事。而嫂夫人清恙又未全愈。

執事到店之期。尙須稍緩旬日。本不敢敦促。惟近日生意正爲上市。二三學徒。應接不暇。弟又因某事分心。不能鎮日在店。亟盼

執事從速前來。照料一切。萬勿久稽爲禱。餘容面罄。專肅敬請

台安。某某謹啟

託人訂訪店友

某翁先生閣下。久不通函。爲念。頃間里中人來。述及

尊處今年生意。極爲發達。慰甚羨甚。敝店情形。一切照舊。日

前同人決議。擬設分店於北市。尙缺照料經理之人。

閣下舊友及相識中。有無熟悉帳目誠實可靠者。請

代爲留意延訪。薪水不能從豐。每月在十元左右。

執事商場老手。凡所識拔。必能勝任無疑也。專此奉託。敬請

財安。某某鞠躬

保薦店友

某某先生執事。頃展

來書。備論

經營發達。日進无疆。爲慰爲頌。

囑延店友一節。頃有 某君。人甚練達。而又老成。向在某店

經理。因股東意見不和。議決收歇。故將改謀他就。與尊處極爲相宜。某君寫算皆精。看洋眼光亦好。倘合尊意。當囑其趨謁。至於錢項出入。弟可一力擔任。儘請放心。如何之處。盼

卽日賜復。此請

秋安。某某鞠躬

却人薦友

某某先生執事。奉

教敬悉。承

薦某先生一節。出於

大雅所賞。決無差誤。弟亦素知其人。惟敝店各執事。一時尙無更動。添延經理之說。實係訛傳。並無其事。祇可暫爲存記。俟他日得有相宜之席。再行邀請。目下實人浮於事。無可位置也。方

命歎甚。近來市面情形如何。盼隨時互通消息。此復。順頌
台安。某某鞠躬

方命命即違也

保薦學生

某某先生閣下。近在一方。乃以俗冗所羈。未克常親
教益。悵悵比維

實業界 職業類

籌祺迪吉。

履祉延庥。爲頌。茲啟者。舊友某君之子。年甫及冠。去歲於高等小學畢業。家况貧寒。無力求學。思改入商界。以謀升斗。尊處營業發達。局面恢宏。爲可以造就人才之處。敬懇

推情錄用。日後練習有成。皆吾

兄所賜。弟亦同深銜感。倘荷

俞允。當攜之入謁。以備

驅遣也。肅懇敬請

台安。並盼

玉復。某某謹啟

升斗

升斗之祿
言微薄也

力辭公司董事

頃奉

大柬知蒙

諸先生謬愛。舉爲本公司董事。義務所在。本不敢辭。顧實有
委曲苦衷。不得不掬誠奉白者。某於帳目簿記之學。素屬
茫然。公司章程。亦未諳習。且邇來年老多病。精神恍惚。不
能追隨。

諸先生後。奔走宣勞。濫厠虛名。於事何補。自應卽時告退。以
讓賢者。務乞

實業界 職業類

九

鑒其實情。另行推舉。不勝惶悚待

命之至。敬請

公安。諸希

亮鑒。某某鞠躬

挽留公司董事

某某先生閣下。接讀

大札。謹悉。此次推舉董事。出於衆股東之同意。公司事務繁

重。整頓廓充。胥賴

長才。善爲擘畫。聞

公辭職之說。衆意皇然。當卽開會集議。全體一致。堅主挽留。

用再肅函奉懇。務祈

推念公益。慨然擔任。勿再固辭。令衆股東因而失望也。臨穎

盼禱。無任惶悚待

命之至。敬請

大安不既。某某等同肅

致友報告已被舉爲公司稽查員

某某先生閣下。遠違

光采。倏已月餘。維

動定多佳。慰符遠頌。此次公司開選舉職員常會。

執事以得票多數。被舉爲稽查員。當時會場集議。羣以得人

爲慶用特專函上達。務望即日

命駕前來。商榷一切。公司營業日就發達。

大才主持其間。必能游刃有餘。爲衆股東增進利益。無任欣

幸。何日動身。敬希

先行示及。以便派人恭迓。肅請

台安不備。某某鞠躬

辭謝公司稽查員事

某某先生閣下。別來正念。接奉

大札。敬悉此次公司開會。蒙衆股東之厚愛。舉弟爲稽查員。

且感且駭。此事實責任重大。頭緒紛繁。非心精力果有兼人。

之才具者。不能勝任愉快。弟年來多病。精力逐漸頹唐。家
事既繁。外間謬采虛名。奔走之事尤夥。行將一概謝絕。稍
圖息肩。公司稽查一職。萬不敢貿然擔任。多增罪戾。致負
衆股東知人之明。謹此復謝。幸

鑒諒之。專復。順頌

公安。某某鞠躬

致東翁請續假

某某先生座右叩別

尊顏。至深渴想。近維

財祺懋介。百凡吉祥。某此次假期已滿。本當卽日到店。以重

職務。奈家慈病勢仍未輕減。舍弟尙未回里。延醫服藥。無人主持。不得不在家侍奉。略盡子職。敬懇續假一星期。此事實迫於不得已。

先生素能體諒下情。或不責其遲誤也。一俟家慈之恙稍有起色。當卽束裝。先此商懇。敬請

財安。某某謹上

致東家辭職

某某先生閣下。日昨接奉

大札。謹悉。

財源茂盛。

時社凝麻。如頌爲慰。某本應如期到店。奈自先嚴見背以後。家事紛如亂絲。料量歸結。非一時所能就緒。而店中事又重要。未便久久虛懸。迫不得已。祇得請開去職務。

另延妥友接手。相處數年。極蒙

垂愛。乃牽於事故。不克長侍

教言。殊爲悵惘耳。專肅奉布。敬請

籌安不既。某某鞠躬

薦鑛局中稽查員

久違

台教。仰企爲勞。昨某君自滇中來述及

尊鑛苗旺質佳經營得法將來必收鉅利欣賀欣賀茲啟者

敝友某君聞與

尊府亦稍關戚誼閒居無事意欲投効

台端囑某代爲介紹

尊處如需人佐理則某君樸實幹練辦事亦極耐勞苦的係
可用之材派充稽查等職使之奔走考察尤爲相宜特專

函奉詢能否

位置敬希

察核見復以便轉告某君餘容後詳祗請

台安不備 某某鞠躬

薦紗廠採辦員

某某先生大人閣下。前披

手翰。以俗冗糾牽。未遑作報。罪甚。紗廠經營。已否就緒。何日開辦。至以爲念。某意最重要者。莫如採辦一席。倘尙在延訪。則有敝友某君。前在某處數年。於紗業素有經驗。銀錢經手。亦篤實可靠。商界中名譽極好。

閣下不妨一探聽之。苟合

尊意。可由某代爲介紹。或先囑其造謁

台端。面詢情形。再定進止。手此奉布。敬請

籌安。某某鞠躬

詢願否墊款充洋行買辦

某某先生閣下前得

手書知將

從事商業。囑代注意。某在滬數年。深知商場情形。不論何業。非於其中極有經驗事事躬親者。不可輕易著手。惟充洋行買辦一席。較爲穩妥。然普通規例。必先墊款數千金。作爲保證。

執事倘有意於此。某可隨時留心。遇有相當之機會。再行函達。俾定進止。專此奉復。順頌

台祺不一。某某鞠躬

聘請店中經理

某某先生閣下。久疎晤

教。想

時祉懋介。動定叶吉。爲頌。茲有懇者。小號經理帳目一缺。向歸某君。其人誠篤不苟。歷十餘年。一無差誤。不料於前月。

因病作古。店務紛繁。無人託付。素仰

執事幹練樸實。爲商界所推崇。又蒙

交好多年。性情投契。能否

屈臨賜教。助我一臂。企盼無似。倘不

見屏棄。當敬備關約奉迓。手此商懇。敬請

台安。佇盼。

明示。某某謹肅。

勸人營商業。

某某先生閣下。遠隔一方。未能常通音訊。比想履祉潭祺。諸凡協吉。爲頌。邇來商務日見發達。某某等業。尤爲日用所必需。營此者無不利市三倍。吾

兄才具既優長。財力又充裕。乘時一試。必可得手。倘

尊意亦以爲然。某願略籌資本附股。冀託

餘廕。一切職業地點。如何下手之法。統候

函示後。再行籌議可也。先此奉商。敬請

大安並盼

惠復。某某謹啟

集股已成。催請速回籌辦

河干一別。倏已旬餘。遙想

旅懷安善。一切如意。爲頌。前議創設某某公司。

執事於臨行時。諄囑從速進行。刻已集得股本若干兩。並相

定某處房屋。該屋正在熱鬧之處。爲貿易中心點。租金亦

不甚昂。尙稱合宜。吾

兄所認股分。某已向公衆聲明。請

卽日撥冗前來。商議繳股及開張種種辦法。萬勿稍稽時日。

至所盼禱。專布順請。

時安。某某謹啟

招會議店務

某某先生閣下。別又匝月。維

履祉吉祥。動定多豫。爲頌。日昨經理某先生來。談及店事。據云。新開兩家。競爭甚烈。必添進貨色。減輕價值。方足與相抵制。某以事關重大。應取決於衆股東。非某一人之意見。所可專主。敬請

執事。即日撥冗來店。會議進行方法。以便著手。不勝盼禱之至。某某二先生處。亦已函往知照矣。專此上達。佇候

台駕順頌

時綏。某某鞠躬

請來店料理

某某先生閣下。半月來未接

手函。甚以爲念。想

侍祺履祉。安善如恆也。蠶繭上市。行中頓然忙碌。夥友新添

十餘人。某一身東奔西走。照料不及。稍一疎忽。吃虧匪淺。

執事在家無事。務懇

命駕前來。一同指揮料理。現正吃緊之際。深盼接信以後。卽日束裝。勿稍稽延。爲禱。匆匆布泐。相晤不遠。一切統俟面譚。

此請

大安不既。某某鞠躬

復有事不能來店暫請偏勞

某某先生閣下。頃奉

手教。知店事正屆忙碌。吾

兄獨任其勞。心實不安。弟責任所在。自當遵照

來示。卽日到店。幫同料理。無奈嚴親多病。服侍湯藥。其勢

不能遠離。叨屬知己。仰仗偏勞。好在

大才槃槃。舉重若輕。綽有餘裕。弟實情如此。並非託辭。躲懶。

深望吾

兄鑒而諒之。感泐寸中。容後登

門叩謝。此復敬請

台安。諸希

愛照。某某鞠躬

詢問某廠是否有招工之消息

某某先生執事。不見又已旬餘。想

起居住勝。爲頌。茲懇者。某處紗廠。近聞添置機器。有加招司
機工匠之說。未知確否。每月工資若干。作工若干時。

執事必知其詳。敬懇

示及。或將該廠章程。擲下一份。因有舍親某某。賦閒在家。擬

乘機往試。亦迫不得已之舉也。專此奉詢。敬盼

復示。順頌

大安。某某鞠躬

銀錢賬目類

催索貨款

某某先生執事。前交由某船戶帶上某貨若干箱。昨得

復書。知已點收無悞。

尊處與敝店交易貨款。除收過外。核結應該洋若干元。另附

賬單。

察核後。望卽如數攬下。彼此續有往來。本不當遽行函催。奈

敝店本短。不敷周轉。務請

格外鑒原。卽日賜寄。以應急需。不勝盼望之至。專此。卽請
籌安。某某謹啟

寄還賬款

某某先生執事。日昨由郵局遞到

手書。敬悉一切。所該

寶號賬款。本應早日繳還。因鄉間批發各戶。尙未收齊。遂至
稍稽時日。茲由某友之便。託其帶上若干元。請先收入
尊冊。下餘之款。俟中秋節到。當一律清結。決不再誤。
放心可也。近日某貨銷路若何。價目有無漲落。便希

示及復請

財安。某某謹啟

催繳股銀

某某先生閣下。別來匝月。想

時祉安。爲慰本店近來生意。尙稱順手。然銷路既好。不得不多備存貨。以應市面。且某貨現在價適跌落。趕快訂購。必然獲利。故各股東前日集議。決將所認股款。提前繳齊。爲進行之預備。用特函達。請速將

名下應繳之數。匯寄前來爲荷。餘容復詳。敬請

台安。某某鞠躬

勸人合股盤貨

某某先生閣下。自在某處暢叙後。不見又已旬餘。甚以爲念。茲啟者。吾

兄久蓄經商之意。尙未著手。刻適有某處某店。以虧折招盤。所存底貨。聞尙值六七千金。店面生財。值二千金。統願減折受頂。倘與磋商。大約六成。已可辦到。此項生意。照市面情形。極易得利。該店之虧倒。全由經理不得其人所致。吾兄如有意於此。某願籌一半資本。合股承盤。機會可乘。幸勿錯過。一切進止。統候裁決。能撥冗

過我。尤盼此頌。

刻安。某某鞠躬。

報告東家一年之賬畧

某某先生閣下。違

教以來。倏經三月。仰瞻

顏色。彌切依馳。去年店託

庇極稱得手。現將賬略結出。抄寄

台核。至近來情形。一切照舊。某既承

委託。惟有盡心竭力。以重職務。顧才識淺短。營業上如有應

行改革之處。尚祈

隨時指示。得所遵循。

先生能撥冗來店。面譚一切。尤盼專肅奉布。敬請

台安。某某謹啟

詢問店中賬目

某某先生執事。前接

來信。備悉店事安穩如常。至以爲慰。去年營業情形。大致如前函所述。惟現屆元宵左右。各種細賬。當已核結清楚。務請即日寄下一分。某以家事牽纏。不能時常到店。一切規畫。全賴

大才代爲主持。彼此忝屬至交。深願勿存客氣。勿避嫌怨。對

於營業店規各節。應如何進行整頓。苟有所見。務乞
開誠見教。不勝心感。某何時到申。現尙未能定。專此布達。順
頌

時祺。諸惟

愛照。某某鞠躬

報告購貨並請滙銀

某某先生閣下。月初接奉

來函。凡關於店務各方面。

指示詳盡。得以遵循辦理。幸甚。現已定購某貨若干種。某四
處奔走探聽。此次所進價目。似尙不吃虧。開單寄請

察核。望卽速滙銀若干兩。以便付款。目下銀根極緊。故貨價略鬆。如能趁此多進。更爲合宜。將來賣出。必能得利。惟未達。

尊聽。不敢擅主也。專肅布達。敬盼。

裁示。順候。

鼎祺。某某謹啟。

收銀後寄賬單

某某先生閣下。日前某君來。帶到定貨單。並規銀五百兩。照收。勿念。茲遵照原單。配定各貨。特將賬單寄呈。請卽。

收察。照現在市面。此項貨品。不特價目增漲。而且來源缺乏。

他處定購者均經回覆。因

寶號係多年主顧。特別克己配奉。以酬交往之
盛意。將來交何船戶裝運。應否保險。均請
示及遵辦。專此布覆。敬頌

財安。某某謹啟

代收之款請由銀行滙寄

某某先生閣下。正深馳系。接展

賜書。敬諭

財祺。懋介。

潭履凝麻。慰甚頌甚。某處所該貨款。已蒙

代爲收到費

神感感。此款請交某某銀行滙至某號轉交。因敝處與某號向有交往。此間不能直接滙兌。由彼轉解。必無一失。滙費若干。請卽於原款內扣除。日來各貨滯銷。市面甚緊。未知貴處情形若何。時通消息。尤所企盼。專泐奉懇。敬請

大安。某某鞠躬

因折閱商請添股

某某先生閣下。疊寄兩函。想已先後

入察。此次店本折閱。非關經理不善。其失敗處。實有特別原因。一係同行太多。今年新開數家。跌價傾軋。以致本店亦

受影響。一由銀根太緊。資本不足。不能趁賤價時。多進底貨。周轉不靈。吃虧甚巨。日昨各股東集議。擬照原有股分。加添十成之五。重整旗鼓。以期收效。桑榆未知。

尊意若何。希從速定奪。見復。至盼至禱。餘詳前函。專達。敬請

台安。某某鞠躬

桑榆

桑榆暮景
喻年老也

復函不允添股

某某先生閣下。疊接

手書。聆悉種切。店中虧耗。由於營運不利。事所恆有。

諸君加添股本之議。重謀恢復。自是善策。惟某近來遭遇不

順。蹇運之來。有加無已。因而次灰心。且經濟困難。再籌巨款。一時恐難於集事。爲財力所窘。無以從。

諸君子之後。私自計畫。或者先行結束。將某名下股分拆出。另讓別人。如此辦理。當亦無所不可也。某擬月杪至申。屆時再面罄一切。先此奉復。順頌。

大安不既。某某謹啓

付定銀并寄合同

某某仁兄大人閣下。日前在滬。備承

照拂。又復一再

叨擾。心感之至。別後託

庇。一路平順。於某日抵里。勿念訂定各貨。照原議應先付定銀二千兩。茲交某莊滙上。并繕就合同二分附呈。請

於簽字後擲還一分。彼此交往。信義爲重。原不在區區契約。然俗例如此。亦姑循之而已。此後分批交銀收貨各節。已託敝分號某君經手代辦。希接洽可也。此上敬頌

財祺。某某鞠躬

請將貨銀代劃某處

某某先生閣下。昨接

來函。並購貨單一紙。敬悉種切。茲遵照原單配齊。交某某報關行裝奉。到後請卽

點收。所該貨價。計銀若干兩。另附細賬。請將該銀。就近劃交
某號。因彼號與敝店。向有往來。省得滙兌之周折也。嗣後
如需用他貨。可仍

函示敝店。無不格外克己。專此布復。順候

財安。某某鞠躬

請賠保險銀

某某先生執事。逕啓者。敝店前曾在

貴公司中。保有火險銀七千兩。上月二十六日午後。鄰居失

慎。延及敝店。當經隨時電達。由

貴公司派有某君前來調查確實。應賠銀兩。請

實業界 銀錢賬目類

卽速如數滙下。一俟收到後。當再登報聲明。以表貴公司之信用卓著誠實可靠也。專此布達。敬請

大安不既。某某鞠躬

貨款先付若干餘陸續再寄

某某先生執事。昨接

大札。知各貨已配齊。交由某船戶裝下。催付貨價。茲已函致

敝分號囑其解

寶號月底期銀若干兩。餘款須略緩時日。陸續再解。今年銀根緊急。錢莊收而不放。以致分號不能逕付。須待此間滙往。遂稍有稽延。彼此交往多年。當能

見信也。專此布達。敬請

籌安。並希

亮察。某某鞠躬

託做押款

某某先生閣下。同在一方。乃以人事匆匆。未獲時常把晤。即想財祉勝常。百凡迪吉。爲頌。茲懇者。某現因急需。願以自置產業數處。抵押三萬金應用。如有利息較輕。願做押款之戶。

請

代爲介紹。敝產單契俱全。一無纏葛。

執事交遊素廣。倘能覓得受主。希即行

實業界 銀錢賬目類

四一

函示。以便造詣。面爲接洽。專此奉託。敬請

台安。某某鞠躬

押款到期催詢速還

某某先生閣下。久疎音問。時切馳思。近維

履祉吉羊。慰如私頌。去臘抵押敝處之款。言明以一年爲期。

月前曾託某君代詢。迄未得復。現已期屆。務望

卽日來申。料理清楚。敝處指款應用。而

閣下平日亦素重信義。萬勿遷延遲誤。以踐

宿諾。而敦交誼。是所至盼。手此布瀆。敬請

台安。佇候

回玉。某某謹啓

宿諾謂前已
久許也

貨款請緩

某某先生閣下。昨某君來帶到

手書。並催取舊欠貨款。此款早該償還。遲遲至今。實已抱歉。無既。然敝處情況。

執事所洞悉。並非有意延宕。實係力不從心。既

承情於前。尚懇曲原於後。一俟金融稍活。即當首先歸楚。多年交易。又荷

格外體諒。決不肯安心拖欠。致負

實業界 銀錢賬目類

連番盛意也。專此商懇。臨穎慚悚。祇頌

賀安。某某鞠躬

不允抵借

某某先生閣下。昨承

枉過。面譚甚暢。所囑抵借一節。敝店經手某先生歸後。與之
細商。據云本年牽於市面。外間帳款。僅僅收到七折。實無
餘力。可以應

命。某又向同業數家探聽。大率自顧不暇。無從開口。

尊事祇可另行設法。得暇再當面譚。恐勞

注盼。先此布復。順頌

大安。諸希

原鑒不一。某某鞠躬

帳單有誤。請查對另寄

某某先生執事。昨得

來函。附來往帳單一紙。檢核之下。與敝處所存底帳中多不符。未諗因何錯誤。茲特簽出寄去。請

逐細查對。重開詳單交下。至於爲某處代帳。可另行開列。不必附入一起。以清界限。至要至要。專此布達。即請

公安。某某鞠躬

繳銀催貨

實業界 銀錢帳目類

某某先生執事。日前由郵局寄去一函。未知已

收到否。敝處前定各貨。刻正待銷。務請

趕速配齊。交妥船裝下。以應市面。勿可遲誤。至裝箱宜格外

嚴密。俾免碰損及船戶偷盜之弊。所該價銀若干兩。已由

某莊匯付。到時請

察收入冊爲要。專此布達。順請

財安。某某鞠躬

收到存銀奉。上存銀簿據

某某先生閣下。頃由某莊劃來

尊戶規銀二千兩。並交到

手書一紙。敬悉。除以四百五十兩抵還前欠外。餘款存儲。敝行生息云云。業經查照辦理。茲奉上存銀簿據一本。希卽察收。銀行存款。皆憑簿據收付。不用存摺往來。極爲簡便也。專此布復。卽頌。

時祺。某某鞠躬

請將貨款暫存銀行

某某先生閣下。頃接

華函。欣悉。

籌祺佳勝。如頌。某貨既已漲價。逾於原計之數。暫時不進。甚善。甚善。所滙上之洋。請

實業界 銀錢帳目類

代存某某銀行。作爲暫時存款。不定期限。以便隨時提用。其

存銀簿據。亦暫留

尊處。俟貨價跌落。可以買進時。再當知照。費

神不安之至。專此泐請

台安。某某謹啓

託交銀行儲蓄

某某先生閣下。前日

大駕枉臨。適因事他出。失於迎迓。爲歉。某昨見
貴行所刻儲蓄章程。利息極優。洵稱便利。所餘
尊處之會款。不必交下。卽煩

代存貴行。作爲儲蓄。某此後當逐月節減浮費。以冀稍積餘資。留備正用。

閣下以爲何如。存簿領到後。懇

遇便擲下費。

神晤謝。此請

台安。某某鞠躬

請到店結算帳目

某某先生閣下。昨接展

來示。云及敝處所開賬單。中有不符之處。但敝處賬目。均照簿據。謄出。不至舛錯。或者列年滾結之中。尾數稍異。請

執事撥冗來店。當面核算清結。以免轉轄。至爲企盼。彼此交往多年。略有通融之處。無不可情商也。專此布復。卽頌

大安。某某鞠躬

囑謹慎放帳

某某先生執事。疊次

來書。均悉。店中情形。不及上年遠甚。此是市面使然。然某意銀根既緊。銷路不能推廣。營業上之主旨。自以謹守爲一法。各路批發。非妥實可靠者。不可輕易放帳。與其放出而收不著。反不如少做生意。猶可保本。

執事老成練達。熟悉商情。原不煩某之諄囑。應如何伸縮操

縱相機爲之可耳。專此布達。順請

刻安。某某鞠躬

帳已付清請核銷

某某先生執事。許久不晤。甚以爲念。茲啟者。敝處與

寶號貨款來往。業已當面結清。乃昨接

來單。仍列敝戶名目。想係未接洽之故。抑或因何錯誤。請

代爲查明銷帳。至尾找若干。亦早經言明折讓。不必逐節抄

發。徒費紙筆也。手此奉上。卽頌

時祺。某某鞠躬

商貨類

實業界 商貨類

請友人寄貨樣

某某先生閣下。久未通函。惟

經營順手。財源日茂。爲頌。茲啓者。聞

寶號新發明之某貨。極受社會歡迎。此間亦時有人託詢。惟未見貨樣。若何不敢遽定。務懇

發下樣貨數種。如合銷路。敝店可任分售之責。至批發價目。亦望按照實數開示。以便定奪。苟能通銷。此間交易。似尙不在少數也。

專此布請。順頌

台安。某某鞠躬

來貨與貨樣不符不能收受

某某先生閣下。頃由某某報關行交到來貨六箱。啓出檢視。其

中如某貨某貨。均與原定貨樣不符。疑係

寶號悞發。不能收受。特交原班退還。請

查收補寄。以後發貨。務望格外注意。勿如此次之舛錯。捐錢

水脚。應歸

寶號承認。既多損失。而敝店亦不能應時出售。耽誤銷路。兩

有不利也。專布。卽頌

籌安。某某鞠躬

請寄貨不可疎失

某某先生執事。日昨由某船戶帶到

手書。並來貨五箱。照單檢點。其中缺失甚多。至如某貨。底面亦復不符。查詢船戶。諉云原來如此。是否船戶偷竊掉換。不得而知。殊與

寶號名譽有關。以後

尊處發貨時。務必逐件點清。包紮嚴密。庶幾損失後。可以著落追究。至此次所短各件。另單開明。請照數補下。以便代銷。否則祇能原物帶還也。專此奉布。順頌

大安。某某謹啓

退還損傷之貨

某某先生執事。頃由某船戶運到

貴號所寄第二批之貨。開出檢視。大半俱已損傷。不堪復用。未知係發出時。裝置不得法。抑或船戶沿途停泊。漫不經

心之所致。敝店未便收受。仍交令原船帶回。請

迅速照數補寄。至此次之傷損。船戶不能辭其咎。

貴號可責令賠償也。先此通知。敬煩

查照。順頌

大安。某某謹啓

答復損傷之貨須各半分認

某某先生閣下。昨某船戶回帶到退貨多種。囑令敝號照數補

寄。查自此間運往

尊處。路途過遠。中間又須盤駁。貨物損壞。在所不免。此番所損較多。自係船戶不小心之過。彼此分認。方爲平允。若

寶號概不認帳。則以後如何裝載。請

尊處自定辦法。敝店但將貨物點清發出。卽不負責成。專此奉告。盼候

答復。補件隨後再寄。此請

大安。某某鞠躬

託詢貨物價值及進貨情形

某某先生執事。日昨某君到此收帳。接談之下。知

寶號近來生意大爲發達。羨甚羨甚。茲懇者聞某貨進口甚多。價值逐漸跌落。目下市盤是何行情。推測光景。以後不至再跌否。何家交易最爲公允。貨色以何牌號最爲合銷。

敝店現擬派夥前來。大宗採辦。屆時請

詳細指示。不勝心感。專此奉託。祇候

籌安不備。某某鞠躬

復勸暫緩進貨

某某先生閣下。日前接到

大示。備悉一切。某自承

垂詢。後當卽出外。代爲探聽。據老於此道者云。眼前貨價雖

跌。因銀根緊而銷路滯。日後市面。尙須逐漸看疲。
寶號如需進貨。不妨暫時從緩。以觀風色。鄙見如此。希
執事自爲斟酌可也。附去信一封。請

轉交敝號收帳。客人王君手收。此復。卽頌

大安。某某鞠躬

招徠辦貨

某某先生閣下。日昨趨詣。適逢

公出。未晤爲悵。某現承乏某洋行經理。該行資本充足。貨色
頂真。故開設以來。名譽馳於遐邇。

寶號所需各貨。敝行大都完備。暇時請

過臨覽。便知備細。倘承

惠顧交易。價目一切。當較他處格外公道。以答

盛意。而効勞於左右也。手肅布達。敬頌

財祺。某某鞠躬

託代銷貨

某某先生閱下。頃間奉訪。不值。聞

台從將有某處之行。何日束裝。至以爲念。茲懇者。敝號現有

某貨若干種。傳聞與彼間市面。頗相投合。帶往銷售。可冀

得利。未知能不憚煩瑣。

允爲代銷否。

實業界 商貨類

尊意如何。希卽行示。及以便當面商訂種種辦法。手此奉詢。

敬請

行安並盼

回玉 某某鞠躬

答允代銷

某某先生執事。正在整裝之際。適奉

手示。備悉一切。

尊處某貨。託弟帶往銷售。原無不可。惟關稅釐金等等。必須

先由

尊處辦妥。以免途中周折。經銷價目。亦須從核實之數開示。

傍晚弟在寓恭候。希

駕枉臨。面爲接洽。後日清晨。卽須起程。不能久稽也。專此答復。敬煩

查照。順候

日佳。某某鞠躬

論東西洋之銷路

某某先生閣下。昨奉

大函。知將推廣商業。託詢外洋銷路。以備進行。甚善。某到此已久。頗知外人於吾國磁器。極爲歡迎。社會宴集。必以支那磁爲陳設品。

實業界 商貨類

尊處所出各貨質地花紋均已研究改良日見進步惟式樣一層尙須注意必使大小尺寸確合於外人之用方能暢銷至東洋則仿造甚多彼國謀利之心無微不至恐無甚銷路也專此奉復順頌

買安 某某鞠躬

支那

外人稱中國曰支那

報告銷貨情形

某某先生閣下。日昨某君來帶到

手諭。所命謹慎放帳。招徠主顧各節。均當隨時遵照辦理。至察看銷貨情形。此間市面。總以花樣新鮮。身本輕巧者。最

爲合宜。上等精細之貨。雖不能不略備數種。似不宜多進。以防一時未能銷出。虛擱成本也。

先生採辦時。總以老牌新式四字爲主。價目又不宜過貴。庶可合普通社會心理。現在市上某貨頗缺。可預購辦。先期裝運來申。餘俟後布。敬請

旅安。某某鞠躬

商議減價出售

某某先生執事。昨接

來函。報告店務市面各節。極爲詳盡。慰甚。新進之某貨。既已運到。而底貨存積又多。鄙意不如減價售現。但以不虧本

實業界 商貨類

爲度。某察看情形。恐一兩月後。價目尙將看低。趁此未跌之前。先行減價。必能轟動暢銷。騰出成本。另進別貨。則活動多矣。請

先生酌之。某此間尙有一星期之耽擱。約月初可以回店。此

頌

近安。某某鞠躬

論告白之利益

某某先生閣下。久不奉書。甚以爲念。比聞

店務順手。生意發達。足見

大才無所不宜。賀賀。某近來研究貿易之事。根本與手段並

重。根本固在貨物好。手段則在告白廣。試觀外國人在吾國經營者。其告白方法。如報紙牆壁傳單電車等等。層出不窮。不惜工本。生意遂日臻月盛。吾國商家。似宜倣而行之。

足下如欲推廣營業。告白上不可不注意也。偶有所見。拉雜奉告。希

察照爲幸。順請

大安。某某鞠躬

詢問運貨之方法

某某先生閣下。遠懷

實業界 商貨類

丰采靡切神馳。維

旅祉籌祺皆吉。爲頌。近聞某地市面日漸繁盛。敝店擬設一分銷所。爲推廣之計。而路途過遠。裝載之法。究以船運或車運爲宜。水脚何項合算。應否保險。

執事在彼間久。情形極熟。敬懇

詳細函告。以便籌畫辦法。心感之至。手此奉懇。敬請

台安。某某鞠躬

勸人經營煤礦

某某先生閣下。前日某君到此。述及

尊處執業之某某山。爲極佳之煤礦。洋工程師業經勘驗報

告。因需款較鉅。遂無意於開採。殊爲惋惜。煤質需用最廣。該山運載又便。經營得手。必可獲利。如

閣下有意從事。某可代任招股之責。開採之資。不難立集。候示及再當趨詣。面商一切。手泐敬請

大安。某某鞠躬

知照某店消息不好從緩發貨

某某先生執事。許久未接

來信。未知店事如何。甚念。頃友人來言。某店內容。不甚穩固。近來有搖動之意。我店與彼。向有交易。請

速查帳目。該款若干。漸次催收歸束。至彼店所批貨物。暫時

緩發。以聽消息。事雖傳聞。未可遽信。然以慎重爲事。謹守秘密。勿著痕迹可耳。專此奉布。希

查照辦理。並速將情形函復。至盼至囑。順頌

日佳。某某鞠躬

友人前往辦貨懇託介紹

某某先生執事。久未通函致候。想

財祺懋介。諸凡順利。爲頌。逕啟者。敝店現派某君前去辦貨。

人地生疎。市情多不熟悉。特令其於抵埠後趨詣。務懇

將貨物價目。詳細指教。如有往來可靠之店。更望

代爲介紹。庶免受虧。彼此多年交易。必能

推誠照拂也。專函布託。敬請財安。諸維。

愛照。某某鞠躬

勸人保水火險

某某先生執事。日前趨詣。適逢

台駕公出。未及接談。爲悵。茲啟者。商貨保險。實爲兩利之道。無如滬上所有保險行。均屬外人設立。利權外溢。敝行爲挽回漏卮起見。特集華股開設。資本雄厚。信義卓著。

尊處各貨棧。如需保險者。儘可就商。且某以熟人介紹。尤必格外便宜。未識

實業界 商貨類

尊意如何。希酌核見復。專此布達。敬頌

財祺。並候 惠示 某某鞠躬

貨滯銷當改良

某某先生執事。某某報關行交來第二批各貨。均已點收無悞。此項貨色。外間購者。微嫌質地脆薄。不及某處之堅牢。經久。銷路未能踴躍。竊意

寶號宜研求改良。不惜工本。與彼爭勝爲是。敝處擔任代銷。無不望

貴貨之發達。苟有所見。不敢不直陳左右。尊意以爲何如。專此布告。敬請

大安。某某鞠躬。

交往類

述辭退某友之原因

某某先生閣下。同在一方。以店務羈身。未克常時候
教。維

動止馨宜。爲頌。某君以

執事之介紹。在店兩年。初無他過。近來戀家情切。回里時日
稍多。敝東時以爲言。適秋節將屆。店中事繁人少。函催速
來。而某君復書。尙須續假一月。敝東以不能懸缺久待。遽
函辭退。某轉圜無效。深抱不安。好在某君年力富強。不

實業界 交往類

難另圖高就也。轉此布達。並述歉忱。卽希

察照爲荷。順頌

台安。某某鞠躬

述店務分手之故

某某先生執事。日前趨謁。適逢

公出。未獲瞻仰

顏色。爲悵。某自承

薦往某店。深知謀事不易。一切勤慎小心。未敢稍爲疎忽。奈

家母衰年多病。請假回家。侍奉湯藥。東家敦促前往。

其時母病正劇。忽然舍去。心何以安。不得已。婉請續假一

月。東家以店務爲重。未能曲諒。遽爾函辭。自恨命運不
辰。然實情如此。非貪閒偷懶之所致。尙求

先生格外鑒原。倘另有機遇。再

賜嘯拂。以終始成全之。尤所希望而不敢請者耳。肅泐。祇請
大安不備。某某鞠躬

致謝夥友在店出力

某某吾兄大鑒。日前某先生來。談及店中情形。深賴吾

兄一手經理。不辭勞瘁。感謝曷任。弟以家事羈身。不能時常
到店。心常懸懸。乃得吾

兄老成練達。代任其勞。外之如採辦貨物。內之如約束夥友。

秩然不紊。井井有條。弟付託得人。嗣後可放心無慮矣。茲乘便帶去五加皮酒四瓶。鹽腿兩隻。不腆之物。聊以將意。敬希

晒納是幸。專此鳴謝。頌頌

籌安。某某鞠躬

不腆之物。不腆即不豐之意。謂些微薄物也。

謝東家加薪水

某某先生閣下。日前接讀

賜書。敬諭

履祉康強。如頌爲慰。某荷蒙

先生不棄。委任經理。盡心辦事。分所宜然。乃荷手書下逮。殷殷獎飾。並優加薪水。以勵將來。且慚且感。在先生寬厚待人。無不恩施逾格。而某則無功受賞。自問難安。惟有益加奮勉。竭誠圖報於後耳。肅箋布謝。祇請

台安。某某鞠躬

店務糾葛懇爲理楚

某某先生閣下。日前之約。荷蒙

寵顧。深以杯盤草率。未克盡歡。爲歉。此次敝店與某君之轆轤。

先生深知其詳。某素性恬退。不喜與人爭。但能事得其平。早

日了結清楚。則雖稍稍吃虧。亦所甘願。

先生平日爲某君所推重。如能從中排解。則作何區畫。但得

某君之允許。某固無不惟命是聽也。

可否之處。乞速

裁奪。賜復。爲盼。此懇。祇頌

台安。某某鞠躬

約同出洋貿易

某某先生閣下。睽隔

丰儀。未能時通音問。暮雲春樹。企望爲勞。日昨聞 某君言。先生將於下月初。作東洋之遊。弟亦以店貨缺乏。擬往採辦。

倘蒙不棄。許以附

驥。則屆時結伴同行。弟初次東遊。先路之導。處處得有照拂。受

惠多矣。行期確否。敬乞

速行賜示。以便預備一切。專肅奉布。敬候

台安。某某鞠躬

附驥

附驥尾而名益彰
追隨於後之謙辭

請辦貨客人宴飲

某某先生執事。昨蒙

大駕惠臨。暢談一切。欣幸之至。此次

實業界 交往類

執事到申。弟理應陪同遊覽。以盡東道之誼。乃以牽於店務。未克分身。歉甚。茲謹於明日申刻。略備杯酌。邀請一敘。務乞

勿吝賜玉。某某諸君。亦俱在座。貨路行市。可以互相討論也。專肅奉邀。不另具柬。希

察照爲荷。順頌

旅安。某某鞠躬

約辦貨客人住宿本店

某某先生執事。昨聞

大駕到申。當卽專誠趨訪。適值相左。悵甚。

執事此次之來。想有旬餘耽擱。寓居客舍。實多未便。敝店已
掃榻以待。務請即日移來。俾得常常晤聚。多年主顧。萬勿
稍存客氣。茲令店夥來前奉迓。請將行李點交。是爲至盼。
此上順頌

台安。鵠候

戾止。某某鞠躬

戾止。前來之意

懇行家照料辦貨客

某某先生閣下。遠隔

台階。良殷翹企。敬維

實業界 交往類

貿易興隆。

起居安豫。爲頌。敵處市面。爲銀根所牽掣。銷路大疲。營業上頗受影響。而局面關係。不得不勉強支撐。茲託敵友某君。到申採辦貨品。假寓

尊行。一切懇求。

推愛照拂。不勝心感。再某君需用貨款。如有不敷之處。亦乞暫時代挪。隨後由敝店劃還不悞。專肅。祇候財安。某某鞠躬。

函謝行家招待

某某先生閣下。揖別以後。一路適遇順風。於某日安抵此間。勿

念回思此次到申極荷

盛情照拂。授餐適館。殷勤周至。有賓至如歸之樂。而採辦貨物時。尤蒙

一一指點。使蒙昧如某。不至因市面不靈之故。致受虧損。歸

後述之。敝東同深感激。茲謹泐函鳴謝。敬請

財安。諸惟

愛照。某某鞠躬

授餐適館

謂既備以飲食
又供之住宿也

送行託帶物件

某某先生閣下。日昨趨詣。未獲接

實業界 交往類

談爲歉聞

執事以店務催促。不日赴申。茲有某物數種。敬懇

乘便攜往。飭送舍親某君處。此物久擬寄往。因稍涉笨重。且

無妥便。遷延已久。此次煩瀆。事出不情。好在有裝貨貨船。

拓一席地。代爲安排。不勝心感。午後得暇。再當走送。肅此

奉懇敬請

行安 某某鞠躬

賀商店開張

某某先生閣下久違

台教仰企爲勞近聞

執事。已於某處創設某某商店。以雄厚之財力。敏捷之手段。出而經營商業。籌畫精詳。行見

遐邇馳名。生涯鼎盛。可爲預賀。某爲道途所阻。不克趨前。躬與開張之盛。謹寄上聯幛各一。聊申祝忱。敬乞

察收爲荷。專泐寸箋。恭賀

大喜。順頌

籌安。某某鞠躬

賀公司開張

某某先生閣下。遠別

輝光。至殷懷想。昨奉

實業界 交往類

華東欣知

執事鳩合同志。設立某某公司。以振興實業之心。爲勝算獨
操之計。行見

指揮如意。遐邇馳名。駿業宏圖。豔羨曷旣。某限於財力。明知
大利所在。未能籌資附股。深用歉悵。他日道出滬濱。當趨

詣

貴公司。瞻仰一是。先此布賀。敬頌

台安。某某鞠躬

賀人得利

某某先生閣下。久別爲念。日前某君來言

營業十分發達。去年結帳。獲利不貲。此皆由

大才擘畫周詳。故能獨操勝算。逃聽之下。豔羨奚如。敵處生意歷年如故。一無起色。相形之下。益知優勝劣敗。公理不誣。尙祈

時頌大教。作南鍼之指示。使某步趨所及。獲利無形。則高明之惠我多矣。手肅奉賀。順頌

財安。諸希

愛照。某某鞠躬

南鍼

指南針也。言人之賜教。如與我以指南針。

慰人虧折

實業界 交往類

某某先生閣下。正爾關懷。忽接

函示。知近因營運失利。鬱鬱不自聊。市面變遷。成敗無定。足徵商業之不易爲。然側聞

寶號此次之虧折。實時勢相迫而然。以

閣下久歷商場。信義素著。雖暫時蹉跌。而圖維整頓。此後鴻風一轉。恢復非難。正不必以千慮一失之差。遽灰壯志也。敝處生意平平。局面過小。無迴轉之餘地。逐月所入。僅足餬口而已。手此奉復。并以勸慰。順候

台安。某某鞠躬

千慮一失

智者千慮必有一失。猶言百密不免一疎也。

約同往看拍賣

某某先生執事。日前分手後。未知回寓尙不過遲否。念念。明日星期五。爲某某洋行拍賣之期。弟擬前往一觀。遇有尺頭。布疋價目合宜者。乘間購進一二。

執事如有同志。請於午前過我。可在敝店午餐。屆時同往也。專此奉約。去否敬候。

回示。順頌

大安。某某鞠躬

復告不能偕往

頃間接讀

實業界 交往類

手示約於星期五日同往某處觀拍賣本當遵

命奈弟自前晚分手後卽覺精神委頓越日陡患腹瀉疲憊不堪大約係連日奔走宴會飲食不時之所致現雖略見痊可尙須靜臥養息恐不能追隨

左右矣專此奉復容俟愈後再行趨譚順頌

日祺 某某鞠躬

約入會館議事

某某諸先生執事逕啟者吾業向有會館遇有重大事率聚衆集議以定辦法近來同行日多行規不一以致同業之中時起爭執茲定於某日齊集會館重議整頓行規共相遵

守。務。講。屆。時。

蒞。止。如。有。

高。見。儘。可。當。場。發。表。以。便。互。相。討。論。也。單。開。同。業。如。有。遺。漏。之。處。乞。

代。為。列。入。為。盼。此。請。

籌。安。某。某。鞠。躬。

尺牘大全 卷四

尺牘大全 卷五

婦女界

家庭類

稟候祖母父母（入校後）

祖母父母大人膝下。敬稟者。孫女自某日叩別出門。路上有王家表姊照料。平安無事。於某日抵校。校中雖已開學。因人未到齊。尙未上課。孫女到校。適當其時。免得因曠假補課。多一番辛苦也。校中課程。一如其舊。惟今年添招新生。報名者格外踴躍。現已取定八十餘人。校舍不能容納。有另覓遷

婦女界 家庭類

移之說。孫女在外。自當謹遵。

慈訓。專心學業。不敢逐隊嬉遊。飲食寒暖。亦自知謹慎。請勿
垂念。父親近來有信回否。弟妹好否。

大人福體諒必較前康勝。瞻望家庭。不勝馳戀。叩請

金安。孫女某某謹稟

稟候祖父母母 (出嫁後)

祖父母母大人膝下。敬稟者。違侍月餘。不勝馳戀。前於上父親母稟

內。恭叩

起居。諒邀

慈鑒。比維

福躬安善。精神強固。慰符孺慕。孫女在此。深承君姑舅垂愛。事事體恤。不令操勞。小姑輩亦親睦逾恆。居處一切無不慣適。足紓

垂注。惟驟離家庭。不能不時憶念。擬於下月中稟明堂上。偕壻歸寧。屆時得以親承

色笑。依附

膝前。一念及茲。歸心躍躍矣。先此馳稟。恭叩福安。孫女某某謹稟

稟候父母（入校後）

母父親大人膝下。敬稟者。叩別上道。一路蒙

婦女界 家庭類

姨丈照應。於某日傍晚抵申。並由

姨丈親送入校。次日出題試驗。幸獲取錄。插入乙班肄業。已

於今晨上課。校中同學七十餘人。規則嚴密。宿舍清潔。女
極爲慣適。惟功課門類太多。女初次入學。不免稍覺繁重。
當奮勉修業。以不負

雙親期望之心。日來

福體如何。

母親肝胃舊症。能不發否。女驟離膝下。寸心中無日不依馳
左右也。餘容續稟敬叩

金安。女某某謹稟

稟候

母

(出嫁後)

母父親大人膝下敬稟者。昨日接奉

手諭。知已安抵家中。

福躬康吉。至慰孺慕。臨別之際。仰奉

訓諭。諄諄以勤勞謹慎。曲盡婦道爲勗。女至今謹記在心。不

敢忽略。幸翁姑相待甚優。遇事體恤。妯娌小姑等。亦均

殷勤和睦。相處半月。一無間言。足慰

愛注。惟驟離膝下。時覺依依。深盼早日歸寧。躬承

色笑。下次

大人來函時。可將此意婉商。堂上當蒙允許也。大哥有

信回否。弟妹想均安好。念甚。先此馳稟敬請

福安。女某某謹稟

稟候君姑 (入校後)

君姑大人尊前。敬稟者。違侍

慈顏。至深馳戀。辰維

福躬康吉。爲頌。總登舟後。適遇順風。傍晚卽到。隨往晤校長

某先生。詳詢情形。校中分甲乙丙三班。總擔任甲乙兩級。共計學生四十餘。每星期授課十二小時。尙不繁重。定於後日上課。脩金係月底給發。總自慮學問淺薄。不識能否勝任。隨後再行稟告。

大人年高體弱。家事勿過操心。好在 大妹能幹。一切可代
爲照料。媳以薄謀升斗。以致有闕晨昏。私衷歉然。得暇請
時賜諭言。至盼。肅稟敬叩。

福安。 媳某某謹稟

稟候君姑 (歸寧後)

君姑大人尊前。敬稟者。叩辭以後。一路平安。於某日傍晚抵家。
家中均安好。當將所攜各物。轉呈 母親。並述及
大人相待之德。體恤愛護。無微不至。 母親深爲欣感。命筆

道謝。日來

福體如何。寒暖不時。深盼

婦女界 家庭類

善自頤養。勿過操勞。媳以叩別歸寧。有疎奉侍之職。至為歉仄。昨母親言及。擬留媳在家。耽擱半月。屆時當遣家兄伴回。可勿必。令人來接。囑為稟告。餘俟續陳。敬叩。

福安。媳某某謹稟。

頤養。與保養之意略同。

稟候姑母。述母親思念之意。並詢回家日期。

姑母大人尊前。昨讀致家慈

手書。敬悉。

福體安和。闔潭綏吉。深慰孺慕。家慈云。自睽隔以後。時時

憶念。未知秋涼之際。

大人能否過歸一敘。至深企盼。此間自大哥遠出。家中惟母女二人。甚爲岑寂。故姪女雖久有就學之心。亦不敢輕於啟齒。家慈近因手顫。不便作書。命姪女函覆。如有需用之品。請

隨時函示。可代購寄上也。專肅敬叩

坤安 姪女某某謹上

致夫函

請其勤
寄家信

某某夫子英覽自

文駕遠出。屈指月餘。僅一接

安函。述及到彼時之情形。嗣後未得續報。諒因職務繁冗。不

暇時常握管然

君姑及妾固已晨占鵲喜夕卜燈花望穿雙眼矣

君姑體雖衰弱幸近來肝胃之症不復觸發某兒由妾課之識字每日能辨認十餘姿質似尙不劣一切奉侍撫育支持門戶之計妾當勉力爲之所懸懸莫釋者遠人之消息何如耳深望此後勤通尺素慰以平安幸甚幸甚此上卽

頌

時祺 某某謹啟

致姊函

詢問校中情形
並託購書籍

大姊大人尊鑒久不接書未知邇來

起居何似。校中功課。不十分繁重否。初等小學。今年添招否。妹年已不小。亦思入校求學。惟須與吾

姊同在一校。隨時得受指導。方免錯誤。現擬在家練習。爲秋初入學之預備。請

代選淺近之教科書數種寄下。妹將自行試讀。如遇不能明了之處。隨時函詢吾

姊可也。大哥久無信回。未知何故。

母親大人近來精神極好。惟時系念大哥及

姊。請於課餘時。多寄信回。以慰

慈親之眷注。爲盼。肅請

硯安。 妹某某謹啟

答妹

二妹如晤。昨接

來書。知家中自

慈親以次均好。甚慰遠懷。

妹年已漸長。確爲求學時代。姊素有此心。而未出諸口。乃來函已見及此。并託購教科書。先行練習。足徵有志學問。聞

之欣然。吾

妹已略通淺近文字。惟算學未經練習。稍稍研究。可插入三四年級。校中於秋季。例招新生。屆時當代爲報名。吾姊妹

同在一校。自是樂事。惟未知

母親大人能見允否。暑假歸時。當婉爲稟商。教科書幾冊。寄去

點收。遇有不能明晰之處。儘可函詢也。此復。卽頌

近佳。姊某某手泐

致兄函

詢問
病狀

大哥大人尊鑒。昨接

手示。知近患腦炎頭眩之症。請假調治。甚爲懸懸。未知邇來
已稍愈否。吾

哥體質素弱。而又生性好勝。銳意攻苦。自必不能支持。妹音
學問固爲重要。而身體亦不可不慎重。衛生求學。理宜兼

婦女界 家庭類

願勿過於勤奮。有妨體育。區區之愚。願吾

哥垂納焉。妹在校一切如常。春假雖爲日無幾。仍擬回家一行。吾

哥屆時歸去否。有一星期未得家書。

哥處何如。念念。手此。卽請

痊安。妹某某謹啟

致弟函 規其勤學

二弟手足。昨日某某表叔回。帶到

手書。備悉一一。並由某某表叔述及吾

弟近狀。據云因請假扣分稍多。季考未能前列。吾

弟素性愛好。決不致以嬉遊而荒學業。或者同學日廣。酬應較繁。然青年時代。一刻千金。至可寶貴。古人所以有少壯不努力。老大徒傷悲之歎。且

母親勸懇。懇期望於吾

弟者。至深且切。務望及時憤勉。勿以他事分求學之心。得暇時。寄信回爲盼。此頌

學安。姊某某手啟

訓子

勤於
職務

某某收覽。連接汝兩信。知已於某日到店。一切安好。甚慰。汝初次出外就事。好壞成敗。關係一生。宜格外小心自愛。

婦女界 家庭類

予所欲爲汝告者。對於店務。以勤勞爲主。遇事勿推諉。貪懶。能盡一分。則盡一分之力。東家待汝甚好。汝總須勤勤懇懇。勿辜負他一片厚意。對於同事。以和氣爲主。與己不涉之事。切勿從旁干預。至議論他人之長短。尤爲切忌。汝家寒素。汝自己一身。應抱定儉僕主義。勿一到外間。卽沾染浮華之習。在店無事。可練習書算。以備日後之用。予撫汝至今。惟望汝能早日成立。支撐門戶。於願足矣。勉之。

某月某日母字

訓女

盡婦道

長女收覽。昨接汝來稟。並所寄茶葉藕粉各物。均已收到。

予近來身體甚健。飯量亦好。可勿置念。汝在壻家。起居動作。一切宜遵循禮法。尤須善承色笑。上博。

翁姑之歡。至對於小姑小叔。應互相親愛。出以肫誠。須知出嫁與在家不同。予臨別時。叮嚀囑咐之語。汝當勤記在心。勿稍忽略。廿年撫養。一旦遠別。予心刻刻不安。但願汝夫婦和諧。家庭雍穆。予在遠道聞之。亦欣然色喜矣。秋間汝二哥自閩中回。予當令其繞道視汝。平時勤寫信回。以慰予念。至要。某月某日母字。

學校類

稟告考試升級情形

婦女界 學校類

母。父。親。大。人。膝。下。敬。稟。者。前。上。一。稟。諒。邀。

慈。鑒。許。久。未。接。奉。

來。諭。不。識。

福。躬。康。健。否。弟。妹。安。好。否。不。勝。孺。慕。女。到。校。試。讀。已。達。兩。月。前。日。校。中。分。門。試。驗。以。女。程。度。極。好。拔。入。第。二。年。級。同。時。升。級。者。有。五。人。女。幸。列。第。一。雖。一。時。頗。蒙。

校。長。嘉。許。而。以。後。功。課。能。否。及。格。尙。不。可。知。甚。爲。擔。心。惟。有。格。外。勤。奮。自。勵。而。已。天。氣。漸。暖。妹。未。攜。單。衾。衣。現。急。於。待。用。請。

大。人。檢。出。後。遇。便。帶。來。餘。容。後。稟。叩。請。

福安。女某某叩稟

託詢校中招考插班章程

某某表姊大人惠鑒久違

芳範。馳系爲勞。近想

潛心學業。日有進步。無任豔羨。去秋吾

姊赴校。妹本有意偕行。而慈親適發某某舊恙。未便遠離。

因此羈遲。遽將一載。自念年已十二。正爲吃緊求學之時。

大好光陰。不忍虛擲。

貴校今秋須招插班否。如何章程。敬乞

代爲探示。以妹之程度粗淺。未知可列入第幾年級。舍間現

婦女界 學校類

均安好。勿念。專此奉託。佇候。

回玉卽請

學安。表妹某某鞠躬

勸姊妹入學

伯母大人尊鑒。睽隔

慈顏。時深孺慕。邇維

福躬清吉。闔宅平安。爲頌。二妹姿質聰穎。聞近來頗購取

書籍。在家誦習。據姪女愚見。似可送入就近學校。蓋校中

上課休息。均有一定時間。功課分門分日。逐次講授。由漸

而進。秩序井然。且同學日多。互相切磋。亦得觀摩之益。似

較在家自修。更有興味。進步亦速。嘗聞吾師講述。舊俗婦女。政專闖內。德重陰柔。身體囹圄。性靈桎梏。雖有貞靜專一之嫻。終乏博通明哲之材。種種謬誤。致全國社會。進步較難。非無故也。方今科學發明。男女並重。人人皆應入學。即人人當具世界常識。所以二妹入學一事。姪女以爲切不可緩。

伯母明見。當以爲然。母親近來精神極好。擬於暑假時。挈姪女回里一行。囑筆問候。餘容續稟。敬請

福安。姪女某某謹稟

切磋 詩經如切如磋言彼此互相研究也

婦女界 學校類

學費不敷請家中籌寄

父親大人膝下。敬稟者。接讀第四號

手諭。敬悉

福躬康勝。

大哥在浙安好。公事亦極順手。深慰孺系。校中

近添縫紉烹飪兩科。注重家庭實用。同學均極滿意。女因

添購書籍用品。攜來之款。已將告罄。懇請

大人籌寄十元。由郵局匯下。家境非裕。女稟受

明訓。素知艱難。決不敢作無益之浪費也。暑假將近。現正溫
習舊課。預備考。試。大約七月半前。可以回家。餘容續稟。

敬請

福安

女某某謹稟

告罄

罄盡也

詢問東洋遊學情形

某某學姊大人惠鑒。春初河干送別。不盡依依。屈指分襟。已逾

三月。想

乘槎負笈。別饒勝概。學業進步。更不待言。妹自吾

姊行後。切磋無人。益增孤陋寡聞之感。當日促膝談心。本有
追隨之約。一爲念及。中心怦然。未知遊學資斧。從至節省
者計。每年須用若干。妹志在學醫。以何校爲善。約須幾年
畢業。學費不較重否。一切情形。統求

婦女界 學校類

惠函指未。以詳盡爲妙。望風引領。不盡欲言。敬頌

旅祺。竚候

玉復。

妹某某鞠躬。

資斧

即費用也

答詢東洋遊學情形

某某學姊大人惠鑒。別後雖未貢箋。而寸心馳念。無時或釋。忽奉

瑤札。歡慰逾恆。妹來此雖已三月。因摒擋宿舍。預備東語。光陰大半虛擲。求學一著。現始著手進行。留東學費。並不甚昂。如處處節省。每年得四五百番。足可敷用。醫學一項。爲

女子職業中之最相宜者。吾

姊有志於此。足見決擇精審。殊甚爲贊同。承

詢何校最善。一時尙未能諗悉。稍緩當詳細探訪。爲確實之
報告。甚盼

文駕速臨。海天夜話。多一知心良伴。其樂何如。先此奉復。敬

請

侍安。 姊某某鞠躬

摒擋

卽料理之意

校中開遊藝會。敬贈入場券

某某吾姊惠鑒。連日校課甚忙。以致久疎把晤。甚念。聞某某言

婦女界 學校類

吾

姊下學期將受某校之聘。所擔任之功課若何。鐘點若何。不甚辛苦否。得績學如

姊者。主持講席。該校可謂得人。下星期六。敝處集全體學生。開遊藝會。奉上入場券四紙。敬請

玉趾惠臨。以增光寵。如學友中有願枉顧者。請約同偕蒞。尤所歡迎也。此上。卽頌

著綏。 妹某某鞠躬

約放假後結伴回家

某某仁姊英鑒。前星期日。荷承

枉過。暢領。

蘭言歡洽無似。殊連日溫理舊課。預備受試。常至夜深始息。

所謂臨時抱佛脚也。吾

姊聞之。得毋笑其拙陋否。敝校期考。約於某日可竣。

貴處想大率相同。放假旋里。意欲結伴同行。以免途中寂寞。

且可互相照應。未識許其附

驥否。先此奉約。得暇再當趨譚。順頌

硯祉。妹某某鞠躬

約觀某校成績展覽會

某姊惠鑒。比來小病。懶於出門。而吾

婦女界 學校類

姊復伏案埋頭。勤學不輟。未敢以清談荒擾。

文課諒之。頃間某姊過我。談及下星期日。某校開成績展覽會。該校程度極高。名譽卓著。其刺繡圖畫手工諸科。尤多精美絕倫之品。妹久靜思動。聞此佳製。急欲一飽眼福。遂細摩挲。吾

姊如表同情。請於是日在寓相候。妹當趨前偕往。展覽之餘。互相評證。亦一樂也。肅泐奉約。順頌

學安。妹某某鞠躬

摩挲

即拂拭展玩之意

賀人畢業

某某仁姊愛鑒。一燈相對。正切懷人。忽接
蘭緘。歡如面覲。就論此次畢業考試。吾

姊名列最優等。錦標奪得。不負數年負笈。一番勤學之心。逃

聽

好音。不勝豔羨。以

姊之才情績學。出膺教務。必受各校歡迎。如

設帳有方。深望卽行函示。妹家務紛纏。未能擺脫。得暇偶以
一編自遣。終愧見聞淺陋。難窺堂奧。茲偶成懷人詩四首。

信筆塗鴉。錄呈

一 粲希卽

婦女界 學校類

指示謬誤。能得和章。尤所欣幸。手泐。卽頌

吟安。 妹某某鞠躬

錦標奪得

古詩果然奪得錦標
歸卽考取前列之意

堂奧

奧屋隅也卽升
堂入室之意

勸人勿中途輟業

某某學姊惠覽。自

姊行後。無日不思。甚盼

早早銷假。一堂聚首。乃望眼將穿。而

芳踪闐寂。近聞傳述吾

姊畏校課繁重。有不復前來之說。果爾則非特同學中。失一

良友而中途輟業。前功盡棄。竊爲吾

姊所不取。大抵無論作何事。必須立志堅定。不存畏難之見。

況研求學問。初雖苦其困難。漸久亦復自安。入後更左右

逢源。別有樂趣。此非妹好作妄言。吾

姊姑留數月。當知此說之不謬。恃

愛進規。惟希

鑒納爲幸。手肅。卽頌

近祉。妹某某鞠躬

左右逢源

孟子資之深則取之左右逢其源言無往而不自得也

勸人勿中途轉學

婦女界、學校類

某某學姊愛鑒。日昨匆匆晤敘。未暢所言。吾

姊此次改入某校。持之有故。言之成理。而姊竊未敢贊同。因欲再貢其愚。以資研究。以

姊清才慧質。自視甚高。遂致不慊於本校之課程規則。然所選擇之某校。亦僅觀其表面。安論其內容之必勝於本校耶。且妹平日涇涇之愚。謂吾輩求學。首貴有恆。若乏堅定之力。東馳西鶩。必難得益。虛矯之氣。每易中於

高明。願吾

姊息心一思。妹相處有素。深不願一朝失此良友。故敢冒昧進瀆。有當與否。尙候

卓裁。手肅。敬請

刻安。 妹某某鞠躬

不慊 不滿
意也

託購參考書

某某表姊英覽。春初

文駕遠行。把袂話別。兩情依依。轉瞬半年。寤寐間時形懷想。

邇維

主持講席。樂育益闋。爲慰。妹肄業某校。勉及畢業之期。願以
天資愚闇。隨班聽講。了無心得。正恐屆時受試。及格爲難。
而輿地一門。荒疎尤甚。不能不先期預備。以當佛脚之抱。

婦女界 學校類

聞中華書局有中華地理全誌。精確詳盡。爲參考書中。最善之本。敬煩

代購一部。卽速交郵寄下。以資應用。書價若干。當照數送請尊府收入。專此奉託。卽頌

講安。愚表妹某某鞠躬

請人充任教員

某姊偉鑒。溯自往年某處一晤。備聞

某姊談及

霏金屑玉之談。傾佩私衷。於今耿耿。日昨

文駕自從杭校歸後。息影家園。優游文史。想

甄綜羣籍。所詣益闋。仰止何似。敝校開辦已及三載。尙爲發

達。今年添設師範保姆兩科。來學者尤衆。而教員難得。常患乏才之歎。吾

姊英算專家。意欲以一席奉屈。未知

尊意如何。倘若有意俯就。則所有詳情。當於第二次函中備述。率爾陳請。尙希吾

姊恕其冒昧爲幸。肅布敬請

閨安並候

玉復。妹某某鞠躬

仰止

詩經高山仰止
與景仰之意同

答允充任教員

婦女界 學校類

某姊惠覽。頻年契闊。正切懷思。一昨接展

瑤函。備承

獎飾。愧不可言。遠在一隅。迭聞傳述。

貴校開辦以後。發達非常。莘莘學子。翕然向化。足徵吾

姊熱心教育。布置周備。乃不鄙空疎。欲以教務見諉。妹心欽

偉。略得追隨。

賢者之後。增長學識。爲幸已多。但恐腹儉才庸。不稱厥職。轉

損

貴校之名譽耳。既承

過愛。謹如

來命仍候

續示俾有遵循肅復敬請

道安 妹某某鞠躬

契闊

詩經與子契闊即彼此分離之意

腹儉

儉即空疎之意

問候同學患病

某某學姊惠鑑。前日到校。候至搖鈴上課。未見

文駕前來。正深疑訝。後聞同學述及吾

姊以玉體違和。具函請假。轉瞬三日。未知所抱何恙。是否延

醫診視。急欲得其詳情。天時寒暖不常。本易致疾。而吾

婦女界 學校類

三七

姊平日伏案修業。勤劬過甚。自易損及

清神。深盼

善自珍攝。早日霍然。星期得暇。定當趨

府奉候。先此馳問。卽頌

痊安。 妹某某鞠躬

答謝同學問病

某某學姊愛鑒。接奉

玉函。深蒙

眷注。感感。妹於上星期晨起。陡覺頭熱身重。不能支持。祇得
於次日具函請假。原以爲偶爾感冒。休息一兩天。卽可霍

然。不料壯熱不退。遍體發現紅痧。請某某醫生診治。據云
宜先從表托入手。洩其餘毒。再謀調養。非三四星期不能
痊。可久荒校課。心甚焦急。星期日吾

姊能來此一談。最所企盼。惟勞動

玉趾。殊抱不安耳。同學中有詢及病狀者。請爲

轉告。草此布復。順頌

學安。 妹某某手啓

送別同學出洋

某某學姊愛鑑。聚處數年。備獲

切磋之益。忽聞遠別。心爲黯然。吾

姊績學慧才。久爲同輩所欽仰。今復懷抱遠志。作乘風破浪之舉。將來學成歸國。必爲女界放異彩。豔羨何如。殊株守窮鄉。不克附。

驥長行。廓胸襟而開眼界。此後花晨月夕。眷念良友。離索之感。烏能已已。課餘偶成送別詩兩章。聊以抒懷。

錄呈

一粲。明晚會當登輪走送。面罄離悰。手肅敬頌。

行安。 妹某某鞠躬

約人偕往問候同學

某姊惠覽。數日未晤。甚念。頃接某某姊手書。知已於昨日到。

滬。以途次感受風寒。未能外出。多年舊友。忽聞戾止。急欲
一爲握手。快傾積愫。吾

姊與某某交好之誠。不亞於妹。想亦聞而色喜。具有同情。
爲此專函走約。能否於明晨

枉過敝舍。一同駕車前往。不速之客。作竟日談。其樂何如此。
上。卽頌

刻安。妹某某鞠躬

不亞也。亞次

不速之客。謂不期而
來之客

託人介紹教職員

婦女界 學校類

某某先生賜鑒。睽違

講席。半載於茲。依戀之誠。無時或釋。想校務日形發達。

先生主持其間。必倍增辛苦也。某畢業回里。頗思於教育界

中。稍盡義務。爰組合同志。籌集經費。創設某某兩等小學

一所。定於秋季始業。現方從事招生。各門功課。除由某及

同志二人分別擔任外。其手工圖畫一席。尙在延訪。

先生春風桃李。甄陶甚廣。如意中有相當之材。可爲介紹者。

不勝歡迎。月薪未能從優。約在二十元左右。并以附

聞。專肅敬請

教安。學生某某謹上

春風桃李

桃李經春風而發育借喻及門受業之弟子也

勸人子女入幼稚園

伯母大人尊鑒。屢次晉謁。得仰

芝顏。備承

優待。感甚。某姊述及

伯母於縫紉烹飪之餘。親自督課。某某二妹。使幼年時代。

得受家庭教育。誠爲幸福。惟姪女愚見。

伯母既以家政勞形。又分心於教。授。未免有乖。

頤養之道。此間校內附設之幼稚園。設置完備。訓練得宜。加

送入肄業。似爲一舉兩得。好在校址距離

尊府甚近。朝夕往返。亦無不便之處。未識

尊意以爲何如。素蒙

垂愛。用敢冒昧。瀆陳。敬希

鑒察。爲幸。肅請

福安。姪女某某謹啓

致同學借書籍

某某學姊愛鑒。連日校課甚忙。以致未暇走訪。想

起居安善。爲慰。敝校所講地理。現已授至外國之部。妹於世界地理。向未研究。記憶力又苦薄弱。遂覺聾牙詰屈。得此失彼。必有提綱挈領之方。以爲得尺得寸之計。究竟何書

最爲簡明。便於參考。吾

姊精於此學。伏懇指示迷途。并假以應用書數種。俾有所著

手。不致腦漲目昏。望洋興歎。感

賜多矣。手泐奉懇。順頌

著安。某某鞠躬

聱牙詰屈

韓文周詰般盤詰屈
聱牙言其難讀也

得尺得寸

得尺則尺得寸則寸
言逐漸進步也

望洋興歎

即茫茫大海無
從進行之意

社會交際類

託人購縫衣機器

婦女界 社會交際類

某姊惠鑒。闊別經年。至深馳系。因未知

設帳所在。迄未通函。昨某姊來談。始諭吾

姊近就滬上某校之聘。校生共分幾班。擔任鐘點若干。不十分繁重否。妹分袂以來。牽於家計。昔日所修學業。竟已大半拋荒。言之滋愧。竊思今日女界。狃於宴安。不求自立之方。遂致見輕於社會。妹學殖淺薄。不能從

諸姊妹之後。廁身教育界。分擔責任。惟有勤求生計。脫除依賴積習。盡吾力之所能爲而已。吾

姊聞之。得毋笑其陋否。茲託購勝家公司縫衣機一具。該公司。有分期繳款之條。請

代爲磋商。能照定價稍廉最妙。先帶上洋五十元。餘款俟接
示後續寄。該機購定。卽交由公司代運可也。瑣事奉瀆。
勿責爲幸。此頌。

著綏。妹某某鞠躬。

狃於宴安

狃習也。即習於安樂不肯事事之意。

託照顧家事

某某表嫂大人粧次。秋初赴校。適值吾

嫂歸寧。未能面別。悵甚。卽維

侍祺曼福。闔祉延床。爲慰爲頌。妹碌碌如舊。幸校課不甚繁
重。勉可支持。昨接家慈來諭。因感受風寒。時發喘嗽。妹

婦女界 社會交際類

四七

心懸兩地。魂夢不安。而校中人少。一時未能請假。言旋。舍弟又已赴某處就學。慈母年高。無人侍奉。思之焦灼。萬不得已。懇請吾

嫂時過舍間。代爲照料。妹感激無地。日後假歸。容當泥首叩謝。專泐奉懇。敬請

坤安。 妹某某鞠躬

答允代爲照顧家事

某某表姊惠覽。別來正深馳念。昨接

手函。知

姑母大人福體違和。囑爲就近奉侍。此本嫂氏應盡之責。何勞

諄託。

姑母大人前因畧受感冒。身熱咳嗽。後延某醫診視。服藥二劑。漸就霍然。曾命轉致吾妹。勿庸請假歸省。致多往返。舍間距離。

尊府甚近。嫂得暇即趨前問安。可効勞者。無不盡心力爲之。

無煩。

遠注。專此奉覆。順頌。

旅安。愚表嫂某某鞠躬。

贈送新小說

某某學姊青覽。自校中畢業以後。彼此分張。離緒羈愁。滿懷悵。

婦女界 社會交際類

四九

觸。回。念。昔。時。晨。夕。相。共。角。藝。談。文。此。樂。渺。難。多。得。而。吾
姊。在。里。既。獲。家。庭。之。樂。復。有。某某。姊。妹。數。人。互。相。過。從。談
笑。爲。歡。以。視。妹。之。一。身。遠。客。舉。目。蕭。然。者。奚。可。以。同。日。語。
妹。雖。值。星。期。課。暇。亦。復。謝。絕。遊。觀。閉。戶。蟄。居。藉。一。編。以。自
遣。茲。新。得。中。華。書。局。出。版。小。說。界。數。冊。繙。閱。之。下。覺。莊。諧
間。作。情。文。並。茂。堪。稱。說。部。鉅。製。急。另。購。一。分。爲。遠。道。之。貽。
想。吾

姊。見。之。亦。必。擊。節。歎。賞。愛。不。忍。釋。也。風。便。乞
賜。德。音。無。任。企。盼。肅。請

侍安。 妹某某鞠躬

棖觸

與感觸之意略同

贈送幼稚恩物

嬉母大人尊鑒。久別

慈顏。至深馳系。惟

闔祉吉羊。闔家安好。爲頌。姪女自來滬後。晝則出就校課。夕則篝燈侍。母優游愛日。頗得家庭之樂。而 母親以心

境開豁。舊疾不發。身體遂較前健全。足紓

綺注。昨得 大弟來信。知 某弟某妹。均於上月送入幼稚園。想天資穎悟。迎機引導。必有一番活潑景象。膝前嬉戲。大人當亦顧而樂之也。茲選購此間幼稚恩物數組。隨郵寄

呈以備獎借之用。母親云秋涼以後欲迎。

大人作滬上之遊。藉圖小敘。未知能見允否。肅稟敬叩。

福安。姪女某某謹稟

託詢某醫院章程

某某表姊粧閣。月初接到

手書慰詢。家母病狀。因心緒不寧。遲遲未復。罪甚。家母病體。歷三月。易醫數人。時重時減。迄未獲有效果。且家中喧囂。不便養病。據姑母等相勸。謂不如遷入醫院。息心靜養。以冀速痊。究竟滬上醫院林立。西人所設。與吾國自設者。孰爲相宜。章程規則。何處最爲妥善。價目適中之

數約需若干乞

代詳細探聽。速卽賜示。以便定奪。屆時妹當稟知。家母隨

侍前往也。吾

姊近體何如。校課不甚忙碌否。秋風多厲。善自葆衛爲盼。此頌

近安。愚表妹某某鞠躬

答復并勸入院養病

某某表妹如晤。頃得

復書甚慰。

姨母大人病體既歷久未愈。自以來滬爲宜。

婦女界 社會交際類

託詢醫院。經姊詳細探訪。皆云城內中國公立醫院。名譽卓著。章程妥善。中東人之設立者。雖有數十處之多。成績亦斑斑可考。然中外體氣。究不甚同。爲鄭重穩妥計。似不如就診本國醫院。院中空氣清潔。地址寂靜。於養病最爲相宜。包一房間。每日約費兩三元。親屬亦可隨侍。茲寄去該院簡章一分。如商定後。何日動身。乞

先期示知。姊當至車站相接。吾

妹同來。尤善復頌。

近佳。愚表姊某某鞠躬。

姨母大人前代爲叩安。

勸人儉樸

某姊愛鑒。頃接

手書。知

起居安吉。甚慰渴念。

囑代探聽各節。皆粧飾品之屬於洋貨者。審美之性。爲吾人所同具。不必諱言。惟近來社會風尚。多趨重舶來品。殊不知吾國固有之絲織物。色澤鮮明。經久耐用。有突過於洋貨者。同一適用。舍彼就此。一轉移間。亦足以保國貨而塞漏卮。至於妹之愚見。衣飾首重清潔。似無須過於講求。致蹈華靡之習。失儒素之風。彼此至好。偶有所觸。不敢不質。

直言之吾

姊勿笑其迂拙也。詢件另單開列。并附以己意。候
採擇之。復頌

閨安。 妹某某鞠躬

舶來品

謂由船舶運來之物。指洋貨也。

漏卮

卮。杯也。謂無底之杯。入水則漏。

勸人注意慈善事業

某某賢妹如晤。日昨 某某來帶到

手書。詢及近狀。詞意殷拳。不忘舊誼。深爲感慰。妹因境遇激刺。捐除俗慮。專注意於慈善事業。明知棉薄。無濟於事。然

不敢放棄責任。盡吾力之所能及而已。年來創設貧兒院一所於本境。初起時規模甚隘。近則逐漸擴充。已容納生徒八十人。循循訓練。授以知識技能。使之各能自立。吾輩女子。無事功之可言。惟組織慈善團體。竭力奔走。冀稍裨補於社會。以彌吾心之缺憾。願吾

妹體會此意。一共勉之。餘不多贅。即問

近佳。某某手泐

勸人注重女子職業

某姊惠鑒。頃奉

賜函。敬悉。吾

婦女界 社會交際類

姊妹熱心教育。糾集同志。創設女子小學一所。嘉惠女界。甚盛。

甚盛承蒙

不棄。以辦學方法。下徵意見。如妹空疎。何敢妄參末議。然既

經

垂詢。則亦姑貢其一得之愚。竊謂女界積弱之因。在於倚賴之性太重。若人人能自謀生計。具獨立之精神。則不言平權。而自達男女平權之分際。故主持教育者。當注重於實業的。平時教授。處處養成其生活之能力。灌注以職業之思想。俾離校以後。各有一藝之長。足以自給。似與侈談文學無裨實用者。較勝一籌。妹執持此論已久。未知吾

姊聞之。以爲何如。草泐布臆。順頌。

教安。 妹某某鞠躬

勸人無作無謂之迷信

某姊惠鑒。日前

枉臨寒舍。正擬辱

留午餐。暢談衷臆。乃以齋佛茹素爲辭。匆匆告別。未盡所懷。

吾

姊素性通豁。何亦隨俗迷信如是。至深惶惑。彼釋家所持理論。固亦有微妙之談。發人深省。未容一概抹卻。然大旨以空寂爲宗。頹人志氣。似不宜於今之世局。卽或借彼學說。

婦女界 社會交際類

導養性靈。亦無須膜拜頂禮。拘拘於無謂之浮文。吾國女界。向以燒香佞佛。騰笑社會。正賴吾輩矯而正之。賢智如姊。而亦不能跳出此範圍。更何以解於庸俗。心有所知。不敢不告。伏望

三思之。草泐順頌。

閩祉。 妹某某鞠躬

膜拜頂禮

謂合掌參拜佛像也

託代辦結婚贈品

某某賢姊粧閣分袂以後。兩易蟾圓。遙憶

芝顏。時縈寤想。邇來

起居何似。念念。妹家居待。母一切託。

庇粗安。惟舊時所受學業。多半拋荒。不免有獨學無友。孤陋寡聞之感。茲有舊同學某某女士。將於下月初旬。行結婚嘉禮。知交姊妹。理宜畧備贈儀。以伸歡賀。而此間僻陋。鮮當意之物。特寄上英洋十元。煩吾

姊代爲選購粧臺用品。鮮明華麗者四色。價值稍昂。亦所不計。購妥後。覓便帶下。瑣瀆。

清神不安之至。專此奉託。順頌。

儷祺。妹某某鞠躬。

約參觀文明結婚

婦女界 社會交際類

某姊英覽。連日陰雨。嬾於出門。以致距離較近如吾

姊處。亦復久疎把晤。將及兩星期矣。本月某日。某姊與某

君假辰虹園行文明結婚禮。

尊處想已接有請柬。舊時手帕之交。際此嘉禮。不可不躬逢
其盛。意欲結伴偕往。至吾

姊素工文藻。或預備頌詞一首。屆時宣讀。以爲會場之點綴。
增來賓之光寵。未識有此

雅興否。某某諸姊妹晤及時。亦請代邀聯袂而前。較爲熱
鬧。專此奉約。順頌

儷祉。 妹某某鞠躬

約同伴出門

某某表姊青覽日前奉家慈之命遣李媽走送滿擬

蓮輿惠賁得可暢談乃因事見卻徒勞悵望聞吾姊回家之期定於月半前後而妹昨接校中來信十六開課計算時日大致相同意欲結伴偕行沿路既得吾

姊照料亦可無慮寂寞如行期確定敬乞

先日示知俾得預備家慈云回家以前能來會一敘尤所企盼此上即請

刻安 愚表妹某某鞠躬

懇人書畫

某姊愛鑒。自上月某校開音樂會。得侍

一清芬。傾遲靡已。後又在 某姊處。見

尊繪之水彩畫四幅。運筆入神。栩栩欲活。耳目爲之一新。把

玩之餘。愛不忍釋。當時卽欲託 某姊轉求。據云適當校

務冗忙之際。未便瑣瀆。稍緩當爲面懇。乃 某姊忽接家

書。匆匆旋里。妹奢願成虛。不勝懊喪。迫難久待。遂自忘其

冒昧。徑直瀆陳。可否

鑒其傾慕之忱。勿吝珠玉。紈扇一柄。箋紙一束。倘於

興到之際。隨意一揮。則美術留遺。不啻

百朋之錫矣。手懇卽請

著安。 妹某某鞠躬

栩栩欲活

栩栩蝶飛舞之狀
喻畫筆之生動也

百朋之錫

詩經錫我百朋
極言其貴重也

託人購帶物件

某某賢姊愛鑒。上月陳家二姊回里。帶到

手書。敬悉。

侍祉康娛。儷祺安適。頻年懷想。頓慰私衷。妹家居碌碌。清時
麗景。半消磨於米鹽瑣屑之中。殊爲可哂。幸賤體耐勞。粗
堪支拄。聞

蓮輿將於歲底錦旋。茲有託購之物數種。務懇照單配就。如

遇妥便。先行帶下亦可。否則逕俟屆時。吾
姊攜來可也。瑣事煩瀆。容後晤謝。手泐。卽頌

閨安。 妹某某鞠躬

招學友下榻

某姊英覽。頃接

手函。知將於月底到寧。投考某校。頻年契闊。得復晤敘。慰甚。
吾

姊來此。無多耽擱。寓做儘可下榻。屆時。妹當遣人至車站相
迎。萬勿

稍存客氣。彼此姊妹。可以暢敘衷曲。此間名勝。亦可稍事遊

覽。妹正苦岑寂。自聞此信。不覺欣然。掃除以待。佇盼
惠臨。餘俟而譚。卽頌
旅祉。妹某某鞠躬

尺牘大全 卷六

普通社會界

問候類

問候祖父母

祖父母大人尊前。敬稟者。叩違。

慈範。倏已旬餘。遙維

福履勝常。精神矍鑠。慰符孺慕。孫男自到此間。勤勤懇懇。盡心職務。不敢稍涉荒嬉。致違

大人臨別時之面命。飲食寒暖。自知當心。請勿置念。

普通社會界 問候類

大人春秋已高。伏乞隨時頤養。孫男不克在家侍奉杖履。深以爲歉耳。肅稟。祇叩。

福安。孫男某某敬稟。

矍鑠。康健也。後漢馬援傳。矍鑠哉。是翁也。

頤養。保養也。

問候父母

母父親大人膝下。敬稟者。不奉

慈諭。一月於茲。孺慕殷殷。無時或釋。遙維

福躬康健。闔宅平安。定符私祝。男所謀之事。雖承友人某君

極力介紹。尙未就緒。倘托

大人福蔭得一位。自當即日馳稟。以慰遠系。弟妹均好否。大哥有無信回。至以爲念。肅稟敬請。

福安。男某某謹稟

問候

叔伯

叔伯 父大人尊前。前日接奉

手諭。敬諭

福體安和。百凡迪吉。至慰孺系。姪羈遲在外。屈指已八閱月矣。亟思回里省視。而事務蝟集。迄今未能如願。家中一切均荷。

大人代爲照料。俾遠遊者無內顧之憂。感戴奚似。天氣漸寒。

大人可常服滋補之品。如有所需。請即開示。姪當購就寄回也。肅稟敬請

福安。姪某某上稟

蝟集

即叢集也

內顧

迴首曰顧。內顧言回視家內事也

問候師長

夫子大人函丈。睽遣

絳帳。裘葛疊更。每企

雪門。時縈遐想。敬維

禔履延鴻。

潭祺綏燕。

臬比坐擁。霑化雨者益多。而著述發明。亦必日形宏富。翹瞻
泰斗。殊切溯洄。某驚下之材。得有一知半解。廁足於社會者。
無非吾

師提攜之力。惟頻年奔走。筆墨久拋。學殖荒蕪。自慚形穢。倘
於講授之暇。錫以訓言。則雖

槩範莫親。仍不啻

春風坐我。其爲慶幸。曷有旣極。肅泐寸稟。恭叩

崇安。惟祈

垂察。受業某某謹稟

普通社會界 問候類

皋比坐擁

皋比即師位所設之坐具

春風坐我

我於春風之中言受師之涵育有如春風也

問候姻世伯

某某^{姻世}伯大人尊鑒。當日叩別

芝顏。忽忽上道。一路平順。於某日抵蘇。勿勞

錦注。比維

履綦集祐。

潭祉凝庥。慰符下祝。姪家貧親老。不得已而橐被遠遊。兩地

心懸殊深。悵惘尙望

推屋烏之愛。時過寒門。

照拂一切。感激不僅身受矣。肅泐奉懇。敬請

台安不備。姻世小姪某某鞠躬

屋烏。言愛其屋以及其烏也。即推愛之意。

問候岳父母

岳父大人膝下。敬稟者。久依

慈宇。一旦睽離。傾慕靡窮。寸衷結轡。近想

大人福體較前康勝。闔宅亦均清吉。壻初次上道。一切舉動。

自當格外小心。惟令愛驟離

左右。終日悵惘。如有所失。壻惟有隨時勸慰。稍釋其孺慕之

忱。尤望

普通社會界 問候類

大人時頒函諭。詳細指示。庶幾千里睽違。亦復如親色笑耳。肅修寸稟。虔請

金安。

靖某某謹稟

結轡

謂鬱結不解也

問候兄長

大哥大人尊鑒。別後登舟。適值風勢不順。一路延擱。昨始抵杭。當卽乘輿至姑丈公館。久別相逢。極承優待。并殷殷詢及

吾

哥近狀。弟當將家中情形。約略稟告。至吾

哥新添一姪。姑母聞之。尤爲欣喜。弟初次出門。客中寂寞。憶

頻年聚處之歡。月下燈前。時增悵惘。吾

哥手足情深。當必具有同心也。先此馳布敬請

雙安。弟某某謹上

問候友朋

某某仁兄大人閣下。自訂

蘭交。頓開茅塞。方擬

音塵。日接。獲益

他山。乃以飢來驅人。黯然就道。河梁揖別。不盡依依。比想

榮問休暢。

道履清嘉。

普通社會界 問候類

揮塵飛觥。日饒勝概。弟俗事牽率。人海浮沉。車腹船唇。坐銷

歲月。追念揶揄。聯襪送抱。推襟往事。如煙。舊歡難續。離懷

枵觸。結轡五中。尙期

時惠音書。不遺在遠。秋風多厲。百凡

珍衛敬承

動定不盡欲言。弟某某鞠躬

他山 詩經他山之石可以攻玉 言交友之益也

飢來驅人 言得為不飢寒所迫

揮塵 塵拂也 晉謝安揮塵談玄 娓娓不倦

問候東家

某某先生大人閣下。久依

仁宇。備荷

青垂。

適館授餐。百凡周至。別後追憶。覺

賢主人之德誼。山高水深。銘感五中。無時或釋。比維

杖履休嘉。

動定協吉。爲慰爲頌。某久關鄉閭。一朝遄返。諸務蝟集。連日奔走料量。稍有頭緒。一俟所事告竣。定當即日束裝。重親

道範。不敢久羈。致勞

盼望也。先此馳候。敬請

普通社會界 問候類

台安。惟

照不備。某某鞠躬謹啟

青垂

晉阮籍能為青白眼意合則以青眼對人故今稱善待人者曰垂青眼

蝟集

如蝟之集言其多也

問候出洋友人

某某先生大人閣下。滄瀛間隔。莫接

光儀。回溯

朋簪。徒縈夢轂。比諭

旅祺。籌祉。皆大吉羊。

遊覽所周。見聞日拓。故鄉遙聽。莫罄怵歡。弟浪跡風塵。依然

故我年華老大百無一成。卽近狀之邇回對

知交而增愧。偷荷

不棄時損

文鱗。開拓心胸。藉資興感。尤所日夕盼禱者耳。肅候

興居。諸惟

愛照。弟某某鞠躬

朋簪 易經朋盍簪盍聚也

邇回 楚辭蹇邇回而不能行言留滯不進也

問候未晤面者

某某先生大人閣下。久殷御

普通社會界 問候類

李未遂瞻

韓耿耿私衷。繇歷歲月。比維

鼎祺曼懋。

履菲延綬。望實兼隆。式如私頌。某抗塵走俗。浪跡四方。不獲

親謁

台階一聆

塵誨。每聞此間人士。語及我

公。同聲交譽。仰如

泰斗。深冀他日得暇。摳衣承

教。不見拒於

大賢寵幸滋甚。先此布候。敬請

台安。諸維

荃照。弟某某鞠躬

御李李指李膺其時荀淑以得與李膺同御為幸

瞻韓唐韓朝宗嘗為荆州刺史識拔後進士咸歸重之故李白上書有不願封萬戶侯但願一識韓荆州之語

泰斗泰山北斗景仰之至也

問候久別者

某某先生大人閣下。闊別

芝標。幾更歲。瑄兼葭秋水。悵望為勞。遙維

榮問休嘉。諸凡如意。弟煩襟莫滌。寂處寡歡。每念昔時文酒

普通社會界 問候類

高宴曲室清譚。此樂絲絲。有如隔世。重以嵇生疏嬾。函問

久疎。每欲伸紙握管。時復因事中輟。惟

鮑子知我。有以諒之耳。風勁歲寒。

善自珍攝。神馳

左右。不盡欲言。某某鞠躬

嵇生疏嬾

晉時嵇中散
康生性疏嬾

鮑子知我

管仲曾云生我者父母知
我者鮑子謂鮑叔牙也

慶慰類

祝人父壽

某某仁兄大人閣下。昨接

華東。欣悉月之某日。恭逢

老伯大人六秩攬揆之辰。

海屋添籌。華堂集慶。

萊衣晉爵。子舍承歡。惟

有德能享大年。亦

高門斯多餘慶。引企

華座。曷旣鬻軒。弟忝附子姪。理應登

堂介壽。而路程睽隔。事與心違。惟有整衣遙祝

康強逢吉。福履永綏而已。不腆微物。聊以將忱。至時伏乞

轉獻賞收。是爲至幸。肅修寸牘。恭叩

普通社會界 慶慰類

松齡並請

侍安百備。弟某某鞠躬

海屋添籌

海上有仙屋中居仙人以籌紀年每歲有鶴銜一籌於屋

萊衣

老萊子曾斑衣舞綵以娛其親

祝人母壽

某某仁兄大人閣下。昨某君自里來。敬諭月之某日。

屏開雲母。

日麗瑤池。

老伯母大人設悅良辰。

執事稱觴上壽。

萊衣晝舞萃

家慶於一堂。

慈竹風飀備

箕疇之五福。

盈庭珠履歡洽當筵弟瞻望

慈雲樞衣有願而睽違尺水捧罍無從。

天保九如徒殷心祝菲儀數色聊佐承

歡敬乞轉呈

莞納爲幸肅泐恭叩

遐齡並頌

普通社會界 慶慰類

尺牘大全 卷六

侍福百備。弟某某鞠躬

祝尊長壽

某某大人尊前。敬肅者。睽別

慈顏。莫名依戀。前呈郵稟。計荷

青垂。茲聞某月某日。爲

長者六旬大慶。

兕觥笑酌。

錫鈍嘏以賡詩。

鶴算欣添。識

曼齡之多福。親從羅拜。戚友稱觴。諒極一時之盛。某亟應

趨前叩賀并謁

起居惟因俗冗所羈。致難如願。茲謹具緞幃一軸。衣料兩襲。

交郵寄呈。聊申介祝。伏乞

哂納。雲天引領。心與俱馳。敬請

福安。祇叩

壽喜。順頌

潭吉。某某謹稟

祝同輩壽

久違

鴻範。馳仰爲勞。昨聞某君述及月之某日。爲

普通社會界 慶慰類

先生生申。今日遙想。

姿高海鶴。

興集敦槃。

安難老於大年。

獲殊祥於家術。風前引領。忭頌無量。某情殷獻。跡阻樞衣。

忝屬

知交。諒邀

鑒恕。郵呈微物。藉祝

九如。遠道將忱。禮輕情重。

笑而存之。是所至幸。肅賀。

壽喜並請

台安百益。某某鞠躬

生申

詩經惟嶽降神惟申及甫譽人之生日也

家術

術與巷同即家巷之間

賀人新歲

某某先生座右桃符條換。又報春聲。際茲樽盈椒酒之期。正值

瑞集

蘭階之日。

陽和在抱。

百祿來同引企

普通社會界 慶慰類

台階諸凡如意。某頻年奔走。虛擲韶華。故我依然了無佳狀。

天涯寄跡。適聞盈耳之歡聲。

雲樹遙瞻。謹上宜春之雅頌。肅修燕贖。用代趨登。恭請

台安。祇賀。

年禧。某某鞠躬。

賀人嫁女

正欲裁箋奉候。適奉

華東欣悉月之幾日。爲

令愛與某君結婚之期。某君青

年績學。久蜚聲譽。今與令愛珠聯璧合。洵可稱一雙佳

耦。而

先生得此快婿。妙選東牀。愉樂更不知何似。某叨附戚誼。極擬前觀。

盛禮。願以依人作嫁。俗冗羈纏。莫能如願。已寄函回舍。囑內子屆時挈兒輩登堂叩賀矣。附去微物四色。聊備添妝。勿

哂爲幸。手此奉賀。

大喜。卽請

雙安。某某鞠躬

賀人娶媳

芝儀久隔。天末懷人。

普通社會界·慶慰類

蘭訊忽來。好風送喜。敬諭某月某日。爲

某某世兄結婚之期。

先生世澤垂芬。

德門集慶。

訓關睢之三疊。

聆雛鳳之雙聲。

嘉禮初成。

吉暉在望。忭頌之下。深切神馳。某遠道攸羈。不獲趨附賓筵。

參觀

盛典。馳書奉賀。殊愧不恭。附奉菲儀。至祈

晒納專此敬賀

大喜順頌

潭安百福。某某鞠躬

雛鳳雙聲古詩雛鳳清於老鳳聲

賀人新婚

思深雲樹

喜卜燈花

好信傳來欣悉某月某日爲

吾兄合卺良辰際

嘉禮之初成羨

普通社會界 慶慰類

德門之集慶。

鵲橋竟渡。天上雙星。

鴻案相莊。人閒佳耦。

宜家宜室。以頌以欣。某遠隔一方。未能趨詣。

華堂陪觀花燭。徒於星月交輝之夜。遙想

琴瑟迭奏。燕婉倡隨。樂正無量。寄上箋對一副。繡屏四幅。不

腆微儀。聊用將意。肅此布賀。敬頌

雙安。並叩。

侍福。某某鞠躬。

鴻案。

梁鴻舉案相莊喻
夫妻相敬之意

賀人娶妾

遠隔

鴻儀神馳兩地。喜聞鵲報。戶燦三星。際嶺梅乍放之時。此句依時

令參用正

桃葉迎將之日。恭維

某某仁兄大人。玉山照座。金屋藏嬌。

花醉簾前。酌大斗而笑依鴻案。

香凝寢室。賦小星而喜抱衾裯。佇看

慶衍螽斯。不覺情殷燕賀。某鞅掌多勞。盛筵未預。幸

名花之有主。謹削簡以陳詞。薄具微儀。用助妝品。

• 普通社會界 慶慰類

笑而存之。是所至幸。肅賀。

燕禧並請。

台安。某某謹啟。

三星。詩經。疇彼小星三五。在東。蓋指娶妾也。

桃葉迎將。桃葉。桃根。俱王羲之妾名。有桃葉渡歌。

螽斯。詩經。螽斯羽。莘莘兮。以喻子孫之衆多也。

賀遷居。

某某仁兄大人閣下。兩地睽違。一心遙寄。忽承

雁訊。喜聽

鶯遷。即

仁里而優游卜

德門之昌大敬維

動定翔襪

興居集祜花爲四壁

春滿一庭好景當前

雅人深致某敝廬株守碌碌如恆他年天假之緣定當搢衣

趨門一窺

美富藉慰輞飢也肅箋恭賀順頌

道安不備某某鞠躬

輞飢詩經怒如輞飢
即渴望之意

普通社會界 慶慰類

賀人生子

某某仁兄大人閣下。不見

叔度。數月於茲矣。時從家報中。得悉吾

兄有添丁之慶。

祥叶熊占。喜爲雀躍。以

君清才邁俗。卓犖不羣。今更

天降石麟。頭角嶄然。他年

昌大門閥。繼

志象賢。自意中事。可爲預賀。某羈遲在外。際此筵開湯餅。未

獲親試啼聲。一聆

偉物心殊懸。懸。附寄帽襪數種。聊以賸書。至祈
管收爲幸。恭賀。

麟喜順頌

鴻安。某某謹啟

熊占

詩經維熊維
羆男子之祥

嶄然頭角

喻出人頭
地之意

賀生孫

某某先生大人閣下。久違。

塵教。正切神馳。接奉。

惠書。欣諭。

普通社會界 慶慰類

執事有抱孫之喜。

含飴足樂。

瓜瓞斯綵。觀茲

佳氣充閭。自必倍增清興。語云

爲善獲報。積德降祥。他年

頭角崢嶸。蔚爲大器。纘承

祖武。克紹宗風。後福正未可量。弟暮景日增。桑榆漸迫。兒輩

碌碌。尙無成立之期。後顧茫茫。殊切析薪之懼。以視吾

兄之子孫蕃衍。含飴繞膝者。豔羨何如。專泐奉賀。順頌

道安。某某謹啟

含飴但當含飴弄孫後漢書吾

析薪書經其父析薪其子勿克能繼承父業也

信人丁祖父憂

月前因某事。肅布一箋。久盼

還雲。乃接展訃書。驚悉

太老伯大人於某日棄養。裁畚之故。因是遲遲。伏念吾

兄稟承

祖訓善體

親心。方期祿養無虧。

大年克享。一旦捐離館舍。悲痛何如。某屬在知交。本不敢以

普通社會界 慶慰類

節哀順變之詞。強相慰藉。惟承家責重。義在守身。準理酌情。擔當。

大事。是所至盼。路遠未能趨叩。

靈前。謹具芻儀。希為。

代薦。專此奉唁。

素履。某某鞠躬。

芻儀。詩經生芻一束其人如玉
後人以作奠儀之代名詞

唁人丁祖母憂

昨接

訃書。驚悉。

太老伯母大人遽登仙域。駭悼莫名。

執事念切報劉。大故猝遭。哀毀可想。惟念

太老伯母福備箕疇。

光昭彤管。一旦

歸真於天上。毫無遺憾於人間。尙希

準理酌情。

節哀順變。勉襄

大事。卽所以上慰

慈靈。某道阻一方。未能躬親執紼。謹具素幛。代表哀忱。萬望

訾收代薦。專唁

普通社會界 慶慰類

孝履諸惟

珍重。某某鞠躬

報劉李密有陳情表其祖母劉氏

彤管詩經彤管有煒言也

執紼紼謂送喪也

唁人丁父憂

正深馳系忽奉

訃函駭悉

老伯大人偶抱微疴。遽然棄養。

典型在望。屑涕何窮。

執事純孝性成。一旦大故猝膺。自必逾常哀痛。然禮云守身

爲大孝以承

志爲先。

光大門閭。擔當家政。不宜以過情之毀。上拂

親心。此某拳拳之忱。所欲上貢

左右一再勸勉者也。

吉兆已卜定否。何日奉安。遠隔一方。未能趨助挽歌。至深歎

仄。寄呈唁敬一封。素幃一軸。卽乞代獻

靈几。用表哀忱。敬問

道安。百惟

珍衛。某某鞠躬

典型在望。詩經雖無老成人，尚有典型。

大故。謂之父母之喪。

吉兆。謂墳塋也。

挽歌。謂送喪人所歌之哀詞。

唁人丁母憂

久未奉

書。正深馳系。昨接

訃告。哀悉

老伯母大人。遽爾仙遊。

慈雲失蔭。純孝如

執事。自必悲痛逾恆。哀毀骨立。惟念

老伯母榮膺翟芾。

福備箕疇。

蘭玉盈庭。

期頤克享。一旦

乘鸞歸去。俯視人間。業已毫無遺憾。自當善體

親志。以禮制情。順變節哀。至深軫念。某誼屬通家。猶記拜

母登堂。親承

色笑。遽聞噩耗。泣下霑襟。謹具唁敬一函。用申弔奠。卽乞

代薦爲荷專唁

孝履順希

珍衛 某某鞠躬

骨立

言哀傷過度 骨瘦如柴也

翟菲

詩經翟菲以朝謂 婦人之命服也

蘭玉

庭前蘭玉森也 以喻佳子弟也

慰人喪兄

睽違匝月。積思千重。昨接

手書。驚聞

令兄某某先生遽赴道山。悵念舊遊。不勝人琴之悵惘。

執事壘篋誼篤。

手足情深。瞻顧

遺徽。能無雪涕。然

代供子職。下撫遺孤。當思擔負之艱。勿爲過情之痛。某川途

間隔。未能以隻雞斗酒。躬奠

靈几。稍紓鬱結。心爲歉然。茲附呈輓聯一副。奠敬一函。藉表

微忱。順頌

台安。諸惟

朗照。某某鞠躬

道山 蘇詩道山蓬室知何處返
道山言其與世長辭也

人琴悵惘

世說王子猷子敬俱病篤子敬素好琴先亡子猷弔之取琴擲地曰子敬子敬人琴俱亡

慰人喪弟

某某仁兄大人閣下。月餘未得

賜書。正深跂想。忽某君自里中來。談及吾

兄近有介弟之喪。鵠原抱痛。鬱伊寡懽。伏念

令弟肝膽照人。豪氣俠情。傾倒一世。方謂

英年露爽。大可有為。何期二豎偶纏。遽辭塵世。屬在朋輩。猶

復神傷。況

執事誼篤友于。一旦棣萼凋零。自必哀縈肺腑。惟此後上奉

慈親。下撫弱息。仔肩正重。尙望

善自排攝。強抑悲思。某雲天間隔。未獲一臨病榻。存問故人。追念前塵。輒增於邑。率成輓聯一副。信筆揮寫。聊抒積痛。

敬希

代懸座右。如晤英靈。專此奉慰。順頌

台祺。某某鞠躬

鴿原

詩經鴿令在原指兄弟也

慰喪偶

自違

光采。久未通函。懷念之誠。無時或釋。日昨接奉手告。方知

普通社會界 慶慰類

執事近抱安仁之痛。孤弦停軫。闕月不圓。屬

伉儷之情深。覩

遺徽而悵觸。久聞

嫂夫人壺德兼備。

淑問允昭。

內助得人家政攸寄。一旦喪茲嘉耦。中道分離。隻影空幃。情
難自己。尙望作達觀之計。惜

有用之身。勿過悲哀。強自裁抑。茲寄上祭幃一軸。奠金一函。

至祈

鑒入爲幸。祇請

近安。諸希

愛照。某某謹啟

安仁之痛

安仁卽潘岳
有悼亡賦

慰人喪子

某某仁兄大人閣下。里門話別。倏已兩易蟾圓。馳系之忱。與時俱積。昨接家信。知

執事近抱西河之痛。令郎英才偉器。卓爾不羣。何期遽赴玉樓。長違膝下。中年感觸。情所難禁。然而德門餘慶。爲善必昌。日後重獲石麟。自可操券。暫爾蘭摧玉折。自不妨付之

達觀也。某旅居在外。眠食如常。惟月落雲停。回念
舊歡。不無悵惘。專此奉慰。並候

興居。諸惟

珍衛。某某鞠躬

西河之痛

子夏居於西河。喪子

玉樓赴召

謂人己逝。即天上修文之意

慰人喪女

某某仁兄大人閣下。違

教多時。正深馳系。忽驛使遞來

手畢。開讀之下。始悉女公子偶染微恙。遽爾蘭摧。

執事頓失掌珠。能無淒楚。然人在中年。不宜過傷哀樂。深望
善自譬解。付之達觀。況緣結三生。將來飛燕入懷。未必不奇
花再世也。某羈遲在外。未能躬親慰問。歉悵何如。謹泐

寸箋。奉候

左右。諸惟

珍衛。不盡欲言。某某謹啟

飛燕入懷

天寶遺事張說母夢
飛燕入懷因而孕生

慰人被盜

某某仁兄大人閣下。頃由某君見告。得悉

尊居被盜。喪失不貲。世路日艱。暴客強徒。因而乘間肆擾。警

察林立。不能盡職保護。居民何辜。言之扼腕。然阿堵為身
外之物。俛得俛失。何足攪心。精練如

執事。儘可付之達觀。徐圖恢復也。某抱病經旬。啟門不出。俟
稍就痊癒。即當趨前奉候。以抒結轡。先此慰問。順頌

台安。某某謹啟

阿堵

王衍口不言阿堵物。阿堵謂錢也。

俛得俛失

即時得時失之意。

慰人失火

某某仁兄大人閣下。頃展

賜書。知比鄰失慎。

尊居竟遭波及。無情回祿。不分皂白。一概席捲以去。言之可傷。然而雖受虛驚。未傷。

眷屬區區身外之物。得失無常。何足介意。況

執事信用素著。材力過人。他年捲土重來。更謀恢復。進而益上。正未可知。某遠在一方。驟聞此信。馳系萬分。謹先以書奉候。

興居惟希

付之達觀。百凡珍衛。扁函惆悵。不盡所懷。某某謹啟

回祿

神火

捲土重來

即重張旗鼓之意

普通社會界 慶慰類

慰人遭謗

某某仁兄大人閣下。昨由某君交到

手書。開緘展讀。中多抑鬱憤懣之辭。遭遇不辰。遽來蜚語。明珠薏苡。最足灰心。竊思吾人處世。但求無愧於己。悠悠之口。何足重輕。況浮雲翳月。僅掩一時。是非自在人心。直道猶存三代。

德高謗至。儘可一笑置之。勿庸介抱。某追思往歲。衆矢交乘。所遇之艱。殆有甚於

執事今日。而委心任運。聽其自然。萬丈風濤。歷久亦終歸消滅。故敢以身所經歷者。爲

執事進一解也。涼風天末。爲道自衛。翹企

德音。不盡縷縷。某某謹上

蜚語

即讒毀中傷之語

明珠薏苡

漢書馬援自塞外回後車所載薏苡。傳者以爲明珠。言因疑似而被謗也。

慰人失業

某某仁兄大人閣下。久別甚念。里中人來述及

執事近日所謀不遂。暫賦閒居。明珠暗投。尙且見卻。世無真

賞。孰從而鳴其不平耶。但以

執事之才長心細。偶然螻蛄。終必有見伸之時。

一旦否極

普通社會界 慶慰類

泰來得所藉手行見

飛騰雲路大展經猷好自爲之勿以目前之躑躅鬱鬱於中

致灰

壯志而傷玉體是所切禱某神馳遠道一日三秋苟得借箸

而籌自必隨時推轂勿勞

懸注謹以奉

聞順請

道安不既 某某謹啟

蠖屈

易經尺蠖之屈以求伸也

躑躅

猶蹉跌不得志也

借箸而籌

漢書臣請爲王借箸而籌之言代爲策畫也

推轂

推薦也

餽遺類

外出餽人土儀

某某仁兄大人閣下。頃自里中來。以舟車勞頓。未能趨謁。

台階。至爲歉仄。比想

動靜多豫。餐衛咸宜。爲符鄙頌。某迫於境遇。難安家食。此次束裝出外。頗思覓一枝棲。爲餬口之計。而人地生疎。茫然無從著手。

執事太邱道廣。遇有相當機會。尙祈

普通社會界 餽遺類

隨時噓拂。不吝齒牙。茲帶上

尊府竹報一封。並附呈家鄉土儀數色。故園風味。聊佐盤餐。晒收是幸。遲日卽當趨詣。先此肅達。敬請

台安。某某謹上

太邱道廣

漢陳實爲太邱長鄉里皆服其判斷喻名望之隆重也

遠歸餽物

某某仁兄大人閣下。相別年餘。至深渴想。昨日旋里。亟思趨謁庭階。一申積愆。乃以舟車勞頓。稍感風寒。未能外出。比想

豪情飄舉。

逸興遄飛。醉月坐花。日饒勝概。某遠游數載。落拓一身。故我

依然言之增愧。所幸曩時

知己得復聚首爲歡。滌我塵襟。至慰夙願耳。附上微物數種。

聊以將意。卽乞

晒收。容再趨候。肅請

台安。某某鞠躬

飄舉卽風發泉涌之意

饋物代錢

某某仁兄大人閣下。聞

君北上之舉。卽日首途。聚處數年。一朝判袂。綠波南浦。黯然

魂銷。

普通社會界 餽遺類

執事英華。飄發。

肆應多才。此次攬轡出門。車轍所經。定必爭相倒屣。下風遜

聽。佇候。

好音。某本擬治筵奉餞。藉傾離緒。比聞

台旆將發。匆匆不克東邀。歉仄何似。送奉食物數種。以備客

中不時之需。敬乞

晒存。稍遲再當走送。手肅。祇請

行安。某某鞠躬

首途。即戒途出
發之意

倒屣。言急於迎客
不及著履也

饋銀酬勞

某某仁兄大人閣下。日昨專誠趨謝。適逢

駕出。未及晤談。比想

興居住。餐衛適時。爲頌。敝處與某某交涉一節。糾葛已深。

極爲棘手。幸承

執事熱心俠骨。從中排解。始能帖然就緒。感荷

高誼。匪言可宣。謹奉菲敬一函。聊備車馬之費。非敢云報也。得暇容再趨詣。肅此鳴謝。敬請

大安。諸希

愛照。某某謹啟

饋酒食酬勞

某某先生座右。連日得親

丰采。深慰鄙衷。祇以俗冗紛纏。尙未登

庭致謝。比想

動靜多豫。凡百咸宜。爲頌。此次舍間之事。幸承不我遐棄。

代爲指揮布置。得以就緒。足徵

大才小試。無所不宜。惟屢瀆

清神。殊深歉仄。本當潔尊奉約。稍申微意。因不敢一再勞

駕。用特遣人送上。卽希

賞收爲幸。手肅鳴謝。敬請

台安。諸惟

愛照。某某謹上

送程儀

某某仁兄大人閣下。疊承

枉顧。快接

珠譚。歡會未終。又將揖別。悵惘何如。

執事此次南來。本當陪侍

清遊。飽飫風景。乃因人事牽率。未遂所懷。東道之誼。殊多欠

缺。茲值

行旌待發。謹具淺贐。敬藉犒從者。務乞

普通社會界 餽遺類

堯留家信一封。包裹一箇。敬懇

吉便攜回。飭送敝寓。明日再當登輪走送。專此奉託。順頌

行安。諸希

愛照。某某鞠躬

送鄉味

某某仁兄大人閣下。不奉

大教。又已旬餘。鄙吝頓生。急思灑滌。晨間清理案頭積牘。裁

答稍竟。擬乘隙趨詣

高齋。適某君自故鄉來。帶到鄉味數種。秋風天末。不勝尊膾
之思。

執事想有同情。特檢出分贈

郁蔚。未諗風味如何。足供

雅嗜否。日來清興何似。客居岑寂。深盼二三知己。

有以教之。匆匆泐上。順頌。

台安。某某謹上

鄙吝頓生

世說三日不見叔度鄙吝復生極言友之有益於己也

尊膾

張翰因秋風起而思葦鱸膾以喻思鄉之意

送古玩

某某先生大人閣下。昨過

高齋。聞談及金石碑版。原原本本。辨析精詳。雖以門外漢加

鄙人者亦覺茅塞頓開。略知蹊徑。傾佩無似。竊思寶存古物。所以抒懷舊之心理。而合於審美之作用。比年以來。吾國人不自知寶貴。聽彼碧眼兒搜羅捆載以去。奇珍名跡。流遺海外。言之痛心。然物必聚於所好。

正法眼藏。一爲品題。聲價倍重。前奉上舊有墨地五彩瓶一座。原揭瘞鶴銘一部。未審

大雅視之。足廁几案。陳儲之列否。肅上敬請

道安。某某鞠躬

碧眼兒

指外人而言

正法眼藏

傳燈錄佛以無上微妙秘密圓明眞實正法眞眼藏別迦葉轉至達摩以至於吾喻賞鑒家也

送花卉

某某仁兄大人閣下。不聞

珠玉之譚。又將十日。比維

豪情逸興。載酒看花。極

才人之樂事。以跂以慰。某閉戶閒居。久成嬾散。日惟栽花種

竹。消遣光陰。無裨於時。徒耗物力。昨友人自南中來。贈我

建蘭四盆。素心荷瓣。迥非凡卉。花時陳之几案。清風徐來。

暗香滿座。徜徉其際。氣爽神清。茲特分奉二盆。以備

研北清供。至祈

哂入。稍緩一。二天。再圖良晤。手此敬請

大安諸惟

雅照。

某某謹上

送小說

某某仁兄大人閣下。前在杭城。屢接

丰采。更復湖邊泛棹。江上觀潮。極朋從之歡。恣遊觀之樂。別後到此。離羣索處。忽忽如有所失。回想琴樽雅集。當時亦視若尋常。事後追懷。覺星晚露朝。從容談讌。勝情相浹。幽賞同攀。此樂正難多得。現以客邸岑寂。無可排遣。遂搜羅各種說部。作消閒之計。適得中華書局出版之新小說界。五光十色。無美不備。大足解頤。用特購贈一分。上備

典籤亦奇文共欣賞之意也。肅此奉候。

台安。

某某謹啟

解頤

頤口也解頤謂足以開笑口

謝人送土儀

某某仁兄大人閣下。闊別一載。懷思若瘴。忽奉

手楡。知

大駕已於日昨抵此。故鄉舊雨。復得促膝縱譚。一傾積愆。欣喜何如。承

惠鄉物多種。遠道攜將。禮深情重。敬謹拜領。某頻年作客。鄉味不嘗。正深尊膾之思。忽快朶頤之願。故人厚愛。足見一

斑。傍。晚。得。暇。卽。當。趨。前。候。

教。先。此。奉。謝。敬。請。

時安。某某謹啟

朶頤。易經觀我朶頤
謂口腹之享

謝人饋物

某某仁兄大人閣下。昨聞某君言及

文飾。遄返。亟思趨候

顏色。慰我輻飢。乃據 貴价來前。頒到

隆儀數種。

厚施自遠。感篆無窮。並諭

近履勝常。諸凡如意。以忻以慰。某息影家園。原擬藉藏鳩拙。而近來社會公共事業。強相委託。奔走日忙。殊有負重不勝之懼。今幸

高賢旋里。此後隨時隨事。得以就正

有道。私衷歡躍。至舊雨重逢之樂。抑又末矣。肅此奉謝。卽請台安。某某謹啟

謝人饋古玩

某某仁兄大人閣下。 倅來接讀

賜書。並媵以古器數種。商彝夏鼎。列之几案。足使蓬室生輝。此種希世之珍。遽承

割愛受之則無以爲報。私衷增愧。卻之又愛。莫能釋。貪念遽萌。一再思量。卒援方

命不恭之說。謹敬拜

賜。聊自解嘲。友人某君。收藏最富。鑒別亦精。會當折柬相邀。出以相眩。使驚駭於貧兒之暴富也。極荷

隆情。先肅鳴謝。惟

照不宣。某某謹啟

方命

即違命也

謝人送花卉

某某仁兄大人閣下。風雨連朝。蕭齋岑寂。攤書弄筆。思結不揚。

忽奉

手箋。惠我佳卉。清香徐引。心目爲之一清。感謝感謝。某愛花成癖。凡遇異方嘉種。必竭盡心力。得之而後快。執事此貽。可謂投其所好矣。稍緩數日。當掃逕開樽。以賞名

花而答

厚意。萬望

惠然臨貺。同謀一醉。何如。先此肅謝。順頌

道安。某某謹啟

謝人送程儀

某某先生大人閣下。勾留匝月。暢領

普通社會界 餽遺類

教言備承

雅愛殷拳。事事關垂照拂。感深肺腑。莫罄言宣。乃頃間接展
賜書。復蒙

厚贐。

隆情稠疊。何以克當。某此次南來。所謀未遂。自詎才庸質劣。
不堪問世。而風塵奔走。藉以增閱歷而廣見聞。

來教殷殷指示。確係金玉之談。謹當永矢勿諼。資爲弦佩。整
裝稍竟。容再走辭。先肅寸箋。敬鳴謝悃。恭候

台安。諸惟

荃照。某某謹上

弦佩

卽佩韋書紳之意
謂當視爲座右銘也

謝人送小說

日昨某君攜到

手書並蒙

惠贈中華小說界數冊。謝謝。就諭

道履康綏。

潭祺安燕。慰符下頌。某里門株守。見聞淺隘。每於酒後茶餘。百無聊賴之際。輒以舊說部消遣。而於新出各書。多未問

津。茲承

惠贈小說界。隨手繙閱。讀未終卷。覺心目之間。忽然開朗。趣

味濃郁。意境新奇。頓令我愛不能釋。該局如有其他各種。尚乞

代爲採購寄下。以廣眼界。幸甚。手此鳴謝。敬請

台安。諸惟 某某謹啟

荃照

借索類

借銀

某某仁兄大人閣下。久未晤

教。祇因奔走衣食。近狀粟六。遂致蹤跡稍疎。忝在知交。諒能鑒宥也。比想

財祺楸介。

動定得宜。慰如下頌。某以寄人籬下。終非長計。頗思獨自經營。小試其端。藉資歷練。而困於財力薄弱。有願莫償。現在徧乞知交。稍得基礎。素承

執事雅愛。敬懇

慨借若干。玉成此舉。則感荷

盛情。永永無既。如蒙

允諾。當趨前面商。署訂契約。肅此奉懇。佇候

玉覆。順頌

財安。某某謹啟

普通社會界 借索類

玉成

即成全之意

借器具

某某仁兄大人閣下。俗冗紛投。久未承

教。昨日敝眷自里中抵此。租賃某處房屋。暫時下榻。惟一切器用。因匆匆外出。舟車攜帶不便。所闕甚多。擬分向知交各處。暫行移用。

尊處如有多餘之件。可否

惠假一二。以備陳設。俟舍館既定。逐漸添置完備。再行檢點

歸趙。知愛如

閣下。必不責其瑣瀆也。遣价走領。佇候

復音敬請

台安。某某謹啟

借陳設品

日昨暢聞

高論深愜鄙懷。歸後籌畫辦法。決計於星期日。在寒舍開一茶話會。邀集同人。徧徵意見。以謀積極進行。惟舍間素乏陳設之品。簡陋無文。不足以娛來客。擬向

尊處商借掛屏四幅。盆花數架。點綴其間。稍光蓬華。屆時並盼翩然戾止。互相討論。某某二君亦乞轉邀爲荷。手此敬請

普通社會界 借索類

秋安並希

玉復 某某謹啟

積極進行 即奮力上進之意

蓬華 與茅廬草舍之意相同

借報

某某仁兄大人閣下。積月未晤

音談。願言曷既。比想

起居住勝。

榮問日昭。為頌。某敵門養疴。謝絕酬應。幾於理亂不聞。與世

隔絕。此間地復荒僻。無可遊覽。斗室伏處。悶損極矣。日來

時局有無新聞。敬乞將近半月來之報章。

檢出擲交。以廣聞見。某君想時常晤及。希爲致念。手肅。頌頌。

時祺。

某某謹啟。

借衣

客邸淒涼。屢荷

存問。殷勤厚誼如

執事者。晚近朋交中。不可多得。緬感靡涯。日來陰雨連綿。秋

風洶逼。檢點篋笥。幾賦無衣。雖函致家中索取。而一時尙

未寄到。懇推

絨袍與共之情。暫假棉衣數襲。聊以禦寒。感戴

普通社會界 借索類

雲情直同挾纊矣。遣价趨前恭候
台命。屢屢瑣瀆。深抱不安。肅問
時祺。諸維

愛照。某某謹啟

挾纊左傳三軍之士皆如
挾纊謂得衣而暖也

借僕

某某仁兄大人閣下。咫尺

清暉。乃以俗冗羈身。有疎承
教。比想

道履潭祺。兩俱康吉。爲頌。某暮年奔走。兒女累人。向平之願。

未能遽了。茲擬於某月某日。爲三小兒授室。舍間僕從甚少。不敷差遣。可否懇借。

尊紀。屆時前來襄助。事畢即當遣還。諒能

俯允也。瑣事奉瀆。

勿責爲幸。肅請

台安。某某謹啟

向平之願後漢書向子平男女娶嫁既畢家事勿相關遂與同好遊五岳後人因稱了兒女債曰向平願

了

借米

某某先生大人閣下。前以處境窘迫。仰荷

普通社會界 借索類

盛情移貸巨款。得以支柱一時。感篆無似。某所謀未遂。貧病交乘。幾有日坐愁城之勢。近更山窮水盡。竈突無煙。八口嗷嗷。坐而待斃。而素性耿僻。不甘覩顏向人。心腹之交。厥

惟

鮑叔用敢繕乞米之帖。爲無厭之求。懇卽

慨然分囷。稍蘇涸轍。臨穎不勝盼懇之至。肅請

台安。敬候

玉復。某某謹啟

乞米帖

顏真卿有乞米帖

分囷

囷米囤也。三國志魯肅曾指囷相助。

涸轍 言如魚之無水困於涸轍也

借屋

某某仁兄大人閣下。頃間趨

謁。適以

車騎外出。未得晤談。悵甚。敝眷昨自里中至。暫寓旅館。亟擬擇地卜居。而東走西奔。一時竟乏適宜之處。客邸嘈雜。似

又未便久淹。側聞

尊府院宇寬敞。餘屋甚多。可否

暫假一椽。俾安行李。冒昧商瀆。敬希

裁奪示知。至深盼禱。專此上懇。順頌

普通社會界 借索類

儻安。某某謹啟

疊次稱借

某某仁兄大人閣下。前次以艱於周轉。蒙

移巨款。得濟然眉。感激之私。無時或釋。本擬俟匯款一到。首

先歸楚。不負

故人之盛意。乃昨接家函。因市面緊急。籌畫不易就緒。所望
既失。旅費又空。涸轍之鮒。焦灼萬狀。某人地生疎。環顧交
遊。絕無可呼。將伯者。不得已。覩顏上懇。再爲無厭之求。明
知一再商瀆。迹近不情。且前款未清。尤難啟齒。恃

公平日摯愛。或能逾格

鑿原耳。惶悚待

命。順請

台安。伏維

亮察。某某謹上

然眉。言急不及待如火
之已及於眉際也

將伯。詩經將伯助予
言請友之助也

乞為轉借

某某仁兄大人閣下。昨奉

還雲。知所商一節。

執事亦正在窘鄉。無從周轉。窮途運蹇。惘然自失。然某之近

普通社會界 借索類

狀實有山窮水盡。迫不及待之勢。窘鄉坐困。行將索我於枯魚。必不得已。敬懇於令東某君處。代移若干。以濟眉急。某君與弟。雖無深交。然得

執事鼎力一言。或可有望。非分之請。愧不可言。尙希知我者。曲諒之耳。專此上懇。並請

台安。 某某謹啟

爲他人乞借

某某先生閣下。塵事倥傯。不得常親

教益。私衷懷想。楮墨難宣。比想

動定馨宜。百凡佳勝。慰符所頌。某近狀碌碌。一如其舊。友人

某君人極醇謹。而困於境遇。家無長物。四壁蕭然。每值墨突不黔。炊烟將絕之際。輒稍稍通融。以濟一時之急。無如車薪杯水。積困難蘇。素知

執事與某君。亦有一日之雅。用敢代呼將伯。遠效乞醯。想閣下古道熱腸。篤於友誼。聞其窘迫至此。必能慨然承諾。一爲援手也。手此奉商。敬請

道安。某某謹啟

催詢借款

某某仁兄大人閣下。日前托某君轉達一節。據述

允爲設法。仰見

盡懷垂注。感紉何窮。本應靜候。

德音。何敢嘵嘵。屢瀆。上撓。

清聽。奈債臺高築。急待挹注。以冀周轉於目前。

執事既許通融。可否

鑒其爲難。先行擲付。俾解追逋之苦。則施當其厄。感荷

隆情。益爲深摯矣。臨穎慚悚。迫候

賜答。敬請

財安。惟祈

朗照。某某謹啟

借款以物作抵

光儀久隔。音訊復疎。徒於天末停雲。致其懷想而已。某君來述及

尊處營運順手。事業擴張。眷念

清塵。至深豔羨。某奔走衣食。勞瘁備嘗。卒以厄運侵尋。凡所謀爲。動遭失敗。債務蝟集。周轉不靈。茲懇某君介紹。暫向尊處商挪五百金。將坐落某處地皮單據作抵。利息期限。亦

請

酌定。如蒙

慨允。所有手續。可與某君面談。渠於敝處近情。極爲詳論。且可代表一切也。專此奉懇。敬盼

鼎諾順請

籌安 某某謹啟

爲友人擔保借款

某某仁兄大人閣下。月初肅上一槓。計已浹旬。未蒙

賜答。深以爲念。前代某君商懇之款。實因彼處一時受擠。周轉不靈。不得不代爲呼籲。某君人極誠樸。敦重信義。而渠處根柢。尤弟所深知。決不致逾期不歸。有負

高誼。某願代擔完全責成。如有差池。惟經手者是問。削牘奉懇。萬望

俯允是荷。敬請

台安並候

玉復

某某謹啟

差池

左傳臭味差池言氣味不相投也

索欠款

某某仁兄大人閣下。許久未通音問。相思相望。我勞如何。近維履祉潭祺。因時篤祜爲頌。某歷粟依然。絕鮮佳況。前次

商挪一款。計已屆期。彼此交好有年。區區之數。本不應馳函催促。無奈敵處近況。入少出多。西補東移。實已捉襟見肘。躊躇再四。祇得上瀆

尊聽。務乞

普通社會界 借索類

鑒我爲難。如期籌擲。感

德匪淺。不情之請。

知我者當能諒我也。臨池翹盼。敬頌

暑安。某某謹啟

捉襟見肘

莊子捉襟而見肘喻衣之破裂景況之困難也

索經手之款

旬餘未承

大教。馳系曷任。某處一款。由弟經手。刻因已逾期限。前途疊來催促。無從答復。竊思緩急通挪。吾輩所時有。保全信用。亦處世所必需。萬望

設法張羅。爲移緩就急之計。如數歸楚。匪特介紹人不致爲難。而然諾不渝。

執事之名譽。亦日有增益。否則悠悠之諾。近於世俗所爲。觀我者或由小節以概大端。傳爲口舌矣。愚直之見。

高明當以爲然。手肅敬請

台安。佇候

明示。某某謹啟

然諾不渝。渝移易也。言然諾不
苟信實可恃之意。

索舊欠

某某仁兄大人閣下。多年闊別。馳想爲勞。祇以俗冗紛投。未獲

上書致候。歉仄之至。比維

侍祺晉福。

著祉凝庥。慰符所頌。某飢來驅我。奔走四方。近來百物奇昂。家口繁重。出多入少。支柱實形困難。曩年

兒挪一款。爲數無多。兼以累代世交。通融有素。何敢覲然啟齒。然境遇日非。再四思量。與其仰面於他人。不若陳情於執事。倘蒙

深情關注。設法籌還。紓我然眉。感其曷旣。專此奉商。伏惟

亮察。某某謹啟

迭催逾期不償之款

某某仁兄大人閣下。前託某君帶奉一書。催詢款事。計已早邀青及。時逾半月。未接

還雲。至深惶惑。竊思此款商挪之際。弟當時處境。亦復爲難。祇以

執事言之諄諄。堅訂期約。因此竭盡棉力。代爲摒擋。不意時過境遷。勿蒙

垂諒。一再煩瀆。而音書闕絕。

執事素重信義。豈宜出此。望眼將穿。務望立時裁答。款隨書至。深幸深幸。專泐卽頌大安。惟

照不既。某某鞠躬

棉力 棉薄也即力薄之意

摒擋 即料理之意

向保證人追問借款

某某先生執事。日昨趨前承

教。適值

台從外出。未得接譚。為悵。前此某君。向敝處挪用之款。由

閣下從中擔保。逾期多日。迄未歸償。迭次往催。又復游移推

宕。吾輩出入交接。全以信義為重。

執事一言九鼎。責無旁貸。務請

轉致前途。即日如數付還。以清經手而免糾葛。幸甚盼甚。費
神容後晤謝。專泐。即頌。

台安。諸惟。

朗照。

某某謹啟

一言九鼎

極言其言之有力
如九鼎之重也

請展緩償期

某某仁兄大人閣下。曩以年關拮据。辱荷

厚愛通融。俾得債務一清。安然度歲。感竊無似。轉詢三月。已
屆訂還之期。急宜如約歸償。無負

故人之高誼。乃多方擷湊。力不從心。焦悚至難言狀。所恃

鮑子知我。格外垂原。再寬一月之期。無論如何。必當力籌歸趙。無端爽約。實迫於必不得已。

勿責是幸。臨穎主臣伏希

亮察。順頌

台祺。某某謹啟

鮑子知我

鮑子謂鮑叔牙史記管仲曰生我者父母知我者鮑子

主臣

漢書陳平曰主臣注主擊也臣服也言為其所擊服蓋惶恐之辭

請免息還本

某某仁兄大人閣下。前以艱於周轉。曾由某君擔保。向

尊處移洋若干。仰荷

盛情得紓眉急。現在歸款之期已屆。不敢以市面不靈。手頭拮据。託詞延宕。然多方羅掘。力盡筋疲。惟有商懇台端。准將所欠子金。暫時減免。明知不符原議。抱愧滋深。所

望

鑒其爲難。優容格外耳。送上本銀如數。敬希察收。可否之處。尙候

明示。肅請

台安。諸惟

愛照。某某謹上

羅掘

羅雀掘鼠極言困難之意

普通社會界 索借類

先償若干餘請寬限

某某仁兄大人閣下。前以急需。商移

尊款。所訂歸還時日。原計來源稍活。當能周轉自如。不料本年市面清淡。銀根緊急。遂致調度不靈。而弟以有約在先。深不願失信愆期。辜負

故人之厚誼。現在設法湊集。僅得半數。先以奉繳。餘請暫緩。一二月。當陸續張羅。以謀歸趙。困於財力。爲此不情之請。

尙望

鑒原格外。勿加譴責爲幸。肅此奉懇。敬請

籌安。順盼

明示。某某謹上。

懇託類

懇人薦事

某某先生大人閣下。昨自里中來。卸裝甫竟。當卽趨謁

台端。據閣者言。

執事作蘇門之行。往返約須三日。未獲領

教。悵然而返。某飢來驅我。襪被出門。人海茫茫。苦無插足之所。

執事太邱道廣。敢請於交際社會間。隨時說項。或者機緣湊巧。得有枝棲。固不敢較論肥瘠。致辜

雅誼也。恃。

愛奉。瀆。惟希。

垂察。敬請。

時安。某某謹啟。

太邱道廣。漢陳寔為太邱長鄉里皆服其判斷喻名望之隆重也。

說項。唐詩到處逢人說項斯即稱許人之意。

懇人緩頰。

某某先生大人閣下。旬餘阻雨。未接。

音譚。比想。

台候勝常。

履綦多豫。爲頌无量。某素性鷲直。惟知坦白率真。處社會交際之間。容有疎狂失檢之處。不愜於中者。遂爾乘間排擠。飛短流長。敝居停惑於人言。感情因而淡薄。執事素爲前途所推重。敬懇於無意中一爲疏通。俾不至無

端見屏。

曲成高誼。永矢勿諼矣。專泐奉懇。敬請

台安。伏希

垂管。某某謹啟

飛短流長

謂妄造謠言也

懇人辨誣

某某先生大人閣下。頃讀

手教。備悉種因。荷

指示於當前。諗

關垂之逾格。紉感無既。此次公司之事。某以熱心過甚。反蒙
不白之冤。雖薏苡明珠。歷久自徵。公論而曾參殺人。訛以
傳訛。實足淆一時觀聽。此中隱微曲折。

執事知之最悉。敬乞

力持正論。一破羣疑。是非既見其真。而某之名譽。亦得回復。

皆拜

大君子之賜矣。肅楠奉懇。順候

興居不一。某某謹啟

惹苴明珠

漢馬援自交趾回後車滿載惹苴謠傳者以爲明珠喻流言之不足信也

曾參殺人

曾參殺人其母投杼而起言謠傳之足以惑人聽聞也

託人調和意見

某某仁兄大人閣下。前次在火車中不期而遇。暢聆

高論。欣愜五中。別後想

履祉安和。百凡如意。某到此間後。與某君接譚。知爲

執事。葭莩之戚。極承推愛。關照乃昨因某事。意見各有不同。

當場辯論。稍形劇烈。退聞人言。某君心存芥蒂。未能釋然。

於中竊思彼此共事。本貴和衷。萬勿以公務上之主張。傷

私人間之交誼。敬懇於

便中通函。時代爲疏解。使前嫌渙然冰釋。心感曷勝。謹此奉

託。順候

時綏不戢。某某鞠躬

葭莩

戚誼也

託人調停訟事

某某先生閣下。秋水蒹葭。臨風軫結。側聞

鴻譽。益切心欽。某時運迤邐。所如輒阻。因此步步謹慎。爲避禍計。不得不爾也。令親某君。以某事與敝處轆轤。連日

託人疏解。未得端緒。某君激於意氣。聞將涉訟公庭。竊思

曲直是非。自有一定之公論。抗顏對簿。既傷和氣。復耗資財。彼此兩俱不利。請

閣下函致前途。切實陳說。苟有可曲全之處。某無不情甘退讓。和平解決。受

賜實多。

閣下熱心人。當能以魯仲連自命也。肅懇。卽頌

台祺。某某謹上

逆遭

厄塞也

對簿

對簿公庭卽彼此涉訟之意

魯仲連

戰國時人爲人排難解紛

普通社會界 懇託類

懇爲親友謀事

某某先生閣下。別來經月。以塵務冗迫。未克時接。

音塵。至爲悚仄。茲有懇者。舍親某君。新自里中來。思覓一枝

棲。爲餬口之計。某交遊素寡。無可推轂。思及

尊處局面宏敞。需材必多。可否

推愛屋烏。位置一席。某君粗諳書算。才尙可用。而秉性拘謹。

未染時下陋習。如蒙

驅策。當能勤慎將事。不負

裁成之德也。茲令其趨謁

階前。希進而教之爲幸。肅懇。順請

百安。

某某鞠躬

推轂即推薦之意

推愛屋烏

愛其人者及其屋上之烏言推愛及之也

懇為子謀事

某某先生大人閣下前蒙

招飲飽飫

郇廚至今芬留齒頰。連日陰雨悶損。

執事作何消遣。念念某年力就衰。猶復僕僕終年。為兒孫作

牛馬走。言之增愧。然室家之累。正苦無從擺脫。

執事倘能憫其衰窮。為兒輩覓一枝棲。略沾升斗。則肩頭擔

負稍輕感荷

恩施直同身受。兒輩碌碌。惟賦性愚拙。苟有任使。尚不敢潰

軼範圍耳。舐犢之愛。

勿晒為幸。手此奉瀆。敬候

台祺。某某謹上

悶損

煩悶也

牛馬走

史記太史公牛馬走
司馬遷即奔走之意

舐犢

犢小牛也舐犢
喻溺愛之意

託買物

某某仁兄大人閣下。箋候疎闊。數閱月矣。遙想

旅祺翔吉。

榮問日增。爲頌无量。某里門寂處。近狀如常。惟良友星散。鬱鬱寡歡。轉胸歲殘。

執事屆時。當必束裝旋里。茲由郵局寄上英洋十元。希代購某物若干種。於

言便攜回。瑣事奉瀆。不安之至。良晤匪遠。容當面謝。府中近日安好。并以附

聞。手泐。卽頌。

台安。某某鞠躬。

託帶函

昨譚爲快。

執事旣不日遠行。弟亦將束裝他去。從此伯勞飛燕。各自東西。後晤何期。念之於邑。茲有致友人函兩件。因寓址遷徙。記憶不真。敬懇

吉便攜至彼間。代爲探明分送。俗塵倥傯。不再趨詣。日後行踪略定。甚盼時通音問。以釋懸懸。草泐。卽頌

行安。某某鞠躬

於邑

卽鬱鬱不歡之意

爲友告幫

某某仁兄大人閣下。日來公私交集。未獲一領

教言爲悵。頃間某君過我。述及窮途落魄情形。欲勾留候事。則旅費不繼。欲束裝他往。則資斧無著。困苦達於極點。某誼難坐視。出而代籌救濟之策。顧輿薪杯水。終慚棉力。因思

執事熱腸古道。慷慨性成。且與某君亦有杯酒之雅。用敢代呼將伯。倘能

不吝指囷。俾成集腋。感戴

高誼。某亦同矢勿諉矣。肅箋布懇。敬請

公安。並希

玉覆。某某謹啟

輿薪杯水孟子猶以一杯水救一輿薪之極言其少而無用也

棉力棉薄也言力之薄弱也

將伯詩經將伯之助予

指囷指囷米也三國時魯肅曾指囷金相贈以救友之急難

集腋腋千金之衆力而成也

請捐資成善舉

久違

大教渴慕良殷。日前趨詣

高齋。又復彼此相左。悵甚比想

善與人同。諸凡如意。某近以鄉中父老敦迫。擔任一切公益

之舉。力小任重。深恐勿勝。顧以天職所在。不敢不勉。爲其難。日竭奔走。呼籲之勞。冀收尺寸涓埃之效。近來諸凡規畫。稍有端緒。而經費支絀。勢難持久。素論

執事胞與。爲懷萬乞。

慷慨解囊。樂於贊助。

仁漿義粟。造福無窮。翹企

慈雲。悚仄待

命。肅懇順候

籌安。某某鞠躬

尺寸涓埃

喻事物之
細微也

普通社會界 懇託類

胞與

民吾同胞物吾同與
卽萬物一體之意

託人照料家事

某某仁兄大人閣下。河干判袂。倏又兼旬。引企

清塵。時縈夢轂。比維

侍祺。馘福。

潭社凝麻。爲符遠頌。某初次作客。鄉思時縈。所幸到此以來。同事既臭味相投。居停亦關垂倍切。差堪告慰。

知己耳。舍間自弟出門後。家兄又遠在鄉間。慈母年高。無

人侍養。遊子寸心。惓惓不已。

執事童年至好。務懇隨時過存。代爲照拂一切。某雖在遠方。

備叙

高誼矣。專此奉託。卽頌

大安。某某謹啓

託人襄理喜事

數日不見。至深渴想。某因小兒結婚期近。瑣事奔走。未克

趨前奉

教。歉甚。此次婚禮。擬參用新式。以歸簡便。惟所有儀節。未能
深諳。屆時來賓或多或少。恐貽笑柄。敬懇

執事。惠然蒞臨。代爲照料。并得隨時商求
指示。惠我實多。專此奉瀆。萬望

勿卻爲幸。敬請

刻安。某某鞠躬

託人探聽信息

某某先生閣下。日昨某君回里。述及

台候勝常。

榮譽篤著。無任欣慰。茲懇者。弟前曾函薦某君於 貴居。停
謀一位置。復函雖詞意殷殷。尤爲設法。但囑以稍緩時日。
俟有相當之機緣。再行函召。現歷時已久。尙無消息。敬懇
執事於言談之際。代探意旨如何。可否令某君前往晉謁。俟
得確信。以定行止。私衷感激。不徒身受者爲然也。肅懇敬

請

大安。諸希

愛照不既。某某謹啟

託人爲子作伐

某某先生閣下。遠隔鷗程。久疎鴈訊。兼葭秋水。引企爲勞。近維杖履清嘉。

聲華懋著。爲頌。基歲月虛馳。年華老大。依然故我。自愧勞薪。小兒年已長成。尙未授室。向平之願。自以早了爲宜。側聞

令親某某之女公子。德容兼備。年貌相當。敢求代作蹇脩。玉成其事。姻緣好合。雖曰天作。實賴人爲。謹以斧

柯相屬。幸勿鄙棄。為荷。專此肅達。敬候

台安。順盼

玉復。某某謹啟

向平之願

後漢向子平男女婚嫁事畢遂與同好遊五岳後人因稱了兒女之債者曰向平願了

蹇脩

離騷吾令蹇脩以為理注蹇脩古良媒

託人為女擇婿

某某仁兄大人閣下。燕樹江雲。寸心軫結。遙維

聲聞閔遠。

動定馨宜。以慰以頌。某僑居挈眷。粟六終年。歲月催人。室家累我。小兒雖已授室。小女年已及笄。尚未字人。邇來擇婦

尙易。擇壻綦難。

執事在外見聞較廣。敬懇

代爲物色。但問子弟之佳否。不計家業之有無。使小女早得

所歸。某亦向平願了。拜

賜多矣。肅函奉懇。不勝翹企。敬請

台安。順希

賜答。某某鞠躬

託人說項借款

某某先生大人閣下。別久思深。雖尺素時通。終以不獲面聆

清誨。爲憾。辰維

道履勝常。百凡迪吉。某里中伏處。自愧坐食之非。現據友人來言。某項事業。大可經營。私心頗爲引動。醴集資本。小試其端。而悉索敝賦。所缺尙巨。不得已致函某君處。商借數百番。以半年爲期。本利歸趙。未知能遂所求否。

執事與某君交誼素篤。敢乞於晤面時。從中說項。某素性經。經。決不肯以爽約延期。失信用於社會。

執事當能信之。手此奉託。惟希

愛照。順頌。

鼎祺不一。某某鞠躬

悉索敝賦

見左傳言搜羅己之所有也

子弟遠出託人照料

某某先生執事。山河綿渺。魚鴈恆疎。引企

清塵。屢縈夢轂。比聞

譽望日隆。

襪祥雲集。慰如遠頌。某頻年株守。懶逐緇塵。亦惟與舊友數
輩。暇時過從。清談永夕而已。小兒某某。近因應某君之招。航
海到粵。年輕識淺。於社會交際。多未諳練。深懼其以隕越
貽羞。特命於到彼後。趨謁

台階。務乞視如子姪。不吝教誨。俾可遇事因應。得所祇遵。帶
呈微物數種。聊用伴函。並希

晒納手肅祇候。諸惟

愛照不一。某某謹啟

緇塵

緇黑色喻奔
走道路也

託代售田產

日前承荷

光顧。杯盤草草。深以未得盡興爲嫌。連朝阻雨。又未趨前報
謁。心歎曷旣。某前此一局。因經理失當。一敗塗地。言之灰
心。目下索逋之客接踵而來。不得不變產清償。了此首尾。
茲將舊有產業。列明坐落方向。開單送上。敬煩
執事代爲留意。如有售主。願甘割讓。但求按照時值。不甚吃

虧而已。不敢妄希善價也。有費
清神。容圖晤謝。專肅稟託。順頌

大安。某某謹啟

託人覓屋

比因塵勞倥偬。天時又復酷熱。以致久疎趨候。罪甚罪甚。
想

動靜馨宜。爲頌。某現寓之屋。年久失修。每值大雨滂沱。室內
幾成澤國。而復陰晦潮溼。蚊蠅成市。萬不可以久居。決計
入秋遷移。惟相當之屋甚少。某又消息阻滯。用敢奉託
執事代爲留意。如遇合宜處所。隨時

函告。以便前往覆視。費

神心感。手泐。卽請

大安。某某鞠躬

澤國

猶水中之國。喻爲水所漂沒也。

規戒類

勸擇交

某某仁兄大人閣下。里中判袂。忽忽經年。燕樹江雲。神馳跡阻。

昨某君自申回。述及

執事意興益豪。交遊日廣。連騎結駟。自是

豪爽人本色。然下風逃聽。竊有總總過慮者。吾輩與世周旋。

志同道合之友。固以多多爲益善。而世風不古。薰蕕混雜。結納稍一不慎。往往以一時之粗忽。受累畢生。社會之變幻日多。把臂論交。似不得不稍存抉擇。

執事智珠在握。或能鑒及於斯。某家園株守。志氣日就頹唐。回憶昔時二三知己。互相過從。清譚徹旦。此樂正難多得。麟鴻有便。深望時通尺素。以當面談。肅泐敬請。

大安。諸希

愛照。某某謹啟

薰蕕

左傳一薰一蕕十年尚猶有臭喻香臭不可并在一處也

智珠

胸有智珠譽人之明慧也

普通社會界 規戒類

勸改過

某某仁兄大人閣下。昨蒙

枉過。以俗冗紛集。未得暢所欲言。爲悵。

執事偶失檢點。遂蒙不韙之名。足見處世持躬。不可不慎之。又慎。顧能引以爲疚。不自諱飾。是勇於遷善。白圭之玷。終可濯磨。聖人云。人誰無過。過而不改。是爲過矣。尙望引鑒前車。力自湔祓。則偶然之失。似亦無傷。

譽望。日昨意有未盡。用再函達。明敏如

執事。當不以爲逆耳也。此上。卽頌

時祺。某某鞠躬

不遑

是遑與同

逆耳

左傳良藥苦口利於病忠言逆耳利於行

勸夫婦和諧

旬餘不晤甚以為念。昨聞

執事與 嫂夫人以細故微嫌。釁生口角。想一時意見。偶爾

參商。不久必好如初。無煩過慮。竊思家庭之內。雍睦為先。

執事平素尤復伉儷情深。幸勿以琴瑟偶乖。致塵

護闈之眷。注某忝附葭末。用敢瀆言。縷縷之忱。惟希

鑒納。手此即頌

普通社會界 規戒類

雙安不備。某某鞠躬

葭末

有戚誼者曰葭葭末者謂託在葭葭之末也

勸兄弟和睦

某某仁兄大人閣下月前

台從過申。盤桓數日。聯牀話舊。快慰積忱。別後懸懸。想復情同兩地也。近聞傳述

執事昆季之際。稍有違言。遠在一方。未諗究竟。但以

閣下素性溫厚。交友接物。無不坦易。近人何至於手足之間。

轉現睽離之象。語曰。兄弟睦。家之肥。或偶然意見參商。亦

當念同氣連枝。痛癢相關之誼。各盡其道。兄友弟恭。則一

誠相感。必能頓棄前嫌。仍歸於好耳。臨風盼禱。不盡欲言。
敬頌

台祺。並希

雅照。某某鞠躬

參商

古詩人生不相見動如參與商
參商係天上二星兩相隔絕也

勸勤謹職業

兩次過訪。均值

車駕外出。未能把晤。爲悵。近聞

執事交遊徵逐。興致日豪。屬在至交。有不得不貢其狂直者。

方今生計日艱。吾人處此。正宜猛自鞭策。盡心力而爲之。

普通社會界 規戒類

若以嬉遊拋荒職務。人卽不我責。自問亦有難安。似宜收束精神。勤於所事。毋使悠悠者議我之後。以保全名譽。而鞏固信用。

執事以爲然否。竊貢斯義。互相督責。臨穎低回。不盡縷縷。卽

頌

時祺。某某鞠躬

勸久客當歸

某某仁兄大人閣下。眷懷

丰範。耿耿寸衷。雖魚雁常通。無以消其軫結。比想

榮問休鬯。百凡得宜。某庸庸如故。自知非應世之材。遂亦自

安疎拙。

尊潭鄰近。時往存問。一切安好。勿念。記自

執事。駕言出游。於今三載。乘風破浪。壯志不凡。然

堂上年高。自不宜久疎溫清。際此涼風天末。遠方游子。倘亦瞻

望

慈雲。忤然心動乎。久別遄返。骨肉團聚。一室之內。笑語生春。其

樂當無紀極。謹以勸

駕。伏望三思。卽候

旅安不既。某某謹啟

戒冶遊

普通社會界 規戒類

某某仁兄大人閣下久隔

芳標載深飢渴近聞

杜牧綺懷放情聲色中年絲竹爲達人消遣之資酒後茶餘

偶一過臨似亦無傷大雅惟歡場涉足把握最難始則聊
寄閒情繼且流連忘返一經墮落後悔莫追

執事正在英年胸期遠大倘因此而銷磨英氣所喪實多杜
漸防微還以屏跡爲是迂腐之見幸

垂聽焉此布卽頌

近安某某謹啟

杜牧綺懷

杜牧之詩十年一覺揚州夢贏得青樓薄倖名

中年絲竹

言人當中年時代則以
絲竹聲伎陶寫心靈

戒賭博

某某仁兄大人閣下。昨某君來帶到

手書。眷念故人。不遺在遠。感感藉諭。

公餘無事。輒與竹林諸君子遊。興正不淺。某意吾輩少年時代。暑刻黃金。急起直追。猶虞不給。何必以有用之精力。寶貴之光陰。消磨於博奕。況呼朋引類。此中流品不齊。隨俗浮沉。積久必滋物議。爲保名全譽計。似宜屏而遠之。謹貢

芻蕘。幸垂

清聽。祇請

普通社會界 規戒類

大安伏維

亮。管。某某謹啟

竹林諸君子

晉時有竹林七賢凡賭具皆以竹爲之取以相喻

戒嗜飲

某某仁兄大人閣下。昨荷

寵招。飽飫盛饌。

執事飛觥酌斗。飲興之豪。一時無兩。某望風生畏。祇得棄甲

曳兵。甘爲逃卒矣。勿罪勿罪。竊念酒之爲用。能合歡亦能

亂性。沉湎無度。則將激動血液。傷害腦筋。

盛年有用之身。似宜善自珍衛。雖排愁遣悶。杯中物不能遽

與絕交。而把臂爲歡。深望受之以節。拳拳之愛。難已於言。

明達如

君必蒙嘉納也。專泐。卽頌

時祺。某某謹啟

戒爭訟

久違

雅範。彌切馳思。頃聞

執事與某君。涉訟公庭。相持不下。以吾

兄平日持躬接物。讓德久昭。當有必不得已之情形。迫而出

此。然鄙意事至對簿。有損無益。徒爲律師等。關一生財之

路曠日持久。幸而判結。種種耗費。得不償失。而彼此惡感。愈結愈深。似不如認吃三分虧。調停息案之爲愈也。古語云。訟則終凶。明達如

執事。幸熟思而審處之。專函奉布。恭頌

台安。諸希

雅照。某某鞠躬

對簿

即涉訟於公庭之意

戒惑風水

某某仁兄大人閣下。睽隔

光儀。正深馳結。忽奉

手筆敬悉

執事近日爲先人墳塋之故。奔走四鄉。不遑寧處。仰見

孝思不匱。謹慎將事之意。然某竊欲爲進一解者。風水之說。

通人不道。但求地土高燥。無風無蟻者。便是吉壤。況先人

骨殖入土爲安。豈宜惑求福之談。轉蹈淹葬之咎。至江湖

地師種種謬說。無非爲覓食計。

執事明達。當不被其所蒙。謹進箴言。惟

採擇是幸。肅泐奉布。敬頌

台祺。某某鞠躬

戒迷信

某某仁兄大人閣下。城鄉遙隔。不獲時覩。

光儀。秋水蒹葭。彌增洄溯。此次

嫂夫人之喪。雖已時閱兩旬。而坐對空闈。

奉倩神傷。自有不能遽已者。聞

執事擬仍循俗例。每七日則延僧道至家。諷經禮懺。以資冥

福。現在文明日進。此種無益之舉。儘可捐除。以所節之費。

營治墳塋。培植兒輩。似較實在。且破除迷信。爲一鄉開通

風氣。正吾輩今日之職務。

卓見以爲何如。專此肅布。順頌

時綏。惟希

亮管。某某謹啟

奉倩神傷

荀奉倩喪妻後日鬱鬱不樂故曰奉倩神傷

戒懶惰

兩次奉訪值

閣下均在睡鄉。尋莊周蝴蝶之樂。未能把晤。悵然於中。晨間晏起。最足釀成懶惰之習。吾輩當青年時代。晷刻黃金。逝水韶華。去而不返。不努力於此日。必貽悔於將來。聞父師言。勤惰兩字。爲畢生成敗關頭。好逸惡勞。人之恆性。當抱毅力以戰勝之。屬在知己。非敢以此督責。直欲交相策勵而已。區區之忱。幸

亮警焉。此請

近安。某某鞠躬

戒奢侈

某某仁兄大人閣下。別久思深。懸懸無已。昨奉

手簡。知近狀無恙。而於經濟問題。深以入不敷出爲慮。竊意自古理財之策。不外開源與節流二端。源固當開。而節流爲尤重。

執事今日。處境不爲不順。所入不爲不豐。徒以生活程度。隨之增長。故財力仍不能舒展。古人云。儉爲美德。起居服御。外界之欲望。本無滿足。但能退一步著想。則雖因陋就簡。

亦自不覺其苦。逐漸之節省。卽逐漸之儲蓄也。鄙見如此。

亦自不覺其苦。逐漸之節省。卽逐漸之儲蓄也。鄙見如此。高明以爲然否。肅此奉復。敬請

台安。惟希

愛照。某某鞠躬

戒吝嗇

久未通訊。馳念爲勞。昨友人自南來。述及

尊處近況。硜硜自守。固承業保家之道。而有求不遂者。遂不免噴有煩言。竊意吾人處世。原不必揮霍自豪。邀博施濟衆之譽。況金錢有限。責望無窮。豈能盡如人意。然有時力所能及。亦宜量其緩急。濟困扶危。毋使親朋失望之輩。紛

尺牘大全 卷六

紛然議於後也。此中因應自有微權。

幸熟思而審處之。專布狂直。

風便賜復。至深翹盼。敬請

台安。某某鞠躬

尺牘大全 卷七

尺牘類腋

酬應類

一 恭維

太邱道廣

喻名望之隆重也。漢時陳寔為太邱長。平心率物。有爭訟輒為判。正衆歎曰。寧為刑罰所加。不為陳君所短。

日稷賢勞

言每日勤勞至晚也。穀梁曰。下稷。註稷。晨也。又孟子我獨賢勞也。

北海豪情

後漢孔融為北海相。嘗曰。座上客常滿。樽中酒不空。吾無憂矣。喻人之豪俠也。

類腋 酬應類

正法眼藏

喻賞鑒之真也。傳燈錄佛以無上微妙秘密圓明真實正法眼藏。別迦葉展轉至達摩以至於吾。

斲輪老手

言其精於本業也。莊子桓公讀書於堂上。輪扁斲輪於堂下。釋椎鑿而上曰。臣也斲輪不疾不徐。得之於手而應之於心。言其純熟也。注見前。

得心應手

喻氣之勇壯也。子虛賦吞若雲夢者八九於其胸中。曾不蒂芥。

氣吞雲夢

灼見 明見也。

洞鑒 洞悉一切也。

千頃汪陂 言其量之廣闊也。後漢黃憲傳。叔度汪汪若千頃之陂。

威鳳祥麟

喻氣象之光昌也。

珠譚

晉書韓伯劉惔傳贊。劉韓秀才。珠譚間起。珠者貴重之物。譚同談。

振翮雲表

喻高飛直上也。振奮起也。翮鳥羽也。

扶搖直上

頌人之進步也。莊子。搏扶搖而直上。

祖鞭先著

喻先得志也。晉書劉琨傳。琨少負志氣。有縱橫才。與祖逖為友。逖被用。與親友書曰。吾枕戈待旦。常恐祖生先吾著鞭。

泰山北斗

唐書韓愈傳贊。學者仰之如泰山北斗。

膺門

世說。人登李膺之門者。如登龍門。言其望重一時也。

郭泰人倫

後漢書。郭泰傳。林宗雖善人倫。而不為危言激論。言其具知人之鑒也。

高掌遠蹠

西京賦。巨靈負屨。高掌遠蹠。言其所持者高。而所踐者遠也。

崢嶸頭角

喻出人頭地也。崢嶸高峻貌。然宜施之於年輕輩幼者。

清言娓娓

娓娓順而美也。言人之善於詞令。

清談屑玉

如玉屑之飛。亦言人之善於詞令。

方家

法家也。頌人之精於此道者。

日下雲間

言皆名士也。晉書。陸雲傳。雲與荀隱齊名。雲曰。雲間陸士龍。隱曰。日下荀鳴鶴。

甘賈英年

史記。秦甘羅十二使於趙。說趙王立割五城。秦封羅為上卿。又漢書賈誼年十八。以誦詩屬文稱於郡中。皆對於幼輩用之。言名實皆盛大也。

華實並茂

淵令絕倫

恭維女子之辭。淵深也。令善也。倫類也。言其淵美之德。超絕凡類也。

通德門

喻門第之清高也。後漢鄭康成傳。孔融曰。可廣開門衢。令容高車。號為通德門。

閎聲揮綽

閎大也。聲聲望。莊子。其聲揮綽。其名高明。

棠舍分甘

喻人之有德政也。詩甘棠註。召伯聽男女之訟。不重煩勞。百姓止舍甘棠之下而聽斷焉。

雅人深致

致態度也。言風雅人之態度也。晉書。王凝之妻謝氏傳。道韞叔父安問毛詩何句為佳。道韞稱吉甫作頌。穆如清風句。安謂有雅人

類腋 酬應類

五

深致。

勝任裕如

言力能勝任也。裕如行有餘力之貌。

文學鉅子

言文學大家也。

逸足騰驤

見蜀志龐統傳。喻人之飛騰直上。

淵容海納

喻氣量之大也。

泉源萬斛

喻文義之廣闊也。蘇軾集。吾文如萬斛泉源。不擇地皆可出。

落紙雲煙

喻人文字之敏速也。杜詩。揮毫落紙如雲煙。

馬工枚速

馬謂司馬相如。枚謂枚舉。譽人之長於文學。既工且速也。

鉤元提要

譽人文學之精深也。韓愈文紀事者必提其要。纂言者必鉤其玄。

大才槃槃

續晉陽秋。時人語曰。大才槃槃謝家安。

實至名歸

譽人之名實交孚也。

藝海斗杓

譽人之於文學界。著有重名也。斗杓即斗柄。日中盛明之時。斗星顯見。

磊落英多

世說。其人磊落而英多。譽人之豪爽也。

緯史經經

織橫絲曰緯。織直絲曰經。言其胸羅經史。於學問之道。無不通也。

駕輕就熟

韓文。若駟馬駕輕車就熟路。言其熟於此道。得心應手也。

積厚流光

譽人之有善行者。其流澤必久遠也。

萬流仰鏡

文選。庶士傾風。萬流仰鏡。頌其爲大衆所歸仰也。

罄無不宜

罄。盡也。卽言其無往不利也。

攸往咸宜

與上同。

蓋籌石畫

石通碩。漢書。匈奴傳。石畫之臣。猶言計畫之偉大也。

曠若發蒙

嵇康詩。曠若發童蒙。曠明也。譽人有高論宏議。使人頓然了解也。

矍鑠

後漢馬援傳。矍鑠哉是翁也。頌人之年老而康健也。

洞見癥結

癥腹結病也。史記以此視病。盡見五歲癥結。亦借以譽人之明鑒也。

大雅

頌人之通稱。漢書。夫惟大雅。卓爾不羣。

公瑾醇醪

周瑜字公瑾。言與公瑾交者。如飲醇醪。

乘風破浪

譽人之出門就事也。晉書宗慤傳。慤曰。願乘長風破浪萬里。

長卿倦遊

凡人之遠游歸來者用之。史記。司馬相如傳。長卿故倦遊。雖貧。其人材足依也。

東箭南金

喻美材也。晉顧衆吳郡人。虞澤會稽人。共起義兵討蘇峻。贊曰。願實南金。虞惟東箭。

類腋 酬應類

東山高臥

譽致仕者用之。晉書謝安傳。卿每違朝旨。高臥東山。

守真抱璞

喻率真之士。

光風霽月

譽人品量之高曠也。宋史周敦頤傳。胸懷灑落。如光風霽月。

白樹一幟

猶言自成一派也。幟。旌旗之屬。史記。拔趙幟。樹漢赤幟。

有條不紊

言處事有條理而不雜亂也。書經。若網在綱。有條不紊。

英姿玉雪

言其姿態英爽而又潔白也。

珠聯璧合

言其並美也。或以頌兄弟。或以頌夫婦用之。

偉抱 偉大也。言其懷抱之闊大也。

游刃有餘 譽人之辦理此事綽有餘裕也。莊子庖丁爲惠文君解牛。所解數千牛矣。而刀若新發於硎。恢恢乎其於游刃必有餘地矣。

景曜 言如景星之明耀也。

智珠在握 譽人之聰敏也。張祐詩。願爲塵外契。一就智珠明。

嵩衡高誼 喻友人行義之高也。徐輕文。義重嵩衡。

會心不遠 譽人之有心得也。世說。會心處不必在遠。

蜚英騰茂 漢書。蜚英聲。騰茂實。言其名實宏大也。

辨析毫芒

喻鑒別之細密也。芒通鋒銚之銚。

瞻韓

言願往見而極推重之辭。李白上韓荊州書。生不願封萬戶侯。但願一瞻韓。韓荊州。韓係韓朝宗。嘗為荊州刺史。

識荆

與上意同。

藻鑑

藻水草之有文者。鑑能照物。喻鑒別之精。

二 自謙

人海浮沈

蘇軾詩。萬人如海。一身藏。浮沈。喻人之出處也。

材慚下駟

以劣馬自喻也。史記。今以君之下駟。與彼上駟。取君上駟。與彼中駟。取君中駟。與彼下駟。

三斗塵生

唐書。權懷恩傳。懷恩賞罰明。見惡者輒改。語曰。寧飲三斗塵。無逢權懷恩。

俗塵十斛

十斛言其多也。

器小易盈

言器量淺小。易自盈滿也。論語。管仲之器小哉。

時虞覆餗

易經。鼎折足。覆公餗。餗。食品也。以喻不能任重之意。

小草

博物志。遠志。苗曰小草。根曰遠志。今人以小草自喻。取微弱之意。

一得之愚

漢書。愚者千慮。必有一得。自謙之詞。

不材之木

喻無用也。莊子。匠石之齊。見櫟社樹。遂行不輟。曰。是不材之木也。無所可用。

失晨之雞

喻事後之論。無益於用也。魏武帝令諺曰。失晨之雞。思補更鳴。

未能免俗

世說。阮仲容居道南。諸阮居道北。七月七日。北阮盛曬衣。仲容以竿掛大布犢鼻褌於中庭。人或怪之。答曰。未能免俗。聊復爾爾。以喻隨俗浮沉之意。

抗塵走俗

喻風塵奔走之意。孔稚圭北山移文。焚芰製而裂荷衣。抗塵容而走俗狀。

放浪形骸

言不拘禮法也。王羲之蘭亭敘。因寄所托。放浪形骸之外。

拘墟

言拘守一隅也。墟。通虛。莊子井蛙不可以語於海者。拘於虛也。

管窺蠡測

自謙其識見之小也。莊子。以管窺天。以蠡測海。

盆魚籠鳥

喻所處地位之小也。

明日黃花

喻過時也。與失晨之雞同意。

株守

言拘守一處也。韓非子。宋人有耕田者。田中有株。兔走觸株而死。因釋耒而守株。冀復得兔。

馬齒徒增

謂年齡加長也。公羊傳。苟息牽馬而問曰。壁則猶是也。而馬齒加長矣。

栗碌如恆

栗碌猶勞碌也。

猥廁雅侶

猥有欣幸之意。廁閒雜也。雅侶言所伴皆風雅士也。

萍踪飄泊

言蹤跡如浮萍之無定也。王儉詩。十年滄海寄萍踪。

類腋 酬應類

自安鳩拙

鳩性拙。

里門跽伏

跽屈伏也。

鉛鈍

自謙不適於用也。鉛鉛刀鈍不利也。

芻蕘之獻

芻蕘喻草茅微賤也。獻進言也。詩經先民有言詢於芻蕘。

塵勞鞅掌

言為塵俗事勞苦奔走也。

綿薄

自言材力小弱也。漢書淮南王曰越人綿力薄材不能陸戰。

閭里浮沈

史記袁盎傳盎病免家居與世浮沈。

質鈍如錘

言資質愚魯也。晉書。君利如錘。我鈍如錘。

蓬心

自謙其愚魯。如茅塞於中也。莊子。則夫子猶有蓬之心也夫。

墨可磨人

言困於筆墨文字之間也。蘇軾詩。非人磨墨墨磨人。

塵務蝟集

言事務之多。如蝟之集於一處也。蝟多毛刺物。稍近則毛刺攢起。故以爲喻。

橐筆天涯

囊之小者曰橐。言載筆遠遊以謀衣食也。

頽然無俚

無俚。猶無聊也。喻衰弱不振之貌。

錄錄

漢書。當時錄錄。未有奇節。與碌碌同。

瞠乎其後

莊子。夫子奔逸絕塵。而回瞠乎其後矣。瞠直視也。謙謂萬不及彼之詞。

壓綫年年

唐詩。苦恨年年壓金綫。爲他人作嫁衣裳。在外就事者。用之自比。

禱昧

禱無知貌。郭璞爾雅序。不揆禱昧。

隨埴索塗

揚子。隨埴索塗。冥行而已。註。盲目人以杖隨地尋塗也。自謙不學無術之謂。

蟻駝

李義山文。蟻駝一粒。馬負千鈞。謙言不能任重也。

寶山空入

言從事學問。一無所得。猶之身入寶山。空手而回。

井蛙

喻所見之小也。莊子。井蛙不可以語於海者。拘於墟也。

附驥

凡與人同作一事者。用以自謙。史記。顏淵學雖博。附驥尾而行益彰。

汗顏

自謙所作之不工。殊覺慙愧也。韓文。不善為斲。血指汗顏。

束手

言無法辨理之也。史記。父子老弱。係脰束手。為羣虜者。相及於後。

草草勞人

詩經。勞人草草。注。草草。勞心也。

蚍蜉撼樹

蚍蜉。大蟻也。撼。搖也。愈韓詩。蚍蜉撼大樹。以喻勢力相懸。萬無可敵之理。

敝帚自珍

喻文字雖惡。而自寶貴之也。魏文帝與論。里語曰。家有敝帚。享之千金。此不自見之壞也。

魚鹿

魚之在水。鹿之在山。皆行游無定。以喻忙碌之人。

類腋 酬應類

飢驅

言為飢餓所迫也。陶潛詩。飢來驅我去。不知竟何之。

穉生疎嬾

晉穉中散康。生性疎嬾。故借以自喻。

勞薪

自謙奔走勞碌也。晉書。荀勗傳。勗嘗在帝坐進飯。謂在坐人曰。此是勞薪所炊。帝遣問。乃云。實用故車脚。今稱勞碌曰勞薪。節短取長之意。詩經。采葑采菲。無遺下體。

葑菲

緇塵

喻奔走道路也。緇。黑色。言風塵勞苦。衣為之黑也。李益詩。少游京洛共緇塵。

僕本恨人

僕自謙之辭。見文選恨賦。

蟄居

猶伏處也。易經。龍蛇之蟄。以求伸也。

愛博不專

韓文。伺候於門牆者日益進。則愛博而情不專。

籬鷓

喻才能之小也。莊子。所謂騰躍不過數仞。下翔蓬蒿之間者也。

三 思念

江雲燕樹

指南北兩地而言。大江在南。燕省在北。喻兩地睽隔之意。

露白葭蒼

詩經。兼葭蒼蒼。白露爲霜。所謂伊人。在水一方。喻思慕之意。

秋水蒹葭

註見上。

天末涼風

杜詩。涼風起天末。君子意如何。

我心蘊結

詩經。我心蘊結兮。言使我心之憂愁如蘊結也。

予懷軫結

軫念也。

中懷棖觸

以手觸物曰棖。言偶然觸動於心也。

渭樹

喻別後思念也。杜甫憶李白詩。渭北春天樹。

渴塵萬斛

喻渴想之深也。朱子詩。十年不共賦陽春。正有胸中萬斛塵。

歌興蕭葛

指別後思慕者而言。詩經。彼采葛兮。一日不見。如三秋兮。

夢轂

轂。車軸也。言急欲一見。雖夢寐之中。亦若為之轉轂也。

鄙吝復生 世說。三日不見黃叔度。鄙吝復生。喻友朋之賢者。能變人氣質也。

積思成癡 詩經。願言思伯。使我心癡。癡病也。

離緒彌襟 言離別之思緒。彌滿胸襟也。

雪泥鴻爪 蘇軾懷舊詩。人生到處知何似。應似飛鴻踏雪泥。泥上偶然留爪印。鴻飛那復計東西。

注存 意所嚮曰注。存在也。注存言不忘也。

尻輪意馬 言神爲之往也。尻。脊骨盡處也。莊子。浸假而化予之尻以爲輪。以神爲馬。予因乘之。豈更駕哉。

不獲起居 言不得親候起居也。

一別如雨

王粲詩。風流雲散。一別如雨。

風雨如晦

詩經。風雨如晦。雞鳴不已。既見君子。云胡不喜。

思若流波

言思念之湧出不絕也。漢武帝悼李夫人賦。思若流波。但兮在心。

室邇人遐

亦寓思念之意。詩經。其室則邇。其人甚遠。

節注

飾。覆也。意所嚮曰注。節注。猶垂念也。

愔如調飢

調亦作朝。朝也。詩經。未見君子。愔如調飢。言不見君子之時。如朝飢之思食也。

四 邀約

惠然 言盼其臨蒞也。詩經：惠然肯來。

勿金玉爾音 言勿見棄也。見詩經。

足音跫然 盼其來也。莊子：逃空虛者聞人之足音則跫然而喜矣。

賁臨 詩經：賁然來思。賁臨猶惠臨也。

望穿秋水 秋水卽眼之代名詞。言勿令人望眼將穿也。

榛苓 亦思慕之辭。詩經：山有榛。隰有苓。云誰之思。西方美人。

飄蓬 喻彼此分散之意。商子：今夫飛蓬遇飄風而行千里。乘風之勢也。

五 宴會

西園雅集

顧長庚畫有清夜游西園圖。李伯時亦畫有西園雅集圖。喻盛會也。

合尊促席

蜀都賦。合尊促席。引滿相發。言會坐飲酒也。

小集鷗波

集。聚也。鷗。水鳥也。

琴尊屢集

指文學士宴會而言。杜審言詩。琴樽橫宴集。巖谷臥詞揚。

樂數晨夕

陶潛詩。聞多素心人。樂與數晨夕。

輜褰

邀人宴飲而自謙之詞。言恐褻瀆尊駕也。

朋簪

易經朋盍簪。盍聚也。

河朔尊開

典略袁紹三伏晝夜酣飲以避暑。故河朔有避暑飲。

北海琴尊

漢孔融稱孔北海性好客。時人譽之曰。座上客常滿。尊中酒不空。

珍錯星羅

言盛饌也。珍錯言其精美。星羅言其富有。

飽飫郇廚

喻食物之精美也。世說補。韋陟廚中飲食香味錯雜。人入其中。多飽飫而歸。陟襲封郇國公。故時人稱爲郇廚。

坐花醉月

李白夜宴金谷園序。開瓊筵以坐花。飛羽觴而醉月。

琴歌酒賦

北山移文。琴歌既斷。酒賦無續。

酒綠燈紅

謂開燈夜宴也。

履烏交錯

言歡飲不拘禮節也。史記：日暮酒闌，合尊促坐，男女同席，履烏交錯。

文酒之會

蕭介傳：介少交游，與弟兄文酒賞會。

引滿舉白

漢書：敍傳：皆引滿舉白，談笑大噱。

名稱類

一 譽詞

屬於人倫者

雪門

朱子語錄：游楊二子初見伊川，伊川瞑目而坐，二子侍。既覺，曰：尚在此乎？且休矣。出門之外，雪深三尺，對於師長用之。

友于誼篤

書經。惟孝友于兄弟。譽人昆季用之。

難兄難弟

同上。言其兄弟皆負重名相匹也。

今雨

唐詩。今雨不來舊雨來。對於朋友用之。

舊雨

註見前。用亦同上。

少君

稱人之子也。

森森蘭玉

芝蘭玉樹。生於庭階。言人之有佳子弟也。

玉臺伉儷

徐陵著玉臺新詠。對於人夫婦用之。

北堂

指慈母而言。杜詩。詔許辭中禁。慈顏赴北堂。

他山之助

詩經。他山之石。可以攻玉。言得友朋之助也。

壘篋競爽

詩經。伯氏吹壘。仲氏吹篋。譽人兄弟之和洽也。

堂構相承

書經。厥子乃弗肯堂。矧肯構。譽人之善承父業也。

象賢

書經。殷王元子。惟稽古崇德象賢。用法同上。

箕裘克紹

禮記。良冶之子。必學爲裘。良弓之子。必學爲箕。用法同上。

橋梓

稱人父子之辭。說苑。南山之陽。有木名橋。竦焉實而仰。父道也。北山之陰。有木名梓。勃焉實而俯。子道也。

鳳毛

謝超宗傳。帝見超宗文詞。大嗟賞。謂謝莊曰。超宗殊有鳳毛。魯人之有賢子者用之。

尊閫

稱人妻子也。門限曰閫。婦人主閫內之事。故謂人婦曰尊閫。

東牀坦腹

稱人之婿也。晉書。王羲之傳。郗鑒使門生求婿於王導。導使就東廂徧觀子弟。歸謂鑒曰。王氏諸少並佳。然聞信咸自矜持。惟一人

在東牀坦腹。獨若不聞鑒曰。此正佳婿。訪之乃羲之也。

鴈序

指人之兄弟也。杜牧寄兄弟詩。天邊鴈一行。

喆嗣

稱人之子也。

瑟奏雙聲

喻夫婦之好合者。

類腋 酬應類

慈雲

母道主慈。雲者陰庇之意。

慈竹

杜詩。慈竹春陰覆。此言慈母之陰庇。如慈竹之有春陰也。

賢仲

猶賢弟也。今稱兄弟曰伯仲。

樂奏房中

指夫婦好合而言。儀禮。燕有房中之樂。

掃眉才子

薛濤詩。掃眉才子知多少。領取春風總不如。譽女子之多才者。

不櫛進士

昔有女子工文辭。其兄譽之曰。此吾家不櫛進士也。用法同上。

左家織素

左思詩。吾家有嬌女。皎皎頗白皙。小字爲織素。口齒自清歷。譽人之女公子用之。

掌珠 視之如掌上明珠。亦譽人女公子用之。

頭角嶄然 韓文子厚少精敏。嶄然見頭角。言一望而知為偉器也。譽人之佳子弟用之。

鴿原 詩經春令在原。兄弟急難。鴿同令。稱人昆季之詞。

鴻案相莊 後漢梁鴻傳。鴻字伯鸞。為人賃舂。妻孟光具食。舉案齊眉。頌人夫婦和好之詞。

薛鳳荀龍 唐時薛收兄弟三人齊名。世稱河東三鳳。後漢荀淑有子八人。並有才名。時號荀氏八龍。譽人之子弟用之。

女師德象 譽人女子之有德育者。漢書班婕妤誦詩及窈窕德象。女師之箴。註皆古箴戒之書。

么鳳 小鳥名。此指女孩而言。蘇軾詩。桐花集么鳳。

金護

護忘憂草也。一名宜男。詩經焉得護草。言樹之背。後人遂以護堂喻慈母。

承家

譽人有賢子之辭。書經開國承家。

椿庭

譽人之父也。莊子。上古有大椿者。以八千歲為春。八千歲為秋。今稱人父為椿庭。本此。

板輿

頌人子之迎養其父母者。潘岳閒居賦。太夫人仍御板輿。

孫枝

喻孫輩也。嵇康琴賦。乃斲孫枝。

堂構

喻父作子述之意。書經。厥子乃勿肯堂。矧肯構。

棣萼

譽人之兄弟用之。詩經。常棣之華。鄂不韡韡。凡今之人。莫如兄弟。

嬰婉

音依倪。指小兒始生之辭。

繩武

詩經。繩其祖武。譽人子孫能繼承其祖先之事業也。

二

譽詞

屬於各界者

大戶

指善飲者而言。延漏錄。凡飲以一人為錄事。以糾坐人。須擇有飲材者。材有三。謂善令。知音。大戶也。

上池水清

譽良醫之詞。史記扁鵲傳。飲以上池之水。

和緩

古之良醫。

丹青

指善畫者而言。

類腋 酬應類

杏林

指名醫而言。神仙傳。董奉居山不種田。日為人治病。重病愈者。使栽杏五株。輕則一株。

長袖善舞

譽商界用之。言其資本充足。無往不宜也。史記。長袖善舞。多財善賈。

著手成春

譽醫者之辭。言手到病除也。

賢居停

譽東家之辭。居停指下榻處言之。

芙蓉淥水

譽就館者用之。南史。庾杲之傳。王儉用杲之為衛將軍長史。蕭緬與儉書曰。庾景行泛淥水。依芙蓉。何其麗也。時人以入儉府為蓮

水池。

蓮花幕

同上。出處亦見上。

伏案孜孜

譽文士之勤讀不輟也。孜孜勤勉之意。

精通六法

恭維畫家用之。圖繪寶鑑。謝恭云畫有六法。一曰氣韻生動。二曰骨法用筆。三曰應物寫形。四曰隨類傳彩。五曰經營位置。六曰傳

模遺寫。

力葵負米

譽子之孝其親也。力負也。葵菜名。杜詩負米力葵外。讀書秋樹根。又世說子路曰。由事二親之時。食藜藿之食。為親負米百里之外。

鄰生入幕

譽人之就館於外者。晉書鄰超傳。鄰生可謂入幕之賓矣。

今之魯仲連

譽居間人之辭。戰國時魯仲連善為人排難解紛。

河汾主講

譽人之作講師教習者。唐書王績傳。績兄通。隋末大儒也。聚徒河汾間。做作六經。又為中說。以擬論語。

類聚 酬應類

春風坐我

頌先生之辭。言其善於教化。如春風之化育萬物也。

望族

頌世家巨室之辭。言其為人所仰望也。

棠蔭

譽官吏之辭。詩甘棠註。召伯聽男女之訟。不重煩勞。百姓止舍甘棠之下。而聽斷焉。

靜好

譽人夫婦之和睦也。詩經。琴瑟在御。莫不靜好。

輕裘緩帶

譽將帥之辭。言雖在軍中而有儒者氣象也。晉書羊祜傳。祜鎮荊州。在軍嘗輕裘緩帶。身不披甲。

寫生

譽畫家之辭。東齋記事。黃筌父子畫花。不見墨迹。謂之寫生。

攀轅臥轍

譽官之調任或去任者言之。六帖。侯霸為臨淮太守。被徵。百姓攀轅臥轍。不許去。

鄴尺

譽藏書家用之。韓愈詩。鄴侯家多書。插架三萬軸。鄴侯指李泌也。

鄴架 譽藏書家用之。韓愈詩。鄴侯家多書。插架三萬軸。鄴侯指李泌也。

臨池 譽書家也。晉書。王羲之臨池學書。池水盡墨。

薛卞之門 譽賞鑒家。薛薛炬善相劍。卞卞和能識玉。李白與韓荊州書。青萍

結緣。長價於薛卞之門。

蹇修 指媒介者而言。離騷。吾令蹇修以為理。註蹇修古之良媒。

紀綱 謂人之僕從也。亦曰尊紀。左傳。紀綱之僕。

儻從 謂人之僕從也。唐書。封常清傳。奏儻從三十人。

記室 即書記也。漢書。諸王三公及大將軍幕府。皆有記室。掌表章書記文檄。

慶賀類

一 賀壽

絳老添壽

左傳。絳縣人或年長矣。有與疑年使之年。曰。臣生之時。日正月甲子朔。四百有四十五甲子矣。添壽言添年算也。

箕疇五福

疇類也。書經。洪範九五福。一曰壽。二曰富。三曰康寧。四曰攸好德。五曰考終命。洪範為箕子所作。條其事為九類。故謂之九疇。

臺萊

詩經。南山有臺。北山有萊。樂只君子。邦家之基。樂只君子。萬壽無期。

魯侯燕喜

詩經。魯侯燕喜。令妻壽母。言燕飲而有喜也。

攬揆之辰

謂生日也。楚辭。皇攬揆於初度兮。肇錫予以嘉名。

生申令旦 詩經。惟嶽降神。生甫及申。

屏開雲母 雲母。石名。

南山獻頌 詩經。如南山之壽。

海屋添籌 列仙傳。滄海變桑田。輒下一籌。今滿十屋矣。按海上有仙屋。中居仙人。以籌記年。每歲有鶴銜一籌於屋。相傳為海屋添籌。

純嘏 詩經。天錫公純嘏。純大也。受福曰嘏。

琅筵 以喻壽筵。琅音郎。猶瓊筵。

設帨 指婦女生日而言。帨佩巾也。禮記。生女子設帨於門右。

崧辰

以喻尊長之生日也。詩經。崧高惟嶽。

康強逢吉

書經。身其康強。子孫其逢吉。

斑衣舞綵

指人之子姪輩。能承歡養志而言。高士傳。老萊子年七十。著五色斑爛之衣。作嬰兒戲親前。

二 賀婚嫁

嘉禮

謂吉慶事也。宋史。禮志。以飲食冠昏賓射宴饗。脹膳慶賀之禮。為嘉禮。

嘉耦

耦。匹配也。左傳。嘉耦曰配。

燕婉乘鸞

指娶佳婦而言。

燦燦三星

詩經。三星在天。註三星心星也。男女待禮而成。三星在天。可以嫁娶。或心星有尊卑夫婦父子之象。又為二月之合宿。故嫁娶以為

候焉。

珠聯璧合

喻夫婦之好合也。庾信集。開國承家。珠聯璧合。

穠華叶吉

詩經。何彼穠兮。華如桃李。美王姬下嫁之詞。叶通協。

鸞膠

合璧事類曰。有獻膠漢武帝者。帝以續絃名鸞膠。今取為續婚之喻。

卜鳳新諧

雄者曰鳳。卜鳳言為女擇婿也。

桃夭迨吉

詩經。桃之夭夭。其葉蓁蓁。之子于歸。宜其家人。又迨其吉兮。喻婚嫁之及時也。

類腋 慶賀類

四三

相攸

指擇壻而言。詩經爲韓媾相攸。註擇可嫁之所也。

卻扇

謂新婚之夕也。庾子山集分杯帳裏卻扇牀前。

僊侶

僊同仙。言其夫婦之和睦。比於仙人之伴侶也。

三 慶人添丁

筵開湯餅

古者生兒三日。作湯餅會。以宴賓客。

夢月入懷

南史武明皇后。凡孕六男二女。皆感夢。字魏二后。皆夢月入懷。喻人之生女也。

慰情勝無

賀人之生女也。陶潛詩。弱女雖非男。慰情聊勝無。

震一得男 易經。震一索而得男。震動也。索求也。

雛鳳啼聲 李商隱詩。雛鳳清於老鳳聲。又晉書。桓溫生。溫嶠見之曰。此兒有奇骨。可試使啼。及聞其聲曰。真英物也。

麟禧 謂誕麟之禧也。

弄璋 賀人生子用之。詩經。乃生男子。載弄之璋。

夢熊 亦賀人生子用之。詩經。惟熊惟羆。男子之祥。

明珠入抱 譽人生女之詞。女為掌中珠也。

秀鍾懷燕 譽人生子之詞。開元天寶遺事。張說母夢玉燕自東飛。投入懷中。已而孕生說。

類腋 慶賀類

瓜瓞斯綿

詩經。綿綿瓜瓞。頌人子孫之多。如瓜瓞之綿綿不已也。

含飴

賀人得孫之辭。飴音移。飴也。後漢書。馬皇后。吾但當含飴弄孫。不能復關政矣。

椒蕃

喻子姓之衆多也。詩經。椒聊之實。蕃衍盈升。

誕麟

謂生令子也。

螽斯衍慶

詩經。螽斯羽。詵詵兮。宜爾子孫振振兮。以喻子孫之衆多也。

繡褓

褓小兒衣也。

四 賀得利

利市三倍 謂可得三倍之利也。

操奇計贏 前漢食貨志。操其奇贏。謂操持奇異之物。而計度其餘利也。

利似春回 喻得利之盛大也。春者萬物發生之始。

生涯鼎盛 鼎盛猶言隆盛也。

資本家 謂富於資本也。

五 賀升轉

潞公再起 宋文彥博封潞國公。出將入相。五十餘年。再相時。與富弼同被任命。士大夫相賀於朝。賀人之重見任用也。

類腋 慶賀類

來暮興歌

後漢廉范傳。范遷蜀郡太守。百姓歌之曰。廉叔度。來何暮。頌人之得見任用也。

皇華載道

詩經。皇皇者華。注。君遣使臣之時。送之以禮樂。臣則揚君之美。使遠而有光華。頌人之奉使出外也。

牛刀小試

論語。割雞焉用牛刀。頌人之初次任事。

鴻毛遇順

文選。翼乎如鴻毛之遇順風。頌其得意也。

鴻達階晉

鴻。大也。達。九達之道也。晉。進也。指仕途升轉而言。

翼振雲霄

喻功名之上達也。

鵲音

開元天寶遺事。時人之家。聞鵲聲。皆以為喜兆。故謂靈鵲。凡慶賀事。皆可通用。

刻章 卽薦牘也。

鶚薦 後漢書。孔融薦禰衡表曰。鷲鳥累百。不如一鶚。頌人之得保薦也。

口碑載道 刻石記功德曰碑。口碑。言衆口皆同聲頌德也。

飛耳政聲 飛耳。言飛聲於耳也。

強臺直上 喻人之得意。捷足先登也。戰國策。楚王登強臺而望京山。

搏風 言其前途遠大。如鵬之搏風而上也。梁簡文帝賦。躡九枝而曜景。總六圖而搏風。

六 賀畢業或考試獲雋

類賦 慶賀類

泥金捷報

報帖昔多以泥金爲之。

出人頭地

言其名次之高也。宋史蘇軾傳。修謂梅聖俞曰。吾嘗避此人出頭地。

前茅

猶前列也。見左傳。

錦標奪得

唐人詩。果然奪得錦標歸。

操券

券據也。言其獲雋。如有券可憑也。

春風得意

孟郊登科後詩。春風得意馬蹄疾。一日看遍長安花。

拾芥

文選。獲青紫如拾芥。言其易也。

龍頭

卽第一名之意。灑水燕談。孫何孫僅。學行文辭。傾動場屋。何旣爲狀元。明年僅亦登第一。王黃州寄詩賀之曰。惟愛君家棣華榜。登科記上並龍頭。

信慰類

一 慰人疾病

偶櫻小極

世說。願和謁王導。導小極。對之疲睡。言小有不適也。

勿藥早占

易經。无妄之疾。勿藥有喜。言疾已自愈也。

善自珍攝

珍攝與保衛同。

諒已霍然

七發。忽然汗出。霍然病已。

類腋 信慰類

偶患河魚

左傳。河魚腹疾奈何。

稱藥量水

世說。王仲祖病。劉真長為稱藥。苟令則為量水。

二豎

謂病魔也。左傳。晉侯病。秦伯使醫緩為之。未至。公夢疾為二豎。子曰。彼良醫也。懼傷我。焉逃之。其一曰。居盲之上。膏之下。若我何。

薪勞

言有負薪之勞。亦喻疾病也。

无妄遽罹

罹。遭也。易經。无妄之災。

貴體違和

違。失也。言身體失其調和而致疾也。

末疾嬰纏

末疾。猶痼疾也。嬰。纏猶縈繞也。惟病之深且久者。始可用之。

維摩小病

維摩。西域僧名。李商隱詩。維摩一榻雖多病。要亦天

二 慰人失意

被讒受屈及遭意外之災難均附

長才暫屈

言暫時屈就也。

投閒置散

言不居要地也。韓昌黎集。投閒置散。乃分之宜。

塞翁失馬安知非福

卽禍福無常之意。

倥得倥失何足介懷

倥得倥失。猶言偶得偶失也。

千慮一失

漢書。智者千慮。必有一失。喻人之偶然失敗也。

牛刀小試

論語。割雞焉用牛刀。喻人之暫屈於小就也。

指顧泰來

指顧。言其速也。泰者。運會大通之時也。易。泰小往大來。吉亨。

微雲綴月

言人之遭謗毀。猶明淨之月而遇微雲點綴也。

三人市虎

慰人無端遭謗之詞。戰國策。龐葱謂魏王曰。今一人言市有虎。王信之乎。王曰否。二人言市有虎。王信之乎。王曰寡人疑之。三人言市有虎。王信之乎。王曰寡人信之矣。

曾參殺人

亦慰人無端遭謗之詞。戰國策。曾參殺人。其母投杼而起。

衆口鑠金

慰人之無端遭疑謗也。史記。張儀傳。衆口鑠金。言金質甚堅。然衆口猶得以銷鑠之。

扼腕

爲屈抑者歎息之意。戰國策。莫不日夜扼腕。瞋目切齒。

曲高和寡

慰懷才不遇者也。宋玉對楚王問。是其曲彌高者。其和彌寡。

停辛佇苦

言其含蓄辛苦也。

氣短

猶俗言心灰也。王羲之帖。令人短氣。

暫時息影

謂暫時休息也。薛季宣詩。日中之景君莫避。處陰息影景不留。

徐圖規復

言可徐徐謀復其所失也。

蜚語

蜚同飛。言誹謗之語無端而至也。

疑雲

因障蔽而有所見疑也。雲出則遮蔽天日。故引以為喻。

含沙射蜮

喻陰險傷人者。蜮短狐也。本草謂之射工。蓋以含沙射人為災。

漸入蔗境

即漸入佳境也。世說顧長康每食蔗自尾至。本人問之曰。漸入佳境。

明珠薏苡

後漢馬援傳。援在交趾時。常餌薏苡實。軍還載之一車。及卒後。有譖之者。以為昔所載還。皆明珠文犀。帝益怒。喻因嫌疑被謗也。

輶軻

車行不利曰輶軻。故引為不得志之喻。

鷓鴣暫退

喻暫時屈抑也。左傳六鷓退飛過宋都。

齟齬

言設計陷人。猶之猛獸噬人也。前漢田儋傳。則齟齬用事者墳墓矣。

青蠅之點何損垂棘

海錄碎事。青蠅糞能敗物。雖玉猶不免。所謂蠅糞點玉是也。又青蠅不能穢垂棘。邪論不能惑孔墨。

三 信人遭故

道山

蘇軾詩。道山蓬室知何處。返道山言其與世長辭。若終隱於山林也。諱言死之辭。

節哀順變

言裁制哀痛之情。以料理此變故也。

鶴馭仙遊

馭猶駕也。沈括詩。鶴馭遶天去不還。孔武仲詩。瀛洲俱稱列仙遊。

驟遭大故

大故。謂父母之喪。禮記。非有大故。不宿於外。

中道輪摧

言人至中年而天死。猶車至半途而輪折也。

玉折蘭摧

喻人子女之夭折也。陳後主詩：玉折蘭摧，遽從短運。

玉樓赴召

李商隱李賀小傳：長吉忽見一緋衣人，持一板書，曰：帝成白玉樓，立召君為記。今人謂天死曰：玉樓赴召，蓋取升天之義。

以禮制情

勸人無過於喪悼也。

牛眠

喻吉地也。晉書陶侃微時，丁艱將葬，家中忽失牛一，老父謂曰：前崗見一牛眠山汗中，其地若葬，位極人臣，侃尋得之，因葬其處。

山頽木壞

喻師或尊長之死也。禮記：泰山其頽乎，梁木其壞乎。

茹痛

茹食也。茹痛，言其積聚哀痛，如食物之在腸腹中也。

捐館舍

諱言人死，乃曰捐館舍。捐，棄也。史記：今奉陽君捐館舍。

痛抱西河

慰人喪子之辭。禮記。子夏喪其子而喪其明。史記。子夏居西河。

安仁之痛

慰人喪妻之辭。潘岳字安仁。有悼亡賦。

毀不滅性

勸慰人之處親喪者。不可過於哀痛。自滅其生也。見孝經。

溘然長逝

溘。奄忽也。史記。長逝者魂魄私恨無窮。

棄養

謂棄人子之奉養也。蓋諱言親死之辭。

噩耗

噩。驚也。耗。信也。

賚志而歿

卸。未竟長才之意。江淹恨賦。賚志歿地。長懷無已。

歲在龍蛇

續漢書。鄭康成夢孔子曰。起起。今年歲在辰。明年歲在巳。既寤。以識合之。知命將終也。後果卒。識云。歲在龍蛇。賢人嗟。

物化

文子其死也物化。

懇託類

轉薦附

一 託薦事

說項

唐楊敬之贈項斯詩。幾度逢人說項斯。未幾斯果顯達。今人謂稱人之美及薦舉人者。皆曰說項。

齒牙噓植

南史謝朓傳。無惜齒牙噓植。謂以言語見惠也。

一言九鼎

喻言之重也。庾信連珠。盟千乘之國。須季路之一言。又史記。毛先生一至楚。而使趙重於九鼎大呂。

代爲紹介

相佐助而令彼此相識也。史記平原君曰：勝請爲紹介。

汲引單寒

汲亦引也。單寒猶言孤單寒賤也。

大力吹噓

蹙唇吐氣曰吹。虛口出氣曰噓。揚子方言：註吹噓相佐助也。

決不爲羊公之鶴

言名不副實。貽羞薦主也。世說：晉羊叔子有鶴。嘗向客稱之。客試使驅來。氈毼而不肯舞。後人遂以羊公

鶴比世之濫竽者。

借一枝棲

猶言一席之地也。李義山詩：上林無限地。不借一枝棲。

不惜齒牙獎借

獎借卽代爲揄揚獎許之意。

口角春風

謂口舌之惠如春風之嘘拂也。

務望玉成

詩經。王欲玉汝。註。玉寶愛之意。玉成。言蒙推愛而成就其事也。

用呼將伯

詩經。將伯助予。亦呼救之意。

鷓鴣一枝

鷓鴣。小鳥。棲託之枝必小。

口頰生春

面旁爲頰。言以言語揄揚。頓如春風之嘘拂也。

託庇宇下

言欲在彼處受其庇護也。

屋烏之愛

六韜。愛其人者。愛其屋上烏。請人推愛及之也。

推情錄用
錄用收用也。

敢作曹邱

謂推薦之人也。史記。楚人曹邱生詣季布曰。諺曰得黃金百斤。不如得季布一諾。足下何以得此聲哉。僕游揚足下之名於天下。願不重耶。

杜廈廣庇

喻嘉惠貧困也。杜甫詩。安得廣廈千萬間。大庇天下寒士盡歡顏。

力爲推轂

輪之正中爲轂。史記。其推轂士常以爲賢於己。今稱薦舉人者曰推轂。本此。

賓館宏開

言其廣羅人材也。

務望垂青

垂有自上顧下之意。青謂青眼。晉阮籍能爲青白眼。喜則以青眼對人。怒則以白眼向之。今稱善待人者謂之垂青。

一言爲介

介卽介紹也。

廣廈萬間

見前註。

足資臂助

自肘至腕曰臂。猶言借助一臂也。

位置一席

卽安插一事也。

東南盡美

喻薦成之後。賓主相得也。王勃滕王閣序。臺隍枕夷夏之交。賓主盡東南之美。

相得益彰

亦喻薦成之後。彼此相得也。孟郊詩。始知君子心。交久道益彰。

感同身受

言承其推愛。不啻身受其惠也。

二 懇人招呼援助

登高一呼

登高一呼。則衆山響應。喻其權力之重。有呼必應也。

一爲援手

引而上之曰援。援手。言人將墜落而以手援引之也。

以蘇涸轍

見莊子。謂鮒魚困於涸轍。得水則蘇也。

代爲緩頰

猶言叨情也。漢書。緩頰往說魏王豹。

懇予轉圜

轉圜言周旋其事。使不決裂也。漢書。高祖從諫如轉圜。

生死肉骨

言有更生之惠。極爲感激也。左傳。吾見申叔夫子。所謂生死而肉骨也。

阮籍窮途

喻落魄不遇也。阮籍字嗣宗。縱酒昏酣。遺落世事。時率意獨駕。不由徑路。車跡所窮。輒痛哭而返。

枯魚窮鳥

喻困乏也。莊子。不如早索我於枯魚之肆。又南史。卞彬傳。擯廢數年。不得仕。乃擬趙壹窮鳥為枯魚賦。以喻意。

解倒懸之困

喻困苦也。孟子。猶解倒懸也。

鮑叔知予

史記。管仲貧困。常欺鮑叔。鮑叔終善遇之。管仲曰。知我者。鮑子也。亦求援於人之詞。

高誼薄雲

薄迫也。言行誼之高。可薄雲霄也。

寒谷春回

喻勃然有生氣也。劉向別錄。燕有寒谷。鄒衍吹律。溫氣乃至。

代為鼓吹

今借用鼓吹為游揚之辭。

轉覆

即蔭庇也。中庸如天地之無不持載。無不覆幬。

三 專誠延聘

杖杜道周

詩經有杖之杜。生于道周。彼君子兮。噬肯來遊。

倒屣爭迎

極言歡迎之意。不及著履而往也。

懸榻以待

見世說。

弓招

左傳。旃以招大夫。弓以招士。弓招。蓋即聘士禮也。

虛左

言虛高位以相待也。史記。公子虛左自迎侯門夷生。

類腋 懸託類

藉資臂助

言借助一臂也。

願承明教

言得就教也。

四 婉謝謀事者

人微言輕

謂不足見重也。

羽言

猶微言如一羽之輕也。

謀夫孔多

言謀之者衆也。詩經。謀夫孔多。是用不集。

僧多粥薄

卽事少人多之意。

蹄涔尺鯉

喻小者不能容大也。淮南子。牛蹄之涔。必無尺鯉。謂牛蹄漬成之。水不足以容及尺之鯉也。

地小不足迴旋

與上意略同。

五 感激

感沁心脾

以物探水曰沁。感沁心脾。言感德之深也。

感篆寸衷

篆與雕鏤同。言感激大德。永刊印於心也。

借索類

一 索還

類腋 借索類

踐諾

言不失所約也。諾者允許之辭。言既經允許則必踐約矣。

擲還

即言見還也。

外彊中乾

言外有餘而內不足也。左傳外彊中乾進退不可。

藉資挹注

猶俗言移東補西也。酌取曰挹。灌入曰注。

從井救人本非久計

言以財救急不顧一己之生計也。論語從者雖告之曰井有仁焉其從之也。

源頭稍活

言財用稍裕也。朱子詩為有源頭活水來。

藉通緩急

即有無相通之義。史記緩急人所時有。

歸趙

原物奉還曰歸趙。史記藺相如傳。臣願奉璧往。使城入趙。而璧留秦。城不入。臣請完璧歸趙。

二 告借 窘迫附

擬效顏公故事

顏真卿有乞米帖。拙於生事。舉家食粥而已數月。今又告罄矣。

竈突無煙

突竈窗也。竈突無煙。則絕糧而停炊矣。

阮囊羞澁

晉阮孚持一皂囊游會稽。客問囊中何物。曰。但有一錢看囊。恐其羞澁耳。喻手中之窘急也。

青黃不接

喻財用之出入不濟也。青指禾之始生。黃指穀之已熟。

來日大難

言過日之不易也。王融善哉行。來日大難。口燥唇乾。

朔飢欲死

漢書。侏儒飽欲死。臣朔飢欲死。

多多益善

言能允借則愈多愈善也。史記。淮陰侯傳。信曰。臣多多而益善耳。

仰屋興嗟

即四壁蕭然之意。宋史。富弼傳。老臣無所告訴。但仰屋竊歎者。即當至矣。

家徒壁立

言家中一無所有。窮困之極也。見史記。司馬相如傳。

皮骨都盡

喻財力交困也。歐陽修乞致仕劄子。腰脚細瘦。惟有皮骨。

繕呈左券

券契也。謂以借契奉上也。史記。蘇秦謂田軫曰。公常執左券以責於秦韓。

山窮水盡

喻貧乏也。

不節之嗟 言不節儉而致貧乏也。見易經。

水下西江藉蘇涸轍

莊子周顧視車轍中有鱗魚焉曰我且南游吳越之王激西江之水而迎子可乎此以水喻財言以

財濟人急如以水蘇魚涸也。

捉襟見肘

喻為難之至也。莊子捉襟而肘見。

弱於啟齒

言不敢相告也。弱即懦弱之意。

赧顏

赧面赤也。孟子觀其色赧赧然。

素性硜硜

喻固執而不肯失信也。

類腫 借索類

暫時周轉

言以救目前之急也。

剜肉補瘡

喻東挪西補之意。聶衷中詩。醫得眼前瘡。剜卻心頭肉。

嗟生巧婦

喻無可設法也。俗說巧婦難爲無米之炊。

空拳搯拄

言一無所有而支持也。

解囊

言以財濟人也。囊爲儲錢之器。故曰解囊。

廉泉一勺

也。向官吏告借者用之。廉泉譽其所得者出於清廉。邀求分與一勺也。

家無儋石

喻其窘也。漢書家無儋石之儲。按一石爲石。再石爲儋。

環堵蕭然

喻室中空無所有也。陶淵明集。環堵蕭然。不蔽風日。

薪桂米珠

言柴米昂貴也。戰國策。楚國之食貴於玉。薪貴於桂。

餽遺類

一 餽物

鯖珍

喻盛饌也。西京雜記。婁護遊五侯之門。每日五侯饋餉之。婁合所餉為鯖。世稱五侯鯖。

不腆

不厚也。餽人物者自謙之詞。

重越兼金

言其物之可寶也。兼金。好金也。其價兼倍於常者。

類腋 餽遺類

珍逾拱璧

意同上。

厚贐

送行之禮曰贐。孟子：予將有遠行，行者必以贐。

祖餞

以酒食送行也。宋史：胡瑗傳：瑗致仕歸，老於家。諸生與朝士祖餞東門外。時以爲榮。

祖帳

餞行時之供張也。祭道曰祖帳，與張通。

報瓊

言報施之厚也。詩經：投我以木桃，報之以瓊瑤。

卻之不恭

卻不受而還之也。孟子：卻之卻之爲不恭。

蔑蔑

極言其輕微也。

聊佐加餐 以食物贈人者用之。

新佐郇廚 亦餽食物者用之。

拜嘉 卽拜領之意。見左傳。

以備不時之需 言供其隨時之需用也。

故園風味 以鄉物贈人者用之。

二 餽書畫古物

藝林瓌寶 瓌同瑰。美王之名。文選。窺東山之府。則瓌寶溢目。喻文學中之珍品也。

類腋 餽遺類

古香異彩

洞天清錄。古畫色黑或淡墨。則積塵所成。有一種古香可愛。

眼福

有慶幸目覩之意。言如天之福。使得見所未見也。

割愛見遺

言割其心愛之物而相贈也。

百朋之錫

極言其貴重也。見詩經。

雜用類

凡通用典實無類可入者歸之

庚郵

今之郵寄也。鄒登龍詩。丙枕或思前夜席。庚郵寧肯後鋒車。

物色

與訪求之意同。後漢書。嚴光傳。帝思其賢。乃令以物色訪之。

咄咄逼人

言其逼人太甚也。法書要錄。王蒙子修善隸行。子敬每省修書云。咄咄逼人。

孤注一擲

謂輕於一試也。王欽若謂真宗曰。陛下知博乎。博者輸錢欲盡。乃拚孤注一擲。

叮咛

喻言界限也。莊子。蘧伯玉對云。彼且為無叮咛。亦與之為叮咛。

而立之數

指三十也。論語。三十而立。

大衍之數

指五十也。易經。大衍之數五十。

名世之數

指五百也。孟子。五百年必有王者興。其間必有名世者。

再接再厲

魯人之第二次作事。有勇猛之氣也。孟郊詩。一噴一醒然。再接再厲乃。

行滕

即行篋也。滕同滕。禮記內則。偃履著綦。註鄭云。以幅帛斜纏於足。所以自偃束。偃即滕約也。

江河日下

喻事之不如前也。江河之水。日就下流。故謂日漸衰敗者曰江河日下。

百城

喻書之多也。杜史李謚傳。每日。丈夫擁書萬卷。何異南面百城。

束筍

狀積疊之多也。韓愈詩。深藏篋詩時一發。戢戢已多如束筍。

自貽伊戚

言自取其咎也。詩經。心之憂兮。自貽伊戚。

色舞眉飛

狀歡樂也。

舌敝唇焦

言已再三言之也。戰國策。蘇秦曰。舌敝耳聾。不見成功。

舛午 猶言乖錯也。見漢書劉向傳註。

主臣 惶恐之辭。猶今言死罪也。見前漢書王陵傳。陳平曰：主臣句註。

句留 猶言留止也。白居易詩：未能拋擲杭州去。一半句留是此湖。

瓦解 猶潰散也。史記匈奴傳：其困敗則瓦解雲散矣。

行色倥傯 行色謂起行時之景況也。倥傯迫促也。

回皇 疑懼不決之意。回徘徊皇彷徨。

前嫌冰釋 謂已消散如冰之渙釋也。

手民

清華錄。木匠總號運斤之藝。又曰手民。手貨。今稱雕刻者曰手民。

反唇相稽

言爭論也。漢書。婦姑不相悅。則反唇而相稽。

內疚

猶言心中自怨自艾也。陶潛詩。心之憂矣。恒焉內疚。

水乳交融

喻彼此情誼融合無間也。

心心相印

言彼此意見相同。

月旦

猶品評也。世說。汝南許劭字子將。好臧否人物。時人謂之汝南月旦。

方命

猶違命也。

日昃不遑 極言其忙碌也。書經。自朝至於日中昃不遑暇食。

不遑 遑音偉。猶不是也。左傳。犯五不遑而以伐人。

一擲千金 言豪侈也。高適少年行。一擲千金渾是膽。家徒四壁不知貧。

一髮千鈞 喻關係之重也。

門閭望切 謂母之思望其子也。戰國策。王孫賈母曰。汝朝出而不歸。則吾倚

門而望。暮出而不還。則吾倚閭而望。
芥珀 言氣味相投也。黃庭堅詩。懶膽能分杯。虎珀妙拾芥。

於邑 氣逆結不下也。楚辭。氣於邑而不可止。

粉誼

謂鄉誼也。漢書高祖禱豐粉榆社。注粉榆鄉名也。後遂借以喻鄉誼。

服膺

佩服之意。中庸拳拳服膺。

春明

指京師而言。唐六典京城東面三門中曰春明。

首肯

應允也。凡人有所許可。多以首示意。故曰首肯。

枯苑

喻處境之豐齊也。草木黃落曰枯。茂盛曰苑。

負荆

請罪之別名。史記廉頗聞之。肉袒負荆。因賓客至。藺相如門謝罪。

負負

後漢張步傳。負負無可言。註負愧也。再言之者。愧之甚也。

眉軒 軒舉也。言欣喜之甚也。

苔岑 喻交誼也。郭璞贈溫嶠詩。人亦有言。松竹有林。及爾臭味。異苔同岑。

借鑒前車 言以前事爲鑒也。韓詩外傳。前車覆後車戒。

輪奐 喻宮室之美麗也。禮記。美哉輪焉。美哉奐焉。

家巷 衍同巷。猶言家巷也。

珠還 言物之仍歸舊主也。

贗鼎 僞貨也。僞者曰贗。

類腋 雜用類

皋牢

猶籠罩也。後漢書。彌綸阮澤。皋牢陵山。

臭味差池

言不相投合也。左傳。吾臭味也。而何敢差池。

差彊人意

猶言稍滿人意也。

軒輕

猶高下也。車前高曰軒。後下曰輕。

軒渠

笑貌。後漢書。軒渠笑自若。

茵馮

謂依傍其席次也。漢書。周陽由傳。同車。未嘗敢均茵馮。

旁行斜上

見漢書藝文志。今借以言西文。

庭訓 論語。鯉趨而過庭。今稱父訓曰庭訓。本此。

倚閭 謂母之望其子也。戰國策。王孫賈母曰。汝暮出而不反。則吾倚閭而望。

素封 富室也。貨殖傳。無食祿之奉。爵邑之入。而樂與之比者。命曰素封。

校讐 卽校對也。左思魏都賦。讎校篆籀。註。一人持本。一人讀書。言兩本相覆校。如仇讐也。

息壤 史記。甘茂曰。息壤在彼。今稱盟誓曰息壤。蓋取久要不忘之義。

逆耳 謂不入耳之言也。左傳。良藥苦口。利於病。忠言逆耳。利於行。

推襟送抱 喻交誼之篤也。南史。張充傳。充與王儉書曰。可謂通夢交魂。推襟送抱。惟丈人而已。

商榷

相商之意。北史。商榷古今。

參商

喻睽隔也。參商二星名。陸機詩。形影參商乖。音息曠不達。

閉門羹

言拒絕不見也。雲仙雜記。待客有差等。最下者不相見。以閉門羹待之。

連裾接屐

喻結伴同行也。

問鼎

左傳。楚子問鼎之大小輕重焉。今借用爲窺伺覬覦之意。

接踵

接續而來也。踵脚後根也。

揭櫫

廣韻。有所表識曰揭櫫。

金緘 喻慎言也。家語。孔子觀周廟有金人三緘其口。而銘其背曰。古之慎言人

也。

莫逆 言交誼之篤也。梁書何點傳。與陳郡謝瀟吳國張融等爲莫逆友。

不差累黍 喻纖微不失也。前漢律歷志。迴輕重者不失累黍。

脫輻 喻夫婦之衝突也。易小畜六三。輿脫輻。夫妻反目。

惟口起羞 謂以言獲罪也。見書經。

船唇車腹 言水陸兼行也。船唇猶船首。車腹猶車中。

開罪 猶獲罪也。戰國策。開罪於先生。

欽遲

即欽仰之意。

華臚族

稱貴族用之。詩經。瑣瑣姻婭。則無臚仕。

勞勩

勩音異。勞苦也。

翔實

謂皆確實無虛僞也。

無俚

即無聊也。漢書季布傳贊。其實無俚之至耳。

嗑噱

發笑也。

勝衣共硯

言少時同學也。勝衣。謂年已少壯。共硯。即同几硯也。

望衡對宇

言所居鄰近也。衡猶門也。宇屋宇。水經注。龐德公所居。在司馬德操宅周之陽。望衡對宇。懽情自接。

衆喙

衆口也。

喙長三尺

言好播弄口舌也。唐書陸餘慶傳。說事則喙長三尺。判字則手重五斤。

發軔

凡事之始起者曰發軔。離騷。朝發軔於蒼梧兮。

結納

今稱交友曰結納。

黑白分明

喻是非自見也。春秋繁露。黑白分明。然後民知所去就。

菊部

謂梨園子弟也。宋元宮詞。高皇尙愛梨園舞。宣索當年菊部頭。

鳩工庀材

謂營造也。鳩聚也。庀覆也。言鳩集工人以覆蓋屋宇。

傾蓋

謂朋友之初相逢也。家語孔子之刻遭程子於途。傾蓋而語終日。

懷鉛握槧

謂從事於文墨也。鉛鉛刀。槧削版牘也。古未有紙筆時。載文於版。牘以刀刻之。

僂指

猶屈指也。荀子雖聖人之智。未能僂指也。

詰朝

明旦也。

落成

言告成也。左傳楚子成章華之臺。注宮室始成。祭之為落。

辟易

衆人驚退也。史記人馬皆驚。辟易數里。

驪歌 送行之辭。漢書儒林傳。王式曰。客歌驪駒。主人歌客毋庸歸。

端居 猶言平居也。孟浩然詩。欲濟無舟楫。端居恥聖明。

需次 猶俗言候補也。需待也。次。位次。宋史馬廷鸞傳。調池州教授。需次六年。

綿邈 猶長遠也。

銅山 喻富厚也。漢書鄧通傳。上賜通蜀嚴道銅山。得自鑄錢。

解組 謂致仕歸也。全唐詩話。賀知章乞還鄉里。御製詩并序云。解組辭榮。志期入道。

榜人 船戶也。漢書榜人歌聲流喝。

綺戒

猶色戒也。

誚讓

譴責也。前漢書。項王數使使者。誚讓黥布。

對簿

卽對質之意。史記。李廣傳。大將軍使長史急責廣之幕府對簿。

厲階

言爲惡之階梯也。詩經。誰生厲階。

蒂芥

小有不滿意之辭。前漢。賈誼傳。細故蒂芥。註。蒂芥。小鯁也。

僦居

猶俗言租屋。僦卽就切。以財雇賃也。

頷誦

頷與絡同。言循環拜讀也。

嘖有煩言 謂多有爭執之辭。左傳。會同難。嘖有煩言。莫之治也。

賞奇析疑 言誦讀時。互相評論也。陶潛詩。奇文共歡賞。疑義相與析。

履端 言歲首也。左傳。履端於始。序則不愆。

履綦 指友人之踐履而言。綦。屨繫也。

賦閒 言無事也。潘岳有閒居賦。

蝟集 集聚也。言事務之多如蝟集也。

齒冷 猶寒心也。南史。樂預傳。人笑褚公。至今齒冷。

類腋 雜用類

擣菹

賭博也。晉書陶侃傳。擣菹者。牧豬奴戲耳。

牧豬奴

指賭徒也。注見前。

彈指

言倏忽間也。蘇軾詩。一彈指頃去來今。

慙慙

音悚勇。謂旁人聳動之意。

鬪儉

言奸猾商人也。史記貨殖傳。鬪儉會兩家交易者。如今之度市。

踉蹌

不安之貌。論語。踉蹌如也。

霄壤

上下懸絕也。

頤養 卽保養之意。對於尊長用之。

錦旋 卽筭旋也。

塵談 晉書。王衍傳。衍善玄宮。每捉玉柄。塵尾與手同色。今人譽人辭令之妙者。曰塵談。

盥薇雜誦 雲仙雜記。柳宗元每得韓愈詩。必以薔薇露盥手。然後開讀。今人接讀他人之信。每借用之。

邂逅 不期而會也。詩經。邂逅相遇。

雕鐫肝腎 言其用心過甚也。陳與義詩。揚雄平生學。肝腎困雕鐫。

勤劬 猶勤勞也。

類腋 雜用類

蟬連

言可以連續也。

鍼砭

蓋取規誠之義。范成大詩。時時苦語見箴砭。

總角交

言幼小之交也。

贗鼎

喻僞物也。

葦事

音振。凡事告成曰葦事。

薰蕕

喻氣味之不相投也。左傳。一薰一蕕。十年尚猶有臭。

设欬

談吐之聲。莊子。逃空虛者。聞人足音。蹙然而喜矣。而況乎昆弟親戚之设欬言笑之聲也。

瀏覽 卽觀覽之意。

覆轍 謂鑒於以前之失敗也。

齟齬 喻語言不合也。說文。齒不相值曰齟齬。

襍被 襍同幘。帕也。晉書魏舒傳。襍被而出。

醮資 言合出資財也。

味如嚼蠟 喻毫無意味也。楞嚴經。當橫陳時。味如嚼蠟。

味同雞肋 喻此事之無足重輕也。三國志。如鷄之有肋。食之無味。棄之可惜。

類腋 雜用類

尺牘大全 卷七

尺牘大全 卷八

尺牘選粹

家庭類

馬援誡兄子嚴敦書

吾欲汝曹聞人過失。如聞父母之名。耳可得聞。口不可得言也。好議論人長短。妄是非正法。此吾所大惡也。寧死不願聞子孫有此行也。汝曹知吾惡之甚矣。所以復言者。施衿結褵。申父母之戒。欲使汝曹不忘之耳。龍伯高敦厚周慎。口無擇言。謙約節儉。廉公有威。吾愛之重之。願汝曹效之。杜季良豪俠好義。憂人

之憂。樂人之樂。清濁無所失。父喪致客。數郡畢至。吾愛之重之。不願汝曹效也。效伯高不得。猶爲謹敕之士。所爲刻鵠不成。尙類鶩者也。效季良不得。陷爲天下輕薄子。所謂畫虎不成。反類狗者也。訖今季良尙未可知。郡將下車。輒切齒。州郡以爲言。吾常爲寒心。是以不願子孫效也。

陶潛與子儼等疏

告儼。俟份。佚修。天地賦命。生必有死。自古賢聖。誰能獨免。子夏有言。死生有命。富貴在天。四海之人。親受音旨。發斯談者。將非窮達不可妄求。壽夭永無外請。故耶。吾過五十。少而窮苦。每以家弊。東西游走。性剛才拙。與物多忤。自量爲己。必貽俗患。僂俛

辭世使汝等幼而飢寒。余嘗感孺仲賢妻之言。敗絮自擁。何慙
兒子。此既一事矣。但恨鄰靡二仲。室無萊婦。抱茲苦心。良獨內
愧。少學琴書。偶愛閒靜。開卷有得。便欣然忘食。見樹木交蔭。時
鳥變聲。亦復歡然有喜。常言五六月中。北窗下臥。遇涼風暫至。
自謂是羲皇上人。意淺識罕。謂斯言可保。日月遂往。機巧好疎。
緬求在昔。眇然如何。病患以來。漸就衰損。親舊不遺。每以藥石
見救。自恐大分將有限也。汝輩雜小家貧。每役柴米之勞。何時
可免。念之在心。若何可言。然汝等雖不同生。當思四海皆兄弟。
之義。鮑叔管仲。分財無猜。歸生伍舉。班荆道舊。遂能以敗爲成。
因喪立功。他人尙爾。況同父之人哉。穎川韓元長。漢末名士。身

處卿佐八十而終。兄弟同居。至於沒齒。濟北汜稚春。晉時操行人也。七世同財。家人無怨色。詩曰。高山仰止。景行行止。雖不能爾。至心尙之。汝其慎哉。吾復何言。

魏禧與季弟書

辛卯月日。客零二旬。每念吾弟。介然不苟。頗以遠大相期。聖人所稱剛毅木訥。庶幾近之。但剛爲美德。吾弟卻於此成一疎字。生一褊字。又漸流一傲字。往時我之督弟甚嚴。近五六年。見弟立志操行。頗成片段。每欲長養吾弟一段勃然挺然之氣。不忍過爲折抑。又我每有優柔姑息之病。吾弟常能直言正色。匡我不逮。隱若畏友。凡細故偶失。多爲姑容。使弟不生疑忌。矢直無

諱。坐此兩者。故今之督弟甚寬。然我此等。卽是姑息。欲歸爲弟
暢言。弟且行矣。弟與人執事。亦頗竭忠。每乏周詳之慮。臨事時
患難險阻。都所不辟。而不能爲先事之計。間或以爲吾大節无
損。諸細行雜務。不留心無大害。然因此失事誤人。因以失己者
多有之。此則所謂疎也。疾惡如仇。輒形辭色。親友有過。諫而不
聽。遂薄其人。人輕己者。拂然去之。行有纖毫不遂其志。則抑鬱
憤悶。不能終朝。此誠褊衷。不可不化。其人庸流也。則以庸流輕
之。其人下流也。則以下流絕之。岸然之氣。不肯稍爲人屈。遂因
而不屑一世。凌轢儕輩。長此不懲。矜己傲物。馴致大弊。夫疎。則
敗事。褊。則鄰於刻薄。傲。則絕物。而終爲物絕。三者皆剛德之害。

然皆自剛出之。倘能增美去害。則於古今人中要當自造一詣矣。子夏問孝。子曰色難。先儒以爲有深愛者必有和氣。有和氣者必有愉色。有愉色者必有婉容。吾弟之事父兄。動多恭謹。然婉容愉色。抑何少也。豈其無深愛耶。蓋無學問以化其剛。岸然之氣。欲下之而不能下也。弟行勉之矣。

魏禧寄兒子世侃書

自出門後。三次大病。參藥之費。計五十金。七月光福一病。僅存皮骨。攬鏡以照。陡然心驚。當沈疴時。自念家死客死。要有前定。然汝母無依。汝尙未婚。娶成立。不能不動心耳。吾垂六十無子。立汝爲後。吾弟吾弟婦陰驅顯率。使汝爲吾子。然吾兄弟如一。

身視諸子不太異。古人於世父叔父。並稱父子。不稱叔姪。卽今汝爲吾子。與未爲子。一間耳。況吾兄弟乎。吾家世忠厚。徵君積德力善。爲鄉里望人。吾兄弟少好口語。舌鋒銛利。頗以此賈怨。謗然未嘗敢行一害人事。欺詐人財。敗衆以成私也。汝資性略聰明。能曉事。夫聰明當用於正。親師取友。逆歸一路。則爲聖賢。爲豪傑。事半而功倍。若用於不正。則適足以長傲飾非。助惡歸於殺身。而敗名。不然。卽用於無益事。小若了了。稍長。鋒穎消亡。一事無成。終歸廢物而已。吾以家貧。負石田出遊。自念老矣。欲爲汝營婚娶。不以責負相遺。不能家居教汝。又去吾廬。叔父遠少督責。汝母婦人多姑息之愛。吾以此耿耿於心也。吾先代來

稱素封者八世。至徵君家聲益大。吾兄弟以文學爲當路所禮。又肯出氣力爲人。故門第雖小。在僻邑中。嘗若氣燄。族里婚友。於汝兄弟輩多禮貌。優容其失。汝勿以此爲得意。夫吾何德。何能於姻族。而姻族乃折節包荒若此。吾懼乎有失。而背督之者。相倍蓰也。吾幼補諸生。長而有聞。今碌碌若此。汝輩不逮吾。不知幾尋丈。敢長傲乎。孔子曰。後生可畏。焉知來者之不如今也。四十五十而無聞焉。斯亦不足畏也已。吾手所提抱人。今爲祖父者。不知凡幾。汝童而長。壯以老。直日暮間事。吾家五世無六十上人。他日思吾言。始知之。父母愛子均然。婦人尤望其子之孝順。汝事母大小節。宜加意。溪水泛漲。不時當慎。出入守先生。

約束。花源亦可督之習字也。庚申八月朔日。力疾書於吳門之
桃花塢。

李兆洛誠子書

自吾曾祖始居於此。吾祖恢而大之。吾父整而飭之。吾兄全而
保之。以縣延百年。貽我後之人。汝父何嘗有一絲一粟裨益於
其間。以庇汝哉。而汝居然有廬可居。有田可耕。有書可讀。汝等
之幸。不可不自知之也。吾與汝伯父少小相愛。相依如性命。及
各長大。時時東西南北。不能常聚。然心志未嘗不同。汝祖察其
如此。故聽其白首同居。不復異財耳。然十餘年來。汝伯父之支
撐門戶。整理家計者。心力交殫矣。年已就衰。豈能長爲汝輩作

牛馬哉。故將祖產所貽。均勻剖析。可分者分之。不可分者仍公之。庶幾各有職業。各知艱難。此不得已之苦心。可以告無罪於先人者也。吾生平粗伉。惟略識文字。於人情曲折。每不甚諳。齋鹽瑣悉。尤所不耐。著衣喫飯。皆賴父兄庇廕耳。年才過五十。已覺衰病侵尋。又婚嫁已了。頗復思逍遙人間。不與世事。欲自勉強持家作計。誠不能也。故以吾兄分授與我者。復析爲二。以授汝等。自今以往。吾但仰食汝等。不復有所關預也。汝等資皆中下。吾不望以功名顯榮。能純純謹謹爲鄉里自好之人。便是克守家法。吾願足矣。苟能自守已足。終身飽煖。不能自守。雖銅山金穴。豈有濟哉。保家之道。制節謹度而已。保身之道。謹言信行。

而已。非分之想。莫萌無益之事。莫作此吾所常以語汝者也。勉之。

張可大示子

場屋失意不足憂。若失意而憂。則得意必驕矣。但肯埋頭積學。下帷奮志。盡其在我。卽不得意。何憾耶。等而上之。學問到周程事業。到韓范。不過儒門中幾箇好秀才耳。一失足間。便隔千里。老人期汝。在此不在彼也。

徐繼恩與子汾等

余以身際滄桑。學無端緒。去爲賈客。都非所安。大父見背。已逾十年。大母銜悲。復歸泉壤。痛怙恃之無依。顧形骸之已老。人生

日暮。曾幾何時。忽忽相催。壯盛不再。自嬰世網。子女纏綿。數欲遺情。未獲捐愛。汾年二十有八。鄴年二十有二。不爲不長。當自食其力。奉養爾母。留始學爲文。魏生最晚。不能待其成立。或儒或賈。聊以聽之。薄田數畝。遺貲數金。助爾等餽粥。家誠十二則。頗悉余意。反覆佩服。不可忘也。鷄骨餘生。不願終於兒女子之手。白雲飄忽。任余往還。陶潛切切。以紙墨爲懷。向平勞勞。以婚嫁爲累。俛仰古人。頽然興喟矣。

吳栢寄父書

仰岳伯壽躋古稀。馥之兄年登不惑。親衰子壯。正代老之時。如何一旦永訣。死者不得其死。生者不遂其生。路人聞之。猶將酸

鼻。况。宗。族。乎。聞。訃。書。贅。壻。出。名。則。趙。師。錫。代。翁。奉。養。情。理。所。宜。然。在。孫。壻。則。又。隔。一。代。何。如。子。壻。之。更。親。也。錢。姊。丈。近。聞。富。饒。獨。不。爲。之。地。乎。嗟。夫。有。初。鮮。終。古。今。通。患。顧。二。人。之。用。情。如。何。耳。

諸匡鼎與君簡三叔父

貧。最。苦。吾。叔。極。得。貧。樂。布。被。緇。袍。菜。根。脫。粟。門。無。車。馬。之。喧。室。有。幅。巾。之。侶。銀。杏。蔭。窗。生。綃。克。積。十。日。一。水。五。日。一。山。雲。生。案。中。鶴。飛。紙。裏。雲。林。大。癡。差。可。鼎。足。塵。俗。不。撓。於。心。米。鹽。不。挂。於。口。自。非。得。道。人。焉。能。忘。貧。至。此。哉。

孫枝蔚與弟

弟書屢到。奈何說貧不止耶。謀貧家如謀弱國。用急著則當效。諸葛之治蜀。用緩著則當效。孟子之策滕。熟思兄言。貧不足憂也。然如漑堂措辦八口之法。又萬萬使人學不得。正如李廣將二千衆。深入時。無論勝敗。要不失爲戰將。然亦可爲太息矣。言本自悼。而若自譽。弟聞之。將笑我乎。抑憐我乎。

楊鳴示兒意

大凡人執見。自是便差。若自是到底。便差到底。聖賢只是向過字下抽身。得快孔之苟有顏之不貳。真千古避過法門。

汪淇示長孫惟宸

汝父千里郵函。惓惓以汝讀書爲念。唯讀書爲能明理。明理而

後可知人識事。蓋知人則臧否畢彰。識事則利害自見。書之益人如此。不然黑漆漆地。走何處尋覓路頭。向大道上行也。今人動謂韓氏之子不克繼父。不知金根妄改。猶向紙上追尋。差勝淵明諸子不好筆墨多矣。領此便宜努力。

蔣漢升與申先兄

秋雨梧桐。霜天蟋蟀。懷人情緒。寂寞難堪。天上多鴻雁。池中足鯉魚。奈何不爲我一傳尺素也。二弟來知吾兄有北遊之興。深爲忻羨。大丈夫負才。自當歷覽名勝。以覓知己。豈可甘作蠹魚。如吾兄人品文章。必爲士林推重。然而定省之事。正未可久疎。得志之後。須馬首卽南。爲畫錦堂中添氣色耳。

汪開楚柬愴漪叔

滯跡西冷。閱三月許。尊叔光風之度。薄雲之誼。照拂遊子者至矣。兼之湖濱浮白。倡和幽懷。猶極阮家風味。迄今雖棹返武昌。言及疇昔。夢魂恆戀戀。慈照間也。秋闈伊邇。尊叔以懷才慕道。安於市隱。殿武弟揣摩已成。佇見振翮雲霄。襲香桂殿。如姪者。憊憊倦羽。猶然逐隊風塵。勉圖再舉。虛名之累人。若此哉。嬾母同諸弟并候。

趙時揖寄子

騎驢北游。亦欲一識悲歌慷慨之士。而得倪憲閣邵蘭雪兩君。夙推南中風雅。按蓋聯吟。不必念吾寂寞也。長安道上貴客。燦

如○春○花○然○在○枝○爲○錦○飄○地○成○泥○榮○落○頗○隨○朝○暮○子○但○讀○書○立○行○
爲○世○正○人○俗○利○浮○名○非○吾○所○望○

吳正亨寄茂先兄

家○業○中○衰○得○長○兄○宏○才○偉○略○一○爲○振○起○不○然○不○幾○令○鄧○禹○笑○人○
乎○弟○十○齡○失○怙○十○三○失○恃○賴○吾○兄○嫂○加○之○拊○循○以○至○今○日○嗚○呼○
生○有○父○母○而○不○知○父○母○之○樂○長○無○父○母○而○不○知○父○母○之○亡○非○我○
兄○嫂○得○有○今○日○哉○今○幸○時○侍○岳○翁○得○荷○提○誨○但○學○問○一○道○始○如○
登○山○動○而○益○高○旣○如○寤○寐○久○而○愈○足○又○非○一○朝○一○夕○之○可○蹴○而○
至○也○南○北○歧○路○心○同○望○洋○幸○長○兄○有○以○教○我○

高永清將歸與仲弟

離家數年。今幸歸。已抵呂城矣。從數千里還家。不奈此將到未到之百餘里。反使人心頭閃閃。忽忽尅時。袖占卽物。取讖無數。憂歎之狀。不堪爲吾弟說也。

顧自俊與內子

我到江陰。身子頗平安。錫泉不可多得。大抵日醉陳榨酒也。汝病稍愈否。切不可多思。此病已深。若再一入性。情恐非藥餌能治。慎之。俟張酉山先生中一歸。衙客邸雖無他獲。亦便載將風雪返錢塘矣。體弱天寒。慎勿以我爲意。

方孟式讀徐媛詩與妹維儀

偶爾識字。堆積齷齪。信手成篇。天下原無才人。遂從而稱之。始

知吳人好名而無學不獨男子然也

朱氏寄母

從來親之思子倍於子之思親故能以思子之心思父母則親有孝子矣然不知母之思女更甚於子而當道里遼遠之際其縈懷尤倍尋常憶母二十生女今踰六十五載矣猶記母八旬大慶時女特歸里稱觴以爲家庭樂事後返居武林又復五年聞母近日矍鑠清癯加餐晏坐百歲之旌指日可待但慮母起居朝夕間意中尙有一女在耳女今與壻雖共皤然猶幸子孫繁衍咸克承歡惟是女之報母不能如母愛女之深思女之切爲可愧也外奉一芹申候

葉觀與外

借米得五斗。幸不煩折腰。可伸十日眉頭也。無錢可沽。昨江北人送惠泉一埕。當足六日飲。烏言有之。得過且過。丈夫不窮則不達。空乏不必縈懷。但期勿負飲食。虛度歲月而已。

懷敘類

魏文帝與吳質書

二月三日丕白。歲月易得。別來行復四年。三年不見。東山猶歎其遠。況乃過之。思何可支。雖書疏往返。未足解其勞結。昔年疾疫。親故多離其災。徐陳應劉。一時俱逝。痛可言邪。昔日遊處。行則連輿。止則接席。何曾須臾相失。每至觴酌。流行絲竹。並奏酒

酣耳熱。仰而賦詩。當此之時。忽然不自知樂也。謂百年已分。可長共相保。何圖數年之間。零落略盡。言之傷心。頃撰其遺文。都爲一集。觀其姓名。已爲鬼錄。追思昔遊。猶在心目。而此諸子。化爲糞壤。可復道哉。觀古今文人。類不護細行。鮮能以名節自立。而偉長獨懷文抱質。恬淡寡欲。有箕山之志。可謂彬彬君子者矣。著中論二十餘篇。成一家之言。辭義典雅。足傳於後。此子爲不朽矣。德璉常斐然有述作之意。其才學足以著書。美志不遂。良可痛惜。間者歷覽諸子之文。對之拔淚。旣痛逝者。行自念也。孔璋章表殊健。微爲繁富。公幹有逸氣。但未適耳。其五言詩之善者。妙絕時人。元瑜書記翩翩。致足樂也。仲宣續自善於辭賦。

惜其體弱。不足起其文。至於所善。古人無以遠過。昔伯牙絕絃於鍾期。仲尼覆醢於子路。痛知音之難遇。傷門人之莫逮。諸子但爲未及古人。自一時之雋也。今之存者。已不逮矣。後生可畏來者難誣。然恐吾與足下不及見也。年行已長。大所懷萬端。時有所慮。至通夜不瞑。志意何時復類。昔日已成老翁。但未白頭耳。光武言年三十餘。在兵中十歲。所更非一。吾德不及之年。與之齊矣。以犬羊之質。服虎豹之文。無衆星之明。假日月之光。動見瞻觀。何時易乎。恐永不復得爲昔日遊也。少壯眞當努力。年一過往。何可攀援。古人思炳燭夜遊。良有以也。頃何以自娛。頗復有所述造。不東望於邑。裁書敘心。丕白。

陳後主與詹事江總書

管記陸瑜奄然殂化。悲傷悼惜。此情何已。吾生平愛好。卿等所
悉。自以學涉儒雅。不逮古人。欽賢慕士。是情尤篤。梁室亂離。天
下糜沸。書史殘缺。禮樂崩淪。晚生後學。匪無牆面。卓爾出羣。斯
人而已。吾識覽雖局。未曾以言議假人。至於片善小才。特用嗟
賞。況復洪識奇士。此故忘言之地。論其博綜子史。諳究儒墨。經
耳無遺。觸目成誦。一褒一貶。一激一揚。語玄析理。披文摘句。未
嘗不聞者。心伏聽者。解頤會意。相得自以爲布衣之賞。吾監撫
之暇。事隙之辰。頗用譚笑。娛情琴樽。間作雅篇。豔什迭互。鋒起
每清。風朗月美景。良辰對羣山之參差。望巨波之滉瀆。或翫新

花時觀落葉。既聽春鳥又聆秋鷹。未嘗不促膝舉觴。連情發藻。且代琢磨。間以嘲謔。俱怡耳目。並留情致。自謂百年爲速。朝露可傷。豈謂玉折蘭摧。遽從短運。爲悲爲恨。當復何言。遺跡餘文。觸目增泣。絕絃投筆。恆有酸恨。以卿同志。聊復敘懷。涕之無從。言不寫意。

王士正致汪荅文書

二年契闊。方喜連牀。三日流連。忽驚判袂。接手訊備。悉近狀。一再往復。泣下沾襟。嗟乎荅文。昔與同人。翱翔京雒。入則接席。出則聯鑣。睥睨時流。上下千古。意氣何盛也。自鄱陵讀禮。潁川引疾。南海出使。弟既風塵憔悴。悽愴江潭。兄復踳躄左遷。退歸吳

苑。又。何。衰。也。昨。者。蕪。城。暮。雨。官。閣。孤。檠。相。見。悲。歡。宛。如。夢。寐。竊
思。百。年。之。中。良。會。有。幾。毋。論。舊。游。雲。散。不。可。復。得。卽。如。此。夕。翦
燭。聽。雨。共。話。長。安。舊。事。雖。復。百。端。集。臆。萬。感。填。膺。由。今。思。之。亦
人。生。之。極。樂。也。卜。鄰。洞。庭。之。約。數。載。於。茲。靈。威。丈。人。實。聞。斯。語。
比。聞。議。裁。去。李。官。深。愜。鹿。麋。之。性。便。當。一。瓢。一。笠。從。吾。兄。於。七
十。二。峯。之。間。此。願。不。遂。爲。當。奈。何。

蘇軾與王元直

黃州眞在井底。杳不聞鄉國信息。此中凡百粗遣。江邊弄水挑
菜。便過一生。或聖恩許歸田里。得款段一僕。往來瑞草橋。夜還
何村。與君對坐莊門。喫瓜子炒豈。不知當復有此日否。

張重華與弟

夜色浸庭。蛩聲鬧砌。池塘未夢。姜被生寒。燈火漸微。侍兒重寐。雨簷風竹。交起弄人。不知花萼樓前。誰人吹玉笛也。倦焉心淒。恨不長枕。

凌約言與秦文橋

常憶十年席間。吹竹彈絲。鬪臬射覆。高歌將進酒。不問夜如何。真可方河朔飲也。蒼茫宇宙。如是者更得幾番。兄一念及否。

張國綬與陳爾毅

分袂以來。俄驚歲餘。春光鮮媚。鳥嚙花香。不得知己晤對爲悵。大都離愁別恨。難罄筆底。惟願杜宇聲長在君耳。操觚之時。淚

落紙上。

曾確菴寄梁乾吉

此來馳逐長安。無停晷。顧精魄未嘗不飛越鐵樹柳門間。延想
吹角鳴沙。羯奴宵遁。第月明橫笛。風起悲笳。顧瞻朋儔。各在天
涯。西方美人。增我勞結。

許風答嚴方貽書

雲泥迥隔。寤寐爲勞。想年兄在花磚日影中。著作流香。溢於瀛
水。卽寮案間。且攀躋不及。況窮愁如弟。落落山林。安能望見鳳
閣鸞臺於千里咫尺哉。捧讀所贈佳吟。不數賈舍人李供奉曲
高和寡。弟正難之。但銘刻高情。出人懷袖。奉揚仁風於無量耳。

幸於尊公老年伯前時沐教言龍門在前尺鯉知奮一庭詩禮
竊欲被其餘芳歲律將更適逢便鴈荒村附候殊不勝情惟有
遙聽玉墀佩聲祝年兄新祉於柳舒梅放際而已

宗觀與丁固庵

高會追隨彈指十載餘矣弟風塵僕僕者數年江帆馬足未嘗
不時歌伐木也新正過貴郡遍訪同人不得季春重來幸偕素
心兄弟翦燭傾尊獨以我兄不遇爲憾絳帷密邇弟匆遽回茗
不及扁舟過晤悵可知也瀕行留此代面并謝朱履之惠

毛先舒與李東琪

偶相過耳特爲鹿脯留住然酒美乃過於脯清言之樂又過於

酒歸而芬芳在口。滋味在心。追念南屏藕花。去年爲魚龍所嚼。竟零落殆盡。今年或竟不復花也。

汪淇復錢牧齋書

某謏劣如狀。然性喜交天下士。四方名公鉅卿。亦往往不鄙棄。而晉接之。若貴里諸君子。則尤其蘭芷紉而寶璐佩者。判袂幾時。聞問疎闊。悵望各天。忽聞戶外剝啄。綦履破蒼苔而來。驚喜起視。則故人遣使相訊也。長跪發雙經。讀之。覺五峯三泖。蒼翠秀潤之氣。隱隱從函間飛出。撲人眉宇。所委定當轉致。復辱貺扇頭珠玉。焚盥捧咏。感逾百朋。昔人一夕之話。勝讀十年之書。今此五十六字之貽。豈不堪千日之想。自當什襲三薰。供爲世

寶寧止出入懷袖奉揚德風已哉。

顧自俊與姚代人書

弟索米長安。所藉公車諸君。朝夕聚談。以慰岑寂。三四日間。魯生挂帆而南。濟美鼓棹以繼。今吾兄又揚鞭出春明門去矣。客邸之人。益無聊賴。承索話別之句。勉強捉筆。而愁緒縈懷。語意錯亂。兄到錢塘江上。晤諸故人。有問秀升旅況者。但言塞北梅花春未開。江南燕子不須來。可也。中心鬱結。語不盡意。

陸信徵柬馬與權

陶公有云。敝親戚之情。話樂琴書以消憂。竊思弟與足下。幸託葭莩。而上宅遠隔雲陽。去西湖幾七百里。歲時伏臘。無由一修。

杯酌之歡。屈指宿昔相逢。僅當外父捐館之際。匆匆數朝。有哀無樂。此後則又復各天矣。兩內舅相繼云亡。藐藐諸孤。都未成立。弟慚力薄。兄恨途遙。懷抱積中。魚鴈疎闊。正不知何時可以把臂快聚耳。想年來足下。午夜晨窗。伊吾不輟。養成勁翮。坐振秋風。乃以弟思之。豈必待高車駟馬。然後枉顧敝廬耶。遙寄一緘。計日以俟。

蔡方炳與汪澹漪

弟山寺羈棲。旅懷蕭澹。忽承道翁枉駕。遂成空谷。蹙然之音。破此岑寂。喜可知也。憶幼年之際。已飲香名。燕齊企而相思。閩越聞而引領。況雲間婁水。無不願與道翁結縞帶歡者。弟遇晚緣。

疎○猶○親○杖○屨○是○弟○雖○潦○倒○名○場○而○於○西○湖○模○楷○之○儒○先○君○子○桃
李○之○植○不○致○河○漢○實○有○幸○耳○返○棹○之○後○不○去○於○懷○特○遣○价○齎○上
箋○履○二○種○并○有○俚○言○書○箋○相○贈○希○道○翁○之○郢○政○

韋人鳳與徐野君

客○鄴○上○兩○載○竟○不○能○酬○追○隨○有○道○之○願○九○苞○威○羽○千○仞○高○翔○必
思○傍○丹○山○求○之○未○可○得○也○北○歸○聞○大○集○刻○就○急○從○左○平○處○借○讀
之○大○雅○風○流○直○追○古○作○者○海○內○共○推○爲○詞○苑○泰○岱○每○疑○是○前○賢
遺○獻○何○幸○得○親○炙○宗○範○耶○頃○荷○枉○顧○寸○晷○間○領○益○無○窮○奈○以○病
極○杜○門○未○能○扶○杖○摠○趨○想○先○生○定○恕○我○孺○子○懶○廢○倍○勝○於○昔○也
陸鴻勳與蔡龍文

獲瞻紫氣。遽賦白駒。言念尊酒。徘徊河梁。把袂愧繫維之不得。期投轄之無從。方握手不忍言別。豈意渭北暮雲。屢更晨夕。江東春樹。每徧濃陰。雖相訂有千里期。而不免作數日惡別之感。人何如是之不可解也。因思昔歲寄跡金陵。棲遲白下。動淹歲月。近失比鄰。徒以夜雨之對牀。始悵屋梁之落月。前此登鍾山謁明道先生之座。過蘼蕪澗。懷處士儒林之宗。彷彿舊游。伊人宛在。乃身同羈櫪。間以山川益悔。疇昔相晤之疏。而今相憶之晚也。雖然。彼麋鹿亦能聚首。況神劍自當有合。生平可問。豈恤各天一涯耶。

袁名世與屠松廬

尺牘選粹 懷敘類

足下植蘭於室。幽芳自流。培菊於園。秋英屢服。於明月清風之下。亦足深慰情思矣。如僕則浪跡天涯。一身孤寄。雖時結山水之緣。亦終抱故園之戚。未審何時復得追隨步履。選句評花也。
查相如寄朱凱生

一別十餘載。曠無復面。江東之雲。無日不飛。月落屋梁。無時不見。然終不得足下消息。餘俱不足言矣。邇聞有西河之痛。老眼當此。卽不喪明。淚亦成血。惟究釋氏夢幻之喻。庶解免耳。又聞攜家之白下。值茲暮年。猶作遠遊客。良苦哉。淵明三徑就荒。少陵遠遊漂泊。吾兩人似之矣。弟一生孤寄。落落寡合。每當空庭夜雨。四壁寒蛩。輒想胡爲有我。既有我矣。又一生落落胡爲者。

又不禁感慨悲歌泣數行下也。今潦倒窮愁衰頹病廢無可消遣。藥爐惟親。茶臼惟疎矣。向喜觀書。今眼澁無力。亦不耐觀。詩情酒興。枯索無味。日惟二三老友相過白話。以遣餘年。爾汝相忘。不知何者是客。客去倦睡。此弟老年蕭況也。安得如曩日與吾凱生握手停杯。詩酒相酬之際乎。又安得如韓退之別李正字。十三年後復相見爲舉觴者乎。幸而有此一日。則弟雖潦倒窮愁衰頹病廢。猶能與凱生握手停杯。詩酒相酬十年如一日也。足下胡不來耶。弟當效左太沖作招隱詩矣。

汪開楚寄查于周

里中得接芝字。聆塵譚。已令人欽見叔度矣。及浪遊武林。滯迹

三秋。共相與。啣杯唱和。大半在湖光山色間。亦極旅中樂事矣。況復高賢晤對。風流如耿著。曠達如磊落。生溫雅如君。一雄爽如吾叔。擔滄而眞率。高騫有如吾兄其人者乎。迄今帆歸江漢。每一相思。恨不卽駕千里。豈僅風恬月朗。乃思元度也哉。聖湖久居。執耳騷坵。想佳韻自是日富。非惟山水足以陶情。而詠歌實以養性。沉酣其中。趣日無窮也。臨別所贈詩箋。久已膾炙楚人之口。但調高難和。每稿就輒焚。故終不能贅一詞耳。

嚴沆與計甫草

足下董園帷下。研練功成。京都鉅篇。充滿箱篋。會動凌雲之慕矣。來歲金臺選駿。卽可高宴曲江。佇望文旆旋來。黃花白雁之。

下。便。得。把。酒。論。文。延。佇。之。懷。切。何。如。也。弟。索。米。驅。馳。都。無。善。狀。
涓。埃。莫。補。長。愧。綸。扉。徒。以。馬。首。衝。塵。往。來。襤。褸。坐。銷。歲。月。莫。快。
胸。襟。對。碧。柳。青。蒲。不。勝。葭。露。伊。人。之。感。耳。同。人。札。至。知。臭。味。所。
切。曾。未。差。池。此。皆。足。下。道。氣。殷。隆。足。慰。歸。慕。干。城。提。唱。更。望。時。
時。加。意。不。使。三。吳。衣。帶。稍。有。沮。洳。固。所。望。於。有。道。者。不。淺。也。

嚴沆與丘子廩

和。村。風。雨。甘。苦。同。經。漂。搖。鋒。鏑。中。時。親。教。益。既。分。投。肉。骨。復。情。
倚。晨。昏。風。驚。鶴。唳。之。時。尚。得。賞。異。析。疑。留。連。村。落。一。時。分。袂。遠。
隔。朔。南。十。載。相。思。杳。無。隻。字。痛。定。以。還。轉。羨。患。難。艱。虞。猶。有。友。
朋。性。命。之。樂。也。雁。字。莫。憑。鴻。踪。難。卜。入。都。以。後。始。知。司。鐸。青。州。

雖鄭老一氈。才名豈副。而杏花。鳧藻。座擁。臯比。蘇湖。齋裏。卽占。勳業。但天末。故人不逢。色笑。所望。金門。高步。並轡。聯鑣。不啻。引頸。神飛。耳索。米之身。塵沙。碌碌。郵筒。乏便。候問。全疎。然寤寐。之私。無時。暫釋。每與。聖秋。九兄。共攬。屋梁。落月。不啻。腸轉。車輪。矣。炎歎。未除。惟道。素自。愛。偶因。南羽。寄道。相思。遠望。暮雲。佇俟。芳訊。

嚴沆與劉子延

橫門。折柳。易葛。而裘。憶灘。水之風。煙。望瑯。琊之紫。氣。白雲。古樹。念切。伊人。獨是。寤夢。爲縈。而音。書頻。隔。旣以。疎略。成性。亦苦。塵容。萬狀。微知。我亮。之鮮。不以。爲有。胸無。心者。乃手。書及。同人。未

嘗不以不肖弟爲問。屋梁月在古道。照顏千里非遙。因之有感也。思館廨追隨。聯曹共席。論文宵燭。把酒春花。雖同人晏笑。並極綢繆。而相許襟期。獨推知己。遠離判歲。感甚三秋。茲幸持衡片席。虛左山公。諒年兄就道不遙。晤言在卽。聆明光之啟事。趨仙掖以承音。并得竊聞緒論。覺我疎狂。快何如也。

嚴沆復顧顯若

離思之勞。三秋爲遠。況復期過采葛。永懷何極也。年兄嘯傲溪山。勝情雲上。篋中新句。篇什日多。可勝欣羨。紫陌曙初。掖垣星下。思同倡詠。夢想爲勤。所望早命征舫。以慰企念之切。莫爲山中。羈白雲久躡屐也。令弟年翁來都。文酒盤桓。備申款洽。因惠

連而懷康樂。彌重風牀梁月之感。所嗟子昂詩。卷譽滿碎琴。而雙驥齊驅。尙後機雲之遇耳。聊因羽便。附候興居。臨楮瞻雲。可勝如結。

張右民與陳際叔書

予輩數人。比年以來。形跡雖疎。情好彌篤。然或懸壺市上。或友教一方。或寄身蕭寺。或浪跡江湖。亦未能數數常聚會也。惟予與足下。江子道信。柴子虎臣。應子嗣寅。陸子梯霞。結廬甚邇。下帷不遠。花月之朝。風雨之辰。閒相還往。而道信有書屋五間。頗稱閒敞。種竹觀書。垂簾閉戶。不忘交遊。以其歲時之暇。招予數人。出家釀一樽。相與共之。觴政不行。穀核充事。嘯咏終日。率爾

休暢任眞推分泊如也有不去者則道信爲設一榻聯牀夜話
陶陶永夕自暝及旦然當時聚會臭味所及以爲適然耳何圖
數年之間梯霞遠遊道信見背佳會不常勝情難再欲起道信
於夜臺如曩時遊好言笑晏晏何可得也俯仰之間遂至於斯
興言在昔能不依依

沈宏遠寄朱藉千

流光如駛何知景物移人山色依然時見浮雲非昨人生聚首
佳興難期昔日童顏今皆鶴髮猶憶當時陶情詩酒與兄湖上
作十日遊劇談不倦長夜爲歡更拈竹枝詞十首誌之豈今一
別經年屢遷歲月兄爲王事靡盬弟困室人交譏眞州咫尺不

啻。霄。壤。欲。如。昔。之。花。朝。月。夕。游。覽。忘。歸。向。十。里。西。湖。收。盡。山。光。水。色。又。安。得。耶。乃。知。聚。散。有。時。恐。歸。來。非。復。少。年。狂。放。矣。他。日。相。逢。毋。學。楚。囚。以。遺。達。人。之。誚。

紀映鍾與徐野君

再。別。以。來。又。經。七。載。時。向。同。人。訊。問。知。道。兄。起。居。安。吉。長。住。西。湖。慶。吾。黨。之。未。衰。也。過。盡。老。宅。適。不。相。值。悵。快。無。已。今。弟。尚。可。二。三。日。留。路。雖。遠。必。圖。一。晤。而。別。故。宮。一。章。呈。正。金。陵。爲。道。兄。舊。遊。地。天。涯。芳。草。豈。堪。與。玉。樹。後。庭。花。等。觀。耶。餘。集。筭。中。罄。矣。便。候。不。一。

邀約類

王維山中與裴迪秀才書

近臘月下。景氣和暢。故山殊可過。足下方溫。經猥不敢相煩。輒便往山中。憩感配寺。與山僧飯訖而去。北涉元灞。清月曠郭。夜登華子岡。輞水淪漣。與月上下。寒山遠火。明滅林外。深巷寒犬。吠聲如豹。村墟夜春。復與疎鐘相間。此時獨坐。僮僕靜默。多思曩昔。攜手賦詩。步仄徑。臨清流也。當待春中。草木蔓發。春山可望。輕儵出水。白鷗矯翼。露溼青皋。麥隴朝雉。期之不遠。儻能從我遊乎。非子天機清妙者。豈能以此不急之務相邀。然是中有深趣矣。無忽。山中人王維白。

蘇軾與姜庭儀

尺牘選粹 邀約類

今日霽色尤可喜。食已當取天慶觀乳泉。潑建茗之精者。念非君莫與共之。然早來市無肉。當相與啖菜飯耳。不嫌。可只今相過。

虞邦譽招黃震字送春

茆齋無長物。幾卷圖書。數竿修竹。儘堪供狂生徜徉。兄其過我。酒澆清月。詩慰寂花。不許東風歸去。

陸德龍中秋前一夕招友

高旻露漑。桂魄尙虛一痕。正好向姮娥。訊天道益謙消息。不獨先長安富家一著也。

劉景心上巳招友

詰旦攜小榼。游芳垌。以草色作茵褥。以鳥聲作管絃。以花枝作酒籌。二三知己。劇飲放歌。醉則臨流被袂。便作蘭亭佳致。願足下早來。

袁中朗與邱長孺

近日遊興發否。茂苑主人。雖無錢可贈客子。然尙有酒可醉。有茶可飲。太湖一勺水可遊。洞庭一塊石可登。不大落寞也。如何如何。

俞紹與友

頃入山。課長鬢。犁春雲。亦學老農意耳。石田雨足。草榻雲深。眞可傲殺王侯。足下何時過我。共作山窗佳話。

王世貞與沈茂才

來教有垂訪意。春時偷遂鼓枻。可爲十日飲。僕久奪賢叔氏高陽印章。當解以備足下。

孔願之與友

未得乘月蕩槳。訪足下武陵溪上。恐桃花流水。相與喚人。足下來我齋頭。停卮聽月。箕踞放歌。白雲擁琴。清燈語榻。此情千古。宋琬約王仲昭張鄴仙觀梅

永興寺老梅。花中之魯靈光也。僕亟欲一往。而門下以花信尙早爲辭。不知花之佳處。正在含苞蓄蘖。辛稼軒所謂十三女兒學繡時也。及至離披爛熳。則風韻都減。故雖怪風疾雨。亦當攜

具。以。行。僕。已。借。得。葛。生。蹇。驢。期。閣。下。於。西。谿。橋。下。矣。

汪淇與李舒章

虎林去雲間。僅盈盈衣帶耳。乃湖山風月。易別難逢。每動各天之歎。安得驅夸娥之二子。移五峯三泖。與六橋三竺。爲鄰令我與君。得晨夕素心。賞奇文而析疑義也。猶憶前者。駕駐西子湖頭。柳堤畫舫。花徑紅粧。風流韻事。掩映千秋。曾幾何時。而河朔南皮。頓成陳迹。歲月逾邁。感慨係之。然此鄉景物。雖殊。而湖山風月如故。兄翁能乘興命棹乎。僕尙有牀頭斗酒。可澆胸中塊壘。酒後耳熱。當呼雙鬢發聲。時時誤拂絃。以邀李郎之顧。跂予望之。

周荃招櫟園飲

僕所居園。雖無奇觀。然是顧青霞宿構。頗爲閒嬾。客所稱。石不奇。映以老梅。頗有致。樹不多。參錯以石。頗有映帶。池不廣。然垂柳拂之。頗如穀室。不甚幽。然不燥不溼。頗可坐臥。室中所懸畫。雖太舊。然是李營丘手蹟。董文敏三過而三跋之。頗爲識者所賞。酒不甚清。是三年宿醞。多飲頗不使脣裂。主人雖老。然不憊。頗能盡夜奉客歡。櫟園以公事至。雖忙。然頗可偷半息暇。一徘徊樹石間。看舊人畫。聽老夫娓娓述吳中逸事。以佐飲。天下無不忙者。況服官。然天下事亦忙不得許多。偷半息暇。且過我飲。爲是。

釋濟義與呂翊令居士

因持鉢至貴里。得時時接對。爲慰闊思。生率忽忽多所亡失。獨
素心玄解之侶。耿耿於懷。讀冷泉諸作。如在澗西把手。幽澹之
致。從靜中流出。使人意消。義離山之日久矣。謹拜賜與白雲俱
還。倘試後秋山如滌時。望挾相知。作空谷。蹙然之喜也。

張起巽招友人

新歲之中。知己躡敝之時。僅十八日耳。乃今爲雨雪奪去。豈飲
興之不豪。致陰氣之鬱結耶。昔人有云。酒壓愁城。破凡值此而
呵手縮頸。作楚囚狀者。非怯也。醉鄉主帥未至耳。天旣爲我洗
兵。何必俟至夜半始入蔡州城乎。幸駕過我。暢飲共下之。

汪世臯招友人賞月

萬里無雲皓月皎然麗天特以樽酒屈足下一賞幸足下待嫦娥母令嫦娥待足下

蔣漢紀簡吳須兮

不晤久之殊深寐寤讀寄來詩則知吾弟念僕之慙讀奉答詩又知僕之念吾弟更慙也但以道里阻隔不能朝夕倡酬然我輩意氣豈在形跡之間深秋或再過相訪雲嶺出雲畫溪如畫僕與弟攜琴載酒嘯歌於高山流水間續石鏡潭之逸興詎非生平大快事也哉

陸雲龍午節訂友人

我輩寢處湖頭。曉煙暮月。領略已久。然賞其寂。亦何必避其喧。寺前石橋平敞。縱目有餘。午後各攜觴豆。班荆坐飲。聽簫鼓於中流。看蛟螭之天矯。遊子鬻至。畫船鵲起。至薄暮。山帶斜陽。城脚新月。踏歌聲斷。唯餘一片水光山色。則盈虛消息之理。我輩獨得之。何必對妻孥。剝糲浮蒲。始爲快也。

馮鼎招同學諸友

我輩讀書雲居。長廊美景。與湖山面對。時於此間。得稍佳趣。亦飄然欲仙矣。但新荷布絲。亭亭水際。非親拂其芬芳。不令人笑俗。子乎。客有惠我清酒數壺。藉此買扁舟。爲竟日遊。卽作河朔避暑飲。亦快舉也。辰以爲期。敬遲珊步。

李鏞約顧扶搖

春色二分。一分流水。二分塵土矣。零落如許。可不至郊外一遊乎。縱不能留春。亦當送春。春未必不待我於枝頭葉底也。

余守淳招李顧諸友

煙石磯。臯亭之幽絕處也。今桃李滿村。宛然武陵源中。別有天。地。漁人可不鼓棹問津耶。蓋仙境原在人境。人自不得遂謂。隔。弱。水。三。千。豈不可笑。倘能惠然而來。蓬萊不遠。我其俟之。雲水。之。湄。

程鳴與友人

昔人云。四時之景。無過初夏。老青嫩黃。俱作香氣。亦不辨其爲。

何香也。每至雨後初霽。斯時曉煙將收。紅日未掛。如昭儀出浴。倍覺秀濯。撩人行蹊中。面面皆生寒綠。吾兄不嫌脫粟飯。當共我歡然一飽。領斯真趣也。敬掃門外石橋爲淪雪乳以俟。

陸雲龍生子招友人

行年三十。乃得此兒。不審異日爲龍爲豬。且得二老親哺抱之。樂耳。薄具湯餅。希爲移玉。

查望與葉又生

每至高齋。輒傾牀頭春甕。即使田倍種秫。亦未了我輩麴蘖事也。小寓近市。如在蒸籠中。一番快雨。少甦喘息。兄坐臥綠天。非梧間則柳下。樹日留陰。葉雨添韻。又何減西子湖濃淡。總宜也。

語云閒者便是主人。弟撥一日暇。據兄所有。不知可把臂入林。否。儻呼爲熱客。弟又何以解嘲。

葉生復查于周

小集殊未盡歡。二三雅量。飲醇自醉。非關傾家釀也。來諭過矣。弟雖無負郭。移秔就秫。然濁醪壇牆。時時可過。欲與素心人。酣適妙理耳。小圃湫隘。但差不受暑。葉接枝交。如有重雲覆其上。披襟坦腹。俯仰綠光中。頗覺碧城去人不遠。此間原虛一席。以待于周。若徐常侍。來人知有熱。故當杜絕之耳。

汪垣與劉我平

愁病牽牽。無可排解。偶攜詩帙酒瓢。向風滿樓。憑虛長嘯。此際。

惟○山○送○青○來○水○將○綠○遠○更○無○半○點○塵○埃○入○人○眼○
睚○神○氣○洒○洒○不○覺○病○魔○去○而○萬○里○矣○聞○體○中○小○惡○想○與○弟○同○病○
風○滿○樓○中○正○虛○一○席○以○待○吾○兄○不○必○枚○生○七○發○終○篇○自○霍○然○病○已○耳○

王廷璋與次轅師

半○席○清○談○不○覺○沈○醉○乃○知○愁○腸○不○勝○酒○力○耳○明○午○欲○持○剩○物○棹○
艇○溪○頭○丹○楓○若○畫○衰○柳○如○絲○斗○酒○雙○柑○一○續○前○醉○師○臺○諒○有○同○
懷○也○若○一○頃○茫○然○意○興○不○倦○少○間○月○出○山○色○迷○濛○水○波○蕩○漾○相○
與○叩○舷○中○流○賦○詩○絕○港○則○村○響○漁○歌○盡○皆○白○雪○何○必○木○蘭○舟○載○
玉○簫○金○管○耶○石○帆○寶○持○俱○來○爲○幸○

餞別類

尺牘選粹 餞別類

王羲之問行帖

天氣殊未佳。汝定成行否。寒食近。得且住爲佳耳。

獨孤及送李太白

子出入燕宋。與白雲爲伍。仙藥滿囊。道書盈篋。送子何所。平臺之隅。短歌薄酒。擊筑相和。大丈夫各乘風波。未始有極。哀樂且不足累。況小別乎。

任華又送李秀才

嗟乎。蒼梧之片雲。隨風東西。片雲如是。孤客亦如是。滄波遠天。混和一色。孤舟一去。曷日言旋。

王世貞與王元馭

分袂時。覩兄悲惋。乃知千古河梁。尙爲鹵莽。弟雖勉強作夷然態。過舟便不能禁。斜陽在衣。與影相弔。涼涼踽踽。幾若鬼趣。

劉大受與戴君肇

把袂河梁。刺刺正難分去。風引孤帆。蘭橈迅舉。兼葭簫鼓中。便成千里。涕泗涓涓。與江流爭漲。桃花潭水。弗言深矣。

吳應秋與范貞宇

弟將滿船別恨。載過江南。不知馬上行人。亦有一彎離愁。搔首歎西風否也。

胡文煥寄友

鼓柁渡江。清光漸遠。夜來江水添一篙。皆不佞相思淚也。回首

名城茫然雲樹。

汪有朋答楊長公

數日得快談樂甚。今行矣。琴樽又當寥寂也。奈何。佳集璧到此。別未卜相逢何在。君過江時。試看洞庭波中。當有汪子一夢否。

徐汾報王西樵

聞君侯春杪纔來湖曲。頃云買棹將歸。屈指淹留。倏踰三月。某自慚落魄書生。蕭然四壁。未辦作平原十日之飲。君侯能無笑其不曉事乎。夫椒舉過楚。聲子班荆。延陵反吳。國僑酬帶。此在疇昔爲然。今君侯負不世之盛名。比諸漢家李郭。獨欲走避三舍。寥寥孟敏。抑何幸殊遇耶。日來捧讀前後大篇。層城卞璧。驚

忽。前。來。照。乘。隨。珠。乍。爲。重。出。但。恨。三。竺。兩。峯。之。際。不。能。久。憩。行。踪。來。春。引。領。再。至。且。令。雲。山。勿。改。風。景。依。然。願。長。與。君。侯。共。盤。桓。於。筆。墨。間。矣。

徐士俊與余體崖鍊師

二十八日。梅雨淋漓。泥濘載道。適鶴駕將發。不克著屐。一至關頭。此心實怦怦也。聞前溪善信來。迂者甚多。雖野廟荒涼。空山寂歷。卽此便是機緣。煑白石以爲糧。采青芝而設供。百里之外。便可作十洲三島觀。回視大滌山。藥鳥嚶嚶。煙石磯。桃花燦燦。又別一洞天矣。吾師意中。亦尙生繫戀否耶。此方大遮山之頂。先曾祖荆石公墳墓在焉。明春祭掃時。自當迂道。一候杖履。崑

此布悃。追送仙舟不一。

周綽送鄔松將之江南

人生最難爲情者。莫如離別之際。故驪駒之歌。陽關之唱。折柳之贈。古人於此。每不勝其留連。今足下行矣。所遇山川風物。知必盡收入奚囊。乃此中有勞勞亭。李青蓮所謂天下傷心處也。過之而漠然不動者。豈人情也哉。試從長干門外。望見莫愁湖。聽隱隱歌聲。卽旅客之淒涼。亦稍解耳。

沈允璧與宿東弟

聞老弟看新榜之後。卽上公車。此如姊氏歸寧。觀小妹出閣。以爲箇中滋味。有先嘗者矣。若青雀道經西水。萬祈枉顧寒廬。村

酒園蔬。作一夕話。不敢云餞。聊紓遠懷。蓋從此跋涉關河。飛騰霄漢。把臂正未知在何日也。

查相如與金甥

曩以里中多故。吾甥攜家遠行。來相告別。余心酸痛久之。甥曰。吾豈忘舅氏哉。今而後吾念念也。計別已十餘載。相見如夢。奈何復又言別耶。殷深源之送韓甥。豈堪再別。曹顏遠詩。寧復再讀乎。吾老矣。卒卒無一日之歡。甥鬢髮已蒼。嗣胤尤切。今知玉燕投懷。石麟將下。惟此一事。歡溢顏面耳。甥且行。吾當望飛雲以目送也。

越闔與陸蓋思

尺牘選粹 錢別類

朱荷綠樹中。扁舟快聚。曾幾何時。楓葉遍秋江矣。詩箋敬存。白雪之聲。當與仁風並揚。謝謝弟旦夕就道。咫尺天涯。未能把別。自此天各一方。偷伯仲間。倡和家庭。曾一念征途之遊子。遠惠好音否也。

周禹吉與徐武令

初爲旅客。離緒淒然。回首故人。已在碧天雲樹之外。秋冬之際。尤難爲懷。不獨竹西道上也。此行未及遍別。朝采雪巢諸子。望爲道意。歸來把臂。當爲兩峯三竺遊耳。瀕行不能盡意。

董以寧與弟季友

是行也。將遡長江。泛鄱湖。逾梅嶺。南海而渡之涯。至惠州。凡四

千五百餘里。有驚濤怒浪。鼉鼉鮫鱔出沒之無常。盜賊險虞。風
土淫惡。蠻煙瘴癘。蠱毒害人之可慮。吾奈何聽汝去哉。且先人
在時。憐吾與汝而計安全之。動慮事變不測。或晨夕離左右。卽
不歡。自吾父亡。母夫人尤欲吾汝常在目下。吾間以事適百里。
必叮嚀慰勞。諭以戒行路。速歸期。出數步。復命之回。回而又諭
之。又遣婢再三傳語中門外。至期則具鮮食以待。不至則皇然
以望。惕然以憂。以汝幼。則視汝間往親串家。亦遂如吾適百里。
汝或不卽侍寢。則檠燈數漏。臥席不安。嗟乎。汝念之乎。汝固向
者懷中膝下之身也。一日跋涉數千里外。置之風波盜賊煙瘴
蠱毒之中。先人有知夜臺愁望。則所謂嗟予子。嗟予季者。豈異

於存日哉。況吾父之亡。以汝屬我。曰爾長兄。善視之。洎母之亡。又屬我。曰爾終善視之。吾時實應命。而今乃不能振汝。使汝不得已。而邀先人之遺德。以待振於故人。則汝之冒風波盜賊煙瘴。蠱毒之危而去者。非惟吾聽之直。若吾之驅之也。然吾旣不能振汝。而沈君以異姓兄弟。欲振之。具書詞迎汝。則汝之去。初非乞憐於行路之人。以爲先人辱。而吾又不聽汝去焉。則似絕之所往。而吾益不安。用是涕泣送汝。亦惟望汝每事必念先人。致戒於舟車行李之外。復慎起居服食。謹言行。擇交游。制情欲。不忘危險。而後出於危險。以免於前者之所虞。因得早歸。告無恙於祠墓。庶猶可慰先人。而不至重形吾不孝也。夫詩曰。嗟予

弟行役尙愼旃哉。汝念之何待陟彼崗兮而始念之。

慶賀類

權德輿賀崔相國書

伏惟大方全德。自中發外。蘊爲志氣。播爲事業。然則阜庶生物。操持化權。結於衆心。爲日固久。且大賢之出處。天下之否泰也。故詔下之日。人人相慶。又早歲獲覩皇極。綜論元德。志孤雲賦。淒風詩。伏讀累日。備見精慮之所至。言理亂者。多推世運於必然。殊不知弛張變化。存乎其人而已。自古哲賢之徒。或尙志不展。鬱埋當世。長歎痛哭。於是乎作。伏惟以常所感慨。申於盛明。使三辰光潤。萬方軌道。實在指顧。豈逃殼中。且以西漢公輔言。

之。蕭曹以清靜熙帝載。良平以謨明贊王業。至宣帝時。則魏相
通故事。邴吉知大體。斯皆章章可言者也。洎夫張蒼之律歷。孫
宏之文章。韋賢之好學。平當之有恥。然亦號爲賢相。抑又次焉。
至若匡張孔馬。服儒衣冠。被阿諛之譏。不勝其任。最下則陶青
劉舍。莊翟趙周之徒。皆齷齪備位。故身名偕泯。夫此數子。豈不
粗知君臣之道。古今之變哉。病於無所發明。保持祿位而已。有
時無功。可不謂大哀乎。又古人有立德立功立言之訓。顧惟多
幸。獲覽炳然之文。又備陳餘論。有以見大君子遣辭發慮。宏裕
溥博者矣。惟德與功。實在今日。洒天下耳目。復萬物於全性。在
丈人踐而行之。守而終之而已。不宣。某再拜。

周亮工柬汪舟次

得足下手教。一年將盡之夕也。老且貧。道雖無他冗。而冗實甚。冗稍定。孤燈短榻。萬感填心。念尊先生壽期近。稍遲必不及。竟不成寐。枕上默成壽尊先生文。晨起了元旦。一切事始落筆。次日始書屏。三日始爲詩。四日早。卽遣使。詩文皆不足重。白頭老翁。元旦從被中。喁喁徹曉不寐。次日大雪。呵凍作字。手足皆僵。元旦例當謁見賓客。一切罷之。凡四日始了。其意欲急壽尊先生。無誤壽尊先生詩與文。皆不足重。此念或可存耳。文不知若何。然僕甚得意。僕素所得意文。舟次見之必喜。此文僕得意。舟次亦必得意也。自有壽文。無此格。必爲人笑罵。然不笑罵不足

以重吾文。此言告之。他人必笑爲狂。惟舟次必以爲正經語耳。料同人必更有佳文。舟次或合刻詩。若文爲一帙。庶櫟下生藉尊先生以傳也。僕近詩不能盡刻。刻一二小葉。寄正文。則自以爲佳。雖他人說不佳。亦終不聽。詩則甚疑惑。幸足下同塾人訂之。如以爲不佳。幸直示之。僕卽當改頭換面。蓋僕近詩略尙氣色。故以此爲疑。然僕雖略尙氣色。而本色自以爲尙存不似他人。一味壯聲嚇人。僕私意以爲近人詩皆尙氣色。卻作得不好。尙氣色詩亦有好者。故略爲數首。好氣色詩以敵之。見吾非不能爲此等詩。向特不爲耳。吾卽降手爲此等詩。亦便欲壓倒諸公。此老夫狂態也。然此中終不能無疑。故必待舟次塾人一言。

以決吾疑。若但以好之一字相復。辜負千里求益之心矣。其以花之名者。由淮入青。自花之始。僕得詩亦自花之始也。花之隋詩名。僕豔其名。故以名詩。然二字實實可豔也。楚人詩。腔板打定矣。只看得一二首。以作壽文。無暇也。容細心讀之。以復外薄儀壽尊先生。煩代上書屏後。卽忙忙作報章。手腕痛甚。不及親書。然敬慎於尊先生。而慄慄於舟次。必有以諒我也。

王嗣槐寄天雄友人

睽隔元暉。倏逾三紀。山河間阻。夢想良殷。吾兄卓犖雄才。九州衣被。乃栖迅羽於榆枋。跼逸足於折坂。可勝悒悒。然東山絲竹。頗足娛情。正恐復嬰羈勒。迴念斯時。不可多得耳。比聞佳兆。夢

熊彩旗。天下犀錢玉菓良會。如何萬事已足。尤爲吾兄手額稱慶矣。馬陵蒼翠。何似昔時。怒饑有懷。采蕭曷喻。某再拜。

張泰與陳雲起

憶癸卯春。道兄讀書北原。弟與聖修讀書法雲。相隔數武。伊吾之暇。輒聚會一堂。觴咏唱酬。不減韓孟皮陸之歡。嘗與聖修私意。道兄才華絕世。定是鳳池鰲禁人物。未幾連翩奏捷。人生所最難得之事。道兄遂於半年間取之。視弟輩落落青衫。老伴寒氈者。真不啻冰炭懸殊矣。覩西施而歸憎其貌。又安敢咏同學少年。皆不賤之句也哉。詩刻二種。呈教大方。亦以見窮愁之一斑耳。

陸鴻圖與蔡龍文

因緣幸會。信宿言歸。盤敦方新。旌帆頓指。斷橋垂柳。孤嶼黃鸝。
竟不獲效。戴仲若攜斗酒雙柑。長作主人。使高賢賁臨增重。豈
惟湖山不幸。抑魚鳥亦呷刺笑人矣。別後幾兩匝月。瞻念徒殷。
素函未展。咏沈約夢中不識路之詩。不能不徘徊惆悵。然元白
梁州壓韻。雖在異地。不侔而合。想道翁應有同心也。老伯華誕。
愚兄弟擬買舟稱祝。迫以俗累。無術驅除。視一帶水如萬里。岷
峨遠旦。南極顧神山。海屋窟宅。羣仙原非碌碌儔輩。遽易登躋。
惟仰止樓臺。遙拜而已。

邵德延賀及門查秦望泄仕平遠

記與賢昆季。匡坐一堂。讀書論古。時足下方總角耳。戊戌以來。春令情深。紛馳南北。憂離困頓。筆墨淋漓。人亦未有知足下者。枋榆之輩。焉能測鴻哉。今也長征萬里。筮仕遐方。洎初關之土疆。撫未定之黎庶。出湯火之中。而登之衽席。馴頑獷之性。而教以詩書。遇此盤根。益見利器。正足下今日之謂也。壯哉足下。古人叱馭而馳。益州不足數矣。僕且老矣。福少春水。病多秋雨。既非終子棄孺之年。又無伏波據鞍之志。惟翹跂足下。奏最賢聲。用代鄙人泥金之喜可耳。查子勉乎哉。

陸敏樹寄祝李廷尉壽

去冬拜違臯比。擬作五十日別耳。賤患沈頓。遂失約言。茲屆大

年不獲伸觴祝於范車之左。力疾作小詩以道懷思。若謾稱諛頌。知非君子樂聽也。先生行誼文章與天地不朽。豈斤斤龐眉鯨背足云壽哉。若樹千里致楫。寥寥數十字爲祝。窮酸故態諒之鑒之。

汪淇賀虞景明北上

君文如萬花怒發。目不給賞。從此乘風鼓浪。破壁飛去。聲價不徒滿洛陽也。金華殿上給筆札。供揮洒。一時馳譽京國。重光繩武。於此行卜之矣。愧無寸絲掛向馬鞭。聊賦七言壯君行色。

徐士俊賀黃九烟

讀書而中進士。懷孕而育男兒。此一事難者。自難易者。自易。初

意若不可解。既而知造物無私。數當前定。事各有候。不可強也。雖然易者不知樂。而難者始足喜。先生捷南宮於早歲。而產英物於晚年。卽蕭然四壁。豈不勝於三九大老。紫綬貂冠也哉。他日綵服而讀父書。一人兼九經之授。在轉盼間耳。況明珠可雙。珠樹可二。薛鳳荀龍亦非僅事。一易則無所不易。此弟今日賀先生之意耳。

汪淇賀趙又呂

足下對策大廷。於五百人中。拔居第一。此時何異登仙。行見出守方州。惠流黎庶。平居風月。場中豪興。悉收爲司牧。經綸當不讓君家半部。論語專美於前也。況兩令弟文苑。旣掇巍科。武闈

復標赤幟。榮任在卽。三珠照人。兩尊人坐。受尊榮。韶華倍倍。此鄙人所額手稱慶者耳。茲因鴻便。預賀數行。尙有芹儀。容當續貢。不一。

汪淇柬朱端逸

不至新安者十餘年。平昔知交。皆成疏闊。若至親如老姪。固所昕夕縈懷者也。近聞梁文宗校試。以足下爲冠軍。蹴踢英雄。領袖賢俊。是大快事。雖然。冠軍不足奇。所喜者。盛珍示持論試牘。首列名篇。而吾杭如葉又生。陸雲士。諸公罔不借光。壓卷。此在衰朽。殊爲欣賀者耳。一飛九萬里。拭目俟之。

汪淇賀黃九烟

尺牘選粹 慶賀類

天○之○報○善○人○也○。欲○與○人○以○可○信○。然○天○之○報○善○人○也○。更○欲○示○人○以○可○疑○。疑○疑○信○信○。正○在○有○意○無○意○間○。如○我○先○生○成○名○進○士○。擅○文○章○。雖○立○朝○無○幾○時○。而○聲○譽○殊○美○。乃○年○踰○知○命○。尙○艱○子○嗣○。弟○之○所○素○信○者○。至○此○正○不○能○無○所○疑○耳○。頃○承○手○教○。特○示○弟○玉○燕○投○來○。天○麟○送○至○。始○知○藍○田○有○種○。天○之○所○以○與○人○以○可○疑○者○。正○欲○示○人○以○可○信○也○。比○之○十○六○生○兒○。則○太○遲○。較○之○八○十○育○娃○。則○已○早○。將○見○克○昌○厥○後○。猶○及○含○飴○弄○孫○。聊○具○芹○儀○。載○歌○桂○子○。不○既○。

慰勸類

柳宗元賀進士王參元失火書

得楊八書。知足下遇火災。家無餘儲。僕始聞而駭。中而疑。終乃

大喜。蓋將弔而更以賀也。道遠言略。猶未能究知其狀。果若蕩焉。泯焉。而悉無有。乃吾所以尤賀者也。足下勤奉養。樂朝夕。惟恬安無事。是望也。今乃有焚煬赫烈之虞。以震駭左右。而脂膏滫瀡之具。或以不給。吾是以始而駭也。凡人之言曰。盈虛倚伏。去來之不可常。或將大有爲也。乃始厄困震悸。於是有水火之孽。有羣小之慍。勞苦變動。而後能光明。古之人皆然。斯道濼闊。澁漫。雖聖人不能以是必信。是故中而疑也。以足下讀古人書。爲文章。善小學。其爲多能若是。而進不能出羣士之上。以取顯貴者。蓋無他焉。京城人多言足下家有積貨。士之好廉名者。皆畏忌不敢道足下之善。獨自得之心。蓄之銜忍。而不出諸口。以

公道之難明而世之多嫌也。一出口則蚩蚩者以爲得重賂。僕自貞元十五年見足下之文章。蓄之者蓋六七年。未嘗言是僕私一身而負公道久矣。非特負足下也。及爲御史尙書郎。自以幸爲天子近臣。得奮其舌。思以發明足下之鬱塞。然時稱道於行列。猶有顧視而竊笑者。僕良恨修己之不亮。素譽之不立。而爲世嫌之所加。常與孟幾道言而痛之。乃今幸爲天火之所滌盪。凡衆之疑慮。舉爲灰埃。黔其廬。赭其垣。以示其無有。而足下之才能。乃可顯白而不污。其實出矣。是祝融回祿之相。吾子也。則僕與幾道十年之相知。不若茲火一夕之爲足下譽也。宥而彰之。使夫蓄於心者。咸得開其喙。發策決科者。授子而不慄。雖

欲如嚮之蓄縮受侮。其可得乎。於茲吾有望於爾。是以終乃大喜也。古者列國有災。同位皆相弔。許不弔災。君子惡之。今吾之所陳若是。有以異乎古。故將弔而更以賀也。顏曾之養。其爲樂也大矣。又何闕焉。足下前要僕文章古書。極不忘。候得數十幅。乃併往耳。吳二十一武陵來言。足下爲醉賦及對問。大善。可寄一本。僕近亦好作文。與在京城時頗異。思與足下輩言之。桎梏甚固。未可得也。因人南來。致書訪死生。不悉。宗元白。

蘇軾與李方叔書

屢獲來教。因循不一。裁答。悚息不已。比日履茲秋暑。起居住勝。錄示子駿行狀。及數詩。辭意整暇。有加於前。得之極喜。慰累書。

見責以不相薦引。讀之甚愧。然其說不可不盡。君子之知人。務相勉於道。不務相引於利也。足下之文。過人處不少。如李氏墓表。及子駿行狀之類。筆勢翩翩。有可以追古作者之道。至若前所示兵鑑。則讀之終篇。莫知所謂。意者足下未甚有得於中。而張其外者。不然。則老病昏惑。不識其趣也。以此私意。猶冀足下積學不倦。落其華而成其實。深願足下爲禮義君子。不願足下豐於財而廉於德也。若進退之際。不甚愼靜。則於定命。不能有毫髮增益。而於道德。有邱山之損矣。古之君子。貴賤相因。先後相援。固多矣。軾非敢廢此道。平生相知。心所謂賢者。則於稠人中譽之。或因其言。以考其實。實至則名隨之。名不可掩。其自爲

世用。理勢固然。非力致也。陳履常居都下逾年。未嘗一至貴人之門。章子厚欲一見終不可得。中丞傅欽之侍郎孫莘老薦之。軾亦掛名其間。會朝廷多知履常者。故得一官。軾孤立言輕。未嘗獨薦人也。爵祿乃人主所專。宰相猶不敢必。而欲責於軾可乎。東漢處士私相謚。非古也。殆似邱明爲素臣。當得罪於孔門矣。孟生貞曜。蓋亦蹈襲流弊。不足法。而況近相名字者乎。甚不願足下此等也。軾於足下。非愛之深。期之遠。定不及此。猶能察其意否。近秦少游有書來。亦論足下近文益奇。明求人如不及。豈有終汨沒之理。足下但信道自守。當不求自至。若不深自重。恐喪失所有。言切而盡。臨紙悚息。未及會見。千萬保愛。近夜。

眼昏不一不一。

李舟與齊相國書

三十三官足下。近年已來。宰臣當國。多與故人禮絕。僕以禮處足下。則足下長者。僕心未忍。欲以故人處足下。則慮悠悠之人。以僕爲詭。屢欲修書。逡巡至今。忽承足下出守夔國。於蒼生之望。則爲不幸。爲足下謀之。則名遂身退。斯又爲佳。僕昧時者。謹以爲賀。但鄱陽雲安道阻且長。音塵寂蔑。永以三歎。僕所疾沈痼。方率子弟力農。與世疎矣。足下亦焉能不疎僕耶。足下素達僕所知之。其於得喪固怡如也。然朝臣如足下寡矣。明主豈當不察之耶。惟強飯自愛。珍重珍重。

林嗣環與陸盡思高仲

人無百年不死之親。親亦無百年不死之人。所以爲吾兄傷者。老伯不緩轡。嶮。嶮。明。秋。看。兄。昆。仲。成。名。後。辭。世。此。弟。雖。隨。衆。行。唁。而。心。獨。悲。也。前。日。祭。壇。上。兩。兄。對。諸。公。答。拜。時。見。弟。獨。垂。雙。淚。至。今。憶。及。不。禁。潸。然。弟。登。賢。書。日。母。喪。新。起。復。弟。大。哭。榜。下。登。第。日。父。喪。亦。新。除。弟。又。大。哭。榜。下。生。平。只。有。此。兩。大。哭。誠。足。感。路。人。而。泣。鬼。神。故。凡。於。同。人。茂。才。之。父。母。吊。奠。悲。心。內。發。十。六。七。年。之。後。如。觸。新。喪。也。二。兄。勉。乎。哉。風。雨。暴。驟。秋。氣。盈。案。特。書。數。行。即。補。尊。公。老。伯。之。祭。章。可。耳。

江思令與壻諸虎男

尺牘選粹 慰勸類

暮雨投宿。辱賢兄弟下榻周旋。而又得招穉黃妙晤。俱應稱謝者也。稚黃詞人博雅。筆價矜貴。一時名下。罕覩其侶。幸爲致我感歎納交之意。惜老人餘暉。亡幾或迴光不寐。頃刻再來。尙得以十六七少年。與之證三生。問學消息耳。此君解人。知此語不甚河漢。

孫汧如慰劉伯宗下第

貴郡九華奇秀。初不入江上。名山誌。巢湖亦江淮巨浸。而不入禹貢水。經山川有知。寧不感憤。

吳昉慰查瞻原

江上言別。轉盼兼旬矣。憶小樓長夜風雨。一燈慷慨激昂。上下。

千古曾幾何時。遂成往事。人非鹿豕。聚散殆無常哉。接手札。方知片帆無恙。直抵家山。此心少慰。吾兄到門。見堂上童顏悅澤。應知喜躍非常。萊綵承歡。自是人生至樂。其餘一切傷感。俱望以夢泡視之。若貧病患難。則古人之常。天以之厄才士。尤有深意。但操持當益勵耳。吾兄今日之困。安知不爲異日之福。已矣。勿言之矣。後園古梅。修竹仍舊乎。吾兄偕二三同志。嘯傲其中。文興定益豪。飄蓬如弟。何日又共西窗剪燭也。

嚴沆與徐世臣

湖干數徯。稍罄數年。如結之懷。中途略布離悰。想蒙遠照。京洛緇塵。重來乞米。緬思玉貌。莫聽商歌。停雲之歎。曷惟其已。既永

念循牆復驚聞哭社道兒愛深孺慕性篤承歡風樹頓悲泉臺
莫挽臯魚之慟能不傷神然茂柏雖枯青芝會茁巢丹烏於樹
上擾白兔於廬前純孝之祥同風曩哲勿問可知亦望悟證觀
空理齊如在欲報四恩之首惟登十地之脩以精進心獲菩提
果正不徒毀瘠哀號見孝思之至也

鄧漢儀與袁籜菴

承示諸箋得吳梅村太史奉贈四詩風流婉約真如張緒當年
又如商女隔江唱六朝新曲可妒亦可憐也至讀曹秋嶽先生
老淚霑歌板歸裝儉穉田之句又爲黯然世有一代才人如袁
令而竟乏司業酒錢之贈乎可爲世道歎並可爲遊人戒矣

顧陸楫答張麗天

比隣數十家。盡付咸陽一炬。慘極矣。以是知汲黯延燒不足憂。之說爲河南貧民傷水旱萬餘者而發。非定論也。敝廬幸無恙。垂念感極。謝謝。

王袁與王定宇

念親家爲六詔遊。意不能無惘惘惜別者。然竊聞其地山水清麗。氣候常如吾家三四月時。蓬萊閬苑何必不在人間。人生豈如林下芥。果蘇而以移根爲苦耶。

查望與葉麗青

曩時之談。悲不勝歡。今日之言。笑不如哭。世路多歧。何與我事。

亦非有過激之衷。撫心之感。自有一種不痛不癢相關處。耳。吾輩當困鬱無聊時。無以寄其哀。則大聲痛哭。亦是快事。勿謂荒祠中抱像而哭者。非曉人也。兄念我。故敢以告。

徐士俊寄周仔曾

錢江邈若河漢。無論聯牀把臂。卽鯉魚尺素。總屬艱難。追思曩者。擁被看月華時。竟不可得言之。祇增惆悵。不識玉體近日。何似。貧者士之常。若得筋力堅強。意興豪舉。遨遊於山水朋友間。詩酒流連。亦是人生樂事。奈何以吾兄之才。而靳之也。弟今歲曾兩至餘杭。一泛桃花之棹。一赴芙蓉之招。邵于王瑤文伯仲。每惓惓致訊。愈悔前春不同。蓋老來來覽盡南湖之勝也。升饗

已考定職銜。弘載仲書。俱在長安。但徧插茱萸。少一人耳。

朱一新復梁節庵編修書

前月十一日。接惠緘。卽欲作復。而舊恙復作。仍是患溼。懨懨思
臥。百事不願理。蓋脾家之受困久矣。病勢較往年爲輕。近月乃
得全愈。尙未知六七月間何如。賤體年來頗似黃河。日日宣防
修築。而歲歲應候而決。必待秋汎後。始慶安瀾。其不爲鄭州之
大潰者。幸耳。端節前兩日。續得來函。驚稔文郎之變。爲之氣咽。
客中漂泊。乃并是區區者奪之。天胡此醉。然今日之天。每惡人
之崛強。多方挫折。宜其有此。獨患憂能傷人耳。吾輩凡百不足
擾方寸。獨骨肉之際。每難爲懷。至無可如何時。祇可以慧劍斬

之君尙在盛年。幸母以此介意。

張裕釗與張煦堂大令書

前數月閱邸鈔。知以被議左遷。爲之惋愕無已。不謂足下事遂乖舛至此也。人生所遇通塞。固不可以常理論。或材行志節出於人人。而困阨沈淪。不得行其志。或錄錄無所短長。比肩尊官顯秩。賢人君子。俯首噎氣。僚侪不敢出一語。其不肖之徒。庸虛崑瑣之醜類。乘機冒進。舉生倖心。人自期以方面公輔。芒不復有闔域制限。於是乃蠲棄廉恥。相奔於邪徑幽竇。抵死并入。以求復之。雖然。其遂以是顛躓。身敗而名裂者。亦不可勝數也。且所謂一意自守。不肯少貶以阿世俗。而卒躋通顯者。抑豈獨無

其人耶。屈信存亡之際。是有天焉。非人之所能爲也。故曰。莫之爲而爲者。天也。天故不可得而知也。且嘗試獨居。安度自天地。剖判至今。且千萬歲。天亦稍衰且老矣。固時不免矇瞶。眚亂其所處。是非臧否。以施愛憎。賞罰亦豈信能盡其理耶。夫天處高。而人錯居其下。而權命一懸寄焉。又時不免昏亂錯迕。則夫人之所謂窮通得失。廢興者。譬猶深夜。瞑目繫手。以走曠闌之虛。夷險一惟所值焉。斯已耳。其又孰從而意之邪。足下質直勁正。出於天亮。又達於當世之務。宜在顯位。施澤於當世者也。其至是命也。然使命不終否。復進而上。一反手間耳。亦莫知其爲之者也。正己以俟之而已矣。羅少村都轉常晤見否。忽忽未及作。

書請以此示之。使聞狂言。取一笑爲快。不足令他人見也。

陶模寄楊利叔書

利叔二兄足下。別來一歲餘矣。兵戈擾擾。音問莫傳。今秋八月。自滬城遞到尊札。得悉近履無恙。慰甚慰甚。弟不幸於去歲八月中。遭先孺人之喪。流離顛沛中。忽復罹此大故。痛何可言。近聞尊太夫人亦於爾時去世。嗟乎。利叔。何天之厄人。乃復相類如是邪。弟家經五徙。長物無存。九死餘生。心枯形槁。近來課讀荒村。益無善狀。窮餓本吾輩分內事。所幸老父尙健。差堪自慰耳。鄉居無書可讀。從親故處借得徐俟齋集。其清風勁節。眞足爲百世師表。朝夕吟諷。令人志意卓然。昔賢云。餓死不作賊。弟

於此蓋亦竊有志焉。近有人自楚中來。聞足下頗有狂名。且用是招人忌嫉。聞之深以爲憂。夫吾學本無盡境。惟篤實沈靜之士。爲能入其深。人之處事亦然。當紛紜煩擾之時。而其神淵然。其氣穆然。乃有以定天下之大事。而無所眩足。下抱濟世之略。值需才之時。而動輒得謗。終未能有所成就者。得無於涵養有所未至乎。且夫不世之功。未可以旦夕期也。學問之道。非可以擷苗助長爲也。麟鳳誠瑞物。然以罕見爲貴。苟日夕翔於世。則人將犬豕狎之。以足下之才。而出之以謹慎。夫豈無所成就者。而乃自甘於淺小。則又何也。抑足下之病。又在乎輕於信人。與果於自信。自信故過日積。輕於信人。則將爲人厭而不及覺。二

者皆非所以處世也。方今世事日壞。人材衰少。吾黨中抱負瑰奇。足以爲國家用者。非足下而誰。區區之心。惟望足下深自斂約。以期不負所學。庶幾爲吾黨吐氣爾。弟身羈異域。與豺虎雜處。大懼此身遂至頽廢以死。相愛如足下。又遠隔數千里。無由謀面。令人何以爲懷。茲因風便。輒敢貢其愚忱。竊附於古者朋友相戒之義。亦望足下時有以教誡之。不宣。

請求類

李白與韓荊州書

白聞天下談士相聚而言曰。生不用封萬戶侯。但願一識韓荊州。何令人之景慕。一至於此耶。豈不以有周公之風。躬吐握之

事。使海內豪俊。奔走而歸之。一登龍門。則聲價十倍。所以龍蟠鳳逸之士。皆欲收名定價於君侯。願君侯不以富貴而驕之。寒賤而忽之。則三千賓中有毛遂。使白得脫穎而出。卽其人焉。白隴西布衣。流落楚漢。十五好劍術。徧干諸侯。三十成文章。歷抵卿相。雖長不滿七尺。而心雄萬夫。王公大臣。許與氣義。此疇昔心跡。安敢不盡於君侯哉。君侯制作侔神明。德行動天地。筆參造化。學究天人。幸願開張心顏。不以長揖見拒。必若接之以高宴。縱之以清談。請日試萬言。倚馬可待。今天下以君侯爲文章之司命。人物之權衡。一經品題。便作佳士。而君侯何惜階前盈尺之地。不使白揚眉吐氣。激昂青雲耶。昔王子師爲豫章。未下

車。卽辟荀慈明。既下車。又辟孔文舉。山濤作冀州。甄拔三十餘人。或爲侍中尙書。先代所美。而君侯亦一薦嚴協律。入爲祕書郎。中間崔宗之房習祖黎昕許瑩之徒。或以才名見知。或以清白見賞。白每觀其銜恩撫躬。忠義奮發。白以此感激。知君侯推赤心於諸賢之腹中。所以不歸他人。而願委身於國士。儻急難有用。敢效微軀。且人非堯舜。誰能盡善。白謨猷籌畫。安敢自矜。至於制作。積成卷軸。則欲塵穢視聽。恐雕蟲小技。不合大人。若賜觀芻蕘。請給以紙筆。兼之書人。然後退掃閒軒。繕寫呈上。庶青萍結綠。長價於薛卞之門。幸推下流。大開獎飾。惟君侯圖之。

莫保安與郭仲翔書

幸共鄉里。藉甚風猷。雖曠不展拜。而心常慕仰。吾子國相猶子。幕府碩才。果以良能而受委寄。李將軍秉文兼武。受命專征。親縮大兵。將平小寇。以將軍英勇。兼足下才能。師之克殄。功在旦夕。保安幼而嗜學。長而專經。才乏兼人。官從一尉。僻在劍外地。邇蠻陬。鄉國數千。關河阻隔。況此官已滿。後任難期。以保安之不才。厄選曹之格限。更思微祿。豈有望焉。將歸老邱園。轉死溝壑。側聞吾子急人之憂。不遺鄉曲之情。忽垂特達之眷。使保安得執鞭弭。以奉周旋。錄及細微。薄霑功效。承茲凱入。得預末班。是吾子邱山之恩。卽保安銘鏤之日。非敢望也。願爲圖之。唯照其款誠。而寬其造次。專策驚蹇。以望招攜。

韓愈後十九日復上宰相書

二月十六日。前鄉貢進士韓愈。謹再拜言相公閣下。向上書及所著文後。待命凡十有九日。不得命。恐懼不敢逃遁。不知所爲。乃復敢自納於不測之誅。以求畢其說。而請命於左右。愈聞之。蹈水火者之求免於人也。不惟其父兄弟之慈愛。然後呼而望之也。將有介於其側者。雖有所憎怨。苟不至乎欲其死者。則將大其聲疾其呼。而望其仁之也。彼介於其側者。聞其聲而見其事。不惟其父兄弟之慈愛。然後往而全之也。雖有所憎怨。苟不至乎欲其死者。則將狂奔盡氣。濡手足。焦毛髮。救之而不辭也。若是者何哉。其勢誠急。而其情誠可悲也。愈之強學力行。

有年矣。愚不惟道之險夷。且行不息。以蹈於窮餓之水火。其既危且亟矣。大其聲而疾呼矣。閣下其亦聞而見之矣。其將往而全之歟。抑將安而不救歟。有來言於閣下者曰。有觀溺於水而燕於火者。有可救之道。而終莫之救也。閣下且以爲仁人乎哉。不然。若愈者。亦君子之所宜動心者也。或謂愈子言則然矣。宰相則知子矣。如時不可。愈竊謂之不知言者。誠其材能不足當吾賢相之舉耳。若所謂時者。固在上位者之爲耳。非天之所爲也。前五六年時。宰相薦聞。尙有自布衣蒙抽擢者。與今豈異時哉。且今節度使觀察使及防禦營田諸小使等。尙得自舉判官。無間於已仕未仕者。況在宰相。吾君所尊教者。而曰不可乎。

古之進人。或取於盜。或舉於管庫。今布衣雖賤。猶足以方乎此。情隘辭蹙。不知所裁。亦惟少垂憐焉。愈再拜。

李翱答獨孤舍人書

足下書中有無見怨懟。以至疏索之說。蓋是戲言。然亦似未相悉也。薦賢進能。自是足下公事。如不爲之。亦自是足下所闕。在僕何苦。乃至怨懟。僕嘗怪董生大賢。而著仕不遇賦。惜其自待不厚。凡人之蓄道德才智於身。以待時用。蓋將以代天理物。非爲衣服飲食之鮮肥而爲也。董生道德備具。武帝不用。爲相故漢德不如三代。而生人受其顛頓於董生。何苦而爲仕不遇之詞乎。僕意緒間自待甚厚。此身窮達。豈關僕之貴賤耶。雖終身

如此固無恨也。況年猶未甚老哉。去年足下有相引薦意。當時恐有所累。猶奉止不爲。何遽不相悉。所以不數附書者。一二年來往還。多得官在京師。旣不能周徧。又且無事。性頗慵懶。便一切畫斷。祇作報書。又以爲苟相知。固不在書之疏數。如不相知。尙何求而數書。或惟往還中有貧賤。更不如僕者。卽數數附書耳。近頻得人書。皆責疏簡。故具之於此。見相怪者。當爲辭焉。

蘇軾與陳天侔乞果木

白鶴峯新居成。當從天侔求數色果木。太大則難活。太小則老人不能待。當酌中者。又須土礶稍大。不傷根者爲佳。不罪不罪。祝無功與何吾御乞畫。

秋色可人。足下能乘興點綴一小畫。惠我齋壁乎。世間清事。最不受迫。興不至且已。興盡且已。

顧汝紳與談。兩懷乞犬。

家無司夜。從君家乞一二乳畜之。使窗前吠花影。與鐵馬相和。亦足破衡門岑寂。持飯引來。毋驚回顧。至望至望。

王百穀與程仲權乞詩

齒痛不減頭風。冒絮擁爐。跼縮如蝟。乞足下一篇愈之。

謝樞齡與嚴存庵太史

小箋得荷如椽。展玩間。烟雲滿幅。想年翁興酣落筆時。寶光璀璨。當爍爍從指上生也。什襲藏之。直與歐碑王帖並傳不朽矣。

日昨偶檢敝篋。見往來贈答之章。登涉遊覽之句。積有寸許。意欲災梨。以資羔雁。不得元晏先生爲之弁冕。縱研京練都。祇足供人覆瓿。況下此乎。不揣再瀆。母曰一之已甚。買菜人徒自求益也。幸甚。

徐汾與陸盡思

徑菊叢開。詩成杯酌。懷陶亮之遺風。誦駱丞之佳序。知道兄筆吐江花。自不減二公當日也。從邃延案頭。得讀二陸新咏。眞所謂淮南句裡。字挾風霜。孫尉毫端。聲同金石者矣。幸卽惠賜一冊。以豁蓬心。家君今歲適屆五十懸弧。承同人咸有贈言。敢望仁人君子。錫以篇章。垂諸不朽。感刻無量。

張賈孫上龔周兩先生乞葬胡彥遠書

今年夏六月三日。錢唐處士胡介死。介年四十九。無子。老親白髮。撫屍而慟。死無以殮也。友人沈生陸生輩。經理其喪事。計聞吳門。某與前御史姜公哭之慟。伏念介少有高志。立名節。寡雜交。遨遊公卿間。名譽甚盛。所至貴顯。士大夫無不欲爭識介者。而介獨彘然不屑。以明其孤介絕俗之行。獨稱述合肥大梁兩先生不去口。是介於兩先生有知己之感。非流俗所得同明矣。某又深有動於心。爲之言。夫處士不達。困頓貧賤。夭折以死。命也。死無棺槨含斂之具。暴露曠野。莫爲揜埋。亦命也。子孫或斷絕。或有而流離失所。弗克饗祀。祖宗血食斬焉。茫茫幽冥。無丘

一壠廟社可依之鬼。蓋不知幾千萬矣。何況志節曠達之士。隨風雨上下飄然。江海何所不自得哉。獨生人。繾綣之懷。如送遠客。不勝戀戀耳。況生有盛名。死有傳述。死亦榮焉。或生蒙疾累。毀譽間錯。及其骨已朽矣。後世讀其書。慨然想慕其爲人。恨不生同其世。與之交。惜其才。而悲其遇。不知涕洟之何從也。是以前年金陵顧與治死。去年南昌王于一死。死之日。伶仃悽楚之狀。與介同。而與治遺文。爲施愚山先生所刻。于一遺文。爲周先生所刻。介獨詩文散失。亡可傳者存。生平筆札。頗有奇氣。無大著作。未能自成一家。不克與其名相副。是介生有盛名。死竟泯沒也。再遲之十年二十年。故交垂盡。及於後世。千古萬年。無復知

所爲介者是介。竟死也。兩先生座間。有上客死。而無聞。豈不痛哉。故某以爲言。願兩先生買山間半畝地。助之揜埋。題曰嗚呼。錢唐處士胡介之墓。俾石碣所垂。不至蕪沒。是兩先生憐才愛士之盛心也。某再拜。

柳葵上徐野君師

昔人謂詩降而詞。筋骨盡露。去漢魏樂府千里。然觀一語之豔。令人魂絕一字之工。令人色飛。詞亦有足動人者。某對帖括則惟恐臥覽詞曲。則不知倦。計平生著作詞曲居多。但才如髯蘇。人猶以鐵綽板唱大江東去譏之。況如某之鹿鹿乎。祇以所好在此。不能藏拙。茲因劄氏之便。以詩餘全稿呈政。祈選十分之

二序以問世。昔蘭亭賦詩。三十七篇。而膾炙人口者。獨在一序。則豈獨三都紙貴。大有賴于皇甫也哉。

顧自俊與陳胤倩

別來又幾日矣。以弟之一無所倚。敢走數千里來長安中者。以古道照人有吾兄在也。何默默耶。世人都叩朱門賣賦。弟愚不肖。謂百得貴人之青盼。不如一受良友之吹噓。弟已三作昂首鳴。慎勿俾燕趙感慨悲歌之士。拔劍擊案起也。佇望佇望。

高遇與友乞筆

弟作畫。以甫離書室。仍慣用湖穎。世兄錦繡之敝帚。即可爲弟丹青之利矛。貯以惠我。毋謂中書君不中書。遂棄之也。

顧澄簡曹子夜

城內頗無巖壑。而予意中則思之。郭外甚多山川。而君筆底又能寫之。兩相形。則羸絀不齊矣。足下曷不效祖龍鞭驅山川故事。令盡入城市。使我朝夕遊覽耶。然鞭與驅。非大有力者不能。而足下手腕間。能致煙雲。則一丘一壑。直位置我几席。不難。幸無曰。只可自怡悅。不堪持贈君。致蕭齋寂寞。不得作一臥遊人也。

杜振與汪澹漪

自東甬入西湖。迢遞四百餘里。酷暑炎蒸。增一重病。性復嗜茶。連啜不已。昔人謂揚子江心水第一。惠泉第二。康王谷水第三。

今我輩生長于斯。當以虎跑水爲第一矣。但有佳水。未有佳茶。終令陸羽笑人。子瞻曰。浙東佳茶。惟日注耳。弟雖從東渡。苦無日注。敢求貴地松蘿。解我煩懣。昔人有言。望梅止渴。弟執筆時。已覺龍鳳團數片。沁我兩腋。生清風耳。呵呵。

錢士賁與計無能業師

邇來催科所迫。春衣俱入質中。卽一床琴。一幅董字。亦爲知音者典。去絕無生人之樂。昔放翁娶二妾。一名田田。一名錢錢。亦謂錢不可得。轉而思田。錢與田均不可得。轉而存其名也。貧家青蚨。不風雨而自飛。高人墨士。往往缺此。祇可讀古人書。誦古人詩。以傲鄰家富兒。吾師同坐此病。恐皆在魚釜中遊耳。

陸敏樹託友人卜居

僦屋而居。遷移無寧歲。惟學張思光。牽小舟於岸上。住庶幾可耳。兄近地幽曠可喜。試爲我覓之。矮屋三間。容膝便足。唯當有隙地。得少植花竹爲佳也。

顧澄簡余體厓煉師乞竹

看竹不須問主人。乞竹自有土者。予故不敢擅入湘園也。然此君能醫俗。吾師何難以煙雨萬竿。砭天下俗子耶。僕違台範。鄙吝復生。欲以此作神針。諒吾師不惜爲盧扁矣。

計東與宋牧仲書

甲辰三月初。都門一別三年矣。聞佐郡黃州。威望甚著。東客歲

忽忽欲作三楚之游。思得與足下相見。抵掌劇談三四日。以盡發其胸中之鬱結。遂至武昌。謁吾師厚庵先生靈牀。一慟哭。再從足下假輕舟一葉。溯衡湘之間。登南嶽。謁魏夫人祠。盡覽道藏三式。天官醫藥兵法諸書以歸。有自中州來者云。閣下頗拒客。東一笑而止。然此三事者。耿耿日在胸臆間。不可釋私念。天下之大。人才之衆。求丰采。言論可敬。愛才略兼文武。堪將相如唐嚴鄭公。李贊皇輩。當今如宋子牧。仲者。東日中實未多見也。而布衣失職坎壈無聊之士。忍辱好奇。計勃勃有飛揚之氣。能上下千古人物事會得失成敗之數。及經世救時之大略。若古王猛馬周輩者。天下之大。如東比者亦不多數人。非東莫知宋。

子非宋子莫知東。顧可使兩人三年不相見。聞傳言而自疑阻也。東今者以叫闈事留國門。偷事無可爲。將舍而南游。沂大江。叩門於宋子。遙計臨皋亭前吳大帝祠下。將必有計子吟嘯之聲。與江濤澎湃聲相上下矣。足下見此書後。幸早寄報章相示。陸敏樹柬柴浣修乞花

鰥居十年。情關已扁。頃惠餅花。姝姝楚楚。動我美人之思。置諸視左。聊以當妾。夙昔謝矣。不免憐新棄。故更乞數枝。想不靳也。饋遺類

蘇軾與鞠持正

兩日薄有秋氣。想起居住佳勝。蜀人蒲永昇。臨孫知微水圖四面。

頗爲雄爽。杜子美所謂白波吹素壁者。願挂公齋中。真可以一洗煩暑也。

朱長春與項東鰲

明公行矣。方擬操舫。後諸父老送郊外。適養疴山中。敬具宋人馬遠水一幅。蘭花布二端。以辱行塵。水者頌明公三年如水。布雖綦縞。山蟲華袞。豈忘布衣之交哉。秋雲縹緲。望望瞻依。許君信送友筆。

太白山生。江郎彩豔。龍蛇競走。雲霧濃浮。兄雖作定遠之投。我且效元常之閣。敬供十矢。聊助一牀。

華銑贈友硯

金含鸞眼。雲溼馬肝。寧爲桑翰之穿。不學趙來之棄。敬呈學海。留用玉堂。

汪南溟送友硯

鳳珠一枚。端方堅潤。聽役文房。漸磨之下。可知爲耐久朋也。

許君信驢劉孝廉

腐太史足跡半天下。故學日以閱。公今步其後塵乎。歸來眼底江山。擔頭風月。當與俗輩平分也。驢儀不腆。敢獻從者。

朱彝尊報周青士書

久不得足下書。客自京師。郵致一通。發函誦之。喜溢顏面。至及交道之薄。抑何言之悲也。足下平居急人患難。至稱貸益之。自

僕里居時。亦有竊笑足下之愚者。今坐困若是。恆人之情。方益
諂訕之不置。又誰援足下於阨者耶。雖然。足下其無患。孔子曰。
富而能及人者。欲貧而不可得也。矧足下昔未嘗富。而皇皇以
及人爲念。天雖欲長貧足下。得乎。足下但肆力文章。勿以貧賤
戚戚來教吾黨。數人漂轉四方。天自韜荒武。曾類皆有所遇。合
而聽聞之。謬謂僕以古文辭傾動一時。比之不龜手之藥。其業
則均。而泝澣洗封侯有異。則僕誠有所未安。僕頻年以來。馳逐
萬里。歷遊貴人之幕。豈非飢渴害之哉。每一念及。志已降矣。尙
得謂身不辱哉。昔之翰墨自娛。苟非其道義。不敢出。今則徇人
之指。爲之惟恐不疾。夫人境遇不同。情性自異。乃代人之悲喜。

而強效其歌哭。其有肖焉否耶。古之工於此者。莫若陳琳阮瑀。工而多者。莫若劉穆之。然傳於今者特少。則以當時雖歎其工。而之三人者。終未慊於心。以爲不足傳而棄之者多也。至徐幹懷文抱質。有箕山之志。自出其文爲中論。傳世最久。儒者取焉。然則欲文之工。未若家居肆志者之獨得矣。足下方登古人之壇場。而左右之。於以裂土封侯。蓋無不可。若僕者。乃所謂泔澆洗焉爾。與足下別六年。未得歸。聞足下困阨不能救。私心負疚無已。束脩之入。聊分銖兩。爲卒歲之需。傳天自己歸。足下試取酒飲之。告以鄙言。則不特爲足下勉之而已。

嚴沆與陳孺子

黃梅風雨刻念貧。交破屋荒堦。晨炊何似不止。以菖蒲角黍。縈我心曲也。薄具片芹。聊申鄙意。家釀頗醇。有便人來取一樽。以佐午觴。送來又恐煩脚費耳。

李沛餽陸蕙晦墨

蘭陵窮愁著書。今觀陸子。洵匪誣也。聞日費墨三十毫。歲計當得二十四銖。慮有不繼。敬餉二丸。此金沙于氏家寶。試之定辱賞鑒耳。

陸敏樹致朱天乳河豚

尹廣文以河豚見餉。此意頗不寒酸。第室中人視爲毒物耳。吳牛見月而喘。理誠有之。馳佐郇廚。恐多費先生敗毒散也。

汪淇餽黃君一魚

聞君好食鮮魚。然性又好放生。是既爲公儀。而又爲子產也。我欲遂其所好。則反違其好。欲不違其所好。又無以遂其好。吾用是憂。覓得生魚數尾。特使膳夫治之。則在君既無殺生之名。在我又申餽敬之好。是兩得也。必欲固却。是我爲徒殺。君爲矯好。是兩失也。從失違得。殆將索我於枯魚之肆矣。

顧澄送吳李如朱橘

園中霜熟。雖不及安期。巨棗如瓜。然紅踰白。馬甘勝荔。奴真洞庭秋色也。纍纍寒林。與朱霞爭相照耀。則不減百枝燈。若置之水晶盤。儼然石崇用鐵如意。擊碎珊瑚。更丹黃錯落可愛。貢上

一筐幸檢點封識恐途中爲道士所嗅。

許風與陳而閔同年

弟鍛羽歸來。長安道上。塵猶在衣褶。不能效故人。深居乞過春之意。言之徒悵悵耳。每念年兄盛德安居。儲經濟於他日。蒼生之望。亦已懸懸。奈何鬱攸釀災。遙聞心惻。至今尙未效一芹。踈懶之罪。更僕難數也。茲具不腆。稍展寸私。統祈年兄垂諒於格套之外。

沈辛柳柬婦祖錢塞庵

落魄無聊。蒙太翁不鄙夷。得侍教兩日。奚啻十年讀書也。別後卽有秦溪之役。高王父墓在鷹窠峯下。山高海闊。眼界稍覺一。

寬留五六日。竟無珍錯可貢。松花餅。香色味頗堪。佐茗。侑以菌耳數枚。嫩滑過蓴。絲恨春老。不能多得耳。鴻毛千里。太翁應笑其淺也。

凌如恆與許德遠

今歲禾城幸親。顏色明春。杏苑應挹花香。但弟方爲苦次。棘人不敢躬詣仙舟。作河橋一夕話。茲貢芹儀。不過菓餌之類。然亦紅綾餅之先聲也。伏祈汪茹。以慰蓬心。閱覽堂謙集詩。并瀟湘八咏。數十箋。奉上不一。

薦舉類

孔融論盛孝章書

歲月不居。時節如流。五十之年。忽焉已至。公爲始滿。融又過二。海內知識。零落殆盡。惟有會稽盛孝章尙存。其人困於孫氏。妻孥湮沒。單子獨立。孤危愁苦。若使憂能傷人。此子不得永年矣。春秋傳曰。諸侯有相滅亡者。桓公不能救。則桓公恥之。今孝章實丈夫之雄也。天下談士。依以揚聲。而身不免於幽繫。命不期於旦夕。吾祖不當復論損益之友。而朱穆所以絕交也。公誠能馳一介之使。加咫尺之書。則孝章可致。友道可弘矣。今之少年。喜謗前輩。或能譏評孝章。孝章要爲有天下大名。九牧之人。所共稱歎。燕君市駿馬之骨。非欲以騁道里。乃復以招絕足也。惟公匡復漢室。宗社將絕。又能正之。正之之術。實須得賢。珠玉無

脛而自至者。以人好之也。況賢者之有足乎。昭王築臺以尊郭
隗。隗雖小才。而逢大遇。竟能發明主之至心。故樂毅自魏往。劇
辛自趙往。鄒衍自齊往。向使郭隗倒懸而王不解。臨難而王不
拯。則士亦將高翔遠引。莫有北首燕路者矣。凡所稱引。自公所
知。而復有云者。欲公崇篤斯義。因表不悉。

韓愈與汝州盧郎中論薦侯喜狀

右其人。爲文甚古。立志甚堅。行止取捨。有士君子之操。家貧親
老。無援於朝。在舉場十餘年。竟無知遇。愈常慕其才。而恨其屈。
與之還往。歲月已多。常欲薦之於主司。言之於上位。名卑官賤。
其路無由。觀其所爲文。未嘗不揜卷長歎。去年愈從調選。本欲

攜持同行。適遇其人自有家事。迺遭坎軻。又廢一年。及春末自京還。怪其久絕消息。五月初至此。自言爲閣下所知。辭氣激揚。面有矜色。曰。侯喜死不恨矣。喜辭親入關。羈旅道。路見王公數百。未嘗有如盧公之知我也。比者分將委棄泥塗。老死草野。今胸中之氣。勃勃然復有仕進之路矣。愈感其言。賀之以酒。謂之曰。盧公天下之賢刺史也。未聞有所推引。蓋難其人而重其事。今子鬱爲選首。其言死不恨。固宜也。古所謂知己者。正如此耳。身在貧賤。爲天下所不知。獨見遇於大賢。乃可貴耳。若自有名聲。又託形勢。此乃市道之事。又何足貴乎。子之遇知於盧公。眞所謂知己者也。士之修身立節。而竟不遇知己。前古以來。不可

勝數。或日接膝而不相知。或異世而相慕。以其遭逢之難。故曰士爲知己者死。不其然乎。不其然乎。閣下旣已知侯生。而愈復以侯生言於閣下者。非爲侯生謀也。感知己之難遇。大閣下之德。而憐侯生之心。故因其行而獻於左右焉。謹狀。

蘇軾與錢仲至

吉州幕柳致與之友。故知其吏幹過人。不能和衆。多獲嫌疑。然其實無他也。樵悴將老矣。念非大度盛德。孰知收而用之。試以衆難。必有可觀者。藥有毒。乃能已疾。馬不蹄齧。多拙於行。惟深念才難。勿責全也。若公遂成就之。此子極有可採。必爲門下用。邱時可與張大理

望蜀言旋。畏途想當與人情相似。折柳河橋。瞻溯曷勝。座上有
張鴻臚不偏。是弟莫逆友。俠骨天成。藻思川注。臨池染翰。奴隸
鍾王。一異才也。延而進之。不惜齒頰。此君益以片言增重矣。意
興牢騷。不能巧作寒暄語。統祈鑒原。

王世貞與吳明卿

偶有一佳物。貢置足下藥籠中。如四明沈嘉卿者。任俠負氣。文
多作兩漢家言。詩歌橫逸不可當。足下一見。自能青眼。無俟僕
筌蹄也。

程守與金靜思

市上握手。忽忽三年。此番家居之久。不克見時偉人。深用媿恨。

弟生平爛於作書。不大爲人先容。緇黃之流。尤性不相近。獨不能不於瞿公一破前戒。尊大人得正而去。柴市之後。經紀其事者。惟僧慧淵。海內奇之。以爲此世外之智勝曇遷也。瞿元其孫也。往返千里。首見長公。慧師死用荼毘法。雖白塔巋然而左右前後悉奪於他人。諸子悲憫。慨然謀贖其地。吾兄毀家之餘。隱於教授。極知無委積可以及人。惟是徧告同人。一銖一粒。未必無補。庶幾報施之間。有大白者耳。大賢之後。東南人士耳目。此舉萬勿漠然置之。使一二正人得輕議之也。

錢繼章與梁公狄書

都門快飲。不減南皮。易水金臺。夢魂猶殢。寒暄遠隔。馴致十秋。

戎馬間關。無由一通。悃結。比聞道駕。棲遲淮左。寧老射陽之釣。不過督亢之墟。古之風人所爲。蘊懷而永歎也。遐想結客著書。聲滿淮上。騷人劍士。雲鶩響臻。輒擬乘風掛帆。一追舊好。宿春未辦。良晤猶稽。樹斷雲離。徒深懷息。元次山言。生若不能師表。朝廷卽當老死山谷。凍饑雖切。違已交病。弟髮且白矣。小結衡茆。雜蒔蔬韭。寒梅百本。秋菊數畦。畢志漁樵。無可復恨。足下以隆中之略。爲梁父之吟。俯仰山川。我思疇寄。契闊已久。教督云何。友人善琴者徐君。爲江南第一手。曾以高人留意琴學。北游京師。多公卿布衣之交。會遭國難。踉蹌南走。少亦從事兜牟。鳴鏑所馳。目無狐兔。今老無所適。薄遊江表。舉世漠漠。疇爲鍾期。

有梁公子在試遷之幸舍令奏薄技聽松風瀑布聲出十指間何慮蒯緱蕭瑟哉侯門有不好筭者更藉齒芬及之尤啣屋鳥之感矣積緒萬斛苑結難宣鴻翼南翔毋靳尺素

陳杲與友人

甲辰秋金先生次子定公自粵東歸年纔二十耳而在外乃反十二年幼失恃依先生空門中棲游匡廬羅浮間至是劃然悲曰父出家兒何可不歸家噫萬里外思故鄉墳墓骨肉忽得展聚當不知作如何忻幸想孰意歸家而家無所歸哉第宅他人田園烏有詣諸宗戚或留一飯或止數宿不逾時而色笑情辭拒人千里矣遍謁乃翁同年諸公大抵對之太息而已甚有叩

聞不聞。投刺不答者。可勝歎哉。可勝歎哉。兄武成。客臨清已數年。今又物故。旅櫬孤嫠。淒惻可念。定公歸。今又安所歸哉。余與二三舊友。唏噓相謂曰。金子來歸。飄泊無所倚立。此吾黨之責也。弟輩有心無力。不能相維濟。獨不可爲之慮乎。弟聞周元亮先生。今之韓荆州也。其交最深。又屬同譜。奇人臭味。有逾等恆。四方之士。知與不知。歸之者必錄門下。而況故人之子乎。而況故人子無所依藉而來歸乎。賢者見義必喜。定公始至。周君如見故人。必蹶然喜。旣而詢其流離酸楚狀。又必撫其背而涕泗縱橫曰。若子猶吾子也。抑又悲矣。則舍周其誰歸哉。吳子赤函亦金先生石交也。適有東齊之役。遂挈之登舟去。此種情懷。淒

然可念。故敢向知己以陳。

汪如與葉又生

前迂園鼓錢唐棹。因其行止逡巡。一札漫滅。遂作殷洪喬矣。君家小阮來。甚悉近況。知今歲不赴館。耑事選政。成書已布。此間尙未至。人士若渴。所望在指南耳。家弟明峻。讀臯嘯集詩。嚮企又生先生有年。今過西子湖。願親道範。其人伉爽。工翰墨。且喜吟咏。間有警拔之句。卽古人莫過弟。固畏其火攻。然投分最深。夢亦得句。來吾兄前。磁珀之下。針芥自投。弟蓋內舉。非阿也。弟今年憊矣。減食健忘。作詩較前更懶。數倍少。吾兄鞭策耳。酒亦不復能飲。老態如此。樂來日之有繼。傷頽齡之莫纂。良可畏也。

聞佳城近圖改卜。有當意者否。弟跋履數年。此事大是不易。願一妥先靈。此生無餘事矣。前承寄贈二調。爲人強取去。更得一紙。頓還舊觀。幸甚。尙滯瞻對。涉筆神注。

趙昕與武水周同門

劉蕢共涕之餘。一散如雨。然懷想芝顏。未嘗不在夢寐間也。鄴翁夫子。持繡斧而按大行。足展生平懷抱。獨是碧驄稍遠。我輩不能立雪爲悵悵耳。坐席未煖。轉盼秋風。老門兄繡筆錦思。行當弁冕天下。所慮弟連歲公車。捉衿難掩。驅瘦蠶而騁康莊。蹇劣立見矣。如何如何。茲啓敝友吳光遠。以星學遊南浙間。向爲張虎侯沈邃苞兩年兄所推轂。蓋射覆將來。無不鑿鑿。而於功。

名。黑。漆。尤。能。持。不。律。而。燃。犀。之。故。所。至。嘖。嘖。也。今。偶。來。貴。邑。祈。門。兄。進。而。叩。之。當。能。從。塵。埃。中。識。宰。相。非。阿。所。好。也。貴。親。友。中。望。廣。爲。游。揚。若。同。譜。兄。弟。又。不。待。言。矣。

鄒祇謨與趙潛夫

去秋聞表兄錦旋過里。亟走候。而臺旌已發。契闊之懷。深於江雲渭樹矣。弟落拓浪游。近因謁敵夫子秦公於江右。假道浙東。到處淹留。輒復彌月。今尙在太末。須水之間。此陶元亮所謂乞食安厚顏也。適新安吳光遠。傾蓋湖上。相得極歡。光老名家子。而精於星學。有憬藏丹丘之奇。茲以葬親歸白嶽。久慕老表兄重望。托弟先容。望勿交臂而失異人也。

陸敏樹寄李竹西

新安謝黃山持鐵筆過昭陽戶外屢蒲矣。黃山憚煩避地來貴。郡使其更苦煩擾未審復之何所。我兄宜一見之手筆逼真。秦漢於晶玉尤絕。若鑒賞擊節時知弟言不罔也。

復謝類

劉禹錫謝門下武相公啟

某啟。某一坐飛語廢錮十年。昨蒙徵還。重罹不幸。詔命始下。周章失圖。吞聲咋舌。顯白無路。豈謂烏鳥微志。惻於深仁。恤然動拯溺之懷。煦然存道舊之旨。言念穀觶。慰安蒼黃。推以恕心。期於造膝。重言一發。睿聽克從。迴陽曜於肅殺之辰。沃天波於躋

證之際。俾移善地。獲奉安輿。率土知孝治之源。羣生識人倫之厚。感召和氣。發揚皇風。豈惟匹夫獨受其賜。某卽以今月十一日到州上訖。守在要荒。拘於印綬。巾韞詣謝。有志莫從。誠知微生不足酬德。捐軀之外。無地寄言。效節肅屏。虔然心禱。無任懇悃。屏營之至。

朱仕琇答鄧副使悔菴書

去歲臘月底。接到執事札一道。仕琇捧讀之下。欣感無任。竊仕琇壅腫棄材。不中尺度。出吏數年。課績無書。罪愆日積。未省所以改之者。昔在京師。附託年誼。陪侍遊從。荷蒙執事。念其讀書。略識數字。辱收諸教。誨之未。遂復負寵恃知。屢蹈狂悖。賴執事

憐念不督過之。周旋數年。綢繆彌固。茲復以監司之尊。俯存下吏。忘其垢辱。蓋執事篤故舊。恤其不及。發興枯痿而慰其衰。以自遂其長育人材之意。而俾天下聞風者。興於仁。其託夙昔之歡者。遂得厚蒙栽植。先天下而受幸如此也。近來河務方殷。仕者視爲畏途。伏祈執事謹持之爲禱。

王世貞與汪惟一

伴來辱箋教。損餉種種。扇頭二詩。壯麗清絕。古印新刻。所謂五湖長不敢不拜來意之嘉。陶隱居十賚。未足多也。

毛仲章謝王有穀

伏枕空林中。惟有蟬聲松影。一破冷寂。忽辱藻翰。兼拜茶器。急

掃梧桐樹底。烹金消泉。注之七椀。噉罷馮虛欲僊矣。

曹師建謝喬二丈

夜來曲房張筵。笙歌迭侑。斜月界漢。觥籌亂飛。蕭然世外矣。咄咄喬郎。又何遜北海。

丁文策答錢生一僉憲

今人視朋友如敝躡矣。以車馬貴顯之客。數存念桑苧之交。求之今人。不易得也。往歲姜真源侍御。重應子嗣寅。送葛布一束。三進嗣寅而不受。弟兩善之。在侍御。謂爲之重賢。在應子。謂爲之守節也。弟於吾兄。故人也。兄以故人。矚之。不必待其賢。弟亦以故人而受之。不必守其節。況黃熟可以祛穢。蠟丸可以却疾。

外二種。又皆貧家日用之需。不待使者三進。而弟悉拜登焉。竊以爲故人之義當如是也。其素有風雨之好。如弟者。願以故人二字廣被之。

尤侗謝人餽藥書

僕風月膏盲。煙花痼疾。同馬卿之消渴。比盧子之幽憂。忽啟雙魚。如逢扁鵲。贈之芍藥。投我木瓜。紫蘇與白芷同香。黃蘗共紅花相映。雖云小草。卽是大丹。月宮桂樹。竊自姮娥。台洞桃花。探從仙女。一杯池水。堪資丈室之談。半七神樓。頓醒鈞天之夢。肺腑能誘羊叔子。豈有酖人耳目。發皇楚太子無勞謝客。

朱遠答陸蕙晦

菜蕊初黃。蒲苗正長。河魚風味。獨此時佳耳。聞市中始至。亟索之。已罄。正在懊恨時。使者啣命至。不須多用。散第於烹時。少益數莖。薪便無患矣。遲兄早賁。玉趾面謝。不一。

陳孝逸答家伯璣惠茗墨

平叔歸。審長兄已居白下。又拜茗墨之賜。蔡君謨不能飲。而能玩。呂行甫不解書。而解啜。雖潦倒亦或風流有致。

陸嗣衡謝姚錫九惠筆

辱惠佳製。穎銳圓健。尤輕便可喜。昔柳公權求筆于宣城陳氏。予柳二枝。謂其不中書。陳乃昇以嘗筆。兄之惠我。其卽陳氏二管乎。百朋之錫。銘德嘗在心手間也。

馬文燦謝餽鮮荔枝

蒙。頒。珍。果。慰。我。夙。懷。一。朶。紅。雲。內。蘊。雪。膚。仙。子。半。凝。玉。液。外。囊。絳。色。輕。綃。大。真。宮。裏。笑。如。來。西。子。湖。頭。思。不。到。甘。香。澆。齒。驚。喜。拜嘉。

汪垣與程孝先

接惠紅白小魚。文采最足。耽玩。昔。汧。水。有。靈。魚。五。色。此。其。遺。種。也。覺。世。人。網。罟。刀。七。於。此。都。可。不。設。亦。至。曠。之。物。矣。弟。貯。之。庭。中。以。盜。爲。沼。以。石。爲。島。魚。環。而。游。之。不。知。幾。千。萬。里。而。不。窮。也。猶。龍。氏。之。徒。以。之。證。道。兄。之。貺。我。蓋。有。其。意。乎。謝。甚。

劉世奇復汪元亮

佳哉羽扇。若雉尾鵲翅。交集而成。昔武鄉嘗持此指麾。而曲江曾以獻賦。豈徒避塵驅蚊已哉。當劇熱時。縱手揮揚。非特泠泠然。如秋氣入懷。正似健翻摩空。動人雲霄之想。敢不效用得所。致負來意乎。

查望謝蕭素青

卿似澹遠人。大可學道。日與憺漪清言。愈覺其憺。惜余不能爲東坡。與卿作舞裙歌扇。因緣耳。昨樓頭吹雨來。體不勝秋。承紉紗衣金針度處。定知我腰瘦幾許。香絡新奇精出。閨閣中能事畢矣。第予新病有加。心曲中別有一種清瘦處。又不在形體間也。但不識卿心大小。容得許多憐否。

林時對謝李應五學憲

弟之矯首瞻雲也。沐髮晞陽。何啻漬汗之水。願朝宗而每竭矣。夏間星軺賁止。逡巡介嫌。未遂摳衣之願。獨欣頌老公祖丹霄。勛采碧漢。揚清汗血。霜蹄並入孫陽之廐。越文迄今波靡。夔積漢魏。割裂齊梁。月露風雲。狂瀾欲倒。幸荷離鏡高懸。摧陷廓清。起衰八代。豈徒堇山赤水。飲恩河而膏化雨哉。弟質本斷蓬。桑樞息影。而老公祖高義摩雲。俠腸等雪。不棄菅蒯。弟壻輩咸荷鈞陶。薦蘿增光。門閭生色。所謂斷翮之禽。復假羽翼。竭肌摩踵。曷報所天。敬揣一介。代犴區區。仰遵清嚴。不敢以縉儀溷。竊統冀慈炤。不宣。

陸雲龍謝潘參戎惠筆鏡

三衢往復。頻擾廚人。茲承過存。復煩鼎錫。穎銳并刃。雅稱飛書之便。第鑑開秋水。不堪對憔悴之顏耳。

尺牘大全 卷九

尺牘摘錦

時令類

春 綵仗頒春。彤雲絢瑞。

江山日麗。臺榭春和。

香國風暄。花欄雨順。

正月

圖寫卿雲。獻共黃綿之曝。樽開太極。飲同藍尾之巡。

二月

香刻波斯之葉。樹開淨土之花。

煎茶丁於鼎綠。玉芽競進頭綱。植菜甲於絲紅。金篋

閒挑小巷。

三月

玉沼閒遊。寫三到鳳池之字。鸞坡當直。飲一杯象殿之茶。

夏

碧荷泛沼。紅藥翻階。

薰風乍拂。化日方長。

薰風簾幕。紅雨池塘。

荷風扇暑。黍雨流膏。

四月

東方博物。識玉女於蘭宮。蘇子仙才。撒銅池之蓮燭。

五月

含桃綴紫。陳來玉白之漿。盧橘傳黃。承出綵囊之露。

六月

曬東觀之書。齋開清暑。啓南皮之會。蹟記浮瓜。

秋

新涼滌暑。淡月橫秋。

嫩涼初透。爽氣朝來。

金粟香濃。銀蟾光湧。

七月

有懷送酒。僅同杜老之哦詩。不敢題糕。應歎劉郎之擱筆。
彩虹夜出。獻錦州野繭之祥。白燕晨翔。薦解邑乳鹽
之潔。

八月

石燦支機。紀客星於斗宿。水清染帛。尋太姥之溪源。

九月

桑再甚而稱祥。紀太平之故事。禾合穗而報稔。看大
有之特書。

冬

日行北陸。春到南枝。

摘錦 時令類

南榮日暖。東閣梅開。

雲物書祥。喜逢長至。寒香弄影。忽報嘉平。

十月

月名佳得。攜竿紀真臘之風。時號小春。掘石得員淵之燠。

十一月

種瓜馬植之家。煑茗王休之宅。

瑞雪徵題。搆佳篇於珠玉。壽星臨座。圖奇貌於丹青。

十二月

貂帽衝寒。俗競藏疆之戲。魚燈照夜。人嬉迎鼓之辰。

千齡瑞節。賜學士之脂簫。一曲瑤臺。吹真人之鐵

年禧

笛。

春來天上。福滿人間。

偕天地以同春。應三陽而敷化。

一元開獻歲之祥。百福迓自天之寵。

盤薦五辛。杯浮三雅。

陽和出震。草迎玉節。以含滋。淑氣回芳。梅近瓊階而

獻笑。

官職類

國務總理

夾筮正中台之拜。允稱上國羽儀。占枚超丙相之心。爰作羣英領袖。

摘錦 官職類

五

合房謀杜斷以匡時。應五百載英雄名世。撫宋豔
班香而作頌。願三十年宰相太平。

經緯萬端。挈內治外交之綱領。共和一統。展福民

利國之謨猷。

外交總長

綜和會於敦槃。歡聯與國。慎折衝於樽俎。望治
重瀛。

內務總長

令出惟行。擘畫宜民之善政。心清如水。綜稽自
治之新猷。

財政總長

量入爲出。國用無匱乏之虞。節流開源。民力有
漸蘇之象。

陸軍總長

屬帶鮫函。一新教練。龍韜豹畧。默運機宜。

海軍總長

綜持領海之權。陣雄貔虎。永息揚波之警。威懾鯨鯢。

教育總長

昌明國學。挽薄俗以振頹風。表率士林。育人才而培邦本。

農商總長

厚生利用。培實力於無形。通商惠工。奠邦基於永固。

交通總長

實心實力。擴國家久遠之規。同軌同文。溥海陸交通之利。

參謀總長

從容借箸。囊中之方略如神。談笑圍碁。腹內之

韜鈴自在。

司法總長

寬猛兼濟。樹辟以止辟之規。條教森嚴。佐刑期無刑之治。

參議院

國政同參。所秉持者公意。民生有託。自歡洽夫輿情。

督軍

以衛霍之鴻才。備巖疆之重寄。中流砥柱。盛世干城。以整以暇。居然細柳旌旗。亦雅亦儒。卓爾峴山裘帶。櫛沐宣勤。帳下盡虎賁上選。指揮如意。師中樹麟閣先聲。

省長

經營南壁。旂常垂名世之勳。鎖鑰北門。朝野仰匡時。

之略。

秉節鉞以宣猷。勤求民瘼。綜文武而作憲。整飭官方。

道尹

符分鎖鑰。憑五德以觀風。績重保釐。本六條而按俗。

縣知事

一琴之政甫宣。三異之聲丕著。

花縣烹鮮。小試調羹之手。江城製錦。初抒補袞之才。

順天府府尹

班先九列。平章兼節度之權。望慰五都。疆理

盡邦畿之美。

駐使

皇華銜命。敦槃聯與國之歡。驛使占星。冠蓋集都門

之盛。

鎮守使

風清玉帳。借虎踞以當關。績壯金城。資龍驤而作鎮。

軍長

玉壘廓清。允矣三軍之總制。金甌鞏固。壯哉萬里之長城。

師長

掌六師而教正。教奇名雄。臥虎合七萃而練時。練地勇識黃駒。

秘書

智遠才高。參密謀於樞府。仲宣學博。馳芳譽於文壇。

慶賀類

男壽

詩歌維嶽。書衍箕疇。

桃發千花。喜結瑤池之實。芝呈五色。祥添海屋之籌。
得一爲貞。壽身壽家而壽國。持三不朽。立德立言以
立功。

質抱九仙。衣裁一品。

五百年名世。再見挺生。八千歲春秋。今逢初度。

東閣詩人。羣歌壽考。南山君子。樂頌無疆。

歌天保之升恆。雲呈五色。問蓬萊之清淺。桃實千年。

扶日月於九天。作神仙於福地。

葭蒼露白。我有遐思。花好月圓。人宜壽考。

婺宿呈輝。海籌增紀。

女壽

三錫慶鳳誥之榮。十賚增鶴齡之算。

祿養承歡。共仰星輝瓊島。袞衣舞彩。咸瞻瑞靄瑤池。
春生鈴閣。樽開北海以稱觴。日麗金萱。人指南山而
獻壽。

瞻東閣之慈雲。婺星夜朗。挹西池之紫氣。桃實朝輝。
盤棗如瓜。瑞擁音聲之樹。杯霞流露。祥開富貴之花。
筵開天姥。攜文煊五岳之圖。酒泛麻姑。捧罌聚十洲
之客。

雙壽

花開並蒂。樂奏同聲。
八千歲爲春。羨競南華之賦。三千歲而實。共嘗王母

之桃。

天開不老之春。椿榮萱茂。曲晉長生之酒。桂馥蘭芬。
遙跂老人。星燦鞠躬而拜岡陵。載欣天姥峰高。鼓舞
以申頌禱。

椿庭日永。載賡難老之詩。萱座香凝。聿頌循陔之句。
安期之大棗如瓜。雙盤快捧。王母之蟠桃若斗。兩實
兼呈。

五十壽

祥衍箕疇。備五福而壽登大衍。經傳孔易。作五箴
而學勵知非。

六十壽

望重生申。杖國之鬚眉足式。慶隆周甲。懸門之弧

七十壽

矢重輝。

比高蹤於渭水。耕釣自娛。續雅會於香山。林泉足

樂。

八十九十

香山高會。世傳九老之圖。商雒耆年。人仰四賢之跡。

鳩杖逍遙。羨是翁之矍鑠。兕觥介祝。洽有禮之壬林。

百歲壽

天下有達尊三。人生之上壽百。

攝生有術。食方朔之蟠桃。服餌無方。陋留侯之辟穀。

賀人父壽

玳瑁筵開。萊彩獻延齡之酒。檐幃行部。班聲聽
祝嘏之歌。

賀人母壽

堂北萱榮。喜慈雲之覆庇。陔南蘭潔。欣愛日之
綿長。

賀人祖父壽

梧桐葉茂。喜茁孫枝。瓜瓞綿延。望隆奕葉。
燕翼貽謀。欣重闈之篤慶。鶴齡錫祉。卜五世
之皆昌。

賀人祖母壽

桃宴方開。不盡含飴之樂。桐枝早茁。親承舞
彩之歡。

賀人父母雙壽

星瞻南極。共寶婺以生輝。蔭茂北堂。偕靈

椿而不老。

賀人祖父母雙壽 耄耄齊眉。映桃華而擘擘。孫曾繞膝。衍

瓜瓞之綿綿。

賀政界壽 指仙人之壺嶠。不老春深。仰盛世之夔龍。長庚

夜朗。

旗常紀績。與日月以長輝。壽域生春。共華嵩而並永。

賀商界壽

鴻籌卓著。鶴算頻添。

范蠡晚年。生涯自富。壺公市隱。歲月偏長。

賀軍界壽

禮重懸弧。見男兒之壯志。風生顧盼。播宿將之

賀農家壽

威稜。

比尙父之鷹揚。八旬矍鑠。懷伏波之馬革。百戰生還。

扶來鳩杖。看秋稼之方登。稱彼兕觥。報春醪之已熟。

具田家之鷄黍。共話桑麻。烹高士之鱸蓴。不餐芝朮。

賀婚嫁

歡言嘉禮。慶洽良緣。

蓮開並蒂。蕊結同心。

傾聽好音。欣逢迨吉。

人間金屋貯以嬋娟。天上銀河渡來織女。

試彩毫於繡閣。眉染青螺。調錦瑟於秦樓。聲諧鳴鳳。

鳳飛之鳴鏘鏘。子孫逢吉。桃夭之花灼灼。家室其宜。

賀續娶

鸞膠重續。鳳卜新諧。寶鏡重圓。虞弦再續。

彈來錦瑟。正是華年。賦就玉臺。定多佳話。

賀娶妾

小星遙墜。綉帳春深。

逸少情多。迎來桃葉。香山老去。消受柳腰。

琴書侍側。須添紅袖之香。家室攸宜。不作白頭之賦。

瞻小星兮燦爛。合詠抱琴。望明月兮團圓。不愁捐扇。

賀娶媳

堂構傳家。箕裘衍澤。

關雎肇萬福之始。鳴鳳卜五世之昌。

賀娶孫媳

詠詩始之三章。肇開萬福。嗣徽音於兩世。頌洽百男。

賀娶姪媳

竹林濟美。仲容稱北道之賢。蘭帖成名。逸少擅東牀之選。

賀嫁女

柳絮成吟。才名蓋世。桃華載詠。女子宜家。

冰玉相傳。快得乘龍之壻。衿襜乍結。欣諧卜鳳之占。

賀嫁孫女

占鏘鳴於鳳卜。五世其昌。中妙選於雀屏。重闈有慶。

賀嫁姪女

柳絮才高。有女名齊道韞。棣華誼篤。相攸喜得南容。

賀嫁妹

名兼左鮑。比詠絮之多才。好締朱陳。正標梅之迨吉。

賀畢業結婚男

筵開合卺。婚書與校證同輝。詩詠催妝。彩

賀畢業結婚女

筆照香匿生色。

才高柳絮。比不櫛之成名。詩詠桃華。羨射屏之中選。

賀生男

鳳生鸞。鸞。桂產靈芝。

際宜男之肇慶。知佳氣之充闔。

德能裕後。慶自充闔。

秀比瑤環。喜寧馨之誕育。筵開湯餅。試英物之啼聲。

賀生女

玉燕投懷。明珠入掌。

挑繡襖以參觀。喜明珠之在抱。

毓芳姿於蘭寢。可傳伏勝之經。添喜氣於椒庭。預訂孟堅之史。

賀生孫

祥開麟趾。慶衍龍孫。桐必生孫。瓜還綿瓞。

奕葉重光。桂室叶熊羆之夢。孫枝啓秀。蘭階增鸞鷟之輝。

燕翼貽謀。既式穀之有子。象賢既起。復含飴而弄孫。

賀雙生

玉刻雙璋。喜瑤環之並秀。錦挑對褱。看弧矢之交輝。

彩繩分繫。藉辨瑤環。錦褱雙挑。交輝弧悅。

賀出洋學生畢業

爲學林鉅子。增祖國光榮。

名高博士。何殊稽古之榮。學貫天人。自卜蜚聲之遠。

賀學生畢業

筆似春蠶。試閱才於橫舍。文成倚馬。獲華譽於專科。

賀文官考試及格

埋頭數載。學冠羣曹。下筆千言。名居優等。珊瑚入網。允宜峻秩超遷。黼黻增華。行見上流器重。

賀商家得利

利占三倍。奇贏甲於市塵。名播重洋。信用孚

於遠邇。

賀商店開張

鴻規遠大。利擅金融。駿業崇隆。書成貨殖。

賀新屋落成

爰居爰處。卜君子之攸寧。美奐美輪。學古人

之善頌。

頻來燕語。喜聽遷喬。載詠翬飛。閱開廣廈。

唁慰類

老年男

耆英碩望。壽考全歸。

老年女

五福咸備。含笑仙遊。

中年男

賈傅傷生。終軍長謝。

中年女

粧樓已杳。玉匣云亡。

唁喪父

執事純孝性成。大故遽遭。不知若何哀痛。惟念毀
不滅性。古有明言。況窀穸未安。不獨責重承家。
尤當勉襄大事。還望節哀。順變。以禮制情。

吾兄仁孝性成。自必異常哀毀。惟念老伯積善在
躬。今者棄館舍而賦仙遊。亦屬順受其正。矧以
吾兄堂構相承。克守先業。死者亦瞑目於地下。
所望順變節哀。是爲至禱。

惟是偏蔭在堂。承家責重。必宜勉自撐節。以滅性
過情爲戒。庶可上慰先靈。區區之私。不勝禱切。
吾兄承歡綦切。養志加隆。當華黍之潔陳。痛靈椿

之永謝。定知至性。倍異常情。然深壞木之悲。勿過撫棺之痛。

閣下純孝性成。何敢以節哀順變之辭。遞書勸慰。惟念光前裕後。義在守身。尙祈讀禮之餘。勉自珍攝。

唁喪母

執事銜哀風木。毀瘠自不待言。惟念伯母大人。徽音素著。五福咸徵。執事養志夙隆。尙當稍節哀思。以妥先靈。以當大事。

樹欲靜而風不寧。團團素冠。猶幸哽噎親承。勿塵倚閭之望。古人滿心申禱。嚙指通誠。至誠感神。

慰喪妻

昭示來葉。不圖風誼。復見於今。尙祈擗節哀思。
爲國自重。以副典禮。而慰先靈。是深翹禱。
詠廢白華。心傷綵服。蹈露華而志慨。寒生如雪之
衣。披黑綵以過歸。望斷飛雲之舍。

吾兄伉儷之情。素篤。遽賦悼亡。錦瑟華年。自必有
無限淒感。然漆園鼓盆。在古人達觀隨遇。有不
必如奉倩之傷神者。尙希勉節哀思。是爲至幸。
噩夢忽徵。空留遺挂。今昔之感。排遣爲難。然而有
用之身。尙祈自玉。蒙莊作達。未可爲非。勉抑情
懷。隨時攝衛。臨風切禱。莫罄軫私。

卅年鴛侶。久篤好於琴耽。一旦鸞飛。竟含悽於鏡破。

且香霏桂子。秀毓蘭孫。茲雖天上歸真。究無人間遺憾。所冀達觀順變。以禮制情。

何期別鶴成謠。靳茲偕老。感中年於謝傅。同愴虛幃。緬勵志於樂羊。彌悲斷杼。所願爲時珍衛。稍作達觀。

唁喪祖父

吾兄貽謀克紹。繩武爲懷。念保抱之深恩。自必逾常悲痛。孝思純篤。何敢慰解。以言詞。惟是責在承家。守身義大。尙乞以大事重爲。善士

唁喪祖母

節宣。

執事孫兼子職。孝養重闈。太伯母顧復恩勤。亦復有加無已。猝遭大故。銜悲茹痛。自不待言。惟是堂北金萱。如何慰解。而大事猶待襄舉。尙乞以守身爲重。以順變爲懷。是則區區之心。昕宵切禱。

慰人喪兄

執事鵠原情篤。遽遭此變。自必悲惋逾恆。然朝夕躬侍萱闈。未可悲切形顏。轉益高堂痛感。況令姪崢嶸頭角。繼起有人。尙祈紓鴈序之悲。善自攝衛。無任翹禱。

吾兄燕娛誼篤。鴈翼情真。正宜棣萼交輝。同作
廻瀾之砥柱。而乃荆枝萎一。長爲蓬島之仙
人。傷感之懷。自難言喻。

慰人喪弟

執事友于夙摯。一旦遽零棣萼。自必哀沁心脾。
然此後擔當一肩彌重。還乞起居自玉。餐衛
加珍。引睇清襟。曷勝軫禱。
執事抱痛鵠原。含悲鴈序。素論誼敦手足。自必
痛切肝腸。

慰人喪子

足下抱西河之痛。庭前玉樹。遽折一枝。天道難
言。悲感奚似。然死生有命。修短任數。子夏喪

明。曾子譏之。尙祈勉抑哀思。援莊子齊彭殤之說。付諸達觀。是爲至幸。

執事痛抱西河。況在中年。尤易感觸。鄙人不敢引赴召玉樓之衍語。慰解尊懷。惟望姑作達觀。善自排遣。

我兄慈愛素敦。一旦遽此喪明之凶。自必抱王衍鍾情之痛。惟念命由天賦。彭殤自古難齊。事在人爲。禍福從來倚伏。還望曠懷愼衛。勉付達觀。是所至禱。

慰人喪女 執事僅此掌珠。鍾愛逾恆。且左家織素。白氏金

鑿淵令絕倫。尤爲秀出。一旦絮風竟斷。蕙質
春凋。緬想之餘。能無惻楚。然而人至中年。易
傷哀樂。尙望諸從。譬解排遣。苑懷慎攝。起居

至深軫禱。

慰人被議

比之浮雲薄霧。暫蔽卿輝。豈其霽月光風。遂愆
雅度。

竊以車中之蕙。原爲消瘴之需。何期田畔之瓜。
竟作引嫌之餌。

水豈無波。風平自定。月雖有暈。雲破仍消。況蕙
車何損。令名竹史。定多公論。

慰人虧折

執事斲輪老手。信用素孚。千慮一失之差。不必遽形自餒。轉瞬鴻風遇順。隆隆直上。利似春回。目下所遭。似可無庸介介也。

慰人遭謗

才高見忌。事最不平。聞者猶扼腕咨嗟。當局能無憤懣。然而微雲綴月。光體無虧。執事涵養素深。儘可一笑置之。毋庸介抱。

慰人被盜

執事本未慢藏。何來暴客。蕭然環堵。遭此大劫。情何以堪。然而自我得之。自我失之。正可付之達觀。徐圖恢復。高明者當不河漢斯言。

慰人失火

人間萬事。悉屬雲煙。君本達人。亦當強自排遣。

況信用夙昭。他日捲土重來。再整旗鼓。本自
易易。或且較前此而上之。祝融雖虐。仍無損
於鴻業之毫末也。

薦舉類

薦友

倘獲借棲。仰荷屋烏之愛。斷無不舞。致貽野鶴之譏。
囑之趨謁台端。尙乞鑑情錄用。飛鳥爰止。幸依芳樹
以安棲。野鶴歸來。詎啄稻粱而不舞。

具有驥才之倜儻。殊非鶴舞之矜矜。且緣士願歸膺。
羣抱登龍之想。遂使書修薦禰。敬抒得鸚之詞。

倘使嚴武軍前。容杜陵之長揖。荊州座上。許王粲以

薦官

獨吟。則東南擅賓主之才。文字誌因緣之合。定相得也。特以薦之。

如閣下允襄琴治。卽事弓招。懸知西北之人。得依紅而星聚。克盡東南之美。增結緣以風流。

偷淵鶴之襟。不遺才於采菲。彼蟲鳥之性。敢忘報於餐花。

某叨承雅愛。代懇鴻施。伏冀假以羽毛。噓之口角。偷從此點睛潛室。龍定破壁而飛。知將來振翮沖霄。鳥亦啣環而報。

某某直節邁時。清操絕俗。乃浮沉宦海。鴻未漸乎雲。

逶。潦倒風塵。鶴尚卷其霜翮。

先生度叶珠繩。胸涵璣鏡。萬彙咸歸甄化。九流共沐

陶成。所以駑馬長鳴。冀受知於伯樂。枯桐發響。祈

見賞於中郎。

伏望先生力賜栽培。優加拂拭。念其冲霄有志。假以

羽毛。憐其致遠無因。開之道路。泥塗一出。感篆終

身。

牙琴彈處。久爲士大夫所傾心。毛檄捧來。尤仗大君

子以援手。

托故人子弟 盛德爲心。向子期賦成思舊。深情如揭。劉孝

薦醫

標論著絕交。在斯人義激一時。尙能眷舊游。而存弱息。惟君子仁揚萬類。定當挽薄俗。以抗前賢。

某某曩讀五車之書。近蓄三年之艾。於此道折肱久矣。願先生刮目待之一紙薦禰。扁舟訪戴。藉識南州高士。幸依東道主人。

薦畫師

曲高和寡。難遇賞音。阮籍窮途。潦倒殊甚。我公熱心鉅眼。偷蒙招致。拂拭優容。將見興助蕉窗。增藝林之佳話。人依蓮幕。結當代之墨緣。

薦篆刻

此等雕蟲小技。敢云位置自高。先生相馬多情。用

藉吹噓長價。

薦僕

君家固自有樵青。僕意偏願從穎士。燕能識主。應許來巢。魚自親人。何妨投餌。

茲渠願歸仁宇。特爲薦剡台端。倘荷推愛。錄收。因材器使。自不致以不舞之鶴。貽誚羊公也。

薦歌者

倘蒙小試其技。俾得曲盡其能。不徒秀可忘餐。抑亦聲能解慍。惟執事聆音識曲。自婉轉以從心。如某者秀外慧中。定指揮之如意。

借索類

告借

情等嘗辛。境類呼癸。客居不易。一身之溝壑堪虞。內

顧未遑。舉室之饗。煢誰給。自念宮臨磨。竭命已多。
奇。身似寄蜉。食從何乞。

家徒四壁。平生之飄泊。何依。囊乏一錢。八口之流離。
未免。悲思無盡。夙夜難安。不得已。仰首長鳴。效韓
公之求助。赧顏告乏。仗鮑叔之解推。

總之薄植。飄零願託。大裘於萬里。孤踪淪落。冀同廣
廈之千人。如憐負土之身。慨尙諾金之義。此時乞
潤。癸欲頻呼。他日啣恩。草當效結。

倘藉將伯之呼。得免鮒魚之涸。感承高誼。永矢勿謬。
吾兄義薄雲天。諸承關愛。敢求慨借銀若干。俾資周

轉感荷隆情。永銘心版。如蒙金諾。卽當書立券據。奉呈台核。約期歸還。決不食言也。

借資遊學

某處境本不從容。頗難籌措。雖承親友傾助。約計尙短若干。素仰吾兄熱誠慷慨。用特專函奉商。敬乞如數惠假。俾可成行。他日學成歸國。必當有以上報盛誼也。

借資還里

小人多幸。藉以正夫首邱。君子隆施。定當銘諸心版。

借資營業

自維綿薄。力與心違。然亦不能不勉力張羅。以圖一試。敢懇閣下始終垂愛。慨許玉成。則渥荷

借款就醫

高情感且不朽。

素荷知己注存。可否暫假數十金。爲謁醫之用。但冀速臻痊可。備薪所入。當首先歸還。病榻心翹。惟希垂念。

函復借款不能如數

示及清況種種。深爲躊躇。重蒙諄

誨殷殷。自効棉薄之助。然時逢歲暮。各事紛來。竭蹶圖之。恐不能仰符所諭之數耳。

函復無從籌措

枯類寒蟬。未遂求陰於喬木。困同涸鮒。方將貸潤於監河。每愧鄙懷。難塵籤掌。豈

期明問。下逮泥塗。則是以無米之炊。責諸拙婦。不耕之穫。課及惰農也。

誼切解推。曾無分於彼此。境逢困乏。非不力於取攜。乃風與澤。雖屬中孚。而火上水竟成未濟。

爲已故之友告幫
伏乞垂憐舊誼。體恤未亡。庶幾集腋成裘。俾可養生送死。此日邱狐正首。定結草而知恩。他時雛鳳毛豐。再啣環而圖報。

索欠
明知襟期落落。兄豈以此櫻懷。爲數區區。弟亦未便

啓齒。惟此時方兄適匱。將伯誰呼。吾兄地處膏腴。勿難於挹注。誼聯縞紵。奚憚於解推。尙祈迅賜擲還。諾無逾季。永清鞶鞶。借不同荆。

倘他處尙可轉移。何敢貿然冒瀆。奈一時無從設法。務乞俯諒。下忱。迅予籌還。俾資挹注。

懇展期歸還

力不從心。焦悚莫可名狀。思維再四。維有靦顏奉商。暫許展緩兩月。俟源頭稍活。卽掃數繳呈。叨在愛末。惟祈曲諒。

函謝歸款逾期

雖荷雅度優容。不以爽約稽遲爲罪。而返諸寸抱。歉仄良深。日來設法竭籌。幸足

尺牘大全 卷九

數還尊款。如數呈繳。至乞察收。

尺牘大全 卷十

尺牘稱謂

稱謂一類。自古至今。代有更易。必欲窮源溯委。轉若矜奇立異。茲擇其通俗而宜於尺牘者。摘載於左。以便檢查。

第一 家庭之稱謂

祖父母

父之父曰祖父。父之母曰祖母。稱人曰令祖父母。

平輩者曰太老伯。太老母。自稱於人曰家祖父母。對於祖父母。則自稱曰孫男。

父母

父曰父親。母曰母親。稱人父曰令尊。稱人母曰令堂。

平輩者曰老伯曰伯母。自稱於人曰家父家君家嚴家慈家母。已故者則曰先嚴先父先慈先母。對於父母之前則自稱曰男。

伯叔父母

父之兄曰伯父。父之弟曰叔父。伯叔父之妻曰伯母曰孀母。自稱曰姪。稱人伯叔曰令伯令叔。自稱於人曰家伯家叔。

姑母

父之姊妹曰姑母。姑母之夫曰姑丈。其於父爲表姊妹者則曰表姑母表姑丈。自稱曰內姪。姑丈稱之則曰賢內姪。或曰賢內阮。自稱曰姑壻。姑母稱之曰某姪。自稱曰姑氏。

兄弟

兄曰哥。弟曰弟。稱人之兄曰令兄。弟曰令弟。總稱人之兄弟曰昆仲。自稱於人曰家兄舍弟。自稱於兄弟間則曰兄曰弟。

姊妹

姊曰姊。妹曰妹。稱人之姊妹曰令姊令妹。自稱於人曰家姊舍妹。自稱於姊妹間則曰姊曰妹曰兄弟。

凡稱自己兄弟姊妹宜冠以行次。比如排行第幾則曰幾哥幾弟。幾姊幾妹。不可冠以名號。幾兄亦宜稱幾哥。否則跡涉疎遠。

兄弟之妻

兄之妻曰嫂。弟之妻曰弟婦。自稱曰夫弟曰夫兄。稱人者曰尊嫂令弟婦。自稱於人者曰家

嫂舍弟婦。

凡稱兄弟之妻亦仍以兄弟行次稱之。比如幾兄弟則稱之曰

幾嫂幾弟婦以示親也。

姪

兄弟之子皆稱曰姪。稱人曰令姪。自稱於人曰舍姪。對
於己之姪則自稱曰伯氏叔氏。

夫妻

妻稱夫曰夫子。自稱曰室人。夫稱妻曰賢內助。曰愛
卿。亦有逕稱某姊某妹者。自稱則逕書號。稱人之
妻曰尊夫人。自稱於人曰內子。曰拙荆。稱人之夫
曰尊夫。自稱於人曰外子。已歿則曰亡室曰先夫。
稱人妾曰如夫人。自稱於人曰小妾小姬。

妾

子女 稱人之子曰令郎。女曰令嬾。令閨秀。自稱於人曰小

兒。女曰小女。

宗兄弟

同姓曰宗。自稱曰宗兄。宗弟。稱於人則曰貴華宗。貴同宗。

第二 親戚之稱謂

外祖父母

母之父曰外祖父。母之母曰外祖母。自稱曰外孫。已歿者曰先外王父。先外王母。

姨母

母之姊妹曰姨母。其夫曰姨丈。自稱曰姨甥。

舅父母

母之兄弟曰舅父。舅父之妻曰舅母。自稱曰甥。

妻之父母

妻之父曰岳父。母曰岳母。自稱曰壻。

按岳父二字本不典。然世俗皆沿用之。近人於書函中有改稱外舅自稱甥者。義亦通。

表兄弟

凡姑舅兩姨之子。皆表兄弟。自稱曰表兄弟。

妻之兄弟

妻之兄弟曰內兄內弟。自稱曰姊壻妹壻。

姊壻妹壻

姊之夫曰姊丈。妹之夫曰妹丈。曰妹倩。自稱姻

兄弟。

按上二項之稱謂。近人多有從簡便者。逕稱謂幾哥幾弟。但於其上冠以名號。以示別於親兄弟也。

襟兄弟

妻之姊妹曰姨。其夫曰襟兄。自稱襟弟。

按此項稱謂。近人亦多以某某幾哥代之。但聲行雖居長。而亦稱

親家

爲某哥。自稱曰弟。以此等姻戚。不得不稍從客氣也。

女婿之父。兒媳之父。皆曰親翁。其母曰親母。自稱曰

姪弟曰姪侍生。

壻

女之夫曰壻。稱人壻曰令坦。令倩。自稱於人曰小壻。

第三 交遊之稱謂

朋友

平等者爲友。或稱仁兄。或稱尊兄。或稱吾兄。自稱小
弟。

按近來概以先生稱之。似究嫌疎遠。

世兄

與尊長有交誼者曰世兄。自稱曰世小弟。

按世兄二字。與對於下輩相混。故近人皆書爲某某仁兄世大人。

稱謂

第三 交遊之稱謂

鮮有逕稱爲世兄者。

如兄弟

以異姓結金蘭者曰如兄弟。稱之爲某某幾哥幾弟。自稱曰如弟。如兄。

師長

稱教習曰夫子。自稱曰受業。曰門人。曰學生。稱人曰令師。曰令高足。自稱於人曰敝業師。曰小徒。

按今之學堂中人。多有自稱學生者。而於夫子之上。皆冠以名號。蓋因教習人數不等。若遇平日師長。則仍以夫子稱之。不得冠名號也。

先生

施諸前輩如學堂中執事員等。皆通稱之曰某先生。自稱曰晚日後學。

西賓

所延之師曰西賓。通稱老夫子。自稱曰敎弟。

僕

稱人之僕曰尊紀曰貴价曰尊使。自稱其僕曰小价曰

敝僕。

貴

貴者尊崇之辭。如貴鄉貴處貴姓貴厲之類。客氣者皆

可通用。

敝

敝者卑小之謂。如敝鄉敝處敝姓敝厲之類。自謙者皆

可通用。

尺牘大全 卷十

郵政章程摘要

●關於投遞信件之事

一各局投遞界內及行省各局互寄信件發信人務將郵票逐一擺勻於信件正面妥爲黏貼不得重疊複雜並應貼足郵費否則照章不能允爲收遞

一郵票查有塗刮或用過復洗及有破壞痕跡或遞到時查出票有不敷卽作爲欠資郵件照章應向收受人按照欠數加倍索取

一信件類長不得逾二尺寬厚不得逾一尺重不得逾二千格蘭姆（約庫平五十三兩六錢）凡尺寸均係英度每英一

尺約華八寸有奇

●關於掛號信件之事

- 一 寄往外洋及界內各行省之掛號信件均須先納掛號費如寄中國境內者除信資外每件一律加收掛號費五分（卽單掛號）至寄外洋已入郵會各國者加費一角寄日本者加費七分儻需兼索收件人回執者照單掛號加收一倍（卽雙掛號）惟日本掛號費七分回執費只加三分
- 一 掛號之件須向郵局索取掛號執據爲憑如有誤錯有此執據可向郵局照章索取賠抵
- 一 掛號之件並非擔保銀錢事項惟有時如因郵局保守不力

並非因遇人力難施之事而遺失情事者方可照章賠抵

●關於寄遞保險信件之事

一保險信件須交郵局專辦保險信之處領取收單爲憑惟必須裝入特備之封套內祇有各郵局經售大小種式及其價目如下
華洋文封套（以英尺計）十一寸長六寸寬售洋三分八寸長五寸寬售洋二分九寸長四寸寬售洋二分五寸半長三寸半寬售洋一分

一保險費每元一分零數亦作成元計算取費以一角爲起碼
一所保之險不得逾一千元之額限（如捏報價值該寄件人不但失去請賠之權並即照律懲辦）

一保險信件儻有遺失損毀或內容抽出者除確係人力難施即如水火兵燹颶風沈船等事外可由寄件本人聲明由收件人向郵局索請上項等事應得之賠償惟賠償之款不得逾原保價值之數

●關於寄遞包裹之事

一包裹往來限定之局均可保險如內係金銀珠寶等物其價值在三十元或三十元以上但不得過二百元之物件概須照納保險費其保險費係按照估價值百抽一核算間有值百抽二者至少不得在一角以內惟此等包裹只能寄往輪船火車已通之局如係往來外洋之包裹仍須另加外國保

險費

一 寄包者欲索取收包人之回執者如在中國境內每件另加回執郵費五分外洋各國加費一角惟寄往英國之包裹若非保險者無索取回執之例

一 貿易包裹由局代貨主收價亦可向保險包裹之局辦理其納費係按值百抽二計算

一 凡此處洋銀價值適與彼處洋銀之價相殊者寄包人照章應加補水費

一 包裹之分量尺寸在中國境內輪船火車已通之處重至華十六觔八兩(即英廿二磅)其長寬厚不得逾華一尺七寸

(英一尺)其在輪船火車未通之處重至華四觔八兩(卽英六磅)其長寬厚不逾得華八寸五分(卽英一尺)以內
一寄往香港澳門之包裹如重不逾一千三百五十格蘭姆(卽英三磅合庫平三十六兩一錢八分)資費二角五分逾一千三百五十格蘭姆未逾三千一百五十者(卽英七磅合庫平銀八十四兩四錢二分)其資費五角逾三千一百五十格蘭姆未逾四千九百五十者(卽英十一磅合庫平銀一百三十二兩六錢六分)其資費七角五分如寄往青島之包裹重不逾一千格蘭姆(約庫平二十六兩八錢)其資費三角由一千格蘭姆至五千者(約庫平銀一百三十

四兩) 其資費四角由五千格蘭姆至一萬者 (約庫平銀二百六十八兩) 其資費八角

●關於匯寄銀洋之事

一匯寄銀鈔辦法係分兩項一係輪船火車未通之處每張銀數僅以十元爲限一係輪船火車已通之處每張銀數亦祇能多至五十元儻此兩項郵局互匯銀元仍不得逾洋十元應納匯費均係每洋一元取費二分若銀元行情兩處相殊者應貼補水費亦須按價照付可於郵政章程匯兌資費單內查察便知至於發售購領匯票時其銀錢行情如何及匯兌局所清單可向郵局探問並參看郵政章程第二編通郵

局所火匯及旱匯局所表

- 一 匯銀者須先向局員索取請購匯票報單一張填寫匯兌銀數及匯銀並收銀人姓名住址然後照數交付
- 一 匯銀人如欲發銀回帖者無論匯銀多寡均按匯票張數每張加洋一角

一 取銀之時收銀人應在匯票後面註明姓名住址蓋戳畫押

● 關於寄送貨樣之事

- 一 寄貨樣者皆不得用有價值之物亦不得夾寫信類之字樣祇須將寄主姓名行號及商標號數價目分量尺寸何處出產何等貨物以及該貨若干等字書寫

一貨樣之分量尺寸每件不得逾華九兩（即英十二兩）長不得逾英十二寸寬不得逾英八寸厚不得逾英四寸若係成捲長不得逾英十二寸寬不得逾英六寸

●關於投遞快信之事

一快遞信件另有專票價值大洋一角交寄時向快信處或收快信專差購之惟此項專票分爲甲乙丙三聯丙聯係由郵局於收到信件時蓋印日記戳交給寄信人以爲收據日後如有查詢情事卽以此聯收據爲憑乙聯係隨信寄往以爲郵資已付之憑據甲聯亦隨信寄往由收信人於收到時畫押

一快信每件不得重逾天平五十兩其已黏有專票如重量不過天平八錢者即認作郵費付足如重在八錢以外每加八錢即加黏通用郵票五分儻郵費不足在交寄後查出者即向收件人照所缺郵費加倍索取寄信人務於加重之信自將郵費黏足否則或囑專差代權輕重

一此項快信儻有遺誤寄件人可在兩月內或親身或備函將發信收單一聯呈詢郵局並付查費郵票五分即可索取收件人憑據（即收信憑單一聯）儻郵局無法將收信憑單交出即按掛號郵件辦法除人力難施之事外每快信一封可由寄件人請賠十元償款

●關於新聞紙類之事

一凡刷印書籍貿易契據等類其長寬厚各不得逾十八寸如係成捲其徑寬不逾四寸其長即可至三十寸除行省各局互寄有黏滿郵票之例外其往來外洋者雖非定須滿費究應貼有郵票郵局方可寄發

一印刷紙類其封裹之法勿將該件全行封嚴以便易於察驗儻封裝嚴密即應照信件類收取郵費

●關於明信片類之事

一明信片共分兩種一爲中國境內寄用者一爲外洋各國寄用者又每種各分單雙兩類雙者係兩片連合一片由寄者

書寫一片由收者答復

一如以中國境內寄用之明信片用以寄往外洋各國亦無不可但必須照章加貼郵票

一萬國郵會准用兩種明信片一爲官家製備者一爲商家印造者其商印之尺寸形式必遵郵會定章其官製者係由各國郵局所造郵票均印就於片之正面商印者片面並無印就之郵票交局寄送時必照章購票黏貼

一明信片之尺寸至大者長不得逾華四寸七分（英五寸半）寬不得逾華三寸（英三寸半）至小者須長至三寸五分（英四寸）寬及華六分（英四分之二）惟須露

**NORTH CHINA UNION LANGUAGE
SCHOOL LIBRARY**



民國七年九月二十日
 民國三年十月八日
 出版

(尺牘大全)

紙面三冊 布面一冊
 定價一元三角

編輯者 武進沈瓶庵
 發行者 中華書局
 印刷者 中華書局
 印刷所 中華書局
 總發行所 中華書局
 分發行所 中華書局

上海靜安寺路一九二號
 上海福州路河南路轉角
 北京天津奉天廣州長沙開封溫州長春
 漢口南昌南京杭州濟南保定武昌太原
 常德瀘州成都重慶雲南徐州西安汕頭
 香港廣州衡州貴陽吉林潮州安慶桂林
 東昌廈門蘭谿邢台綏化煙台鄭州梧州
 石家莊黑龍江張家口哈爾濱新加坡

(八〇二)

